



6

37-c

37



Ex Bibliotheca
majori Coll. Rom.
Societ. Jesu

~~6-37-c-37~~

~~13-c-4~~

23

c

59

23-0-43







A O N I I

P A L E A R I I

V E R V L A -

N I



Epistolarum ;

LIB. IIII.

Eiusdem Orationes

XII.

De animorū immortalitate

LIB. III.

*Quòd scripta est oratio in L. Murenā, præ-
missa sunt quædam ex M. Tullij oratione
pro L. Murenā.*

VIRTUTE DVCE,



COMITE FORTVNA.



APVD SEB. GRYPHIVM

LVGDVNI,

1552.

Errata operarum incuria commissa sic emendato.

Primus numerus paginam, secundus uersum
eius paginæ indicat.

Pagina 20. uersu 10. neget. lege, negat. 37.3. mittere. lege,
mitteret. 64.36. eamq; lege, eumq; 72.12. emersio. lege,
emersero. 75.5. Theologo. lege, Theologos. 77.6. Ari-
stotelicum. lege, Aristotelium. 121.4. ἐκκλησία. lege, ἐκκλη-
σία. 131.2. sperare minus. lege, sperare minus. 135.2. abscessis.
lege, obseſſis. 147.10. prudentissimo. lege, pudentiſſimo.
162.2. secus. lege, secum. 172.2. seruiendus. lege, seruien-
dum. 180.1. comprehensius. lege, comprehensus. 214.26.
cas. lege, ea. 230.13. auita. lege, auſta. 241.12. Videt. lege,
Ridet. 252.12. poeniteret. lege, poenitere. 277.8. ac lege,
hac. 293.1. in ea negotij. lege, in ea re negotij. 329.13. ſc-
cti. lege, lecti. 357.6. Latine: & turpiſſimum. lege, Latine:
turpiſſimum. 372.15. nobis. lege, uobis. 373.12. lege, qui
meas uires probe norim. 376.17. ut. lege, &. 392.4. auus.
lege, anus. 419.15. capiendum. lege, cupiendum. 424.3. li-
bere. lege, bibere. 446.20. quis melius. lege, qui melius.

IN LIBRIS DE IMMORTALITATE ANIMORVM.

Pagina 9. uersu 14. substringantur. lege, suffringantur. 14.13.
προνολῶ. lege, προνολῶ. 20.4. efferueſcent. lege, efferue-
ſcens. 39.14. natum. lege, uatum. 43.2. in cana. lege, inca-
na. 68.19. facta. lege, ſata. 75.15. Dictamnium. lege, Di-
ctamnū. 80.9. fructicesq; lege, fructiceſq;. 93.12. liquid e.
lege, liquida.

AONIVS PALEA-
RIVS SEBASTIA-
NO GRYPHIO
S. D.



V^M superioribus annis præcla-
rissimis istis inuentis, quibus con-
secrasti memoriam nominis tui,
magno mihi quoque ornamento
fuiſſes, quòd libelli mei de ani-
morũ immortalitate per te re-
ſtituti uiderentur: ſtatueram ad te mittere aliquod
opus ex ijs, quæ in manibus habebam: quo amorem
erga te meum, & grati quædam animi officia pu-
tuiſſes cognoscere. Verũ enim uero ingenij tui ma-
gnitudinem, & eorum doctrinæ excellentiam, qui-
bus cum tu in iſta Gallia luce diceris uiuere, mecũ
ipſe reputas, nihil ad te niſi ſumma elaboratum in-
dustria mitti oportere iudicabam. In quo perficiẽdo
cum multum temporis, & otij plurimum dari ne-
ceſſe eſſet, rogaui iuuenes Romanos, qui in Gallias
cum Paulo Pontifice proficiſci dicebantur, ut meo
nomine gratias agerent, curarentq; tibi perſuaſum
iri, nihil unquam gratius, aut iucundius mihi fuiſſe
beneficio tuo. Quæ cum illi ultro recepiffent, ſatis mi-
hi feciſſe uidebar, quòd haberet ea res, quæ per ho-



4
mines ornatissimos, & mihi charissimos fieret, non
paruam declarationē amoris mei. Ii cū in Italiam
redyissent, certio rem me de reditu, totoq; eorū itine-
re per literas amicissimē fecerunt: in quibus quere-
bantur (opinor ut mihi sese purgarent) quod in Gal-
lijs amplius biennium commorati, quāuis incredi-
bili tui uidendi desiderio tenerentur, Lugdunū nun-
quam accessissent. Quamobrem cū opinione cele-
rius à Pontifice in urbē reuocati fuissent, negligē-
tia commissum, ut eam Gallie partem nō adierint,
que humanitate provincie longē amoenissima esset,
& hominū ingenijs prestare ceteris diceretur. Hæ
literæ quā me maximo dolore affecerint, noli obse-
cro querere: nisi enim tam constanter polliciti fuis-
sent, sese meo nomine ad te ituros, nunquā cōmis-
sem, ut tādū sine meis literis esses. Hem mi Gryphi
fautor, atq; exornator amicorū tuorum, ita ne serò,
atq; uerecundē à me tibi gratias agi? Dispercam,
ni animum exest dolor quidam incredibilis. Nam
et si magnum quiddam fuit, quod sapientissimis, di-
uinisq; uiris isti ipsi libri digni uisi sunt ut legan-
tur, cum commendatione etiā amoris plena, quā
ego non mearum laudum, sed eorum singularis hu-
manitatis testimonia quedam esse duco: fortuna ta-
men beneficium non uulgare existimo, quod per te
editi sint: quantumq; illis bonitate, quā ad Deos pro-
ximē

ximè accedunt debeo, tantum tibi industria: & diligencia tua. Quam ob rem non conquiescam, nisi tale aliquid ad te misero, in quo si non illis disciplinarum ornamentis affluentē, cuiusmodi multi apud te sunt: at benè gratum, at memorem uirum possis agnoscere. Gratiarum uerò actionem in hoc usque tempus amicorum meorum culpa dilatam, non unis, sed pluribus literis resarciam: si tamen certum habuero, eas ad te perferri: quod scire non facile potero, nisi ad me (quod tuo commodo facias) interdum scribas: qua in re cumulabis me omnibus latitijs:

nam quem in te uidendo magno locorum in-

ternalio disunctus fructum percipere

non possum, capiam aliquando

expectatissimis, & sua-

uissimis literis

tuis. Vale.

Senis.

EPISTOLARVM
SCRIPTO-
RES.

Aonius Palearius
Iacobus Sadoletus
Bernardinus Masæus
Petrus Bembus
Petrus Mellinus
Petrus Victorius
Andreas Alciatus
Faustus Bellantes
M. Antonius Placidus
Bartholomæus Riccius
Ioannes Baptista Gadius
Franciscus Corsinius
Paganus Paganus
M. Casalis
Orgetorix Sphinter.

7

A O N I I P A -
L E A R I I V E R V L A -
N I E P I S T O L A R V M

L I B E R P R I -

M V S .

*

A O N I V S P A L E A R I V S

V E R V L A N V S M A V R O

A R C A N O S . P . D .

BIBLIOTECA NAZ.
ROMA
VITTORIO EMANUELE



G O sanè grauitè,
& molestè tuli dis-
cessum tuum. Neque
uerò tu, licet me for-
tior uideri uelles, la-
crymas tenere potui-
sti: sicuti neque ego
dissimulare diu dolo-
rem. Vetus amicitia,

Similitudo studiorum, ingeniorum nostrorum faci-
litas nunquam profectò fuissent, ut sine lacrymis
disiungeremur. Postea quàm à me discessisti, quan-
tum potui te oculis sum prosecutus. Soracte egressū,
montes & syluæ texerunt: cùm ad flumen descen-
derem Casar mihi noster cum magno comitatu fa-

Etus est obuiam. Is, quo est splendore, qua est pietate,
diligentiſſimè commendauit me ſuis: iuſſit ut ſe ab-
ſente omnia mihi eſſent prompta, & parata. Nihil
illo heroe poteſt eſſe illuſtrius, nihil excogitari hu-
manius. Deos quaſo, ut quorum uidi profectionem,
eorum reditum latiſſimè uideam. Cùm in urbem re-
düſſem, mira mihi ubiq; uiſa eſt ſolitudo. Domi erat
Lucilla tua, quo animo noli quaerere, trifti ſcilicet:
cœnare noluit, nunc miſera angitur, nunc emergit
amor, nunc deſiderium ferre nō poteſt: cùm iam ad-
ueſperaſceret curauit, ut ad matrem deduceretur.
Poſtridiæ eius diei, qui fuit 111. Id. Sextil. Euge-
nia nutrix me conuenit, conquerens illam confici cu-
ris, ſomnum capere nō poſſe, cohorruiſſe etiam pau-
lo ante lucem: mirum ni cùm imbecilli ſit natura,
& uale tudine, iſtis animi perturbationibus in fe-
brim incidit: ad meas ſummas ſollicitudines hæc
etiā accedit. Eugubius medicus, qui te ualde amat,
ſimulatq; introductus eſt, dixit grauidam eſſe, &
propterea magis afflictiari mœrore. Ego puto anni
etiam tempore uexari bili, & maximis caloribus
(neque enim memini maiores) fieri, ut tam modicè
edat, & parum obdormiat: nam et ego ſuperiorem
noctem habui plenā moleſtys. Nihil opus erat tam
multa ſcribere, niſi ueritus eſſem, ne cùm alij ad te
ſcripſiſſent, tu minus me amare inciperes: tum ut te

commo

commonerem, si alij ad te scribant, non esse grauitatis, quam tu à puero præstitisti ferre immoderatus ægritudinem mulierculæ: famæ aliquando mihi Maure est seruiendum: etsi nemo est, qui cum essem libentius, quàm tecum, tamen tibi non sum auctor, ut tam cito ad nos redeas. Caue ne subito cōsiliū capias: solet te, cū temere aliquid fecisti, postea pœnitere. Si me audies, dum Cæsar abest, nō modò nobis sed te ipso tibi est carendum. Cū essem obsignaturus epistolam, nutrix per puerū mihi nunciauit, Lucillam meliusculè habere, desiderare tamen abs te aliquid literarum: quod ut facias, te uehementer rogo, maior illi leuatio afferri nulla potest. Vale Romæ.

AONIVS PALEARIVS
MAVRO ARCANO S. D.

Vigilantis hominis, & industrij uisæ mihi sunt literæ tuæ, plenæ officij, suauitatis, & amoris. Ecquando ego tibi gratiarum aliquam partem? Omnia, ut uideo summa diligentia es consecutus, quæ ad honorem, & dignitatem meā pertinent. Tua erga me beneuolentia utilis, & optata mihi fuit semper: nunquā uerò tam necessaria. Maiorem in dies, mihi Maure, humanitatis & pietatis tuæ capio fructum: meam rem sic egisti, ut ipse tuam non ageres. Vnum mihi restat ad omne decus, & solidum gaudium,
a s dium,

dium, ut te uideā, et osculer. De verrucoso aut illud

ulam et
nihil in la
ditia insin
de lie de
mihi a pa
83. April
h. 2
264.
ipsum erit, quod scribis, aut non multo secus. Non ni-
hil periculi est in insidiosa blanditia. Odi hominē: neq;
me herculē curo, si eius animum offendam, si tuum
non offendo: quāquā in ijs literis, quibus mihi cogi-
tationes tuas explicasti, semper te eū sic dilexisse di-
cebas, tanquam aliquādo fuisses osurus: negas tamen
nūc animo esse auerso. Sed nā ego homo ineptus sum,
qui commemorando uel faciam, uel augeā dolorem. *que*
16
Fasciculus literarum, quem Repātij puero dederas,
Lucilla est redditus: in eo siquid ad me fuit, nō est al-
latum. Obsecro te, ne hic clames, neue succēseas, neue
de negligentia accuses: nihil ego non sum expertus
suadendo, orando, ut fasciculum Repantius solueret.
Fuit hoc illi suspiciōsum: nunquam uidi hominē dif-
ficiliorem. Quod nullo negotio impetrare debebam,
summis precibus non sum assecutus. Nihil attinet o-
mnia scribere: tu si homo es, posthac, nisi habueris fi-
delem tabellariū, nequid epistolae credas, quod nolis
resciri. Argentum ex pensione paratum est: si uis,
isthic poteris sumere à Cospijs: collybus paruus omni-
no est, satiusq; id, quā duro anni tempore uia lōga,
et deterrima cursare ad trāspadanos. Nolle in re
minima tandiu pendēres animi: nam etsi domesticas
res impeditas Romae reliquisti, tantū profecimus, ut
tuo commodo uti possis pecuniae permutatione. *Ru-*

mor hic est, non satis tamen constans, & sine auto-
re, iras esse inter Clementem Pontificē, & Carolum
Cesarem, quod Regis affinitatem alter expetat, al-
ter cum Gallis nullam uelit fieri coniunctionem: Bo-
 nonienses propterea in armis esse dicuntur. Germa-
 ni paratissimi ad certandum: quod si est, perijmus.
 Non uides quanta tempestas impendeat? Noli expe-
 ctare dum confligant, ut ab omni pugna absis, ma-
 turrimè abito. Mantuam si perrexeris nihil melius,
 nusquam eris tutius. Vale Romæ.

AONIVS PALEARIVS
 MAVRO ARCANO S. D.

Siquid mihi Accursius sui consilij impertiet, fa-
Sciam te certio rem: dormias in utram uis aurem,
si non excidit, quod superioribus literis scripsi. Ma-
xima cura mihi erit, ut ea faciam, quæ te sciã uel-
le: non tamen dubito Verrucosum hominem fatuum,
& intemperantem, qui æris alieni magnitudine pe-
dem porta non effert, tam odio tibi fore, quàm mihi.
Eum quoniam uis tuos numos curare, faciam ut iu-
bes: nutus mihi tuus fidem facit. Sed quem tu uirum
bonum dicas, nõ planè intelligo, nisi melius explica-
bis: uel ut ego coniecturam facio, tu omnia ei gæuæo-
uæ, id nisi est, pœnitebit. Paucis uerbis præstiti,
quod debeo pro amicitia, si possẽ corã, nõ te epistolis
 obtund

sub. p. 58
 ab. h. 58
 plan. ab. h. 58
 si p. 58
 p. 58
 in p. 58

obtunderem. Est omnino miserum, bona eorum, qui
nobis charissimi sunt, diripi uidere. At miserius mul-
to, amicorum consilia in eam partem non accipi, in
quam si acciperetur, salua omnia esse possent. Sed ut
 antea dixi, quodcunq; tuum in ea re consilium erit,
 illud persequar: tu si nimium me in commonēdo fuisse
 dixeris, non laboro: malo in hoc desiderari modestiā
 meam, quam amorem requiri, aut diligentiam. Nosti
 qua in offensa sim apud Caesarem? miror mihi nullas
 ea de re literas ab te datas. Consilia quorundā inui-
 dorum, euigilata malis cogitationibus, tandem eru-
 perūt. Quae res ea est? Parua, & quae à te dilui faci-
 le potest. Obijcitur, esse apud me exemplū indicis cu-
 iusdā bene longi in Liuij libros ex observatione Ca-
 thanci. Primum, quā potuit tam breui volumen il-
 lud transcribi? deinde, quod consilium? opus est con-
 fusum, & dissipatum, in quo nisi nouus exudetur la-
 bor, nihil quisquam proficiet: aut orq; potius laudan-
 dus est, quod primus in eam curā incubuerit, quam
 quod exacte incubuerit. Quod si eo accusamur, quod
 ex indicis inspectione secuti, et, ut illi dicūt, furati su-
 mus obseruandarum rerum rationem. Tu uide iam,
 quam iniqui sint homines: ante quam ij libri in ma-
 nibus haberentur, absoluti propē à me fuerāt cōmen-
 tarij in orationes M. Tullij: nō me hercule, ut laudē
 alicui praeiperem, nihil enim minus unquā cogita-
 ui: sed

Aliquis
 i. pro sep. Ros.
 q. 35. uer. iij

ui: sed quia magnis præmijs propositis urgebar, ut tu
 scis, à viro amplissimo, cui si tam libenter meas ui-
 gilijs concessi, nescio qui tam ineptus sit, qui in ani-
um inducat me appetuisse alienas. Mutius vir
 est optimus, & egregius ciuis Romanus: mira in ho-
 mine clementia, pietas, integritas: eius opera pluri-
 mum usi sumus, Is non modò oratione, sed re etiam
 declarauit, nihil sibi uideri illiberalius, quàm inno-
centem oppugnari: itaque me uir fortissimus de-
 fendit, Quid tum, inquit, si literarum studiosus hu-
 iusmodi exemplar habeat? fac esse, transcripserit,
 num id est flagitium facere? Tum patronus contu-
 meliosus, & minax, quo uultu? quo spiritu? Caue-
 bo inquit meis, sine uadimonio non discedes: biblio-^{rius} ~~rius~~
 theca fuit apud te, pecuniam accepisti, non sat scio
 quid surripueris, quantum debeas: uadare, & abi-
 quò uis gentium. Hæc quàm uisa fuerint indigna,
 quàm tulerim grauite, nihil dico: tu si hic esses, dis-
rumpereris. Cincius Phrygepan summa humanita-
te, modestia, & nobilitate iuuenis, nulla in re de-
 fuit: ubi me in ijs angustijs esse uidit, ultrò satis de-
dit. Heccine præmia uigiliarum mearum? te spon-
 sorem appello, tam insignem mihi fieri iniuriam?
 Cesare, hæc inquires inuito omnia. Nihil moror, pro
 ijs ut emori possim? tot contumelijs oneratus ut Ro-
 mæ maneam? non faciam.

AONIVS PALEARIVS
MAVRO ARCANO S. D.

ab in str.
pp. 1816.
vide
lib
thiv 9.
183. op.
i.
 N ulli citius remittunt iram, quam qui subito
excādescunt. Scripsi ad te Idibus, multa iam
 nocte, literas plenas querelarum: mane uix lucebat,
 cum iam suppœnituerat. Nā etsi ira, quibus ad scri-
 bendū fui adductus, tam iustæ erant, quam quæ ma-
 xime: tamen ne uos offendam, omnia mihi tolerāda
 facit tibi nō ignota quædam pietas animi mei. Neq;
 uerō me re alia magis deuinxeris, quam si curaueris,
 ut Cæsar intelligat, quos in urbe reliquit neq; ingenuē
 neq; liberaliter tractari à suis: quos ita tuli, ut nihil
excogitari possit humanius. Quæ dicta, facta in me
sunt, omnino ex animo euulsa esse uolo: si meminero
 posthac, Dī mihi sint irati. Quod et si iniurato credi
 diffes, iuravi tamē, ne si meas uitæ rationes, quas mi-
 hi a puero instituera, nunc sequar, iracundia promo-
 ueri me arbitreris: atq; aliorum, atq; ego feci acci-
 pias tu, aut alius quispiam. Mirum me desiderium
 tenet Philosophia, & eorum studiorū, in quibus an-
 te captam ab Hispanis urbem Romæ sex annos con-
 sumpseram: ea intermissa biennium, cupio reuocare:
 auaritia quorum non licet dicere, sophistæ nulli sunt
 Romæ. Audio in Hetruria florere bonas artes, nihil
 est quin recta proficiscar Senas, nisi prius Perusiam,
 quod Ennius meus ibi est pro legato, ualde cupio ho-

minem

minem uisere: nam me multū amat, & Philosophi
 non ignobiles Perusiæ esse dicuntur: Quod si inuete-
 ratā barbariem, qua facultatē illam respersere com-
 mentatores pseudolatini hīc non inuenero, nusquam
 ero libentius: sin orationis uitium orā hanc quoq; oc-
cupauit, nihil mihi magis est in animo, quā trāsire
ad trāspadanos tuos. Patauij, si uera sunt quæ narrā-
 tur, ab Aristotele Gracè scripta, et Gracè et Latinè
 et ornatè reddit Lampridius uir excellēti ingenio,
 & doctrina propè singulari. Huiusce mei cōsilij ra-
 tionem pluribus uerbis reddidi, quod uideo fore ser-
 mones: Hīc urbe abiit, hem leuitatē: multi canilla-
 buntur, præsertim apud Casarem indignationē esse
 in cāsa: nonnulli, me ipsum nescire quid uelim: qui-
 bus cupio tu hoc tempore respondeas: aliquādo enim
res ipsa loquetur, ubi in studijs acquiero: Curiam re-
 linques igitur? inquires. Relinquā: quid enim turpius,
 quā nos tam firma atate Romæ ignauos, socordes,
 in exercitatos, inglorios sedere in otio? Summi philo-
 sophi, ut ad eorum peritiā aliquid accederet, tot bar-
 barorū prouincias pedibus obierunt: nos, ut in scitiam
 exuamus, pigrebit insilire in equum, perlustrare Ita-
 liæ partem: Mihi quidem si patrimonium amplum
 & copiosum Diij dedissent, nihil fuisset prius, quā
 non modo Italiam, Gallias, Germaniā ornatissimas
 Christianorum prouincias uisere, sed & Graciam
 omnem,

d. (14
 tus. quæ
 N. 1297.

omnem, in qua prope nullus pes est, qui in Turca non sit potestate. Hoc desiderium neq; leue, neq; malum bonis uideri debet: in tantis enim tenebris & studiorum, & rerum nostrarū, nulla peregrinatio obscura, & sordida esse potest ijs, qui prudenti, & sagaci sunt animo: ueluti cum domi fumus est, atq; nidor, accusandi magis sunt, qui domi mancant, quàm qui domo exeunt: sic ut lumen aliquod respiciant laudi esse debet iuuenibus quò quò proficiantur, uirtio uerti si remanserint: atq; utinam hæc potius tecum coram, quàm per literas: non enim uereor ne aut tu in meam sententiam uenires: aut si errarem, commonefaceres amicè, fraternè obiurgares. Sed pro re nata incommodè omnia accidunt, uia non satis tuta est, & Fabius cursor per agrum Perusinum cras, uel summum perendie proficiet: cum hoc ego eram iturus. Tu siquid ad me uis, Perusiam cura ut literæ perferantur. Vale Romæ.

AONIVS PALEARIVS

MAVRO ARCANO S. D.

Cum putes quicquid esse suavius epistola tua,
quam Perusie xvi. Cal. Martias accepi: mi-
ram in ea pietatem, humanitatem, benevolentiam
perspexi: nam quod maleuolorum obrectationibus re-
iectis, & inuidis prostratis, atq; obtritis, me in omnes
partes

partes defendendum putas, quid hoc est! nisi pietas est.

Humanitatem uerò in ea re agnosco maximam, &
summam beniuolentiam, quòd tantum mihi tribuis

quantum uni tibi ego uerè tribuere possum. An igitur

integer, atq; optime Maure, placere tibi consilium meum? Equidem ut dicam tibi, etsi memoria

tenebam semper te omnium bonarum artium perstudiosum fuisse, non nihil tamen uerebar, ne consuetudine eorum, quibus cum coniunctissimè uiuis, indignè

fecisse uiderer, quòd eos non essem secutus, à quibus tu non potes recedere. Nunc cum opinio tua ab exquisita ratione profecta, ea sit, quam decet esse hominis bene docti: hac comite quò quò iuero, bene erit.

Currentem hortaris tu, cui me hercule dignitas mea

charior est, quàm mihi ipsi: eam si in hoc discessu retinebimus, & si cætera malè caderent, fortiter feram.

Eia clypeus saluus est, anelle spiculum: quanquam omnia mihi secunda, certa, & explorata polliceor, si

quæ rectissima sunt sequar: suspensus essem, si ex ijs penderè, quæ ad fortune motum mouentur. Circum-

spice omnia membra curiæ, quod momento temporis non uidebis fractum, ac debilitatum? quandiu factum

est, quòd omnia euersa uidimus? Quam ob rem Cæsari probè, & sapienter respondiisti, cum te uitæ

pudere dicebas, qui omnium meorum studiorum maximè conscius, in id quod præclarè moliebar nun-

quam

b

uerba fecit
sunt quic
hinc impura
b. 1536

quam coniecisses oculos. Libenter ego amplector ta-
 lem humanitatem, quòd cum in te omnia copiosè sint,
 quibus te ipsum pulcherrimè tueri potes, & alijs
 exemplo esse: me patronum, custodem, praeurforem
facis sententiae tuae. Discessum uerò meum quòd neq;
fronte, neq; uultu bellis feras, agnosco intimos sensus:
amabò te, nequid posthac tale audiā. His rumoribus
 non nihil sum commotus: nam etsi mihi animus for-
 tis, & praesens est, ut omnia subeam amore quodam
 literarum: non tamè ita ferreus, & inhumanus sum,
quin acerbitas quaedam doloris commemoratione eo-
rum, a quibus auulsus uideor, nò recrudescat. Qualem
 te epistola praebes, talem re esse oportet: neq; facere,
 ut mali theologi, qui cùm alios perpulchrè ad forti-
 ter, beneq; uiuendum hortètur, ipsi molliissimè uiuant.
 Quòd in gratiam me apud Caesarem reposuisse dicis,
 fecisti amāter, putas enim causam tuam coniunctam
 cum mea: sed nolo ego te omnia incòmodo tuo facere.
 De episcopo Gallo, ad què scripsisti continuis diebus
 neminem tibi me esse amiciozem, habeo gratiam: sed
 homo ille in omni fortuna superbum se praeuit. Pre-
 diues est, fateor: sed is tam diligèter suum tenet, quàm
 quiuis fœuator. Sacerdosio est amplissimo prae-
 ditus: moueret me, si sapientia, & pietate. Noli obsecro
 tu isto ingenio uir de ijs expectare quid sentiam, quos
 in omni conditione miserrimos puto: còcludis enim epi-
 stolam

*ſolam hoc modo, POLLICEOR TIBI ILLVM
FORE VSVI. Quid ſi non erit? non propterea uiue-
mus? nã ſi quotidianus congreſſus, & ſermo tuus mi-
rificus, quo carendum uideo, me non magis moueret, is
mihi uiderer, quem tu uerſiculo illo tranſuerſo appel-
lis, O TE BEATVM QVI ISTAM INIS
VIAM. Sed iam lucet, & Apolloniꝝ puer pulſat
oſtium, eccum recta ad me. Vale Peruſiæ.*

AONIVS PALEARIVS

CINCIO PHRYGE-


PANI S. P. D.

NOli expectare dum ad te ſcribam, quid iſta no-
bilitate iuueni & animi excellentia facien-
dum putem. Sermones noſtri quotidiani, ſi non exci-
derunt, habes qui te admoneant: ſin, ut planè uereor,
uel eorum oblitus es, uel ſuaſione alicuius mutaſti ſen-
tentiam: ego meis literis efficere non potero, ut ad nos
uenias: præſertim cum (ut audio) multum remiſeris
de ſtudijs illis optimis, & qui tibi minus fidele con-
ſilium dent, ſcire non poſſim: nam quòd ad meas unas,
arque alteras ſuperioribus diebus ad te datas non re-
ſponderis, non prius miratus ſum, quàm Liuius no-
ſter ex urbe ueniſſet ſine literis tuis: quem cum roga-
rem, ſiquid haberet de aduentu, de quo cū Romæ eſſet
tam multa ſcribere ſolebat, & laudare præſtans in-

dicitum tuum: respondit, nihil mihi quod antehac pro-
 miserat se magnopere confirmare. Itane tandem nos
desiderio tui languentes falsa spe ducis? & expecta-
tione facis pendere? Na ego, si unquā suspicatus fuis-
 sem te sine me posse uiuere, sic animum instituissem,
 ut si te mihi esset carendū, non ita acerbè ferrem, &
 uis iam profectò confirmaissem, ne tam uariè affice-
 rer. Quis me illis tuis pollicitationibus letior? quis hoc
 nuncio tristior? nam etsi Linius non asserat, neq; ta-
 men negat, te esse uenturum: ego facile quod nolo hoc
 credo. Quid? non uenies igitur? nisi me opinio fallit,
 non uenies: ita complexus es uoluptates istas urbis, ut
 ab eis non possis diuelli. Quid enim aliud dicam? dome-
 stica negocia fratres tui curarent, si uelles, diligenter
 honestissimi, & optimi uiri: neq; tam multa sunt,
 quin uno die explicari non possint. Non accipio iam
 istam excusationē: tu si tibi cura est nostri, & exi-
 stimationis, & dignitatis tuæ, ne cōmittas ut aequa-
 lium consilijs abducare, rationū nostrarum es parti-
 ceps, autor studiorum, quorū illi sunt hostes acerrimi.
 Est tuæ ingenuitatis, magnitudinūq; animi, cogitare
 quò nos promoueris, quid promiseris reminisci. Cum
 in Hetruriam uenimus, tantū pecuniæ nobiscum at-
 tulimus, quantum tu liberalitate tua concessisti: si ue-
 nisses, nulla re egeremus. Obsecro, si sine te Pata-
 nium sit eundum, ne ab omnibus destituti uideamur.

Patr

reg. 35. d. 1.
 la. Muent



Patrimonium tibi quod Dū fortunent amplum est, pu-
silla familia, animus egregius, & rerū magnarum
appetens. Quid tam diuinum, & cœleste? quā hō-
minem rebus omnibus iuuare. quid tam Romanum?
quā alere hospitem, & ueterem amicum: quid tam
tuum? quā excipere, & toto animo cōplecti studio-
sos bonarū artium? Liberalitate tua nobis opus est, ut
quæ tibi gratissima, & iucundissima sunt studia se-
quamur: bibliotheca Græca cōparāda, Latini libri sup-
plendi sūt. Latinorū magna est caritas, Græcorū mi-
ra difficultas. Ad hoc te isto genere, istis opibus, isto
ingenio natū puta, ut per te subleuemur. Vale, Senis.

AONIVS PALEARIVS ENNIO

PHILONARDO EPISCOPO

VERVLANO S. D.

CUm in Hetruria essem, & multa de indignissi-
ma eorū cade, qui cū Perusiæ præfecto erant,
rumor ipse perferret, ita animo sum affectus, ut me
certò sciā nunquā in maiore dolore fuisse uersatū. Pri-
mum enim ueritus sum, ne Ennius uir unus omnium
integerrimus, & sanctissimus, provinciæ ciuili bello
ardēti præset: qui cū iratos, & immanes exulum
animos uoluisset lenire, crudelissimorū hominū, & si-
cariorū improborū manus effugere non potuisset. De-
inde meminerā illic esse M. fratrem, uirū sanè bonum,
& mihi amicissimū: quē in tanto furentis plebeculæ

b 3

tumul



tumultu, quomodo in tuto esse posset, non uidebā. Itaq;
 cum multos dies in eo mœrore iacuissem, renūciatum
 est, te eo tēpore, quo illa in agro Perusino gesta dicebā-
 tur, Romæ fuisse. Quod cum maximā latitiā attulif-
 set, uidererq; permagno angore liberatus: ecce ad me
 ex urbe lacrymarum, & molestia litera plena, de
 egregiorū ciuiū, & tibi coniunctissimorū clade, quæ
 mihi cōtinuo cor exederunt. Cum igitur, ut par erat,
 sæpe ad te scribere statuissem, ut cōsolationē aliquam
 meis literis adhiberē, nihil ego reperiēbam, (quod ijs
 contingit, qui animo fracto sunt, ac debilitato) quod
 non tristitiā magis, quā cōsolationē afferret: itaq;
 ueritus ne dum mederi dolori uellē, acerbissimū ani-
 mi sensum retractarē, à scribendo me continui; tum
 quod arroganter, ac temerē me facere existimabā, si
 uirum sapientē, qui cōsilio, & autoritate sua bārba-
 ras gentes sæpe fregit, patiētia populos rebus nouis stu-
 dentes domuit, cōsolatione mea indigere duxissem:
 quē præsertim animo forti, & pacato cognoscerem
 abundare præceptis sapientissimorū hominū. Quam
 ob rem commutata ratione, qui cōsolatorias literas
 scripturus eram, gratulationē potius uolui scribere.
 quod cōmutata fortuna; post illas lacrymas Arcis
 Adriane præfectum, publicis, & multis muneribus
 honestatum, ornatum, auctum te esse acceperim: qui-
 bus, et si te magni animi, & magnæ humanitatis
 uirum

uirum pulcherrimè secundam fortunam, atq; aduer-
sam ferentem, minime elatum intelligo: gaudeo ta-
men, quòd ijs uirtutis tue testimonia quedam conse-
cutus uideare deior γὰρ ἀγαθὸν πρὸς τιμῇ, ἢ τε καὶ
δύσως ἀρετῆς μαρτυρεῖται, καὶ σπουδαίον ὄναι γὰρ τιμῆς δό-
ξης, quæ quoniam in illustri magnorum Principum
conspectu posita est, non dubito maiorem in dies
fieri accessionem fortunæ, & dignitatis tue. Va-
le, Senis.

AONIVS PALEARIVS
CINCIO PHRYGE-

PANI S. D.

O Lucundissimum, & optatissimum nuncium, &
expectatissimas mihi literas tuas: cum de dis-
cessu ex Hetruria constituissem, & comites parati
essent ad profectionem, ecce Fabius Cursor cum li-
teris, quæ me maxima letitia extulerunt: Quid, in-
quies, igitur sine me? Enimvero recrudescebat dolor,
quòd sine te esset eundum: ipse mihi moram affere-
bam, & necebam causam ex causa, nequid festina-
rem. Sed iam tædebat me uita, quid hic facerem?
Sine libris, sine sudario, sine linteis: omnia præmise-
ram, ne in itinere opus mihi esset multis Marianis: qua
magis erit tibi uidendum, ut hæc nostra expectatio
ne plus sit menstrua: tametsi tu ita scribis, ut pro-
pè nefas sit de tuo aduentu dubitare, tamen pungunt

me dubitationes quadam tuorū: audi hominem ami-
cissimè monentem, non me poenitebit saepe iam com-
monuisse: Ego nihil tibi uideo esse Romæ periculo
uacuum: incredibilis est inuidia equalium, qui iu-
uenem florentem nobilitate, opibus, propinquis, ami-
cis, ferre non possunt, discessum tuum in praesentia ob
id ipsum tibi utilem, ob studia honestissimum puto,
 omnia hic erunt fidei, consilij, amoris plena, ubi te
 conuenient omnes, oderit nemo: nam quod amicus no-
 ster lucem istam iactat, alias res agit, ne te moueat,
 nunc aliud tēpus est. Urbem mi Cinci uides refertam
 peregrinis, in qua nulla ciuis ualde illustris industria
 esse potest. Peregrinatio, mihi crede, neq; obscura,
neq; sordida est ijs, qui absunt uel studio militiæ, uel
desiderio literarum. Tuae prudentiæ est, obliuisci qua-
dam hoc tempore, & quæ ab amantissimis tui pro-
 ponuntur cogitare: uiues nobiscum, uiues cum stu-
 diosis bonarum artium, magnum fructum capies ex
 consuetudine equalium, qui sunt magna animi hu-
 manitate temperati: incredibilem ex usu maiorum
natu, summa doctrina, & eruditione: ex studijs
 uerò tuis tantam uoluptatem, quantam semper cape-
 re consueuisti: in hoc etiam maiorem quod hūc quid
 agas, quo te oblectes est præterea nihil. Poëtæ, orato-
 res, philosophi non ignobiles Patani habitant, & sa-
 pientia in unam urbem commigrauit, ueluti in ali-
 quam

quam domum, in qua Pallas omnes artes docet: neq;
ullus locus est ubi melius tua illa inexhausta legen-
di, & audiendi aviditas exatiari possit: de qua re
scribo parcius, quòd incredibilis solet esse festinatio
adoleſcentium, quos desiderium coeperit alicuius rei.

incredib.
festinatio,
adoleſcentium

Tu, qui firmiore etate ardes desiderio literarum, inci-
 tatione nostra non egre, sed aut aduentare, aut prope
 adesse iam debes. De liberalitate, & promissis ijs, quæ
 ostendis, ago gratias: nihil ad tuum in me amorem
 addi posse uideo: sed nihil est quòd nunc pecuniam cu-
 res, cum lentius agere te uiderem, & ad meas literas
 non respondiſſe, uersuram feci: mandauì interea Pte-
 rigi familiari meo, ut domum, & prædia, quæ sunt in
 Hernicis, uendat: si emptorem quem putarat non in-
 uenerit, faciat auctiõnem: omnia, mihi abiicienda sunt
 potius, quàm deferenda philosophia. Vanibunt serui,
 supellex, fundi, ædes, omnia: id ut me absente percom-
 modè fieret, cum Romæ essem dedi cognitorem Corsi-
 nium. Obsecro te, ut scribæ Capitolini formulam man-
 dati componant diligenter, eamq; Corsinio ad te ue-
 nienti des: sed fortasse ille, quod uereor, temporibus
 æstiuus cum Ennio secessit in Fibreni insulam, quod si
 est factum, amabo te incumbe in hanc rem, ut pro
 Corsinio sit Pterix, & cum his literis formula perfe-
 ratur ad Cantelinos meos. Gregorium fratrem tuum
 humanissimum bene ualere gaudeo: de Hieronymo

*audimus quæ uolumus, mirum est quàm in isto iuuenē
sit animi, splendoris, & heroica uirtutis, rem hone-
stissimè transegit, ei meo nomine gratulare, & dic
plurimam salutem. Vale, Senis.*

AONIVS PALEARIVS

FRANCISCO BONO, ET MAT-

THÆO FAVONIO VERV-

LANIS S. D.

EGo uerò maximè uellem uobiscum esse, neq; mi-
hi quicquam est dulcius commemoratione ista
patriæ, & desiderio meorum: ea tamen cupido ince-
sit ad eundi exteras regiones, ut planè opiner patriæ
mihi semper esse carendum, non modò ista, in qua na-
tus sum, & quæ uestra uel causa mihi est charissi-
ma: sed alia etiam quacunque, si qua unquam futura
est, quæ me uxoris, ac liberorum charitate deuinciat,
Nunquam, me hercule, audio in Gallijs, & Germa-
nia florere bonas artes, quin capiam euolare. Cùm Ro-
ma discessissem superiore anno, Perusiam ueni: erat
ibi tum pro legato amplissimus uir Ennius Philonar-
dus noster: nolite quærere, quàm mihi ab illo omnia
fuerint prompta, & parata: quandiu Perusiæ fui, uo-
luit ut essem apud se: si uoluisssem, impetrauerat, ut
cooptarer honorificè in collegium iuuenum studioso-
rum: operam, curam, diligentiam, auctoritatem suam
mihi pollicitus nulla in re defuit: nunquam uidi homi-
nem

nem meliorem, uel integritate uitæ, uel studio iuuan-
 di. at cùm barbarie scateret gymnasium illud, nihil
 mihi prius fuit, quàm ut maturrimè abirem. Senas
 ueni v l. Calendas Nouembris: urbs est in amoenissimis
 collibus posita, fertilis, & copiosa omnium rerum: infe-
 cta partibus tamen, et factionibus propè eneclta: ma-
 xima pars nobilitatis per uicos & pagos diffusa ha-
 bitat, quæ altrix ubique solet esse liberalium artium:
 quam ob rem Musis ueluti nouem pulsis, & sugatis,
 nemini mirum uideri debet, si nulli assidui sunt philo-
 sophi, nulli oratores, nulli poætæ in ciuitate. Ingenia
tamen Senensium sunt acria, atq; acuta sicut omnium
Hetruscorum: mulieres egregia forma, iuuenes aca-
demys excitatis oblectant se se scriptis uulgaribus: se-
licitas illa lingue Tuscæ hoc habet incommodi, ut
auocet à Latina, & Græca, quæ labore sunt compa-
randa, qui unus est hostis acerrimus studiorum: quò
fit ut minimè multi attingant interiores literas: aueo
discedere, incredibile desiderium me tenet philosophiæ:
sed nobilissimi homines adhuc me retinent in uillis, &
pagis, horum magna est humanitas, summa liberali-
tas, regius propè splendor, nisi studiorum amore incen-
derer, nusquam essem libentius: nam urbe Roma ab
Hispanis capta & direpta, Latio exinanito, quid est
ista prouincia spoliatus? ad quam me reuocatis: quid
nostris regulis egentius? quæ res facit, ut sepius co-
 gitam,

vide pluta
 in 63. p. 6
 & emendat
 pag. 255. c.
 uide non. i
 prefatione
 Moliorum
 re. p. 3.

gitem, & statuam de uertendo solo. Huc accedit non
amica quædam uoluntas æqualium nostrorum, qui mi-
hi à puero infestissimi fuerunt, adolescentes impuri,
& scelexati, qui ubi creuerunt, nihil ipsis fuit inimi-
cius, quàm ipsi fuerunt sibi: ij ut cætera omittam, ausi
sunt, (quod non queo sine lacrymis scribere) demoliri
partem sepulcri matris meæ, leclissimæ fœminæ, exi-
mia uirtute, & probitate, cuius cineres utinam salui
sint. Vestrum nunc est, omnibus officijs amicitia à uo-
bis sanctè, & diligenter cultis, & seruatis, pro mea
perspectissima semper erga uos beneuolentia, siquæ
sunt reliquiæ meorum, colligere, & componere in ur-
na: curabitur pecunia, Obsecro detis hoc pietati meæ.
Saxum ingens poni uolo cum his literis, in ea templi
parte, in qua erat sepulcrum matris meæ,

Epitaphium.
MATTHAEO PALEARIO ET
CLARAE IANARILLAE
OPTIMIS PARENTIBVS ET
ELYSÆ, FRANCISCAE,
IANILLAE PALEARIIIS
SORORIBVS HONESTISSIMIS.

AONIVS PALEARIVS
POSVIT MVTATO SOLO.

de ea re bis, ter uic scripsi ad Mariam matertera fi-
liam:

liam : sed illa aut mœrore impeditur, aut ueretur dicere. Quicquid est, facite ut sciam, ut si fortè aliquando rediero in gratiam cum Musis, consecrem meos omni genere monumentorum. Valete.

AONIVS PALEARIVS

IOANNI MARTELLO S. D.

Accepi humanissimas literas tuas, quibus significas, te libenter relicta paterna domo meam emisse, si cōditiones solutionis mihi probabuntur: mandati saepe iam Pauonio, & Bono, hominibus meæ erga te uoluntatis maximè conscijs, ut tibi dicerent, nihil mihi esse, quod ego meum magis putem, quàm tuum: placent conditiones, mitto syngrapham. Corsinius homo officiosissimus, & peramans tui, curabit omnia diligenter. Volo tibi eam emptionem bene, & feliciter euenire: in uita mea nulla unquam maiori uoluptate sum affectus, quàm ubi accepi uelle te domi meæ habitare. Quinque uis esse pensiones: sint sanè quinq; at ego unam remitto, dono sextantem, ceteras etiam tuo commodo: id si quis grauitè feret, doleo: nam ego primum id maximè uellem, ut omnes intelligerent, mihi te esse charissimum, deinde, ut mei id gauderent: ex dodrante curabo sepulcrū fieri, ut siquid illæ meorum reliquæ sentiunt, ex hac re capiant uoluptatem. Quid opus est de quibusdā tā multa affirmes, noui ego

prouin

*uolè (alep. i.)
dictione dōt*

provinciales istos: illud mihi consolationis loco pono, ubi ego domi esse non possum, tu ibi sis: ubi si essem, totos dies unâ essemus. An censes memoria me deposuisse, cum tantillus ad te deducebar à patre, qui incredibiliter letari solebat, quòd hominem comperisset, cui suos liberos tutò committere posset. Tua mihi à pueritia necessaria benevolentia fuit: humanitas istis profectò deest, qui te à me amari nolūt. Ego, cui plus quàm tibi debeam, habeo neminē: prudenter tamē facis, quòd eorum inuidiā uitas, qui tibi nescio qua re sint irati: sed animū tuū libera aliquando istis solitudinibus. Quod de amicis scribis, credo equidem, sentio hoc ipsum in me fieri: dici non potest, quàm uobis inuitus caream: nullus est dies, quo non ego uos omnes memoria, & cogitatione complectar: neq; est uerendum, quòd tandiū longē absum ab oculis uestris, ne aut uos me, uel ego uos propterea minus amare incipiam. Nulla amoris nostro intercapedo, nulla absentia, nulla finem est allatura diuturnitas. Vale.

AONIVS PALEARIVS

BERNARDINO MA-

FAEO S. D.

CVm expectarem auidissimè literas tuas, (dedecram enim meas ad te Idib. Maijs Hieronymo Reario) admonuit me Paccius noster, qui Venetijs Pataniū nauicula aduectus ciues Romanos officij causa
conue

conuenerat, te meas nullas prorsus accepisse, quod qui-
 dē molestum mihi fuit: nam etsi erant scriptæ nostra-
 ribus uerbis, nec ijs ipsis oratorijs, quibus audio esse tu-
as: erant tamen plenæ studiij, beneuolentiæ, & amoris
erga te mei: neq; multum absuit, quin ad te uenirem:
 amicorum negocia, quibus beneficiorum magnitudine
 plurimum debebam, impediuerunt: eodem enim tem-
 pore quo Bononiam ueneram, redditæ mihi sunt illo-
 rum literæ, quibus significabatur in Hetruriam mihi
 esse maturrimè redeundum: ita factum est, ut amici-
 tiæ, & desiderio satisfacere non potuerim. Ego mi
 Masæ quàm tui, quàm tuorū omnium fuerim sem-
 per amantiſſimus, credo tibi iam perspectum: quid
 sperem, arbitror te intelligere: neq; mihi est quicquam
te charius, aut iucundius: contraq; ego me abs te ama-
ri credo, uel potius certò scio: quod etsi aliqui aliter ad
 me detulerunt, adduci nunquam potui, ut de te quic-
 quam temerè crederem: si meum studium semper fuit
 tuendæ dignitatis tuæ, quid erat, quod de me semper
non honorificè loquereris? Simiſſimos istos abige à te,
 quos ego ex omni memoria, uitâq; nostra euulsos uolo: pag: 14.
sunt hæ pestes inuidorum hominum, ut eorum necesſi-
tudines, quos iſdem mores, paria studia coniunxerunt,
leuiſſimis & improbiſſimis sermonibus conentur la-
befactare. Sed de his hæctenus, nunquam poſthac ob-
 tundam. Tu uelim ad me crebrius ſcribas, & Lam-
 pridium,

pridium, & Bembum nostros, Prosperum, & Scipionem iuvenes florentissimos, atque ornatissimos ciuitatis saluere iubeas. Vale.

AONIVS PALEARIVS

PTERIGI GALLO FAMI-

LIARI SVO S. D.

TV me homo adiges ad insaniam: ita ne mandata mea contemni? ut quod ego maximè uelim, id minimè fiat? Mei peccati luo poenas: stultus ego ceteros ex mea natura fingo: quod ipse non facerem, neminem facturum puto. Quid attinebat ab alijs consilium capere, ubi cognosces meum? Hetruriam præfero cæteris Italiae regionibus: si quando in studijs acquiero, in hac provincia ea pars nobis deligenda est, quæ aëris puritate præset, & humanitate colonorum; nam post urbem direptam, bello uastatis agris, fame absumptis populis, pestilentia oppidis exinanitis, quid est Latium nisi campus, & aër, & solitudo mera? Cupio alienare bona paterna, domus honestata est successore nouo: de horto, & fundis Corsinius transiget: dandum est aliquid Alexandro, & Basilio, id nunc fiet: supellex nobis erat lauta, Bibliotheca non uulgaris, concedetur ijs. Recepisti mandatum, quod persequi debes diligenter: si homoes, id est si à me amari uis, ad meam uoluntatem accommoda tuam, consilium muta: id si tibi non est integrum, nescio quorsum res casura sit:
nihil

lan. pag. i 64

nihil minus uolo, quàm ut ij, qui rebus meis spe & animo inhiabant, omnia se affecutos putent, etiam inuito me. Si quid promissisti, nihil iam magnopere confirmes: abduc te sensim, finge te expectare literas meas: commodissimum erit si re infecta abieris.

Absurdum est, ut te omnia doceam: prudentia tua nobis opus est, ut id fiat, cuius causa isthuc te misimus. Quid? hoc intellexisti? scripsi ad te Latine

quòd Thuscè non bene scias, & quòd arbitrer, Latine omnia dici significantius. Cum Romam ueneris

Cincio Phrygepani dic plurimam salutem: quantum ex literarum constantia intelligo, quas ad me dedit,

precibus nostris, & cohortatione non indiget: uereor ego tamen adhuc, ne falsa lacrymula misere,

uix ui expressa studiorum ardorem restinguat: sed nos amicitie satsfecimus: dedimus iuueni consilium

cùm fidele, tum salutare: incende tamen quantum potes uerbis tuis: cupio eum ab urbe abducere, siue

ab hominum inuidia: quæ ut umbra corpus sic sequitur eos qui habitant in oculis ciuium. Is mihi semper

à pueritia spem attulit summæ probitatis, & auitæ uirtutis: ualde à me amatur: spero posse fieri, ut

tecum in Hetruriam ueniat: Patanium proficiscemur v I. Calend. Octobris. De Laurentio Carolo, ô

malum, & acerbum nuncium, febri consumptus est? quid ais? tam paucis diebus? omnia sunt mise-

ra, atq; afflicta: quid eius matre fiet? quid sororibus infeliciſſimis? non queo cætera præ lacrymis.

AONIUS PALEARIVS

MAVRO ARCA-

NO S. D.

aleo liq. in ep. p. xi. sep.
D Li male isti faciant Luceio, qui tot, ac tantas turbas fecit: Senas uenit x i. Calend. Octobris, cum literis, quas ad te de maximis rebus scripserā: ijs abalienare conatus est à me homines amplissima fortuna, & autoritate, quos ille mihi esse amicos molestè ferebat: ardeo dolore, & ira. Frater tuus contumeliosè nos tractauit: nam cum tu Romæ non esses, aperuit fasciculum literarum, in quo erant meæ ad te de rebus gestis in Censura, deq; hominibus ijs, qui admiratione stolidæ academie in cælo sunt: qui si moueri Senatu possint, scripsi ad te sæpe, nihil prius, neq; fortius: nosti cætera. Hæc literæ in manu sunt inimici mei: cuius opera, nihil dico. Homo niger, & confidens, neminem prætermisit eorum, qui iniuriosus nominabantur, quibus meas literas non ostenderit, ac legerit: serò per A. Cathaneum impetraui, ut ab illa mente desisteret: commonuit enim uir grauissimus, & ut uideo commonuit, non esse liberalis officium hominis cum amico sic agere, ut turpius nihil posset cum inimico: ad-
 huc

huc enim mihi dum ea moliretur, blandiebatur: & cum superiori nocte in ades Bogini uenisset, salutem dixerat, dexteram porrexerat, columnen existimationis meae: sed inde (ut habeas quod in dolore etiam ridere possis) non prius discessit, quam ubi commodè fieri potuit, me absente euomuit uirus improbitatis. Obsecro te, ne tales homines posthac in amicitiam recipias: sed tu sapiens ab eius consuetudine, ut audio, refugeris aliquot diebus ante quam ex urbe discederet. Ea re, credo, ille commotus, cum Senas uenisset, ueluti inbatus draco, erecto capillo, oculis illis emissitque ferri huc, atque illuc, quæcere si quem spiritu Rabido, ac uenenato posset aspergere: Fœderico Carteromacho iuueni modestissimo roganti unde odium illud tam improxiſum, & repentinum? respondit, se in literis, quas circumferebat, non honorificè appellatum fuisse à me: quòd cum ad te scripſissem, ne commouere sermone leuiſſimorum hominum, siquid aliter detulissent, cognorat illis uerbis se unum significari, præterea neminem. M. nostro humaniſſimè petenti, ne mihi negotium faceſſeret, homo uentosiſſimus respondit, se non mecum, sed cum Bembo, & Sadoletis anere pugnare. Agnoſcis ueteris ostentationes? eius literas ad te mitto ad M. scriptas, ut ſcias, eſſe in contemnendo homine non nullam gloriam. Ego nihil duco eſſe con-

hominis impro-
bitatis
Plau. pag. 9
Hottel ad Hor.
pg. 58.

modius, quàm si de his rebus nihil amplius scriba-
mus, perturbant enim hæ contentiones animum
meum: quicquid hoc simultatis est, cupio deponere,
fortassis illum nobis dies immutabit: siquid interea
garriet, non respondebo: ita sum hoc tempore otium
Uy 20 dixit musas complexus, ut ab eis diuelli non possim:
Quodlibet mihi, per gratum feceris si de ijs rebus nihil mea
huj. causa cum fratre iurgaris, nihil non mitissimè di-
xeris: satis erit si, cùm tibi tempus Maturum ui-
debitur, fraternè ores, atq; obsecres, quoniam ego
te amo, & tu me diligis, ut ipse quoq; à nobis dili-
gi, & amari uelit. Senus.

AONIVS PALEARIVS

IANO LAMPRI-

DIO S. D.

Uan. pag 22
4397. et
393.
MEi amantio rem te putabam esse neminem,
tam multa, & magna, quandiu Patauij
fui, tua in me beneficia extiterunt: nunc planè ue-
reor, ne omnino ex animo tuo effluxerim: qui cùm
à me sæpiissimè literas acceperis, tu ne schedulam
quidem. Neque est quòd te purgare possis, quin prius
quàm accusandus, negligentie condemnandus sis.
Qui isthinc ueniunt, aiunt omnes te uidisse, salu-
tasse etiam meo nomine, dixisse quoque, siquid uel-
les scribere, desiderare sese tuas ad me literas per-
ferre

ferre. Est apud nos Sansedonius meus, quem cum ad te proficisceretur oravi, curaret ut quam diligentissimè epistolas tuas ad me mittere. Quid est igitur, quòd excusationem ullam à te accipiam? si quando Patauium uenero, nihil est, mihi credere; quòd te libera oratione possis defendere: præsertim cum tu illis ipsis diebus, quibus ego discedere uolebam, receperis, uelle te ad me quam sapissimè scribere, & cum amicis nostris me quoque melicis tuis illustrare: hoc si fecisses, cætera possem perpeti: nihil enim ego unquam magis desideravi, quam ubi meis non possum, commendari diuinis illis uersibus tuis, quibus nihil est ornatius: magni enim refert, scribi in libellis Lampridianis, quibus ego (si possem istuc abs te impetrare) ad spem quandam immortalitatis raperer. Sed de his hæcenus: non enim uereor ne, non ijs laudibus, quibus ignotos, & minimè gratos homines ad cælum sepe extulisti, amicos, & familiares tuos sis ornaturus. Ego, ut proximè ad te scripsi, Cupio v l. Calendas Nouembris ex Hetruria decedere, miro enim desiderio me uos afficitis, expecto tamen interea audivissimè literas tuas Senis. Bembo & Lazaro salutem dic.

A. PAL. EPISTOLARVM
AONIVS PALEARIVS
PETRO BEMBO S. P. D.

ET si in omnibus literis, quas ad Lampridium dedi, scriptum erat, me te absentem sic memoria colere, ut nihil fieri posset amantiùs: sic tui desiderio teneri, ut esse nihil possit ardentius: petijq; ab eo maiorem in modum, ut aptissimis uerbis suis amorem erga te meum declararet: subpudet tamen me annum iam absentem nihil ad te literarum, cum præsertim mihi sim conscius, quanti ego semper dignitatem, autoritatem, benevolentiam tuam fecerim, quam mirificè à pueritia ingenij tui suauitates, & ornamenta amauerim: quæ res igitur à scribendo duæ me retardarunt hæ sunt: Sciebam te inani literarum genere minimè delectari: quid ego autem scribere poteram, quod non esset inanissimum prudentiæ? an, quòd ego te unicè diligerem? Tulisses credo non molestè, pro tua humanitate, si id ipsum scripsissem, & legisses, ut puto perlibenter. At uerò quid ego hæc ad Bembum, uirum unum omnium grauissimum, & doctissimum? quem cum Patauij essem, officij causa crebro conuenire subuerebar, quòd nefas esse ducerem, scribentem diuinitus historiam, & nostra hæc tempora sempiternæ hominem memoriæ consecrantem inani, & ieiuna uerborum

bortū uolubilitate obtundere. Erat mihi præterea in animo, cum primum domesticis quibusdam laboribus, & amicorum negotijs essem liberatus, ad uos redire: quare percommode me facere arbitrabar, si eo tempore, ut opinabar, breui, ad te omnino non scriberem, ne dum leniter ferre uellem, scribens desiderij tui ignem augerem, Quod si ego putassem tandiu à te abesse, nunquam profectò commisisssem, ut cum tam multi istuc amici uenirent (siue id factum probasses, siue improbasses) tu sine meis literis esses: quas posthac si intellexero fore tibi non iniucundas, commutata ratione, utar hoc bono literarum, ut per literas audissimè, & quàm sepiissimè tecum loquar: ut καὶ φωνήσῃς spectris excitatis te diligentissimè colam, & obseruem. Vale VIII. Calend. Ianuarias. Senis.

P E T R V S B E M B V S
A O N I O P A L E A -
R I O S. D.

EX ijs literis quas proximè accepi, quod mihi nunquam dubiū fuit, me abs te mirificè diligenter intellexi: & cum Lampridio sum admiratus istam animi humanitatem, & suauitatem ingenij tui, cuius fructum, cum Patavij esses, capiebamus dulcem quidem, & optatum: eum cum absentia tua amiserimus, nisi damnum crebris literis resarcias, mo-

lestissimè feremus : quanquā te ipsum potius, quā
litteras expectabamus : tum quod ita tu receperas,
tum quod satis constans rumor erat, cū hæc scri-
beremus, Senenses esse in armis. Nihil habent stu-
dia ista tua, & modestissimi mores, commune cum
factiosis : nihil istic est, quod te iam delectare pos-
sit, exclusis optimis uiris, quorum tu dignitatē ora-
tione grauissima tueri potuisti : uiribus, & armis
quid potes ? Inter sicarios uersaris : quæ mens ? quod
consilium in tanta licentia gladiatorum ? ibi te, mihi
crede, esse oportet, ubi sunt boni, & docti uiri, cū
presertim domo exiueris consummandorum studio-
rum gratia : & libri, quos de Animorum immor-
talitate cœpisti scribere, non modò postulent, sed
flagitent, ut abs te aliquando absoluantur : refer te
sis ad mansuetiores Musas, & ad homines redi cu-
pidiſsimos tui. Lampridius mecū est totos dies : ual-
de eius consuetudine, & conuictu delector : qui cū
mihi integritate illa sua est iucundissimus, tum pie-
tate incredibili in amicos : nullus est dies quin de te
faciat mentionem plenissimam desiderij : pangit ali-
quid Pindaricum : nolo omnia : cū ueneris opus ap-
parebit : tantū dico, si properabis multo maximam
capies uoluptatem : quam ob rem si nos amas, quan-
tum profectò amas, ne sinas diutius nos duci expe-
ctatione. Historiam meam abs te auidè expectari
uideo :

uideo: nō potest ista in me laudando inductio animi,
 & uoluntatis tuæ mihi esse non iucundissima: uti-
 nam id sit, quod dicis: quicquid certè nobis otij est,
 in ea cōsumimus: quæ cū à te tantopere probetur,
 uide quantum tibi tribuam: adducor in eam spem,
ut putem posse aliquid fieri studio, & diligentia
mea. Quod in scheda scribis de Vergerio, si quid
 sciam, te ut faciam certiolem: sic habeto, homi-
 nem elegantem, & urbanum esse Vergeriū aman-
 tissimum mei, studiosissimum similium tui. Quæris
 ubi sit: mirum nī in Germania est apud Ferdinan-
 dum Regem, cui tu cū libros illos dicaris, nescio
 quid profeceris: sunt hoc tempore, si ignoras, occu-
 patissimi Reges: nihilo tamē secius bono animo es,
 siquid est in quo Vergerius officio, gratia, autorita-
 te usui esse possit, erit id tibi ab illo unis meis lite-
ris omne promptum, ac paratum. Vale.

BERNARDINVS MA-
 FÆVS AONIO PA-
 LEARIO S. D.

Nisi mihi conscius essem rectæ, atq; constantis
meæ in te uoluntatis, pluribus tecum agerem,
culpamq; omnē in quotidianas occupationes reŷce-
rem, quod me altera iam epistola oppresserit, nec
prioribus tuis literis responderim. Veruntamen cū
 hæc in nouis potius coniunctionibus. queri soleant,
 c s quàm

quàm inueterata iam amicitia, qualis nostra est de-
siderari, consultò prætermittam, ueniamq; ad literas
tuas: qua quidem, quòd ueterem tuum erga me amo-
rem, ac beneuolentiã præ se ferrent, quodq; humani-
tatis, et officij essent plenissimæ, me mirificè delecta-
runt. Quòd uerò in iisdem doleas, propterea quòd ad
fratrē scribens in epistolam tuã paulò liberius sim
iocatus, quæ tota ferè Gracè scripta erat, quasi tuã
mihi in eo genere eloquentiam ostentares, nō parum
mihi molestiæ attulerunt. Nam quæ, obsecro, nostra
hæc erit amicitia? si loquendi inter nos, ac familia-
riter iocandi libertatem sustuleris? Neq; me hercule
unquam his me tecum necessitudinis uinculis astri-
ctum putauì, quæ ita leui de causa relaxari posse ui-
derentur: cum nihil omnino à me in charissimì, atq;
optimi fratris literis scriptū sit, quod boni cuiusquam
animū potuisset offendere. Quam ob rem, mi Aoni,
si me tui amanti, si gratū, si non in amicitia leuem,
atq; inconstantē putas, uelim ut ea quæ tu duriuscu-
le accipere uisus es, in bonam partem accipias, cum
non nisi ab optimo animo, tuiq; amicissimo profecta
sint. Quòd scribis, Lampridium nostrum, atq; omnes
planè necessarios meos interdū mirari, me ita in scri-
bendo negligentē effectum, & planè ab eo, qui istic
esse solebam, immutatum: nisi his omnibus & supe-
rioribus meis ad Barbarū literis accuratissimè re-
spondiss

spondissem, & omnium qui ad uos proficiscuntur testimonij, Gerijq; nostri ista refelli, ac refutari certò scirem, me tecum in præsentia quàm diligentissimè expurgarem: cum multas, atq; illas quidem probabiles habeam rationes, in quæ taciturnitatis meæ causas conferre possim: neque is sum, ut quos semel in amicitiam meam receperim, atq; illi mihi in amore, ac beneuolentia respondeant, eos subito mutata uoluntate amare desinam: sed de his hæcenus. Qui Mauro tuo nomine salutem annuntiaret, neminem adhuc reperi: Calendis enim¹ Augusti assidua, molestissimaq; febris correptus, paucis post diebus extinctus est, maxima quidem ingenij sui spe, desiderioq; amicis relicto. Hæc sunt, quæ ad epistolam tuam haberem: tu, uelim, nihil de uetere illa nostra beniuolentia detractum putes, meq; amore illo tuo singulari ames: interea uero plurimam meo nomine Bembo salutem dices, gratiasq; ages, quòd mei memoriam tanta cum beniuolentia & humanitate conseruet. Vale Roma tertio nonas Martij.

AONIVS PALEARIVS

BERNARDINO MA-

FAEO S. D.

Magnum mihi dolorem attulerunt literæ tuæ, in quibus neque me apertè accusare immutata erga te uoluntatis audebas, neq; affirmare constantis ani-

tis animi hominem : nam etsi erant illæ quidem totæ
 dulcissimis uerbis scriptæ, quibus tu mirificè abundas,
 ex ijs tamen longe alium sensum quendam eliciebam,
 qui norim acumen ingenij tui : quòd nisi ab Achille
 fratre literas ad te datas aliquando scirem de sermo-
 ne quem cum illo habeo quotidie, & admiratione uir-
 tutis tuæ, qua tu Deus mihi quidem uideri soles, & à
 patre integerrimo, & clarissimo uiro certiore fa-
 ctum de mea in uos omnes singulari beneuolentia, du-
 bitarem te subuereri adhuc me animo in te esse ab-
 alienato, Quòd si ex re potius, quàm ex iocis epistola
 ihuscè scriptæ, quibus illa lingua est refertissima, diu
 dicaueris, inuenies profectò sanctissima, & firmissi-
 ma esse uincula amoris mei. Semper enim existimaui
 amicitiam, quæ & ijsdem, & optimis studijs nata, et
 alta esset, pulcherrimè stantem, non posse re aliqua ti-
 tubare. Quid autem in ea statuenda, ornanda, augen-
 da à patre tuo optimo, & sapientissimo uiro profici-
 sci potuit, quod ab illo unquam prætermissum esse ui-
 deatur? quæ uerò à fratre tuo, qui me ualde amat, &
 à me amatur suo merito plurimū excogitari in diem
 possunt, quibus ille me tibi, & tuis omnibus nō astrin-
 gat? Quare cū tu amicitia, & beneficijs tantum
 apud me possis, quantum præterea nemo, caue putes te
 mihi quenquam fuisse, aut esse chariorem, nam quod
 ad literas attinet, quæ à me Gracè ad te scriptæ dice-
 bantur,

et mihi ha opti
 et huius pat
 on poluit aliq
 e libere

bantur, scito eo consilio esse factum, quòd cùm Pata-
uij quasi Athenis esses, & earum literarum incre-
dibili studio tenereris, opinabar te Græca libentius,
quàm nostra lecturum. Nam quid, Dij boni, in illis
erat huiusmodi, in quo tibi eloquentiam, quæ mihi nul-
la unquam fuit, ostentare potuissim? At nunc sic ha-
beas, cùm Romæ sis, nullas à me nisi Latinas literas
te esse accepturum. De Lampridio nostro puto te au-
divisse ex alijs quanta cum laude proximis mensibus
Demosthenis orationes nobis explicarit: agebat enim
omnes illos Senatores quos ille nominat, ipsum uerò
Demosthenem eo gestu, eo uultu, ea uocis confirmatio-
ne uehementem, plenum spiritus, plenum animi, uo-
cibus sonantem, ut fieri nihil posset pulchrius:

quàm uellem nobiscum mi Mafæe fuis-

ses: scio ego, te omnem istam

urbis magnificentiam, et

popularem glo-

riam cum

una

Lampridij interpretatiuncula

non fuisse collaturum.

Vale. Patavij

Cal.

Februarijs.

NON

AONII PALEARII

VERVLANI EPISTOLA-

RVM LIBER II.

AONIVS PALEARIVS

VERVLANVS IACOBO SA-

DOLETO S. P. D.



V'M superioribus annis in *Hetruria* essem, & mihi renunciaretur te, quicum ego tam libenter uiuerem, quam cum Dijs immortalibus, *Verulis* eo tempore fuisse, sic animo sum affectus, ut nullas unquam à fortuna mihi iniurias putarim factas esse maiores. Audiebam enim te summa dignitate, & sapientia uirum, *Hieronimi* ciuis, & amicissimi mei diuersoriorum sanè pusillum non contempsisse: hominum uerò illorum ita sermonibus fuisse oblectatum, ut nihil fieri potuisset humanius. Quò cum ego post aliquot menses rediissem, & praeclare multi de tua uirtute, qua nihil est uberius, predicarent, & acclamarent, *Hiccine erat ille? quem Leo, quem Clemens, quem docti omnes? refricabant mihi desiderium tui:* itaq; fuit semper meus in te amor, & obseruantia quaedam singularis. Quam ob rem non est quod mirare, si cum in ea questione, quæ de Animorum immortalitate,

talitate, essem satis implicatus, & pleraque media philosophia mihi essent petenda, ueritus ne in aliquorum uoculus incurrerem, te eius siue artis, siue studij, siue disciplinae defensorem, & propugnatorum egregium mihi amicissimè non dubitarim aduocare. Nam cum multa à te praeclarè scripta, & perfectà sint, caue putes aliquid (excipio. semper ea, quae de diuinis rebus à te scripta sunt) Phaedro tuo pulchrius potuisse excogitari: quod ex eo colligere licet, quod plurimis fato, nescio quo, amissis monimentis, quae laudati uiri maiores nobis reliquerant, nihil aequè ac hi libelli, fuerit desideratum: quibus ab eloquentiae Deo M. Tullio philosophia collaudata, & defensa esset. Neque uerò, me hercle, quicquid erat miseris, perditusque temporibus magna facta iactura, quod magis fortissimo patrocinio indigere uideretur, quam philosophia, cui ornamenta omnia miserè essent detracta: quaeque olim in illustri doctorum hominum conspectu posita, iam locum in quo consisteret non haberet. Quo ego uno si te multis de causis non unice diligere, sanctissimè quidem colere, & obseruarem: cuius mei in te amoris, & beneuolentiae testificandae causa curam hosce ipsos libellos meos, quales quales essent, per Lazarum tuum doctissimum uirum, quo utor familiarissimè ad te mittendos: cum certò scire nihil in his esse ea industria, quae te magnopere delectare possit perfectum, aut

elabor

elaboratum. Vale. III. Idus Februarias Patauio.

AONIVS PALEARIVS

IACOBO SADO-

LETO S. D.

ET si ea tua est humanitas, ut tantam in altero
tanta dignitate uiro uix reperiās, Patauio tamē
 discedens epistolam meam ad te nō sine Lazari tui
 literis uolui mittere: non quōd ijs admodū egere me
 arbitrarer, sed quōd ille ultrō polliceretur, aperturū
se mihi fores beneuolentiae tuae: nolui ego aspernari
 boni uiri, meiq; studiosissimi officiū. Erant cum ijs li
 belli mei de Animorū immortalitate: qui etsi digni
 nō uidebantur, ut à te homine doctissimo legerētur:
 putabā tamen cū te amantissimē in secundo libro
 appellarim, aliquid hoc ad amorem erga te meū de
 clarandū posse attinere. Itaq; cū illi ipsi ab Orge
 torige mihi missi essent, & tabellarius Gallus qui
 dam legātī Regij istuc uenire diceretur, & tēporis
 satis non haberem ut eos legerē, misi ad te nō emen
 dados: quos cū post aliquot dies legissem, deprehēdi
 errata quadam typographi culpa, quae me maximis
 molestijs affecerūt: ea quae sint ex libellis his, quos ad
 Gryphiū mittimus, cognoscere poteris: & illos ipsos
 quos ad te miserā emendare: hoc animi angore, qui
 melius me liberare possit, quā Gryphius, noui nemi
 nem:

*n m : turpe enim mihi uidetur in his, quæ primum
 legenda nostris hominibus dedimus, posse multa de-
 siderari. Itaq; petij ab eo per literas, ut in re mihi
 tam necessaria deesse nolit: potest enim suo commo-
 do poëmatis nostrorum hominum, qui Christianas
 res scripserint, libellos nostros adiungere: quod ego
 me consecuturum omnino non puto, nisi cum his fue-
 rint aliquæ literæ tuæ ad illum commendatitiæ.
 Quam obrem, etsi à uiro uno omnium doctissimo,
 & sanctissimo, quid quisque petat est etiam, atq;
 etiam cogitandum: non tamen dubito id à te petere,
 quod mihi maximè est utile, maximeq; necessarium,
 ut intelligat Gryphius, non deesse his libris patrocini-
 um, & gratiam tuam: qua in re pluribus ego te
 orarem, nisi libellis ipsis ornandis aliquid te quoq;
 præstare debere existimarem: non quod præclarum
sanè aliquid habeant, sed quòd sint illi quidem testes
amoris erga te mei. Vale Senis.*

IACOBVS SADOLETVS

AONIO PALEA-

RIO S. D.

Serius accepi literas tuas, data enim ille III. Idus
 Februarias, mihi medio fermè Maio sunt reddi-
 tæ: quibus perlectis, equidem ualde letatus sum, cum
 tali ingenio, quale tuum mihi iam perspectum est,
 talem etiam animum erga me plenum amoris, &
 d deside

desiderij coniunctum esse. Quidenim est rerum omni-
no omnium, quod mihi bonorum, & doctorum beni-
uolentia uideatur optabilius? Itaq; cum epistolam
 tuam primò legissem, eaq; mihi uehementer placuis-
 set, (est enim, & suauiter, & ornatè, & peraman-
 ter scripta) ab illius statim lectione ad poema tuum
 me contuli, totumq; perlegi triduo, singulis uidelicet
 libris in singulos dies collatis: de quo ut tibi uerè ex-
 ponam quod sentio, hoc iudicij feci, eorum qui in eo
 genere uoluerunt esse, sanè quàm paucos, & nostra,
 & superiore memoria aequè eleganter scrip[si]sse atq;
 tu: eruditius certè neminem. In quo mihi illud mirifi-
 cè probatum est, quòd hæc tua scripta non accersitis,
 fucosisq; argumentis, neq; quò magis poetica uidean-
 tur à uetusta illiusmodi Deorum fabulositate repe-
 titis: sed sancta, & uera religione condita sunt. Ut
 quemadmodum uultus pacatus, & constans in ho-
 mine, bene affectæ mentis, & probi animi est indi-
 cium: sic tua ista eximia erga Deum pietas, quæ
 sese in tuis scriptis primam offert, nos cogit de te, deq;
 omni sensu animi tui, excellenteq; doctrina præclare
 existimare: ac cætera quidem tuum carmen mirè
 mihi satisfecit: uideo enim quos imiteris, quid re-
 ferre in tuis scriptis, & exprimere conere, tibiq;
 neq; in eligendo iudicium, neq; in conando fructum
 laboris tui abesse intelligo. perspicio etiam uerborum
 elegan

elegantiam, sententiarum acumen, numeriq; apta, &
 uaria compositione delector: sunt enim ista omnia
 in te ita studio, & cura elaborata, ut sint ubique
 nihilominus ingenij luminibus lita. Illud unum in- *lita lumin*
 terdum (quanquam admodum raro) desidero: quod *ingeny*
 cupissem nonnulla à te differi explanatiuis, quibus
 nunc percipiendis mens nostra aliquantulum laborat:
 atq; illa (ne forte mihi Lucretianum modum dicendi
 opponas) non sunt ex eo genere, quod difficultate re-
 rum quæ tractantur suapte sponte obscurum propè
 necessariò sit, in quo solet iusta esse scribentibus ex-
 cusatio: sed è medio quedam sumpta, compressius
abs te dicta sunt, quæ diluari, & patere melius
uoluissim: neq; ea tamen tam multa, ut pertimescas. *Longe*
 Sed fortasse ut nodus robur, & ut nexius decus ali- *Man. pg*
 quando, atq; ornatum pulchro corpori asserre solet:
 sic plerisq; illa poterunt uideri iccirco esse quæ sita,
 quòd cursus nostra cogitationis fluentis in facilitate
orationis, aptè illis interdum, tanquam salebris reti-
netur. Quod quidem ad ueras laudes egregiè compo-
 siti carminis pertinet, totum tibi ita tribuo, ut hoc
planè confirmem, nihil me his aliquot iam annis in
eo genere editum legisse libentius. Itaq; te iam ue
 hortor quidem, ut quo itinere instituisti, eodem
porrò pergas: satis enim tibi incitamenti cùm iudi-
 cium de te, expectatioq; hominum, tum fructus ille
 ingenij

ingenij suauissimus, qui in pangendo maximè, & in commentando percipitur: debet asserre: qui etsi omnibus eruditus datus est, cum hi aliquid ex sese procreant, atque gignunt: uberior tamen adest poëtis. Quanquam ego te non poëtam magis, quam oratorem esse statuo: cuius rei facio ex epistola tua coniecturam: ea enim ita commodè, & concinniter scripta est, ut facile intelligam, te utrum uelis & suscipere, & posse prestare. De me uerò, quem tu tantopere in tuis scriptis ornas, eoq; honore afficis, quo maiore nemo afficere quenquam potest, quid dicam, uix reperire mihi posse uideor. Nam si eas in me laudes agnoscam, quas tu mihi tribuis, timeo ne arrogans: sin repudiem planè, atque reijciam, uereor ne ingratus aduersus te sim, cum de tuo iudicio ipse detrahā, eo ipso unde sim ornatus. Quam obrem ut in difficili eiusmodi causa ad id me uertam, quod meo pudori maximè est consentaneum: ut tibi agam pro tua ista humanitate, & erga me beneuolentia gratias, meq; tibi hoc nomine obstrictum esse confitear, quod facio equidem, & libens facio: tibiq; persuasissimum esse cupio, te à me singulariter amari, uel ingenij, & uirtutis, & probitatis tue causa, uel eius officij atque amoris, quo me ipse prosequeris: uel quod eorum & temporum, & hominum in tuis literis mentio facta est, quorum meam

& mem

*Et memoriam, Et erga illos benevolentiam dies
nunquam delere obliuione ulla potest: ut præter id,
quod tuo nomine tibi debeo, quantum etiam illos di-
lexi, totum in te persequar: quo me in te animo esse,
si usus uenerit, re ipsa experiundoq; cognosces. Vale
Carpentoraclii VI. Cal. Iunij. 1535.*

AONIVS PALEARIVS

PETRO MELLINO S. D.

Nisi me uel uirtus tua, uel familie dignitas sæ-
pe inuitasset, ut magnopere desiderarem ha-
beri aliquando in tuis, uel hoc ipsum satis esse pote-
rat, quod *Ambrosius noster, quem iustis de causis
ualde amo, quotiescunque ad me scribit (scribit au-
tem ferè quotidie) de præclaro isto animi tui sensu,
Et benevolentia quadam ingenua erga eruditos ho-
mines iucundè, Et libenter mihi scire multa: quibus
fit, ut diurni mei desiderij igniculus indies crescat,
amemq; te pro ista animi tui præstantia amore non
mediocri, sed singulari quodam, Et incredibili, non
quod ego in uiris doctis, quales apud te semper sunt,
numerari me unquam somniarim, in quod quidem
non aspiro: sed quod eorum hominum sim tam stu-
diosus, quàm qui maximè: quo minus enim ingenio
possum, huiusmodi mihi diligentiam subsidio com-
parari, ut eorum dicar studiosus, putemq; ex eo bo-*

num nomen posse me consequi. Nam cum de fortissimis, & clarissimis uiris, quibus ciuitas tua semper floruit, multa narrantur, nonnulla non modo de necessarijs, sed de libertis, seruisq; eorum dici necesse est, ita ut non minus hi, quam illi splendorem adepti, uulgò legantur. Quam ob rem eos omneis colo, & obseruo qui animo isto tuo sunt in bonos, & doctos uiros: qui cum perpauci fuerint, & sint tui similes per diu nulli, eo à me amaris uehementius: uelimq; hanc animi mei declarationem neque uulgarem, neq; adulationis nomine suspectam existimes, cuius te plane hostem esse intelligo: sed recta ratione ortam, ad complectendam istam animi tui nobilitatem: qua fretus, scripsi ad te, non ut solet, qui nouis amici- tijs cupiat illigari: sed qui sanè in ueteri optimi cu- iusq; necessitudine fuerit confirmatus: uoluiq; potius desiderari uerecundiam meam, quæ natura ipsa mi- hi tributa est, quàm meam à me diligentiam requi- ri, quòd eam minus contulissem ad coniunctionem amoris erga me tui: præsertim cum Ambrosius ipse, & omnes qui istinc ueniunt amici significant, libellos meos de Animorum immortalitate iecisse apud te fundamenta quedam beneuolentiæ: quòd scilicet ob studiorum nostrorum similitudinem te ualde delectassent. Quod cum ab uno, & item alte- ro accepissem, sus tuli ego manus: uisum enim mihi

hoc

hoc, non fortuitum, sed diuinum. Itaq; nihil est, quin te
summa dignitate uirum, antiquis moribus, non uul-
gari doctrina toto animo amplectar, oremq; ut cuius
fores à te ipso tam humaniter mihi apertæ sunt, insi-
nuatum penitus sinas me in ea beneuolentia diutissi-
mè conquescere. Vale. VIII. Cal. Nouembris.

PETRVS MELLINVS

AONIO PALEA-

RIO S. D.

VTer nostrum in expetenda, & omni studio
 comparanda mutua inter nos coniunctione,
 & beneuolentia audior fuerit, contenderem sanè
 dubium, nisi in eo quòd praueneris, te facile superio-
 rem per me ipse intelligam, & me prauentum do-
 leam non mediocriter: nam quod ad reliquum atti-
 net, nec tibi concedam libenter, neq; nisi me amor
 fallit, errare in eo me, aut decipi putem: cum pri-
 mum enim frangrantissimum tuarum uirtutum odo-
rem sensi, iucundissimumq; tuarum lucubrationum
saporem, tanta sum repente delectatione persusus,
& admiratione simul affectus, ut quem amem ma-
gis, magusq; admirer, habeam neminem: quem equè,
uix reperiam alterum. A me autem quid ad te tale?
Virtute igitur, & diligentia superasti: amore au-
tem, & beneuolentia, ignoscas uelim, nihil est quòd
contendas. Quod autem Ambrosius noster, mihi tum

affinitate, tum longa consuetudine morumq; integritate coniunctissimus, ad te de meo tuorum monumentorum iudicio præscripsit: fecit id quidem amicè, ut solet: neq; quicquam est, de mea erga te uoluntate, meoq; de te iudicio mentitus. In eo tamen mihi non satisfacio, quòd non eo sum ingenio, non ea eloquentia præditus, & eruditione, quæ in te uideo esse illustra, ut ijs qui tua nondum legerint persuadere facile, aut dignè satis pro merito tuo egregias laudes tuas oratione exornare possim. Debeo tamen illis plurimum, qui ea inter nos iecerunt beneuolentiæ semina, quæ eo uberiores fructus ferent, quo melioribus iacta principijs, meliore quotidie cultu, maturioreq; industria excoluntur. Illud igitur tibi affirmo, te apud me semper non eo solum honoris, & amoris gradu futurum, quo olim apud priscos illos Romanos nostros habiti sunt illorum plurimi, quos & tu commemorasti, & uiget illorum memoria sempiterna: sed & qui diuturna familiaritate, arctissimaq; consuetudine, communiq; animorum, ac studiorum ardore, alti, educati, perfectò mox confirmati iudicio, sanctam inter se uitæ huius societatem tenent: ita ut te non in amicitiam meam recens receptum uelim putes, sed tanquam in ueterem non animorum alienatione, sed locorum, & incertæ peregrinationis interuallo distractam, ex insperato re-

*uocatum : tibiq; non primas beneuolentie fores , sed
 amantiſſimi animi adyta eſſe reſcrata. Poteris itaq;
 in poſterum omnia tibi ipſi de mea fide , opera , &
 obſervantia polliceri, quæ ab amiciſſimo, tuiq; ſimi-
 lium ſtudioſiſſimo expectari poſſunt. Hæc dum ſcri-
 berem, aderat una mecum Pierius meus, Vitalis item,
 & Curſius tui, qui præter ea, quæ de doctrina tua ho-
 norificè dicta ſunt , multa de ingenij tui amœnitate,
 deq; morum ſuauiſſitate , & integritate uitæ prædica-
 runt : quæ omnia noſtræ erga te beneuolentiæ cumu-
 lum, ſi quo fieri pacto poterat, cumulationem reddide-
 re. Vale Roma XIIII. Cal. Decembris.*

AONIVS PALEARIVS

PAVLO SADOLE-

TO S. D.

QVàm uellem Cal. Iunijs Volaterris fuiſſes, dele-
 taſſet enim te mirum in modum ſermo Marij
 tui, homo ſcilicet cui uis tempori perurbanus. Ante-
 quàm tuas literas legiſſet , exceperat me, atque anti-
 quiſſimum hoſpitem familiæ ſuæ: lecta uerò episto-
 la, à te peramanter ſcripta, noli querere, quæ me chari-
 tate, & animi propenſione amiciſſimè eſt complexus:
 deinde percontatus de ſtatu curiæ, multa de patruj tui
 ſanctiſſimi uiri laudibus, deq; amicorum ſuorum ſua-
 uiſſimis moribus iucundè mihi narrabat. Poſt autem

d s cum in

cum in horum temporum mentionem incidisset, sic li-
 bere detestari, sic grauius coqueri, sic Christianè de-
 plorare hominum ingenia, ut mihi liqueat, nihil illo
 episcopo hisce aliquot annis me uel uidisse, uel audisse
 quod commouerit, aut commoueri magis. Cum uerò
 de tui ingenij expectatione aliqua à me uerissimè re-
 ferrentur, quantumq; in studijs istis liberalibus profe-
 cisses, cumulaui senem omnibus Latitijs, Summa est
 enim expectatio tui, tum quòd id ætatis præclaram
 eruditionem consecutus uideare: tum quòd patrum
 habeas clarissimum uirum: qui etsi nihil agit, nihil co-
gitat aliud, nisi quod ad CHRISTVM pertineat:
elegantissimo tamè dicendi genere oblectatus, id quod
nemini maiorum contigisse uideo, mirificè semper elo-
quentiam cum sapientia coniunxit. Nam quo sanctis-
 simam facultatem acuti potius, quàm eruditi homines
 in tenebras coniecerant, & in profundo abstruserant,
 ita ut sacris literis sempiterna propè nox offusa uide-
 retur: eo ille dignus est omni laude, cuius ope lucem in
 his respicere cœperimus. Dicam enim, ut soleo, liberè
 mi Paule, fuit aliquando nitiosum, & captiosum ho-
 minum genus, qui aut ostentationis, aut quæstus causa
 obduxerunt tenebras rebus clarissimis: quòd si in phi-
 losophia tantum humana illa fecissent, essent fortasse
 ferendi: at cum diuinam istam, qua uiuimus: unde lu-
 cem haurimus, per quam ad superos accedimus ma-

gnis

gnis uoluminibus, & cōtentiosis quæstionibus oppres-
 serint: probent qui uelint, per quàm boni certè non pro-
 bant. Sunt aliqui etenim adhuc, qui ueluti noctuæ in
latebris gestientes, luce oblata ingemiscunt: à quibus,
ut inepti esse desinant, non est requirendum: ys primus
 restitit patruus tuus, primusq; docuit nostros homines
 res sacras & Latine, & distinctè, & ornatè dicere:
 qui nunc, cū ad Christianæ Reipublicæ gubernacu-
 la accesserit, uerentur boni studiorum illorum remis-
 sionem. Nam quæ (malum) fatales rerū omnium per-
 turbationes subito confluxerunt? iura diuina, & in-
stituta prima illa salutaria, quæ maiores nostri sum-
ma obseruantia coli uoluerunt, ecquis non peruertit?
 populi crudeli dominatu premuntur, boni temporum
 causa hiscere non audent. Christianæ pietatis umbram
fortasse tenemus, pietatem iandiu nullam, ardet Gal-
lia belli quanta potest contentione finitimis exitiabili,
 & calamitosa: Germania seditionibus perturbata
 est, rerum nouarum studiosissima: Italia incertis ru-
 moribus seruit, & lentissimis auditionibus commota
 maiores Gallia, & Hispania motus expectat: Par-
 thi hostes Christiani nominis sempiterni, terra mariq;
 exercitu comparato uenire dicuntur. Tu uide iam qui-
 bus negocijs distineatur patruus tuus, ad quos labores
 uocatus sit, quot illum impediant solitudines: ut qui-
 dem certè firmissima hominum opinio sit, in eo gradu
 colloca

Temporū
 Nocturnū
 Mieria
 Christianæ
 pietas.
 Gallia.
 Germania
 Italia
 Parthi:

collocatum priuatis studijs non posse uacare sine maxima opera publica iactura. Tibi igitur studia illa reseruantur, deditq; Deus animum, ut quæ ille in Carpentoraclis Luce, atque ocio commentabatur, tu prosequare: ad quæ te ipse cohortari debes, curamq; & cogitationem suscipere dignissimam ingenio isto excellenti, & industria tua. Vale, Senis. III. Idus Iunias.

AONIVS PALEARIVS
ENNIO PHILONARDO
CARDINALI VERV-
LANO S. D.

NEque humanitatis, neq; sapientiæ tuæ oblitus, quæ ad Deos proximè accedis, rem diligentissimè perpendendam facturus nihil ad te literarum dedi: quem enim melius consulcre potuissem, quàm uirum sapientem fortunæ accessionibus probatum, sua uirtute in altissimum locum prouectum, & cuius præterea semper in me beneficia singularia quædam extiterunt? Verum enimuero cum Romæ superiore anno fuisset, quia sat mihi uisus sum in ea re cognouisse sensum animi tui, subpudebat me nunc etiam per literas quærere eadem, quæ ego coràm ex te audiuissem. Nam in sermonibus nostris quotidianis cum dixissem, me pertæsum iam temporum nostrorum, & nihil

nihil magis desiderare quàm uerè Christianè uiuere,
 & propterea urgeri Pauli dicto, εἰ ἢ ἔκ ἐγχαρίτων
 τοῦ, γὰρ μὴ ἴστωσιν ὅτι γὰρ ἔστι γὰρ μὴ ἴστωσιν ἢ ὡς ἔ-
 δω. Probasti maiorem in modum sententiam meam,
 eamq; opinionem neq; nouam esse, neq; futilem affir-
 mabas: sed ex antiquissimis institutis, & sanctissimis
 literarum monimentis repetitam. Quam ob rem cum
 in Hetruriam rediissem, & emissum Cacinnianum,
 A. Cacinnæ Volaterrani scilicet uillam, eius ipsius,
 cuius causam egit M. Tullius noster Arpinās ad Re-
 cuperatores faciliè me uinci passus sum ab amicis, qui
 ut ad uxorem animum appellerem cohortabantur:
 etenim hæc ipse mecum recta reputabam uia. Hem
 habeo hic neminem neque cognatum, neque affinem,
 quartum annum ago, & tricesimum, non nunquam
 minus belle habeo: Hetrusci mores placent, quid cau-
 se est, cur adolescentulam optimis parentibus bene,
 & pudicè educatam non ducam in uxorem, præser-
 tim cum Cacinnianum, quò aliquando remotum ab
 oculis populi ad scribendi studium conferre ego me sta-
 tueram, sit intra fines Collinos: Collini municipes me
 summis honoribus affecerint, Collinum oppidum pla-
 ceat, cū loci salubritate, tum ædificiorum descriptio-
 ne, tum hominum commercio non inurbano, tum quòd
 Senensium ciuitati sit proximum, & à totius He-
 trurie florentissima urbe non longè absit. His de cau-
 sis cessi

sis cessi amicorum precibus, qui à me id summa iam contentione efflagitabant, quòd nisi me adhuc pungeret quasi aculeis pietas quedam meorum, & mirum desiderium tui, uiderer non ineptè uita meæ rationem instituisse. Nunc autem cum à te summo, & sapientissimo uiro, quem semper omni studio colui & obseruauī, tam longè absim, dispaream siquid est quod me ualde delectare possit. De Sororis meæ filio quod scribis, equidem & cupio, & debeo: at his cruditis temporibus studia hæc literarum non uulgarium incredibiles quosdam animorum motus, & celeritatem ingeniorum desiderant, quæ cum in illo sint uel mediocria, ualetudine etiam, & natura infirmiore, cohortabar eum ad medicinæ artem: nam etsi medicum Philosophiæ non omnino expertem esse oportet, nō tamen necesse est & Græcæ, & Latine linguæ abundare omnibus ornamentis, & in castitatem illam orationis incredibilem laborem insumere, æquè atq; creatorem, poetam, & Germanum philosophum gloriæ & laudis audidiorem. Sed quid ego ad te hæc inter magnos uiros, omni tempore summa cum laude uersatum? Reliqua, si qua sunt, scribā ad patruelem meum: ita tamen ut intelligat, magnum apud me pondus habuisse commendationem tuam. Vale, Senis Cal. Martijs.

AONI

AONIVS PALEARIVS

IACOBO SADOLETO CAR-
DINALI S. D.

CVM superiore anno emissem uillam, quæ fuit A.
 Cæcinnæ, in agro Volaterrano, cuperemq; eam
 emptionem mihi bene et feliciter euenire, omnia pro-
 pè assequi uisus sum, quòd qui te diligentissimè colit,
 & obseruat Lucam Volaterranum, qui fuit Episco-
 pus Anagninus comperi uicinum: is omne tempus,
 quod ab sacrorum consecutione, & diuinis precati-
 bus datur, partim in sanctissimis Theologiæ studiis,
 inq; incundissima de cultura agri lectione consumit,
 oblectatq; se mirum in modum in prædico fructuoso,
 & per amœno exornando: homo certè Christianus; pu-
 blicis muneribus exercitus, ita ab ambitione abest, ut
 priuata uillula uel rusticana quicquā neget esse sua-
 uis: agricultura uerò nihil putat esse quod hominem
 liberum magis delectare possit, nihil in quo uir bonus
 possit esse felicior omni otio, & tranquillitate: quæ
 cum ab illo sæpe, & ex animo dicuntur Xenophon-
 tium illud ob agri cultionē de Cyro in mentem uenit,
 δὴ αἰὼς μὴ δ' οὐκ αἶσ' ὡς Κῦρε δὴ δ' αἰμωρ εἶναι. ἀγαθὸς
 γὰρ αὖ αὐτῷ δὴ δ' αἰμωρ εἶναι. Quare frequens sum in Cæ-
 cinniano, ut loci amœnitate, & hominis bene docti, et
 tui amantissimi sermonibus perfruar. Is me sæpero-
 gat, siquid de te acceperim: sollicitus est enim, quòd
 dixi,

Agricultura

*amantissimum, tibi commendo. Vale, ex Cecinniano,
III. Nonas Quintilis.*

AONIVS PALEARIVS

LVCAE IOANINO EPI-

SCOPO S. D.

Cum superioribus diebus me ad coenam inui-
tasses, quo melius, & diuinius, uti soles, coe-
naremus, appositus est in secunda mensa libellus de
uxore ducenda. Quem cum avidissimè legere coe-
pisssem, legati ineptissimi de re frumentaria inter tur-
bauerunt: neq; me hercule memini uidisse, aut audisse
oppidanos loquaciores, & qui tantos spiritus in re te-
nui sibi sumant: itaq; abij cum stomacho in Cecin-
nianum. Quò cum peruenissem, legi diligentissimè
libellum, quem mecum attuleram: de quo quid sen-
tiam, quoniam id petis, ut liberè dicam, uideo pri-
mùm, quod tu ipse mihi narrabas, in ea parte, quæ
inuentio dicitur, summum iuuenis ingenium, in ea
quæ dispositio appellatur, non uulgare iudicium, ora-
tionem deinde uehementem, quam ego mallem inter-
dum paulò sedatiorem, & numeris quibusdam ora-
torijs potius, quàm poëticis fluere omnino puram,
& solutam, quod huic erat perfacile, siquidem uer-
borum nitore mirificè delectatur, quod in Iouinia-
no, & Augustino desideres, qui de re hac eadem cu-

c

mulat

mulatissimè scripserunt, ita tamen ut theologos potius, quàm oratores, aut philosophos possis agnoscere. Quòd si Guidius tuus, & iam noster, ea argumenta adiunxisset, & oratione illustrasset, quæ ab illis adducuntur è scriptis quæ ægrovixà appellantur, caue putes quicquam pulchrius potuisse excogitari. Etenim quæ ab illo ex poëtarum, & philosophorum monumentis repetita sunt, sic aptè, ornateq; dicuntur, ut spes mihi iniecta sit ab eodem iisdem ornamentis, atq; luminibus genus hoc scriptorum de coniugio à Latinis theologis incultè, horrideq; tractatum, posse perpoliri. Ad hoc tu iuuenem tua dignitate, & autoritate, qua te colit, & observat cohortari debes: nam quod ex hoc libello augurari possum, non fallet opinionem tuam. Vale, ex Cacciniano.

AONIVS PALEARIVS

PETRO VICTO-

RIO S. D.

M. Casalis, qui te mirificè diligit, officia iucundissima, quæ ab illo profecta sunt superioribus diebus: cum enim Florentiæ esset, salutavit te meo nomine, quem ob præclaram eruditionem semper colui, & observaui. Idem rediens tuis verbis mihi salutem dixit, quo facto eam quam expectabam tenere occasio

occasionem uisus sum, ut ad te aliquid literarum darem, in quibus declararem amorem erga te meum: multæ enim sunt causæ, quibus de causis ego te ualde amo: primum, quod is studijs excellas, quæ me a pueritia magnopere delectarunt: deinde quod Iano Lampridio, & Marcello Ceruino optimis uiris, & mei amantiſſimis uteris (ut audio) perfamiliariter: qui cùm de ingenij tui suauitatibus, sepe mihi prædicarint sanè multa, suppudet me antehac nunquam ad te scripsisse, præsertim cùm tam uicinus esses, ut facile meas literas quotidie posses accipere, & ego tuas: cùm item usu uenisset uenire ad te, qui abes iter unius diei, quod quidem aliquando faciam, ut expleam hoc desiderium, & quem uirtute mihi amandum proposui præsens uideam, & agnoscam. Interea uelim me reponas in tuis, ducasq; in numero necessariorum, uel coniunctiſſimorum: existimesq; nihil me putare iucundius literis tuis: quæ si aliquando ad me perferentur, erunt illæ quidem allenationes solitudinum mearum, & fortasse efficient ne à studijs istis doctrinarum liberalium domesticis negotijs totus abducar, eritq; Dijs gratia, quod non omnia male cadant, quod cùm iandiu absim à meis charis, optimisq; amicis, in Hetruria repererim non modò illarum artium bene peritum uirum, sed etiam affluentem omni ornamento mansuetudinis, & humanitatis.

Vale. VIII. Cal. Ianuarias, ex municipio Collino.

PETRVS VICTORIVS

AONIO PALEA-

RIO S. D.

Fecit humaniter Casalis, qui te meo nomine quemadmodum uolebam diligentissimè salutauit, & est homo omnium officiosissimus. Venit ad me ille domum, cum antea eum non cognossem, statimq; post ea uerba quæ primus ille congressus requirere uidebatur, honorificum de te sermonem habuit, & mihi suauissimum, multaq; de humanitate, mansuetudine tua, morum deniq; elegantia exposuit: ingenium enim, & doctrina mihi, quemadmodum omnibus qui ingenuis studijs delectatur, iam pridem cognita erat, quæ sanè ille amore quodam tui, & studio inflammatus ex animo faciebat, & uberrimè, ac uerissimè facere poterat. Ego libenter, & cum uoluptate audiebam, ualde enim tuis laudibus delector: renouatus est igitur in me amor, quo te antea plurimum prosequabar, uel ut rectius loquar, ortus, & repente excitatus. Antea enim te propter ingenij tui magnitudinem, & incredibilem eruditionem, quæ ex graui illo tuo, & planè diuino poemate mihi perspecta erant, tantummodo admirabar, quemadmodum debebam: amare non audebam, nec enim faciliè poterã: est enim consuetudinis hoc uerbum, & eorum qui aliquibus

uincu

vinculis inter se officiorum coniuncti sunt, si non fa-
miliaritatis, at uoluntatum saltem, & studiorum.
 Postquam uerò intellexi te tanta benignitate prædi-
 tum esse, quantam mihi probus ille senex prædicauit,
 & à me non abhorrere sensi, mirificus quidam amor
subitò exortus est: quòd nisi multis, & molestissimis
negotijs eo tempore impeditus fuissèm, hoc etiam be-
neuolentiæ, & liberalitatis tuæ indicium tibi præri-
puissem, nec fuissèm me à te humanitate, & bñi-
gnitate uinci: nec tamen me à te uictum esse hac in
re molestè fero, quem faciliè in alijs etiam rebus à te
uinci, & superari posse scio, & gaudeo. Literæ post-
 eà tuæ humanissimæ, & elegantissimæ magnum cu-
mulum amoris illi iam suscepto attulerunt, & eum
incredibiliter auxerunt, ut quæ plenè morum tuorum
elegantiam, & suauitatem mihi significarent, &
apertè exponerent animi tui in me propensionem,
quæ magis ex naturæ tuæ bonitate, quàm ex meis ul-
lis meritis orta est. Quare scias te mihi charissimū
 esse, & paucos esse quos æquè ac te amem, & obser-
 uem. Quòd si aliqua mihi occasio dabitur efficiam
 profectò studio, ac diligentia mea, ut quem tu antea
 tantum propter amorem in me, ac studia amicorum
 tuorum, optimorum quidem illorum uirorum, ac do-
 ctissimorum amasti, meritis etiam, & officijs meis
 aliquantulum diligas. Quare nunc sunt tuæ partes, ut

mihī ostendas, quomodo ego huic desiderio meo, ac debito erga te satisfacere possim: & in nulla re, in qua tibi opera mea utilis esse possit, labori meo parcas. Vale, & me ama. XI. Cal. Febr.

AONIVS PALEARIVS

PETRO VICTORIO S. D.

ET si tua uirtus me satis allicere potuit ad amandum, fecerunt tamen hoc literæ cumulatius, in quibus inerat effigies humanitatis expressa, & quædam animi tui imago non muta, quam mihi de te sæpe proposueram: neq; enim unquam dubitavi, si quando ad te scripisssem, accepturum me literas Victorio dignas, & tua si opera uti contigisset, habere amicū paratum, & adiutorem singularem. Etenim uiri hoc est in primis qui in artium studijs liberalissimisq; disciplinis optimè uersetur, non fallere opinionem studiosorum sui. At me hercules tale de te mihi spectrum excitavi, et si te nunquam uiderim, ut æquè agnoscam, ac ea quæ oculis quotidie cerno, neq; uerò licet absis, quicquam est mihi te præsentius: quod credo fit, quod præter te in Hetruria uix alterum habeo, in quo cum summa eruditione germanam eloquentiam uideam esse conuinctam. Nam ut multis multa concedamus, nonnulli in Dialecticis exercitati Physica non ignorant: at in ijs Diſ boni, quàm nullus dicendi

dicendi usus, & exercitatio, sed bene saepe admista
 barbaries, & duritas incredibilis quædam orationis:
multi sese ad sanctissimam disciplinam theologorum
conferunt, quæ quo serius accepta est à Latinis homi-
nibus, eo in hanc curam erat magis incumbendum, ut
illustraretur uerborum omni elegantia, & numeri,
& sententiarum apta concinnitate, & ornamentis
illis oratorijs, quibus delectari primum, rapi deinde,
mox inflammari etiam animi possent: quorum cum
ignari sint ij, & expertes, abijciunt se in tenebras,
quas clarissima facultati acuti potius Sophistæ, quàm
eruditi homines multis seculis indignissime offuderunt.
 Complures ad Iuris civilis scientiâ uberem, & dissi-
 patam balbutientes accedunt, quorû mentis acies ita
 perstricta est, ut non uideant illos ipsos iuriconsultos,
 quos proximè ad Deos accedere arbitrantur, castum,
 & Atticû dicendi genus summa industria fuisse se-
 cutos. Post hos irrepserunt erudituli quidâ, qui in uer-
 borum inani uolubilitate, & superstitione omnia esse
 posita existimant, neq; philosophiam, neq; interiores
 literas unqua attingunt, quibus peream siquid est im-
 pudentiùs. Nam etsi eloquẽtia à laudatis uiris meritò
 semper laudata est: nisi tamen societate quadâ disci-
 plinarum exornetur, in quarû ubertate pulcherrimè
 alitur, nihil ea ieiunius potest excogitari. Quãobrem
 semper ego præstans ingenium, intelligensq; iudicium

*Sursum
 & in alto
 hinc.*

*Eloquent
 sine & diu
 plus inter
 in suis, in hi
 et.*

tuum sum admiratus, quod utrunq; sis per æquè com-
 plexus, & dicendi scientiā, & exquisitā doctrinam,
 cuius utriusq; desiderio flagrans, emi superiore anno
 A. Cæcinnæ villam, quæ fuit in agro Volaterrano, ut
 libris comparatis in bibliothecā me abderem. Sed hoc
 ipsum aliter euenit: nam cum municipēs Collini angus-
 si os fines habeāt, emi Cæcinnianū multo carius quā
 aestimaram, quare tametsi ea emptione bene emis-
 dicar, oppressus tamē ita sum ære alieno, ut quam ad
 studia literarum emerā, ea uilla maxime ab ijs ipsis
 me auocet, atq; abducatur, à qua perturbatione, & so-
 litudinum fluctibus si emersio unquā, si quis Deus li-
 berauerit, referā profectō, & reuocabo me ad egre-
 gias istas artes tuas. Interea Cæcinnianum meum non
 contemnas, cum loci salubritate, tum hominis tui
 amantiſſimi obseruantia. Collinum item oppidum pro
 diuersorio tibi sit, quò si quando res urbana fecerint
 facietatem, curses, tanquam ad animi relaxationem.
 Fuit hic philosophis mos, & oratoribus tuis, ut à
 ciuium oculis aliquò interdū concederent. Neq; illud
 obieceris, quòd peramœnæ uillæ uestræ suburbanæ
 sunt, quibus cū diuersoriola nostra non sint conferen-
 da. Villarum istarū magnificentiae nemo nō cedit: ue-
 rum id ipsum quòd suburbanæ sint, dixerim esse impe-
 dimento, ne tranquillitate, & otio illo frui omnino li-
 ceat. Multi officij causa conuenient, nonnulli sciscita-
 turi,

turi, quid agas, aliqui etiam ut in faceto, & multo sermone obundant: quæ incommoda nihil est quod timeas in Cæcinniano: nisi illud fortassè, quod non spero, uereare: quòd homo ibi sit, qui à latere nunquam discedet auidissimus iucundissimæ consuetudinis tuæ.
Vale, ex Cæcinniano IX. Cal. Martias.

AONIVS PALEARIVS

FRANCISCO VERI-

NO S. D.

Cum te uirum semper in philosophia, quæ de natura est, summa cum laude uersatum cum Victorio nostro conuenissem, & cœnæ tempus instaret, res sanè difficilis, & perobscura in quæstionem uocari à te coëpta est: Vbi homines mortem obierint, quo eorum animi in statu sint, si cum corporibus non extinguantur: id ipsum πρόβλημα dum in municipium redirem mecum animo uoluens, & quid respondissem recogitans texi epistolam, qualem scribere possit non qui in philosophiæ cella penuaria sit, sed homo tui studiosus, & amantissimus, qui equo reuectus non prius domi assederit, quàm ad te scripserit. Huius quæstionis explicationem physicè pertractari non posse dixeram: quam tu posse dicebas, & habere te aliquid iam quod, si plusculum fuisset temporis, nos ualde delectare potuisset. Dij immortales cur ego à te absum uiro doctissimo? næ annum euoluens libros omnes Peripateticorum,

teticorum, non facile obseruarem locos, quos tu mihi
 unius horæ usura commonstrare potuisses: quos ut mi-
 hi aperias aliquando, cum plus erit ocij, ueniam ad te,
 non discessurus, nisi pertractata omni ista questione,
 quam ego ad physicum philosophum spectare non ar-
 bitrabar, quòd de Animo, aut Anima (rem enim ean-
 dem Latini ijs uocibus sæpe significant) tandiu possit
 differere, quandiu in plenæ, absolutæq; definitionis per-
 ceptioe uersetur, quæ est, $\Psi\upsilon\chi\acute{\eta}\ \delta\epsilon\iota\tau\ \gamma\acute{\nu}\tau\epsilon\lambda\acute{\epsilon}\chi\epsilon\iota\alpha\ \acute{\eta}\ \pi\rho\acute{\omega}\tau\eta\ \sigma\acute{\omega}\mu\alpha\tau\omicron\varsigma\ \phi\upsilon\sigma\iota\kappa\acute{\omega}\varsigma\ \zeta\omega\acute{\eta}\nu\ \epsilon\chi\omicron\nu\tau\omicron\varsigma\ \delta\iota\omega\acute{\alpha}\mu\epsilon\iota$. itaq; cum
 desinit esse $\epsilon\upsilon\tau\epsilon\lambda\acute{\epsilon}\chi\epsilon\iota\alpha\ \sigma\acute{\omega}\mu\alpha\tau\omicron\varsigma\ \phi\upsilon\sigma\iota\kappa\acute{\omega}\varsigma\ \zeta\omega\acute{\eta}\nu\ \epsilon\chi\omicron\nu\tau\omicron\varsigma$. desinit de ea physicus cogitare, qui æquè animi
 principatum, & motus quosdam celeres, & uim
 quandam seiunctam ab his usitatis, notisq; naturis non
 potest nisi in corpore comprehendere: atq; illam ipsam
 præstantem, æternamq; mentem, quæ principium est
 motionis, nisi in circulo, atque orbe, quem Mobile pri-
 mum appellant: quòd si eius quod mouetur considera-
 tionẽ sustulcris, eius quoq; qui moueat agnitione Phy-
 sicus omnino carebit, quòd in eo perpendendo, quod mo-
 uetur, eius omnis cogitatio sit posita, & fixa, & ijs
 finibus contentus sit, ea philosophiæ pars quæ Physice
 appellatur. Habent enim & artes ipsæ cancellos, &
 terminos, extra quos egredi non licet: quare ueluti neq;
 ante hanc cœli pulchritudinem, cuius initium quidam
 posuerunt, quis fuerit Deus, neq; quis futurus sit, post
 fatale

fatale mundi exitium Physicus propriè disputat, sic
 neq; de anima, antequàm in corpore sit, neq; postquàm
 è corpore abierit si suis regionibus uelit se continere,
 potest disputare. *Physicus na
disputat, se
loquere*
 His ego adductus in librorum meo- *anima am
orbi, et pol
lum.*
 rum partitione dixi, me hac in re Theologos summa
 industria fuisse secutum, qui mentes quasdam ab omni
 admistione corporis remotas ex disciplina ratione con
 templantur. Habent quidem & illi documenta, &
 signa, quibus collatis prodeant in aciem, & pulcher-
 rimè pugnent: habent & suasiones graues, & synce-
 ras, & dulces, quibus nihil est diuinius, nihil ad motus
 faciendos aptius, præsertim cùm propensi natura sint
 animi hominum ad eam scientiam, nihilq; sit, quod ijs
 pacem, cōsolationem, spem magis asserre possit, quàm
 hæc una facultas, si ineptissimorum hominum auda-
 cia in profundum demersa, Oratorum, & Philoso-
 phorum præclaris ingenijs subleuetur. Vale, & do-
 ctissimis, atq; optimis uiris Campano, & Victorio sa-
 lutem dic, meq; ut illos ama. Ex municipio Collino
 ad III. Idus Aprilis.

AONIVS PALEARIVS

FRANCISCO VERI-

NO S. D.

Cùm expectarem auidissimè literas tuas pluri-
 bus uerbis scriptas, allata est ad me schedula

tuo

tuo nomine tribus, aut summum quatuor uersiculis, in qua erat ueluti nouum, atque inauditum, quod in scholis omnium philosophorū est tritum, & propè uulgare, quod eo mihi te uisum est indignius, quod id ipsum neque Gracè, neq; Latine dicebatur. Existimaui pro mea in te obseruantia, culpa tabellarij factū, qui fortasse prius abs te literas flagitarit, quàm planè scribere potuisses: nam tu quidem maturè factus senex, Victorij scilicet opera usus, exuisti omnē barbariem: neq; in eorum numero esse uoluisti, qui ostentatione doctrinae cōtenti sunt insignibus ambiciosorum. Tu, quod ego summa cum uoluptate audiui serò, sed diligenter didicisti literas Græcas, Latinas non serò, & tamen ubi Latine aliquid non potes reddere, Thuscè dicis: amo te ob istuc factum non mediocriter, quod Milonis illud ualde probem, ὅτι γνῶντας τῶν λόγων τὰ πράγματα σωτῆραί εἰσι, ἀλλ' γνῶντας τῶν πραγμάτων τοὺς λόγους. nihil refert uel Gracè, uel Latine, uel Thuscè dixeris, modò benè, Tam multæ sunt comprehensiones philosophorum, ut una lingua non sit satis: excutienda tamen nobis est negligentia, & ignauia quædam, ne uocibus abutamur, ne immutemus, quos appellant, dicendi modos, non solum quia maiores nostri qui dixerunt omnia significantius ἢς τῶν αὐτῶν διανοίας expresserunt, sed etiam ut posteris consulamus, ne nouus illis exudandus sit labor uerborum usu, & dicendi genere

genere immutato. Hoc præstans semper fuit Victorij
 mei iudicium, hoc aliquando Campani tui: quod si nos
 sequimur, obsecro te ut à congressu nostro excluda-
 mus fecem philosophorum, simiolos istos cum annulo,
 & toga, qui quod barbarè non sit dictum, non putant
 Aristotelicum. Collegisti probè philosophi sententiam
 de animorum immortalitate ex libro tertio περὶ ψυ-
 χῆς, quam ego Gracè malo, nequid peruertam. ὁ νῶς
 χωριστὸς, καὶ ἀμυγνὺς, καὶ ἀπαθὴς τῇ ὀρίᾳ ὡς ἡνεργία.
 & paulo pòst, χωριθεὶς δ' ἔστι μόνον ἀθάνατον, καὶ
 αἰδίου, & ex libro secundo περὶ ζώου γενέσεως.
 λέπειν ἢ τὸν νῶν μόνον θύραθεν ἐπισιγῆναι, καὶ θεῶν
 εἶναι μόνον. Quid censes me hac nō legisse? an uerò cum
 homines Græci Alexander, Themistius, Simplicius
 hæc interpretati, fulgurare, tonare, permiscere omnia
 uiderentur, & barbari interpretes Auerroes, Avi-
 cenna ob hæc eadem certarent summa contentione,
 cumq; semilatini Thomas, Scotus, Pomponatij, Sinues-
 sani digladiarentur inter se, et quantum poterant uo-
 ce contenderent, ut omnes exaudirent, unus ego nun-
quam ad tantos clamores aurem intendi? nempe in li-
 brorum meorum diuisione legere potuisti: in secundo
 libro Stoicorum, & siquæ erant Peripateticorum ra-
 tionibus immortales esse hominum animos probaui-
 mus: neq; puto illorum aliquod argumentum esse quod
 eo libro non cōtineatur, sumpta quedam sunt ab Ari-
 stotele

stotele studiosius, nam illud.

Non aliquid mixtum, non concretum ex elementis
 Sed purum, æternū, quodq; omni est tabe solutum,
 eò spectat, ὅντις χωριστὸς, καὶ ἀμυγνὸς καὶ ἀπαθὴς.
 οὗτοῦ μόνου ἀθανάτου, καὶ αἰδίου. Vereor ne tibi
 iam sum molestus, uenio igitur ad ea quæ scribis:
 Scheda tua nihil habet eorum quæ receperisti, ὕπερ
 λόγου. dixisti hanc quæstionem, ubi homines mor-
 tem obierint, quo corū animi in statu sint, si cum cor-
 poribus non extinguantur, Physicè pertractari posse:
 ego id sedulò negabam. Quid ais? tuum est ostendere,
 ab Aristotele id esse factum, dum Physica tracta-
 uit. Quæ adduxisti, non conueniunt: nam in his phi-
 losophus animi principia indagat, ut constituat νῦν
 τὸν μὲν ποιητικόν, τὸν δὲ παθητικόν; quòd alter
 χωριστὸς καὶ ἀμυγνὸς καὶ ἀπαθὴς sit in homine, quod
Pomponacius delitiæ tuæ non potuit concoquere: alter
φθαρτός, quod Lyncei quidam interpretes non uide-
 runt. Id si propositum est Aristoteli, tu iam uide in
 his uerbis. ἐπεὶ δ' ὡσαύτῃ γὰρ ἀπάσῃ τῇ φύσει ὅτι τι
 τὸ μὲν ὕλη ἐκείῃ γένει: οὗτοῦ δὲ ὅτι πάντα διαλύ-
 μεῖν ἐλεῖναι, ἑτέρου δὲ, τὸ αἰῶνον, καὶ ποιητικόν τῷ
 ποιεῖν πάντα, οἷον ἡ τέχνη πρὸς τὸν ὕλιν πᾶν πο-
 θεῖν, ἀνάγκη ἐστὶ τῇ ψυχῇ ὑπαρῆκεν ταύτας τὰς
 διαφοράς. καὶ ἐστὶν ὁ μὲν τοιοῦτος νῦν τῷ πάντι
 γίνεσθαι, ὁ δὲ τῷ πάντι περὶ, Explorat ergo phi-
 losophus

loſophus ut uides τὴν φύσιν, καὶ τὰς διαφορὰς
 ὑπαρχούσας ἐν τῇ ψυχῇ non id quod tibi est propo-
 situm, ubi animi hominum sint, cum decesserint, &
 in libro secundo πρὶ τῶν ζώων γενέσεως uestigat
 ortum animi, ὅτι δύραθεν, quamobrem quaestio illa
 longè abest à philosopho physico, non longè ab eo qui
 tractat τὰ μετὰ τὰ φυσικὰ. neq; ego id temere ducor
 ad suspicandum, Aristoteles scriptum reliquit τὴν με-
 τὰ τὰ φυσικὰ τῷ. λ. εἰ ἡ καὶ ὕσθρον τι ὑπομνείει,
 σκεπτέον: ἐπὶ γένειον γὰρ ὑδὲν κωλύει οἶον εἰ ἡ ψυχὴ
 τοῦτο, μὴ πᾶσα, ἀλλ' ὅντις, πᾶσαν γὰρ ἀδ' ἰωάτου
 ἴσως, quo fretus audeo dicere Gracè melius, nam La-
 tine non inuenio ψυχὴν μὲν ἡ νοητικὴν πότερον αἰθερώ-
 δεις, ἢ ἄ, αἰδίου ἢ ἄ, πρόσλημα εἶναι φυσικόν: ὅπως ἡ χω-
 ροειδία νοεῖ εἰσεῖν, ἐτ' ὅρας γε, φυσικῆς ὑδαμῶς εἶναι
 θεωρίας.

AONIVS PALEARIVS

BARTHOLOMAEO PAN-
 CIATICO. S. D.

NEquē ego mearum uirium tam audax aestima-
 tor sum, nec ita prorsus ignarus officiorum, et
 incredibilis humanitatis tuae, ut sperem me uerbis con-
 sequi posse partem aliquam oratiarum, quas à me tibi
 per literas agi necesse est. Nam quòd tu is uir tanto
 studio, & diligentia, tanta celeritate Lugduno ad me
 libros

libros mittendos curasses, admirabar ego hominis humanissimi benignitatem. Verum quod eo beneficio accepto nullis ad te literis ea de re missis, nulla gratia relata, iisdem ferè diebus tam diligenter curaueris meas literas ad Gryphium perferendas, & altero beneficio liberalissimè affeceris: agnoui ego diuinitatem ingenij tui. Quid enim tam diuinum est, quàm eos, quos primis officijs inueris, non respondentes cumulare secundis, & tertijs? neq; desistere, neq; stomachari prius, quàm meritorum numero, & magnitudine socordes, oscitantesq; pupugeris, traxerisq; in tui admirationem? Quam ob rem magnum quiddam est quod tibi debeo, magna itè animi mei propensio in te, quam si satis declarare possem, praclarè à me actum iri putarem. Nunc cum acceptis beneficijs serò gratias agā, neq; ijs oratorijs uerbis, quibus te delectari audio, quid restat, nisi in summa orationis paupertate summum mihi desiderium declarandi amoris mei? qua in re nisi Victorius meus, & idem tuus adiuuerit, ut meo nomine tibi gratias agat, frigidum sanè, ac ieiunum habebis gratiarum actorem, & laudatorem uirtutis tue. Quod iste quidem melius facere poterit, cum ea ubertate, & copia dicendi, quam ex omnium liberalium disciplinarum optimis studijs est consecutus: tum quod praesentes omnia melius explicamus, habentq; suam in agendo partem oculi, manus, & pes: qua re adducti

Uan. p. 113.
re.

praesentibus
et melius
explicamus.

adducti antiquissimi oratores in actione propè omnia
posita esse duxerunt, quæ cum in isto sit non vulga-
ris, sed mirifica quædam, qualem in Socrate fuisse ac-
cepimus, non dubitavi per literas petere, ut cum reci-
taret tibi quandam mearum literarum partem, mul-
ta de suo adderet, quibus intelligeres gratissima me-
moriam prosequi me beneficium tuum, nihilq; mihi fo-
re iucundius, quam si cum usu uenerit, etsi per me
parum, aut nihil possum, experiare aliquando amo-
rem meum. Vale, ex municipio Collino XIII.
Calend. Maias.

AONIVS PALEARIVS

PETRO BEMBO CAR-

DINALI S. P. D.

Nisi ego gravitatem, & animi tui magnitudi-
nem probè nossem, facerem quod vulgus homi-
num solet, ut hac fortune accessione extra modum
letitia elatus tibi congratularer. At cum hæc eadem
munera tibi sæpe oblata sciam, abs te non modò non
retenta, sed pulcherrimè fuisse reiecta, non commit-
tam, ut animi tui admirabili continentie, & integri-
tati faciam tam insignem iniuriam, ut repentinum
aliquod bonum, insperatum, improvsumq; tibi obti-
gisse existimem. Quid enim tale fuit, quod cum in
summorum Pontificum oculis habitares, non impe-
f trasses

trasses cum gratia? idq; uel eo argumento maximè confirmari potest, quòd tua opera praeipue usi fuerint nonnulli qui horum ornamentorum desiderio tenebantur: quæ cum per te consecuti fuissent, in te conferrì non curabas, quòd alijs, non tibi, ijs muneribus per te tamen condonatis maiorem inde fieri existimabas auctoritatem, & dignitatem tuam. Huius liberalitatis, bonitatisq; memor Paulus pōtifex, te in amplissimum ad agendum collegium cooptauit, in quo si omnia ex te, & collega tuo sanctissimo, & optimo Sadoletto penderent, felicissimè eueniret Reip. Christianæ. Nunc cum ea Respub. regum, principumq; ciuitatum culpa quasi æstu maritimo agitetur, subueretur boni omnes, uos miseris, perditisq; temporibus ita ad summos labores fuisse uocatos, ut necesse sit præclara illa studia, quæ ingenij suauitatibus ad coelum extuleratis, uel remittere, uel omnino deferere, de quibus melius sperabamus, quòd ea à uobis ipsis essent petenda, nō aliunde: cum nihil esset quod, si uoluissetis, non esset facile perfectum industria uestra. Nam ut omitta, quæ ab illo sunt scripta diuinitus, quid de historia tua dicam? Dii immortales quantam expectationē concitasti! qualem spem inieciisti hominibus nostris, ut seculum hoc miserum, atq; indignum in quod incidimus, non dubitent felix, atq; aureum aliquando à posteris iri appellatum! in quo ea historiarum monimēta sempiterna hominū

memoriae consecrata sint ingenio tuo. Hoc eo à me di-
ci uolo, ne patiare per Deos te quibusuis muneribus
ab ijs scriptionibus auelli, quibus te, & patriam, &
tempora illustrasti: permulti deligi potuerunt, & for-
tasse delecti sunt & his, & superioribus temporibus
collegæ, at Sadoleti, at Bembi per diu nulli. Hoc item
eo dico, quòd pungat me quasi aculeis iniquitas quo-
rundam, qui homines hominibus præstare non intelli-
gant, atq; utinam postquam ut uereor literarũ studijs
multum ereptum est, accersitis ad gubernaculũ Reip.
duobus optimis, & doctissimis uiris, sic remittat ali-
qui spiritus, ut pauli dicto sint audientes: πρὸ φῆται δὲ
ἢ δ' υἱοῦ, ἢ τοῦ αἰσ λαλῆτωσαν, καὶ οἱ ἅλλοι διακελεύετω-
σαν, qualem enim Remp. optamus, & uolumus fa-
cilè habebimus si suum locum uestra uirtus, & di-
gnitas obtinebit: in quo me illud consolatur, quòd inte-
gerrimi, & sapientissimi uiri, qui plurimo doctrine
studio, & tractandæ Reipub. usu excellent, nunquam
melius dignosci poterant, quàm asperis, difficillimisq;
temporibus in summa rerum omnium perturbatione,
in qua tu, qui puer, qui adolescens, qui iuuenis, qui uir
liberales arteis misere oppressas mirificè subleuasti,
in ætatis maturitate loco excelso, & illustri, in tanta
omnium expectatione noli querere quantam spem bo-
nis attuleris, in pristinum statum, & dignitatem uin-
dicandæ Reip. Christianæ, Vale.

Mem. p. ii.
et c. ep. l.
vi. ep. i.

A. PAL. EPISTOLARVM
AONIVS PALEARIVS
ANTONIO PHILONARDO
EPISCOPO VERVLA-
NO S. D.

*Q*uod ~~serius~~ fortasse gratuler, quàm debebam,
agerem ego pluribus, quibus planè intelligere
posses, charam, atq; iucundam mihi in primis sem-
per fuisse dignitatem tuam: nisi illud unum, quòd
iam multos annos ab urbe absim, satis excusationis
haberet, quo me facillè tueri possum. Etenim ex ijs in-
còmodis quibus me affici necesse est, ob ignorance[m]
rerum urbanarum, hoc mihi grauissimum est, quòd
de ijs nihil ad me perfertur, quorum gaudia solidè an-
te omnes gaudia te omnes gauderem. Quòd nisi proximis superioribus
diebus Corsinius noster literas ad me plenas officij, &
humanitatis dedisset, attulissetq; iucundissimum nun-
cium de dignitate tua, nã ego homo infelix essem, qui
neq; istuc serò fecissem, quòd diligentissimè, & ma-
turrimè facere debebam. Multa enim sunt causae,
quibus tibi gratulari debeo quòd ad ~~extremam~~ am-
plitudinè sis prouectus: in quibus illa sunt uel iustissi-
ma, quòd sanctissimi, atq; optimi uiri patru[m] tui sin-
gularia, & maxima quaedam beneficia semper in
me extiterunt, nihilq; Perusiae, & Romae in me ornan-
do ab illo proficisci potuit, quòd non sit profectum: cu-
ius cum singularis sit grauitas, summa amplitudo, in-
tegritas

tegritas admirabilis, quid est quod ego magis deside-
 rare possim, ingrauescente praesertim iam illius eta-
 te, pro amore, obseruatiâq; mea in familiam uestram,
 quàm ut in te, qui à puero magnâ tui expectationem
concitasti, uestigia quaedam eius sanctitatis eluceant?
Hanc cum in eas uiam, dignitasq; ea in te translata
sit, per quam ille sese, & familiam cumulauit omni-
bis ornamentis, noli querere quam ego de te opinio-
nem habeam, quanta spes iniecta sit ex modestia ista
animi tui, & praeclari ingenij solertia, & suauitate.
 Nam si arborum, quas habemus in fundo auito, cum
 senescere eas uidemus, usq; adeo traduces, & propa-
 gines desideramus, & per diligentem colimus: quo stu-
 dio, qua tandem animi propensione in te me esse opor-
 tet, in quo uideam expressam effigiem integritatis,
modestiae, & sapientiae patrum tui, quem ego semper
colui, & obseruaui? Huc accedit, quod patria ipsa,
 quæ uita mihi charior est, etsi absim, contendere à me
 uidetur, ut suo tibi nomine gratias agam: quod facio,
 & quidem libenter, quod ad meorum ciuium tempe-
 randos animos, & pie instituendos non incideris, sed
 ueneris. Non enim sum nescius id quanti sit, qui sciam
 non nullas tenebras multis seculis esse offusas diuinae
 philosophiae, ita ut in hominum animis nihil minus ali-
 quando infederit, quàm Christus: eorum fortasse
 culpa, qui ut acuti uiderentur $\pi\epsilon\beta\lambda\acute{o}\mu\alpha\tau\alpha$ quæstio-

nes αὐτὶ δὲ ἀγγελίᾳ populo proposuerunt, nugato-
 res potius quàm oratores. Huic malo nemo melius
 mederi potest, quàm Episcopus: quem pro auto-
 ritate, & gravitate reueretur populus, Senatus
 obseruet: qui & docere possit, & eos inuitare
 ad dicendum, qui & egregia doctrina sint, &
probatissima uita non contentionum cupidi, sed ue-
ritatis, studiosi buccinatores laudis, & gloriae fi-
lij Dei, in quo, ut Paulus aiebat, εἰς ὅτι πάντες οἱ θη-
σαυροὶ ἐν σοφίᾳ, καὶ ἐν γνώσεως ἀπόκρυφοι. Sed
 hæc tu melius, cuius hæc studia propria sunt, quiq; fa-
 miliaribus negotijs non plus distraharis, quàm uelis,
 quiq; habes domi quem imiteris uirum summa sa-
 pientia, non modo ab hominibus nostris sed etiam ab
 Heluetijs, Gallis, & Germanis laudatum, cum testi-
 ficatione etiam & amoris, & reuerentiæ plena. Re-
 liquum est, ut Philippum affinem meum tibi commen-
 dem, iuuenem, ut spero, morigerum, atq; modestum.
Solus erit istic, si unus deeris, habebit neminem neq;
amicum, neq; cognatum: itaq; & pro Christiana
 pietate, & iam Episcopi officio, proq; ob-
 seruantia mea in Philonardos eum
 tibi etiam, atq; etiam com-
 mendo. Vale, Senis, v.
 Calend. Sexti-
 lis.

AONII PALEARII

VERVLANI EPISTO-

LARVM LIBER

III.

AONIVS PALEARIVS

VERVLANVS PETRO

FRANCISCO RIC-

CIO S. P. D.



QVOD audacissimi, & furiosissimi
 hominis aduersarij mei bis iam auto-
 ritate, dignitateq; tua fregeris, retu-
 derisq; improbitatem, magna omnino
 à me tibi gratie aguntur, agenturq; dum uiuam:
 quod si seruius facio, quàm debebam, dabis hoc ipsis
 istis molestijs, quæ me profecto hebetiorem reddide-
 runt. Quemadmodum enim tempestatibus coortis li-
 mosa ac turbida flumina non subito cum cæli seren-
 itate perlucida & sedata fluunt: sic in offensionibus
 perturbationum, animi uitium aliquod concipiunt
 quod deponere subito non possunt: quamobrem siquid
 per id tempus scribimus, & sicci, & ieiuni sumus.
 Postulant enim hæc studia literarum tranquillita-
 tem, motusq; alacres quosdam animorum: quæ cum
 in me nulla superioribus mensibus extiterint, quid est

Comparati
 pulcherrima
 à flumine
 iam animo

studia postulat
 ut tranquilla
 taben

quod mirere, si in meis literis tale aliquid non sit, quod te ualde delectare possit? Dices fortasse, grauius me hæc tulisse, quàm oportebat: neq; tantopere commoueri debuisse ineptissimi, & leuissimi hominis causa: præsertim cum tu, & Campanus (dij immortales qui uiri!) recepissetis susceptæ iam causæ defensores non defuturos: curaturosq;, siquid homo insanus posthac intentasset, ut sentiret quàm paratissimum apud excellentem, & imperio, & ingenio Principem florentissimæ ciuitatis patrocinium sit bonarum artium studiosis, ex cuius familia illustri quidem illa, & per se præclara prodierint semper, ueluti ex equo Troiano, (ut in prouerbio est) Musarum imperatores, ducesq; liberalium artium. Hæc etsi mihi tam certa essent, quàm ea quæ oculis cerno: nonnullam tamen molestiam capiebam ex rerum indignitate, quòd in reijciendo homine tenui, atq; ignobili, neq; Græcis, neq; Latinis literis erudito, philosophiæ etiam planè rudi, atq; ignaro, uestra mihi opera uti necesse esset: ex qua re uidebatur crescere aduersarius meus. Huic rei illud erat argumento, quòd superiori anno cùm Apologiam scripisssem, per quam ego rabulæ inscitiam ante oculos eruditorum nudaram, eius tamen ordinis homines illum sibi, & rebus publicis præfecerunt: credo, ut de superiore quasi loco mecum contenderet: & qui per sese nihil posset,

posset, assignati muneris causa non nihil dignitatis habere uideretur. Nunc cum summorum uirorum opera uti mihi necesse fuerit ad eius impudentiam reprimendam, erit ille, mihi crede, apud suos in maiore honore.

Me miserum, quibus cum laruis ego iam biennium sum luctatus! quas quoniam grauitate tua à me abegisti, non committā posthac ut mihi cum illis quicquam negocij sit: commentariaq; θεολογικὰ, quæ soluta oratione, & orationes quas scribere institueramus, & laudationes, quas uersibus scribimus supprimentur fortasse, donec extorqueatur sica ista de manibus imperitorum hominum, atq; iniquissimorum, qui sanctissimam facultatem oratione illustrari grauissimè fecerunt, malumq; eam in tenebris iacere ad quæstum, & lacrum, quam in illustri loco sitam animis hominum optatissimam, & uerissimam consolationem adhibere. Quod si Deus Reges, Principesq; ciuitatum, qui ad gubernacula Reipublicæ Christianæ sedent pupugerit, ut magna frequentia doctorum hominum conueniant in unum aliquem locum, quasi censura episcoporum iudices ueritatis, caue putes ullum genus hominum magis inuisum iri, quam rabulas istos, qui multis seculis non modo philosophiæ humanæ, sed diuinæ illi, qua uiuimus, unde lucem haurimus, per quam ad superos accedimus, tenebras incredibiles offuderunt. Qua re quod meæ innocentiae acerrimum te defensorem præ-

Ge. in (ad: 199.

page 88. theologica.

stiteris, colo ego te, & obseruo pro ista pietate maiorem in modum: neq; meriti, neq; humanitatis tue memoriam obliuio ulla unquam delebit. At uero quod in ea defensione hominem arrogantem, impurum, contumeliosum, hostem bonarum litterarum tam insolenter impunitate, & licentia se se efferentem tua gravitate represseris, spero ita complexuros istam animi bonitatem amicos meos, optimos quidem uiros, & in ijs studijs excellentes, in quibus tu cum laude semper es uersatus, ut magnam ex ea re uoluptatem capias, intelligasq; Dijs, hominibusq; acceptissimum fuisse beneficium tuum. Vale ex municipio Collino. III. Nonas Sextilis.

AONIVS PALEARIVS

FRANCISCO CAMPA-

NO S. D.

ET si mecum ipse statueram nihil ominino ad te scribere, nisi tale aliquid accidisset, in quo ego pro summis tuis in me beneficijs, et gratias agere, & amorem meum, & obseruantiam erga te declarare potuisssem. Veritus tamen, ne diuturna taciturnitate parum memor, & homo minime gratus uiderer, fregi consilium meum: nam neq; obscuris, neque uulgari-
bus abs te officijs sum adiutus, animo praterea adeo liberali, atq; ingenuo, ut quicquid abs te profectum sit,
incundiss

*ucundissimum mihi multis, iustissimisq; de causis esse
 debeat. Etenim cum municipes nostri, de quibus omnia
 mihi largè, atq; honorificè pollicebar, fessellissent opi-
 nionem meam: & qui affinitate coniunctissimi mihi
 esse debebant, inhumane non modò me descriuissent,
 sed oppugnassent etiam pro rabula, & homine mini-
 me noto: ita à te sum defensus, ut effluere ex animo
 non possit magnitudo beneficij tui. Qua de re cum fra-
 tribus tuis, optimis illis quidem uiris, & mihi cha-
 rissimis, saepe sum locutus, ut quasi per eos tibi gratias
 agerem. Apud municipes uerò ita laudibus extuli
 istam animi benignitatem, et in bonos propensionem:
 ut quiuis intelligat, me nihil habere antiquius tua
 uirtute: quam ita animo complector, ut nihil mihi
 possit esse coniunctius. Neq; uerò ego unquam cogna-
 tionum, & propinquitatum uinculis arctius astringi
 uirum bonum debere putavi, quam ijs ipsis, quæ stu-
 diorum societate, & similitudine sanctissima, &
 firmissima habentur. Fallit enim nos saepe natura, & *Natura fa-*
 communio sanguinis: cogitq; ut eos interdum ame- *reper*
 mus, qui si mentem adhiberemus in consilium perma-
 gno nobis odio essent. At uirtus fallere non potest, quæ *Uirtus*
 uerissimarum, & illustrium rerum perscrutatione, *non fallit*
 grauissimq; iudicio ita animos allicit, ut saepe eos mi-
 rifice diligamus, quos nunquam uiderimus. Quam ob
 rem si humanitatis, & ingenij tui expectatione te
 multum*

multum amabam : nunc cum ueram, & solidam benignitatem tuam sim in me expertus, non facile dici potest, qui cumulus accesserit amori meo, quod si in te quoq; colendo duo optimi uiri mihi socij, comitesq; adiuncti sunt: alter qui philosophia, alter qui eloquentiae laudibus excellit: quid est quod ego ex animo magis, aut lubentius facere possim? atq; me hercule si his curis unquam, quibus ob aes alienum contractum maxime teneor, suero liberatus, nulla mihi charior, aut iucundior urbs futura est, in qua ego uitae reliquum tempus traducam, quam florentissima ista, in qua Verinus Victorius, Riccius, & Campanus, mei amoris, study, & pietatis magnis officijs inter se certant. Cuius si me compotem aliquando fortuna fecerit, eritis mihi uos magni patrom. Quos ego si mea tenuitate imitari non queam, ero tamen & diligens, & studiosus laudator uirtutum uestrarum. Senis pridie Nonas Septembris.

FAVSTVS BELLAN-

TES AONIO PALEA-

RIO S. D.

QVod in discessu tuo ex Hetruria tam peramanter rogaras, ne literarũ studia intermitterem: facerem diligenter, si possem sine te praeclari aliquid exquirere industria mea. Verum enimvero postquam in urb

in urbem profectus es, ita nescio quomodo animus
 meus torpuit, ut difficillimum mihi fuerit scribere
 epistolam hanc, quam ad te mitto. Nam si animantia
 quedam, in quibus ratio nulla est, cum ab alijs dese- *(comparati-
 vuntur, desiderio uocem aliquam emittunt, qua signi- a Animas
 ficent, se egrè ferre discessum eorum, quibus cum ui- 15. egrè se
 xerint, quo animo putas me tulisse discessum tuum? 17. & diuide*
 omitto quod pater meus, uir optimus, et grauissimus,
 te semper maximi fecerit: & tu illum sic amaueris,
 ut magis præterea neminem. Quid dicam de beneuo-
 lentia tua in me, & fratrem, in meos, uel potius no-
 stros uniuersos? Quam ob rem mihi molestissimum est,
 quòd animo te audio esse propè abalienato, quòd ser-
 monibus quorundam sis offensus. Qua in re te oratum
 uelim pro amore tuo in me fraterno, ne culpa leuissi-
 morum hominum ita moueare, ut memoria deponas,
 quantam expectationem de te habuerit pater meus,
 quàm ego te semper dilexerim in fratris germani lo-
 co. Veniat tibi in mentem, quòd tu mihi in discessu re-
 ceperis, rediturum te ad nos post quindecim, aut sum-
 mum uiginti dies: quod ut facias omnes nostri, & ego
 in primis te uehementer etiam, atque etiam rogo.
 Vale, ex arce Areolæ.

AONI

AONIVS PALEARIVS

FAVSTO BELLAN-

TI S. D.

Ego uerò & tuum animum in ijs literis, quæ mihi abs te proxime redditæ sunt, uidi: & cognoui dolorem, quem acceperis ex rumoribus, qui me inuito, nescio quo autore, ad uos perlati sunt. Quantum suspicor, Cecilia loquacissima mulier permiscuit domum. Noli, obsecro, me tam aut ingratum putare, aut immemorem beneficiorum: ut ad reuocandum opus esse arbitrere literis tam humaniter scriptis, cum commemoratione etiam patris, fratris, & amoris erga me tui: scilicet ad innumerabilia in me tuæ familiæ merita hoc etiam accedere oportebat, ut omnium tuorum nomine rogares. Apage te cum istac humanitate, qui cum per te plurimum possis, uis etiam per alios. Nihil mihi posthac erit molestius, quàm si intellexero te ita pudenter, ne dicam remissè agere cum eo, quem in fratris germani semper habuisti loco. Quòd nisi ego suauitates ingenij tui nossem, ut quos nobilitate, & diuitijs uincis, omnibus modis uelis uincere: nonnihil de amicitia nostra fuisset detractum. Minus enim apud te me posse putarem, quàm olim putabam: & falsam esse opinionem, quam semper habui, me te prorsus esse alterum. Quid enim, si usu ueniat, petere ausim, si tu à me tam timide, tam uerecundè omnia? An si quorundam

dam sermonibus sum offensus, ab alienato erga uos me-
 animo esse decet? Non ignoro, quàm mater tua, lectis-
 sima fœmina, & suauissimus frater grauissimè tu-
 lerit mulierculæ importunitatem. Qua in re illi igno-
 sci debet, quòd & leuissima est omnium mulierum,
 & patre incerto nata, & pusilla serua, ingenua non
 est, cui si uir iurganti asperè uerbis, & uultu, ut solet,
 os aliquando contudisset, reddidisset profectò humani-
 tatē. Peto à te, si molesta esse perget, ut fabellas Thu-
 scè scriptas non impedias exire: cupio enim quosdam,
 & iam pridem cupio, non tam ulcisci, quàm sanare,
 qui non prius inepti esse desinent, quàm nominatim
 euocati uiderint se mucrone styli obstrictos, atq; con-
 fossos. Sed hæc coràm. De studijs uideo quid egeris, qua
 in re imprimis tibi gratulor, quòd tantum per te ipse
 proficias, quantum uix aly adiuti à multis, & doctis
 uiris. Benè currentem uideo, si in cursu, & ijs uirtu-
 tibus perstiteris, in quibus tu certè quidem id ætatis
 mirum est, quàm excellas, ô partum aureum matris
 tuæ, quæ tam necessario tempore te laboranti Reipu-
 blicæ dedit: pro qua quoniam pater, & auus emori
 potuerunt, proauus certè mori uoluit: nihil est quòd o-
 mni cura in ea studia non incumbas, quæ tibi patriæ
 charitas ostenderit, quibus aliquid opus afferre misera
 possis, quæ auxilium abs te, & coeui postulat: quo-
 niam à senibus factiosis destituta, locum in quo con-
 quiescat

quiescat non reperit: quòd nisi occidenti propè Cæsar
 occurrisset, non esset quod aliquando curares. Nunc il-
 le dijs bene iuuantibus speciem restituit, succum, et
sanguinem hirudines antiquæ hauserunt. Acrarium
 nullum est, uectigalia etiam facta deteriora, ἀνακα
 omnino strigosa: sed hæc ex tuorum sermonibus me-
 lius, uel optimè omnium per te ipse intelliges. Qua in
 re illud te consolari debet, quòd æquales habes summi
 ingenij summiq; animi iuuenes, tam Reipublicæ stu-
 diosos, tam tui similes, ut in hæc tempora non incidisse,
sed uenisse uideare. De reditu nihil habeo certi: fa-
ciam tamen quod mandas, ubi me explicaro, nulli
celentz mihi prorsus equi erunt satis. Vale. Idibus Februa-
rijs, Romæ.

F A V S T V S B E L L A N -
 T E S A O N I O P A L E A -
 R I O S . D .

ET si unis, atque alteris literis abs te efflagitaram,
 ut quàm primum ad nos redires: quod tui deside-
 rio faciebam, qui multis iustusq; de causis nobis c-
 omnibus es charissimus: cum tamen interea aliqua res
 accidisset, quam ob rem uiderem in discrimine uersa-
 ri salutem tuam, mutauì consilium. XIII. Cal. Mar-
 tias ante lucem Placidi pueri cum literis mihi præstò
 fuerunt: ex quibus intellexi, magnos motus, incredi-
 bilem

bilem conſpirationem ſceleſtiſſimorum hominum con-
tra te eſſe factam. Viſum eſt matri meæ, & lectiſſi-
 mæ ſœminæ uxori tuæ, ut ad te ſcriberem, ne te loco
 moueres, ſed ſuperſederes, dum hic nodus exoluatur.
 Cauſam accuſationis neſcimus, nomina eorum qui
 diem dixerunt ignoramus, nam Placidi literæ nihil
 horum ſignificabant. Rumor eſt, religionis calumnia
 eſſe concitatos homines primarios: mater credit Ca-
 lones in te coniuraſſe, quod ſuperſtitioni nihil ſis ami-
 cus, qua illi domum noſtram exhauriebant: neq; id
 ὁπβολικὸς. nam auia, cui auus, & pater pecu-
 niam omnem noſtram crediderant, ut nobis adſerua-
 ret uſq; ad firmatam ætatem, deceſſit, cū neq; te-
 runcius eſſet reliqui: manticas ſatis grandes inueni-
 mus diſſutas, in quibus reconditæ pecuniæ ueſtigia
 apparebant. Nos Lignipodas, qui in auie conclauē
 quotidie curſabant, uocauimus in iudiciū, in quo tu
 adſuiſti nobis: nihil tamen profecimus, nam & tur-
 piſſimum iuſiurandum iurarunt, & ita ſacris manus
 admouerunt, ac ſi habuiſſent iligneas. Hæc omnia
 ſciunt nos feciſſe fretos conſilio tuo, nihil eſt magno-
 pere mirandum ſi tibi ſunt irati, hæc mater. Ego ue-
 rò non negarim, aliquam partem incommodorum per
 hoſce nebulones eſſe inuectam: at tantam rem hominum
 culos potuiſſe moliri non arbitror, altiores ſtirpes ha-
 bet hæc conſpiratio. Sunt peſtes hominum quedam

Man. lib. 9. pg. 12. d. 1. uerbo. cp. 5.
 alieno bono dolentium, qui cùm alicui benè sit, sibi esse
 putant malè: hi fronte, & uultu alacri blandè appel-
 lant, salutant libenter, iocantur festinè, Clanculum si
possunt nocere, caue malam rem: ubi timent eorum
perfidiam resciri posse, accedunt ultrò, purgant sese,
conqueruntur. Hem egòne istuc conari queam? Ab
 hisce hominibus suspicatur Placidus iacta funda-
 menta accusationis. In Placidi sententiam facilè eo,
 qui propter ingenij acumen omnia perspicit: adhuc
 tamen nescio quid animus mihi præsagit, metuo à Se-
 natoribus quibusdam, in quorum furores iam inde à
 causa salaria incidisti, meministi? Egidius, qui o-
 mnia quæ ad tuum honorè, & dignitatem pertinent,
 curat diligenter: quantum potuit odorari, eò peruenit,
 ut rem uideat non longè esse à subsellijs. Quod si ue-
 rum est, iubeo te bene sperare: dabunt enim integri-
 tatis, religionis, pietatis tuæ testimonium uiri quò ro-
 bore, quibus radicibus C. F. Sfondratus, & F. Cras-
 sus, qui duo sunt pro centum millibus, quoniam Sena-
 tui, populoq; Senensi acceptissimi gratia, & autori-
 tate plus possunt, quàm ceteri omnes. Ego cras, sum-
 mum perendie Senas ibo: cum amicis, propinquis, co-
 gnatis colloquar, patronus si opus est aduocabitur, da-
 bitur pecunia, eroq; omnibus rebus uel uitæ periculo
ad te defendendum paratus: antequàm in arcem re-
deam scribam omnino ad te: tu interea, quoad po-
 res,

*ly. uerbis
 lang. 9.*

*legantibus
 in hac omni.*

res, uel in tranquillitati animi seruias, aduersam fortunam rectè feras, neq; ipse tibi tu molestias addas, neq; te afflictes. Vale.

AONIVS PALEARIVS

FAVSTO BELLANTI S. D.

Post cœnæ tempus, cùm ad focum sederemus redditus est mihi fasciculus literarum tuarum: quibus perlectis, acquieni aliquantulum, sed animo planè non sum confirmatus: nam neq; mihi dubium est C. & Crassum fortissimos uiros non defuturos, sed ij non plus quàm nosti, & ne benignè quidem polliceri possunt: in quam hominum inscitiam inciderim nolo te ignorare: cùm in Senatu L. Aulæa lictoræ de Iliciniensibus recitarentur, Cotta, & Belides traducere mentes Senatorum aliò nitebantur: itaque cùm in oppidanos sententiæ ferere, & graues dictæ essent, & uehementer laboraretur, præter rem multa Belides de me: quid quæris? mera monstra. Cotta assererat, me saluo uestigium religionis in ciuitate reliquum esse nullum: quòd aliquando rogatus, quid primum esset generi hominum à Deo datum, in quo salutem collocare mortales possent? responderim **CHRISTVM**: quid secundum? **CHRISTVM**: quid tertium? **CHRISTVM**. Tu uide iam in quæ tempora inciderimus: nemo est inuentus, qui ausus sit in causa

*Christus deus
non deo,
quo non salu
possumus ed
care.*

tam bona se patronum præstare. Francisconius ad-
 erat sed noluit in odia tam acerba incurrere. Aberat
 auunculus tuus: sed si adfuisset, non magna quidem
 spe fuisset, quòd in tantis angustijs dici non po-
 test, quàm sim ab illo desertus: etenim potuisset graui
 oratione uel reprimere, uel retardare aduersariorum
 impetus: præfectum sacrorum orare, obsecrare, ob-
testari ob uicinitatem, & magnum usum, quem cum
illo habet: horum non modò nihil fecit, sed ne studium
quidem, & operam suam mihi unquam est pollici-
tus: quod solent adumbrati etiam amici. Omnia dum
 pater uixit ab eo mihi erant paratissima: nunc seu
 uitio accessionis fortune, quòd omnes dum egemus su-
 mus humaniores, seu à Cecilia abductus, cuius ille
 uerba censet λόγιον πυνόχουσιν à nostra consuetu-
 dine refugit. Manus coniuratorum permagna est,
 plebs accensa, ut quisq; in nos acerbissimè, crudelissi-
 meq; loquitur, ita quàm maximè pius habetur: reie-
 cta res omnis est ad Arcesilaum, si ueræ sunt Placidi
 literæ. Quid existimas ab eo proficisci posse, qui no-
 bis nunquam fuit amicus? qua causa, nescio. Malum
 erat rem deferri ad Senatum, nisi hoc peius, agi
 posse sine legibus, sine iudicijs, sine iure: quæ cum
 miserrima sunt, CHRISTVS tamen meus mihi
 spem facit, quem sanctè & augustè semper colui.
 Si impetrari potest, ut testes me præsentè producantur,

tur,

tur, uicinus: homines à mendacio compositi ardorem
 uultus mei non ferent. Magnificè nimis tibi uideor
fortasse loqui. Si ferent, curabo ut imparati rursus
 testimonium dicant: incredibilis est obliuio hominis
mendacis. Sed nunquam illi, mihi crede, se in conspe-
 ctum dabunt: agent omnia subdolè, concitabunt odia,
 rumores spargēt, ut mulieres, pueri, seruitia si quando
 occurrant, inuolent mihi in oculos unguibus. Tu uelim
 Senis esses: si fortè non es, tabellarij præstò essent, Pla-
 cidum conuenires. Vbi ubi tamen eris, quid agatur,
 quid actum sit, quid futurum etiam opinere diligen-
 tissimè ad me perscribas: ego siquid interea statue-
 ro, faciam te certiore. Vale.

vide Maio.
 in Com. in
 part. lice
 178-153.

AONIVS PALEARIVS

FAVSTO BELLAN-

TI S. D.

ET si dici non potest quanto cum animi mei sensu
 ac dolore careā rebus mihi charissimis, quamq;
 abs te inuitus absim, qui propè aequè dolendo consola-
 ri, & commentando admonere posses, quid in hac re
 agendum sit, tanta præsertim frequentia coniurato-
 rum, qua nihil mihi in Hetruria tutum fore existi-
 mo. Maseus tamen noster ita à molestijs conatur
 abducere, ut acerbicatem, quam ex significatione
 rerum indignissimarum accepi, melius feram: & in

ea urbe, in qua nihil est, præter hunc, & Cinciū quod
 me delectare possit, tam lubens sum, quàm in Cacin-
 niano, & Arcola. Homo omnium officiosissimus ni-
hil eorum præterit, quæ uel consolationem afferre, uel
adiumento esse possunt. Et quoniam ab initio ætatis
 me is studiis fuisse deditum memoria tenet, quibus
 ipse magnam gloriam est consecutus: historiā quan-
 dam, & illustrem explanationem rerum, quam ex
 notis numismatum antiquissimorum collegit, mihi re-
 citat: ea quoniam puris, & electis uerbis composita
 est, numerosa, & multiplex, ita me delectat, ut sæpe
ad multam noctem lectionem producamus. Fructus
 uerò quem ex liberalitate eius uiri capio is est am-
 plissimus: quod nihil omnino se habere putat, quod
 non sit meum. Numismata mihi donauit: pecuniam,
 libros, liberalissime omnia pollicetur. Hæc ego ad te,
 quod erat in ijs literis, quas Pasalius attulit: si tædet te
 tuorum Romanorum, redi obsecro ad nos: Sic habeto
 uirum egregium esse Mascum: num in tantis fortunæ
 accessionibus quicquam de pristina uoluntate remisit,
 aut immutauit? Est illud quidem Lampridij mei cer-
 tissimum: Cum dijs hoc habet uera nobilitas, ut uel se-
 cundis quantūuis rebus, neq; tumescat, neq; cecutiat.
 Is me adhuc humanissime retinet, grauitèr se latu-
 rum ostendit discessum meum: Hernici tamen expe-
 ctant, sed longa uia est, nec satis tuta, Algidij sylua la-
trocin

M. C. L.

trocinij infestior facta, Vallis montana obsessa dici-
tur, Columnij sunt in armis: nihil agā temerē, non tam
mea causa, quā quod tu ita iubes. Hæc uxori meæ,
quæ de me plus etiam quā oportet sollicita est, caue
dicas, ne ad metum hoc etiam: nam, ut audio, miserrima
est omnium mulierum: quod ego cum fletu scribo:
fortiter enim ferre nequit fortunam nostram, & in
lacrymis iacet totos dies, & mœrore conficitur: ea co
gitat, quæ fidelissima coniux, quæ prudentissima fœ-
mina, quæ accidere possunt, ne acciderint Dij adhuc
prohibuerunt. Cōsolare eam uerbis meis, si in munici-
pium Collinū profecta est, et uos in castrum Metia-
num ibitis. Obsecra matrē ut eō diuertat, si spes nulla
melior erit, fingat aliquid saltem ut è luctu miseram
abstrahat. Nam quod scribis de Arcesilao, cuiusmodi
sit, non satis intelligo. Mirro ad te exēplum earum li-
terarum quibus Volaterrani sollicitati sunt. Is ut ab ea
mente desistat? non credo: nam si amicus est, quid ergo
eius pueri Florētiæ sunt? quid inimicitias extinctas su-
scitat? nihil homini deliberatius est, quā ut me, qua-
cūq; ratione possit, euertat. Sed ego iam humana cō-
temno: fortissimo animo sum: siquid aduersi accīdat,
commēdo tibi liberos meos: suscipe, ac tuere pro tuis: si
uixissem diutius, multa mi Fauste abs te in me officia
proficisci necesse erat: ea omnia in eius liberos confer,
qui ut fortunas tuas, & patris dignitatem, & uitam

tueretur potentissimorum hominum inimicitias suscipere nō extimuit: ut uos paruulos seruaret, patriam, & suos reliquit, solum uertit. Liberos meos tibi commendo mi Fauste, illudq; memineris, quod dico, nō modò ut me imitere, sed ut uincas etiam. Cùm pater tuus Patauiο abiens paucis ante diebus quàm moreretur, te & fratres mihi commendasset: sic eius uerba hæserunt in animo, ut nunquam exciderint: sic inflammariūt, ut neq; morte putem extingui posse cōmendationē clarissimi uiri. Vale pridie nonas Mar. Romæ.

AONIVS PALEARIVS

PTERIGI GALLO FAMILIARI SVO S. D.

Vellem in meis grauissimis, & molestissimis temporibus in Hetruria esses. Ioānelli quidam, fex populi Senensis, diem mihi dixerunt. Deus nos iuet, nam inimiciores sunt CHRISTO, quàm Parthi. Possem ego uitare periculum, sed nolo: ne culpa aliqua subesse uideatur. Iudiciū non metuo, qui sum innocens: nec uitæ sum cupidus flagrans infamia. Magna me spes tenet, si cōtra turpissimos testes dicere possim, et accusatoribus respondere, ut huic inuidiæ finis aliquādo reperiatur. Iudex nobis futurus est antistes grauissimus F. Bādinus, frater Marij mei: hominē mihi ob studia amicissimū à me propè abalienariūt furia illa: quæ,
ut in

ut intelligo ex literis hodie ex *Hetruria* allatis, adhuc ignorant, me *Romæ* esse: quæ res per opportunè cadit. Sadoletus homo cùm doctus tum sanctus, omnium meorum non modò studiorum, sed cogitationum maximè conscius, legatus in *Galliam* proficiscitur: per magni interest, ut eum cõueniam *Senis*, quasi ex municipio *Collino* ueniens. Iisdem literis significabatur, *Florentiæ* solitari ueteres aduersarios. Multa mihi uno tempore subeunda sunt: uereor, ne possim sustinere. Tua nunc mihi fide, diligentia opus est, quare cùm primum has legeris, para, accinge, expedi te, insili in equum, uola: tui amoris est, magnis itineribus contendere, ut ante etiam, quàm fieri possit, me consequare. *(clmz)*

AONIVS PALEARIVS
PTERIGI GALLO FAMILIARI SVO S. D.

Commodùm in taberna *Viterbiensi* assederam paulò ante noctem, cùm *Fabius cursor* è *Gallia* uenit, mane in urbem iturus. Haud ab re duxi, ad te aliquid literarũ dare: nam cùm cœnati cubitum inissemus in idem conclaue, ille continuo stertere cœpit, ego somnum capere non poteram. Legi diligentius eas literas, quas ex *Hetruria* superiore die acceperam: cognoui cõsiliũ inimicorum: nihil illis est deliberatius, quàm ut uno iudicio occupatum altero implicant, ne

• g s possim

possim emergere. Cum omnia cogitatione perlustrassem, nihil mihi uisum est fieri posse prudentius, quam ante quam hostes se se moucant, intelligant omnia à nobis teneri. Scripsi epistolam bene longam ad Thomam magistrum sacri palatii, quam ad te mitto cum his literis: putabam enim fore, ut quo tempore tu Cœlimontana introires, Fabius Flaminia, peto à te maiorem in modum, nequam moram interponas, quin quam primum ad Bembum afferas fasciculum literarum. Caue facias, ut te pudor aliquis deterreat. Patarij sepe cum eo collocutus es, quid times? facta est Bembo accessio fortunæ, non abcessio humanitatis: omnia erunt ex sententia, si animus, si fides, si diligentia tua non deerit. Memineris te sepe, præsentem me, Deos orasse, ut aliquid accideret, in quo ego tuam fidem, & diligentiam cognoscerem: nullum fuit tempus, quo magis ego indiguerim opera tua. Philonardi Romæ sunt, eorum eximium, & singulare studium est in defensione salutis, & dignitatis meæ: hos tu conueni quotidie. Cincium quoque: nam iste nos uerè amat: ceteros, quos non nosti, est omnino difficile ut conuenias, ista præsertim uirginali uerecundia, in quam ego multa eram scripturus, nisi me lucerna defecisset.

uiginalis
uerecundia

AONIVS PALEARIVS

THOMAE MAGISTRO SA-

CRI PALATII

S. P. D.

Nisi ego te summa probitate uirum ex ijs laudi-
 bus, quæ de te pulcherrimè perferuntur, cogni-
 tum haberem, ad bonorum iniurias ulciscendas, inno-
 centiamq; tuendam, tua sponte satis esse incitatum:
nunquam ego sic meis literis confidissem, ut tua opera
furijsimi, atque iniquissimi hominis aduersarij mei,
non modò sustinere, sed reprimere impetum me posse
arbitrarer: præsertim cum homo ille insaniens omnia
intenterit, ad omnium pedes se abiecerit, ut aliquam
mihi molestiam suis præstigijs exhiberet: facileq;
possim suspicari, eius peruersa hac diligentia aliquid
fortasse ad te de me iam iniquius fuisse delatum: quòd
si factum certò scirem, purgarè ego me tibi, primùm
homini equissimo, deinde ut cumulatiùs satisfacerem,
appellarem hic ego Bembum, Sadoletum, Polum, Cer-
uinum, Philonardum uiros optimos, & sanctissimos,
uirtute ipsa in altissimum locum prouectos: ex quibus
omnem uitam meam, mores, studia, potuisses cogno-
scere: quorum ego testimonia eius dignitatis puto esse,
ut nihil apud bonos possit excogitari religiosius. Hæc
 non eò dico, quòd mihi in dubium ueniat humanitas,
 & æquitas tua: aut quòd uerear, ne meis literis par-
 uam

uam fidem sis habiturus. Sed ut facile homo prudentissimus intelligas, siquis iniuriosus in me maledicto extiterit, quàm uerax is esse possit, qui cum tantis, & talibus uiris non conueniat. Nunc multa omittens quæ in medium proferre possem, ea breuiter attingam, quibus tu meam integritatem, impurumq; animum aduersarij mei possis cognoscere. Cum superioribus annis emissem uillam A. Cæcinnæ, quæ fuit in agro Volaterrano: et oppidani Collini, in quorum finibus nunc Cæcinnianum est, me summis honoribus affecissent: conuenere me officij causa incredibili humanitate philosophi duo, eius quidem artis, quæ naturæ considerationem continet, benè periti. Il cum familiariter accepti, cœnassent etiam apud me, nonnulla ex ijs, quæ subobscurè scripsit Aristoteles, in questionem uocauerunt. Postridie eius diei, allecti credo studiorum similitudine, qua nihil est potentius ad iungendas amicitias, post cœnam ad me redierunt, & quædam quæ in libellis meis de animorum immortalitate carminibus prosecutus fueram, petiuerunt à me sibi repeti altius, familiariusq; edisseri. Id cum ego fecissem, necesse fuit multa à me adduci ex sanctissima facultate Theologorum, quæ me semper mirificè delectauit. At uerò quia cum ijs sermo erat, quorum ingenijs nihil ego uidi acutius, alterq; eorum Dialecticam publicè docebat, alter in disciplina Peripateticorum etatem

consump

Philosophia

*Philosophia
in libellis
de ingenijs
iungendam
amicitiam*

consumpserat : tractavi locos communes argumentorum non indiligenter. Venerat fortè illis ipsis diebus homo quidam in oppidum animo audaci, & subdolo, ad concionandum:is primùm (puto ut expectationem faceret) iactare se in Thomã Vium Caietanum scribere, quòd multa in eius libris errata deprehendisset: deinde quia parũ id credebatur, predicare se in Germanorum assertiones editurum uolumina. Eo rumore ego quoq; adductus, præsertim quòd cùm faciem uideas, uidetur esse quantuius precij: accessi ad eum perhumaniter, interrogandoq; cœpi experiri, quid in Peripateticis posset. Vbi philosophiæ prorsus ignarum, sed uerbose contentionis auidißimum noui, neq; Græcè, neq; Latine scientem, Thusci etiam dicendi generis, quod & lepidum est, & uenustum, propè imperitum: cœpi percontari quosdam domesticos eius de uoluminibus in Germanos. Ibi homo facetus exclamat, furem esse in oppido, uidisse se Echium, Rosensem, Marcellum, Lancilotum male compilatos, in tot fur- tis indignum facinus comperisse ornamenta omnia, siqua in illorum libris essent, huius opera tenebris inuoluta, barbarie respersa, conuestita paupertate incredibili orationis, & infelici siccitate uerborum omni- bus contumelijs affecta. Hic cùm ego risissem, neque ad eius quotidianas conciones accederem, delatumq; etiam esset, ridere me eius scripta: quid putas potuisse se hom

*Modestie au-
celi.*

se hominem ferocem, ambitiosum, arrogantem conti-
nere? uultu, colore, motu corporis atq; animi uariis,
mane in concionem prodire, conclamare, illatam sibi
esse iniuriam, flere, obsecrare, obtestari oppidanos, so-
licitare plebem in meam perniciem: occasione item
accepta disputationis, quæ mihi cum physicis fuerat,
impingere infamiam, & capitis accusare, coniura-
tionem facere cū affectis sui simillimis: consilia inire,
quibus non modò oppidanorum animos auerteret, sed
raperet etiam in inuidiam Principis optimi florentis-
simæ ciuitatis totius Hetruria. In has salebras cū
me quasi ioco incidisse uiderem, & licentia quadam
furere aduersarium, egressum iam omnes modestiæ
cancellis: neq; si tacerem, in probris uomendis, in con-
cionibus finem ullum esse facturum: scripsi biduo
Apologiam, per quā incuterem primum homini im-
pudentissimo timorem: ut agnosceret sese aliquando,
inciperetq; uereri eius inscitiam posse ante oculos eru-
ditorum nudari: intelligeretq; nihil sibi in uulgari illa
loquacitate præsidij fore: deinde si ad Principem ciui-
tatis, illustrem quidem, & excellentem imperio &
ingenio iuuenem, causam ut minabatur deferri curas-
set, perfectum iam esse industria mea, prouisumq; ut
nihil mihi ab mendo, ex quo homo totus est composi-
tus; periculi esset. Ad hæc illud accedebat, quòd de
uirgine sanctissima, cuius nomen reuerentiæ, & pie-
tatis

ratis plenum est, edictum grauiſſimum concilij Baſi-
lienſis contempſerat insolenter, ut ſolet omnia: Credo
propterea, quod nullum inſcitiae propius, coniunctiusq;
malum est, quam arrogantia, qua ſibi hic omnia lice-
re putat. Eam ego Apologiae partem exiſtimabam
oppidanis fore non iniucundam, quaq; poſſem eorum
animis mederi, quos ille magnis clamoribus ab aliena-
rat, & ſuſpicionibus propè infecerat, ſcripſi Apolo-
giam ut dixi biduo, miſiq; eā ad Petrum Victorium,
ciuem egregium Florentinum, uitae integritate, mo-
rumq; modestia, & liberalibus ſtudijs excellentem.
Id cum reſciſſet aduerſarius, legiſſetq; Apologiam,
cuius copiam fecerā, mirum eſt, quā praeſter omnium
opinionem animo ceciderit. Curatum interea tamen
eſt ab optimis uiris, qui in oppido erant, ut cum illo re-
direm in gratiam. Itaq; humaniſſimè acceſſi ad eum:
ille me dextra prendens, purgauit ſe ſe de iniurijs il-
latis: culpam in irae motus repentinos reiecit. Accepi
ego excuſationem, ſimultates omnes Chriſtiana pieta-
te depoſui: offenſionem, odiumq; omne ex animo dele-
ui. Apologiae item exempla, quae ad nonnullos mittere
ſtatueram, conieci in ignem, ne quod alicubi inimici-
tiarum ueſtigium appareret: unum tantum apud me
exemplum relictum, alterum habebat in manibus
Victorius, tertium erat apud aduerſarium. Rebus ita
compoſitis, cum is ad ſuos rediſſet, nihil ego iam ſu-
ſpicabar,

vide pag. 129

spicabar, nihil metuebam, præsertim cum biennio am-
 plius nihil mihi cum rabula negotij fuisset, & ego
 relictis magnis istis causis theologorum retulisssem me
 ad mansuetiores Musas. Itaq; cum omnia quieta pu-
 tarem, ecce ad me literæ ab amicis, furere nunc ad-
 uersarium meum, iactare ubique minas, rumores non
honorificè de me spargere, turpiſſimè in concionibus
appellare, epistolas etſi nulla Latinitate plenas, tamen
omnium in me probrorum recipere se cum libello edi-
turum, nihil nisi contumeliosum cogitare, muneribus
quosdam subornasse etiam, ut Romæ maledictis one-
rent, faciantq; inuidiosum me apud Dominicanos: ni-
 hil ferme per biennium curasse, nisi ut quàm plurimis
 incommodis me sollicitum reddat: quæ omnia, nisi re-
 stitissent optimi uiri amici mei, non dubito obnixè
 fuisse facturum: magis ut eruditionis nomen apud ple-
 beculam assequatur ex contentionibus istis, quàm ut
 mihi periculum creet: nam hoc ipsum nequis me læ-
 dere possit faciet, ut spero, uita mea, & spectata stu-
 dia à puero: quorum ut imaginem aliquam uidere
possis: mitto ad te orationes, quas scribere inceperam:
non quòd in illis tale aliquid sit, ex quo me præclaram
aliquam laudem consecutum putem: sed ut omnibus
modis intelligas, quàm iniqui homines sint, qui non si-
nant me in ijs studijs acquiescere, in quibus fixi men-
tem, & cogitationem meam. Quod igitur per inge-
 niu[m]

nium tuum, & uirtutes animi egregias à te peto, bre-
 ue est, ut siquid ille unquam de me iniquius deferen-
 dum curarit, non modò eius impudentiam redarguas,
 sed eius audaciæ satellites, & administratos tua gra-
 uitate frangas. Quòd siquis Apologiam produxerit,
 qua bellua putat me capite oppugnari posse: in qua ta-
 men, ut arbitror, nihil tale est, quod boni cuiusquam
 animum possit offendere: nisi quòd sint in ea quedam
 fortasse liberius dicta: asseras, id omne factum eius
 culpa, qui in cõcionibus nullam Christianæ modestiæ,
 nullam pietatis rationem habuerit: sed laceßiuerit
 impiè, pupugerit petulanter, turpißimè appellarit,
 foeda, & falsa quedam, & me quidem (ita me Dii
 ament) omnino indigna ad populum euomuerit. Quòd
 si tam cupidè, tam effrenatè alterius ledendi libidine
 efferatur, ut non intelligat, eos qui religiosi appellan-
 tur, debere moribus esse temperatissimis, cautum esse
 legibus maiorum: curaturumq; esse te, qui loco tam
 excelso, & illustri sedeas, ut sentiat id suo cum ma-
 gno malo. Sed quid ego te, quem suauissimis lite-
 ris ad amicitiam allicere debebam, molestissimis
 obtundo causa leuissimi hominis? Obsecro te mi hu-
 manissime, & doctissime Thoma, ne id mihi uitio
 des, sed importunissimo homini aduersario meo, cuius
 ineptiæ tam multe sunt, ut inimicis quoq; suis non ni-
 hil impertiat. Eius ego audaciam, quæ in urbem

*lacciere im-
 pugnare
 turpissime
 appellare.*

h

quoq;

quoq; (quod uix credo) peruolasse dicitur, si intellexero aliquando tua opera retusam : faciam profectò, ut si non tam multis uerbis scriptas, at suauiores post hac à me literas accipias, plenas quidem amoris, & obseruantie erga te meæ. Vale.

AONIVS PALEARIVS

PTERIGI GALLO FA-

MILIARI SVO S. D.

IDibus, iam uestperi, cùm uenissem in suburbanum Bellantis. Senas non sum ingressus : quòd in ea ciuitate nihil mihi tutum, nihil insidijs uacuum putarem. Mane paulò ante lucem, nequis conspectus fieret, iter faciebam per uallem Marcianam, atq; eo die putabam in municipium Collinum, in Cliuo offendi muliones Furij tui, quibus in uia dedi hoc literarum: amico nostro dicas, noluisse me nominatim appellare aduersarium, quòd nesciam, an quæ ad me allata sunt, uera sint omnia: si ille ob reconciliatam gratiam me non ledendum putat, ego eum non modò non ledendum, sed ne offendendum quidem arbitror, & certè ad rem nihil interest, aduersarius nobis est, quisquis negotium faceßit. Bembum conuenias quotidie, homo acutus, & prudens intelliget te mea causa Romæ esse: nihil differet, ut expeditus ad nos proficiscare. Philonardi satis per se incitati sunt, nihil est quod

quod labores : illud potius cura , ut sciam qua die Sadoletus Roma exhibet , eo presente mira alacritate sum ad pugnandum cum accusatoribus , et mendacissimis testibus , si prodibunt. Sed ille fortasse exiuit , nam Senis ea apparari audio , ut non possit longè abesse : angor singularum horarum expectatione.

AONIVS PALEARIVS

FRANCISCO BANDINO

ARCHIEPISCOPO

SENESE S. D.

ET si mecum ipse statueram , nisi cognita causa , absolutoq; iudicio nihil omnino scribere ad te summa prudentia , amplitudine , et gravitate virum : ne mea primæ literæ , quas ego et suaves , et incundas esse volebam , molestiæ aliquid haberent , et offensionis. Solet enim fieri , ut quæ principio stomachum fecerint , nunquam possint esse incunda. Quamobrem consultò in illud tempus differebam , quo tibi gratiæ agenda essent iudici veritatis sanctissimo , et patrono optimo innocentie meæ. Fregit tamen hoc consilium improbitas aduersariorum meorum , qui Christianæ pietatis umbram fortasse aliquam tenent , solidam , atq; expressam effigiem certè nullam. Nam quòd me in vulgi uoculas obiecerint , quòd seruiert inuidia , atq; odijs , quòd dolo malo , et rumoribus cõci-

tarint in me infinitam hominum multitudinem, non puto eos didicisse à CHRISTO. Sex menses sunt ipsi quibus præterea aliud actum, curatumq; est nihil, nisi ut indignissima accusatio confletur, allegentur florentissimi homines ciuitatis, constituentur quàm plurimi testes partim è plebecula, tenues, atq; ita rerum, de quibus testimonium dixerunt, imperiti, ut si quis alius non indiligens roget, peream, nisi uel non illa eadem uel pugnàtia loquentur: partim ex nobilitate irati, factionibus accensi, non idonei uel ex eo, quod cum ijs nullus mihi usus, nulla consuetudo, nullus sermo unquam fuit: nihil mearum scriptionum legerunt, quæ etsi cuiusquam pijs animum non possunt offendere, in ijs tamen conquirendis, ut ob id ipsum in suspicionem uocarent, aduersarij cœlum, & terras miscuerunt. Quæ omnia quis nõ intelligat ad infamiam, ad notam mihi inurendam pertinere? Nemo enim fuit unquam tanta sanctitate, qui eiusmodi testium concitatione, & sinistra diligentia accusatorum cauere satis potuerit: omitto Socratem, & Scipionem, Rutilium, Metellum, fuit in his aliquid, quod uitio dari posset: an non sic olim quo nemo melior, nemo sanctior, circumuentus est innocentissimus CHRISTVS? Facile est uerba ab imperitis, & inuidis multis singillatim non una de re extorquere, quæ Sophistes possit improbare. Recitantur sæpe etiam aliter, ac dicta sunt: plerunq;

runq; in aliam partem accipiuntur, quàm ab autore
 sunt pronuntiata. At quò se uertat uir bonus? quem
 imploret, aut appellet? ubi non modo uerborum, sed
 animi sui sensum emissarios, & obrectatores uideat
 interpretari? Serpit interea rumor, & aliquid de
suo addit: multi ex auditionibus mouentur, & se-
cundum fidem, & religionem existimant se testimo-
nium dicere, siquid reus auxilij habet, hoc etiam
anteuertunt. Ecquid Dij immortales ab istis ipsis est
 pratermissum, ut C. Franciscum Sfondratum lectissi-
 mum, & maxime illustrem uirum Patrem patriæ
 tuæ, & Franciscum Crassum Prætorem, & fortissi-
 mum iustitiæ ducem, conseruatoremq; æquitatis ab-
 alienarent? Quid? si te tanta grauitate, & constan-
 tia uirum, peramantem mei, cuius mehercule imago
 in animo mihi semper uersatur, cum de fide, de pie-
 tate in amicos soleo cogitare propè, abduxerunt? nam
 probitatis opinione sublata, quæ mirificè coniungit,
 ac conglutinat animos, amicitia uincula relaxantur,
 itaq; ut ab amicis imparatior essem, existimationem
 meam, siqua mihi est, quæ parua sanè est, & per-
 exigua, sexcentis locis oppugnauerunt. Atq; ut ue-
 teres iniurias præteream, quid de recentibus dicam?
 ob rumores quos spargunt in ciuitate: proximis enim
 diebus, cum sanctissimus uir Sadoletus legationem
 obiret, & per Hetruriam iter faceret, fuissetq; apud

opixio probitate
 amicos con-
 iungit

te, uenissetq; eum salutatum, commēdauit ille me tibi
 maiorem in modum, cūm testificatione etiam studio-
 rum meorum, & amoris in me sui. Visus est hic mihi
animus tuus suboffensus, nam accepta est commenda-
tio duriusculē, exaggerata sunt item omnia quæ ad-
uersarij pusilli, & maleuoli inuidiosè superioribus
mensibus obiecerant. Quæ res etsi me conturbauit,
 respondi tamen modestè, & humaniter, culpamq; o-
 mnem in eos reieci, qui de me aliqua ad te iniquius
 detulissent. Vix perucneram ad uirginis, cūm mihi
nunciatum est, in foro sermonem opera aduersario-
rum increbrescere: dicere alios, me accusatum turpi-
ter tacuisse, neq; uerbum potuisse proloqui: alios, re-
spondentem grauitèr obiurgatum à Sadoletto: quorum
uirumq; tam falsum est, quàm quod maximè. Respon-
 di enim quantum mihi eo tempore uisum est satis: uel
 habenda ratio non erat dignitatis, amplitudinisq; tuæ?
 Ego'ne in conspectu Legati obstrepere audeam anti-
 stiti sancto, atq; augusto? quem colui semper, & ob-
 seruauit: non faciam. huiusce modestiæ neq; me poeni-
ret, nec poenitebit unquam. Aberant accusatores, ab-
 diderant sese testes, qui si ausi fuissent se in cōspectum
 dare, audissent fortasse multò plura quàm uoluissent.
 Huc accedit, quòd illo ipso die cūm Senas uenissem,
 præstoq; mihi fuisset Ambrosius Spannochijs, ante-
 quàm salutasset dexterā porrigens, ut solet, Hem in-
 quit

quit Aoni quàm tibi gratulor, inuidiæ nihil loci est,
habes defensorem tui optimum uirum. Cùm interea
 confedissemus, narrabat mihi Senatores uel nobilissi-
 mos. quatuor fuisse ad te ueluti à Senatu missos, qui
 percontaretur de uita, de studijs meis: ibi te tam amicè,
 & liberaliter respondisse, ut deieret nihil mihi per *urbanum*
te deesse ad summam gloriam. Quare cùm hora sexta *perier.*
 dici uenissem ad Sadoletū salutandum, uenerā etiam
 ut te uisarem, gratus quidem, & memor, qualem me
 natura finxit, qui non iniuriā pro grātiā, sed grātiā *av. J. ut*
 pro iniuriā referre uelim, & cupiam: quiq; si tantū-
 lum beneuolentiæ oculis, ore, uultuq; significetur, contu-
 melias, & similitates deponere sciam, & possim: idq;
 puto in primis esse Christianū. Id aduersarij nunquam
 didicerunt: sed iniuria augere iniuriā, & odio cumu-
 lare odium. Eò spectat, quod de obiurgatione comen-
 tantur, an quod à Sadoleto amicus sum appellatus,
 quod testimoniū datū est, me de ijs rebus quæ in que-
 stionem uocātur, Romæ secū differuisse, nunquam dis-
 cedissem me alia opinione, quàm quæ firmissima semper
 est habita, id uerò non fuit perhonorificū? adhuc cum
 obijcerentur quædam quid humanius? quid lenius co-
 gitari potest eius admonitione? cùm is, qui dignitatē,
 autoritateq; sua imperare posset, ut est humanissimus,
 orauit ne rerum nouarū studiosus essem. Cui cùm re-
 spondissem, me nouarum rerum non esse studiosum, qui

putassem nunquam quicquam esse uirtute antiquius:
 cumq; in digressu te praesente uocaret, & eadem re-
 peteret: recepi, ea mente me semper fore, quam bonus
 quisq; optimam semper iudicasset, hæc grauis? hæc
 turpis? hæc foeda obiurgatio fuit? Habuit, fateor,
 oratio Sadoleti ponderis apud me tantum, ut eni-
 xè sim curaturus, ut in his quæ pietatem ledunt
non modò à scelere absim, sed suspitione etiam ua-
cem. At quod is uir quem tanti facio, quanti præ-
 terea neminem, iratus, acer, contumeliosus in me
 fuerit, tam mentiuntur aduersarij mei, quàm so-
 lent semper. Hæc à me pluribus fortasse, quàm
 oportet: cupio enim, & iam pridem cupio, inge-
 nia leuitatis, impudentiæ, arrogantiae plenissima,
 in hoc meo casu dignosci: nam quæ de te grauissi-
 mo uiro etiam loquantur, coràm fortassis aliquan-
 do. Extant eorum literæ, quibus se summis preci-
 bus abs te ad accusandum accitos asserunt, coniura-
 tionem tuo consilio in me factam, sollicitatos inimicos
 meos Volaterris, & Florentia usq; literis tuis. Quæ
 omnia non eò dico, quò mihi in dubium ueniat tua
 fides, cædor, integritas honestissimæ familiæ Bandinæ,
 sed ut eos iā cognoscas, qui ad te cursant homines men-
 daces, ueteratores, qui ut accusatoriū nomē abijciant,
 quod illiberale ac sordidū apud omnes gentes, & na-
 tiones semper fuit, summa amplitudine, & dignitate
 antisti

antistiti obijcere non uerentur. Piget enim credo mi-
seros, ac pudet, quòd tantas mihi tragœdias excita-
rint, qui nihil sanctum, nihil firmum in meis dictis,
scriptisue esse uolo, nisi quâtum probet ἐκκλησία κα-
θολικὴ, καὶ ἀριστορικὴ: quam sententiam plenam ani-
mi, plenam spiritus, plenam pietatis ueluti firmissi-
imum testimonium depono apud te sanctissimum ui-
rum, quòd sacrarium nullum sciam religiosius: ex
quo siquando usu uenerit expeditius depromere illud
ipsum possim ad frangendam improbitatem, & re-
tundendam audaciam aduersariorum meorum.
 Vale, ex municipio Collino.

AONIVS PALEARIVS

HORATIO MALEVOLTAE

EQVITI S. D.

EX literis amicorum, & sermone omnium qui ad
 me ueniunt, de tuis magnis erga me officijs, &
beneuolētia ista incredibili quotidie accipio mea sum-
ma cum uoluptate. Non, me Hercule, cupiditate rei
alicuius, quam tu cum optimis, & florentissimis iu-
uenibus omni studio, et diligentia ab octouiris petisti:
sed admiratione ingenuitatis animi, & ingenij tui.
Nam mea erga te merita, neque tanta, neq; eiusmodi
fuerunt, ut mea causa tantopere sit elaborandum: prae-
sertim cum suscipiendas tibi simul uideam inimici-
 h s tias

atque hic
ar. p. 247
Homines
terribilissimi
indubia
comparatio
in serenitate
hyems.

tius potentissimorum hominum, qui ueluti furie qua-
dam ad perdendas familias, ad delendos ciuium ordi-
nes nati, unius hominis calamitate contenti esse non
possunt. In horum ego te furores incidere nollem, qui
 odio inueterato ratione certa regi nequeunt. Sicuti
enim in hyeme cum plures dies tempestates secutæ
sunt, si serenitas cæli aliqua contigerit, subito non est
credendum. Sic ijs, qui factionibus omnia euertere con-
 fuerunt, si meliore forma Reipublicæ conquiescere ui-
 si sunt, fidendum non puto: meliusq; si tibi uidetur, pe-
 titio dimittenda est, quàm committere, ut in discrimi-
 ne uersetur dignitas utriusq; nostrum. Si non impetra-
 bis quod tanto studio, & contentione postulas, qua le-
 titia afficientur aduersarij? Si impetrabis, quid tan-
 dem? præmia interpretationis perexigua sunt, labor
sustinendus non mediocris. Scriptiones meas neq; tu,
 neq; ego (quanquam ineptissimæ sunt) ita parui faci-
 mus, ut isto stipendio compensemus. Quanti uerò illud
 est? quod impurissimi homines rogandi, atq; obsecrandi
 sunt: quos ego, si obuij mihi fiunt, fiunt autem quotidie,
nunquam saluto. Hoc munere accepto (me miserum)
 semper erit assurgendum. Siqui me accusant, quod
 mihi ipse deesse uidear: non modò in bonam, sed in opti-
 mam partem accipio: ex amore enim quodam in me
præstantissimorum iuuenum proficisci uideo expe-
ctatione studiorum, eam ob rem magnos concursus
 fieri

fieri audio ad ædes Octouirum, quàm uellem si com-
modo nostro fieri possit, satis ad referendam gratiam
facere honestissimis iuuenibus: uereor ne cùm sense-
rint me ita frigere, eorum animos offendam, quibus
placere summopere cupio. Tu, quæ tua est humanitas,
eorum desiderium leni, si grauitè ferre intelliges, po-
tius quàm abalienemus, faciamus ut iubent, perge quo
cœpisti ordine. Pater tuus clarissimus uir multum
nos commendatione adiuuabit, eius consilio cupio te
omnia administrare, quod officiosus est, & diligens,
& prudens, & mei amantissimus. De Fabiolo, quem
animo in nos inimico esse dicis, nihil miror: miseret me
adolescentis, qui à Macho Blaterone in dies uirus ac-
cipiat, quod in nos turpissimè euomat: quodcunq; hoc
est, ex officina illius est, in qua barbaries, suco Græcæ
linguæ illita, triumphat. Serò tyronem poenitebit, neq;
prius quàm uiderit se in tantis uigilijs nihil affecutum,
quo schedulam possit scribere dignam ut iterum lega-
tur. Nullus dolor extat maior, quàm is, qui fit recor-
datione iacturæ temporis: siue quod uitæ cursus omni-
no breuis est, & propterea minima eius quæq; pars
non negligenda: siue quod nobis ipsi conscij sumus ma-
lè gestæ rei, de qua cum alijs expostulare non licet,
quod nos in causa fuerimus. Eius frater ualde ama-
tur à me, & quia urbanus est, & suauissimis mori-
bus, & quia me quoq; amat: huius rationem habeo,
ne maled

*Nullus est
maior
qui uis
uatis, is
et tempus*

ne maledictum maledicto trudem. Neque uerò dubito istum ipsum tam auersum lōgè alia opinione fore aliquando, cū ætatis beneficio, & usu rerum multa didicerit: itaq; nihil nobis magis est optandum, quàm ut uiuat. Vale, ex municipio Collino.

M. ANTONIVS PLACIDVS

ALDELLI FIL. S. D. AONIO PALEARIO MAT-
THAEI FIL.

EGo uerò statueram initio petitionis tuæ, quæ tibi fuit tanti, quanti esse leuissima debent uiro egregio, atque homini bene docto, quicumq; exitus contigisset, neq; magnopere gaudere, neq; dolere uehementer. Sed posteaquam & præclare tecum actum uideo de repulsa, & pessimè cum studiosis bonarum artium adolescentibus: primū tibi gratuler necesse est, quòd ex ea magnus cumulus accesserit dignitati tuæ: deinde nostra, Reipublicæq; causa doleam, quòd florentis uirtutis tuæ fructibus iucundissimis carere debeat, propter hominum leuissimorum improbitatem: quæ cū illud non dederit, quod tu, is uir, tam exiguis propositis præmijs petebas, tantum auxit dignitatis tuæ, quantum imminuisset si dedisset: & quantum non imminuit, tantum eripuit expectationis, in quam maximam ueneramus, fore aliquando ut per te florentem.

tem haberemus in Republica iuventutem. Hæc cum ita sint, tamen ut & melius fruaris isto tuo tam excellenti bono, simulq; interdum miserearis nostri incommodi, atq; ut in minimis cognoscas, quos in maximis rebus cauere possis, scribam ad te non solum quæ ipse uidi, quibusq; interfui: sed quæ ab alijs audiui, quæq; etiam non inani coniectura ducor ad suspicandum. Habuisti igitur, in petitione competitores Machum Blateronem, & Licianum quorum Blatero audacissimus homo, & impudentissimus, tantum profecit & dicendo, & rogando, & interdum uehementius instando, & urgendo, ut & tu propter quorundam stultitiam, & inconstantiam exclusus sis, & Licianus non admissus, quicquid multæ, et graues inimiciæ intercedunt: in quo primum illud putare debes, non iudicio moueri homines in Republica, sed partim gratia, partim precibus, ambitione multos; nonnullos uerò etiam propter inscitiam impetu quodam, atque temeritate duci ad iudicandum. Quod quâquam plurimis in rebus antea fueram periclitatus, nunquam tamen quàm hoc tempore in tua petitione, aut illud patuit manifestius, aut ego acerbius dolui uicem Reipublicæ. Quo minus admirandum est, si tu uel præteritus sis ab Octouiris ob inopiam fautorum, atq; aduersariorum copiam, uel ab nonnullis proditus per simulationem amicitiæ. Vides enim quàm sint iniqua omnia,

omnia, quàm misera Reipublicæ tempora, quàm non liceat bene de quopiam sperare. Nam quid illud est? Sp. Cæcium, & A. Blasium Barbatum, qui magnis abs te beneficijs ornati, fatebantur olim tua causa omnia & uelle, & me Hercule etiam debere: alterum ita Licinio fauere, ut te palàm oppugnaret: alterum tam tui clàm inimicum esse, quàm amicum coràm, quasi illud factum sit, Multum oderunt, quia multum debent. Nam quòd Cæcium neq; pulchrè noram, neque poteram hominem tam ingratum, & immemorem beneficiorum in animum inducere meum: tum fateor me illi aliquando credidisse, à quo nefas putaram decipi, aut etiam cui ne uel expedire quidem existimabam, tum quòd crediderim, improbitati, & sceleri illius potius arbitror, quàm imprudentiæ, credulitatiq; meæ assignandum. Quid dicam de A. Blasio? qui se tui defensorem acerrimum profitebatur cum commemoratione beneuolentiæ, cōsuetudinis multorum, & magnorum inter uos officiorum? O ego augur non ignobilis: Sic est enim (ita me Dii ament) ut prædixeram, homo leuissimus. Dum uirum præferret esse te in primis eruditum, dum familiariissimum sibi, tamen quòd de religione malè, hoc est non superstitiosè sentires, nullo pacto censebat adhibendum ad iuuentutem bonis artibus instruendam, ne eam inficeres opinio-num prauitate, rides bellum theologum? planè illud est certissim

certissimum, infensio-
 rem in Senatu, & apud Oſtoui-
 ros te quàm illum habuisse neminem: sed hæc & plu-
 ra cognoscēs cū ueneris, sunt enim eiusmodi, quæ tū-
 tō literis credi non possint: cætera cuiusmodi fuerint,
 tu ipse conijcito, potes enim ex ijs, quæ dixi. Tantum
 ego dicam, dignitati tuæ fauisse paucos, & eos impo-
 tentes: repugnasse plurimos, & eos potentissimos. De
 me autem, qui totus ex tua uoluntate pendeo, quicquid ad
 tuum arbitrium, & nūtum fingo, & accommo-
do consilia mea, tibi persuadeat uelim, quæ ad te, tuamquæ;
dignitatem, quæquæ; ad officium meum spectarint, tan-
ta me cura, studio, diligentia, quanta & debui, &
potui semper curasse omnia: idquæ; nō modò, ut tu, quem
maxime cupio, sed ut omnes homines intelligant, me
tuorum erga me meritorum nequæ; ingratum, nequæ; im-
memorem extitisse unquam, quanquam & quòd tibi
tantum debemus, quantum omnes sciunt: quodquæ; pro-
pter iniquitatem temporum apud omnes parum gra-
tia possimus, in hac tua petitione minus plerisque; pon-
deris habere nostra studia uidebantur, atque ea quæ pro
te facerem, officij causa potius facere, quàm quòd ita
sentirem, putabant. Tu uerò præsta te eum, qui quam
amplitudinem, & dignitatem tot annorum studijs,
laboribusquæ;, atque isto præclaro ingenio, singulariquæ;
industria consecutus sis, in illustri uirtutis tue loco,
non in uoculis maleuolorum, aut nequissimorum inuidia
 positam

*Adumac?
gradatio.*

positam existimes. Ita enim comparatum est, ut quem
admodum maximæ uirtuti maxima laus debitum
præmium sit, sic & inuidia laudem, atque inuidiam
maleuolentia subsequatur oportet. Quod reliquum est,
dabis operam, ut quando homines infantissimi tui ad-
uersarij hoc assecuti sunt, ut quod petebas, non asse-
querere: nunquam tamen assequantur, ut cures te illud
non fuisse assecutum, ut quantum eisdem rebus omni-
bus superas, tantum animi moderatione, & magni-
tudine potius uincas, ne se aliquid posse putent, si te ta-
lem uirum uel transuersum (quod aiunt) unguem de
statu grauitatis, & constantiæ dimouerint, atq; de-
duxerint. Vale, Senis.

AONIVS PALEARIVS

MATTHÆI FIL. S. D.

M. ANTONIO PLA-

CIDO ALDEL-

LI FIL.

INcredibilis tua erga me pietas omni ex parte elu-
cet in ijs literis, quas ad me proximè dedisti, consi-
lij, beneuolentiæ, & prudentiæ plenas: in quibus cum
sapienter, & iucundè collegeris quæ ad consolandum
plurimum ualent, & ad declarandum amorem in me
tuum, utrunq; illud es consecutus, ut quæ tanti faciam,
tantumq; diligam habeam omnino neminem, & qui-
dem

dem tuis perlectis magnam cepi uoluptatem, quòd in eo, in quo à nostris accusabar, quòd non omnem animum ad petitionem appulisset, & in ea sententia semper perstitissem, ut ne honorem quidem ab improbis accipiendum putarim, intellexi probari abs te consilium meum: quod si secuti fuissent aequales tui, minus superbia esset aduersarijs meis, & plus gloria nobis, quòd aliquid facere uisi fuissetus còtemnendo, qui petendo nihil profecimus. Noli enim putare me iam inde à principio non prauidisse rei totius exitum, qui inscitiam hominum, qui factiones, qui inconstantiam probè nossem, in ijs ut spem aliquam ponerem, qui omnia ad suum commodum referunt? qui, cum sint impertissimi, sapientes uocari, & haberi uolunt. Age tu, ex ijs quos in Rep. uersari uides, unum aliquem ostende, qui sciat, quid sit Latinè dicere? age ostende alterum, qui si de stylo sermo sit, non obtundat, non pronuntiet ueluti magnus rhetor? Quid est? omnes imperiti arrogantes. An Machi Blateronis infantia, cuius perbellè ab Aretino fabula scripta est, ferri decennium potuisset, si inter primarios senes aliqui extitissent amatores latinitatis? Hercle cum istud mihi in mentem uenit, incipio uereri, te, & Sallustium, & Faustum nostros minus fore gratiosos apud barbatulos istos, quòd nos uel quasi perduelliones, uel persugas habeant, qui ab eorum castris profugeritis,

ut sunt Ep
rij

ut sop...

vid. l. iii
omnes imper
arrogantes.

& elegans, purumq; dicendi genus secuti, reieciſtis
 ſordidum, & uitioſum. Nam, per Deos, niſi aut tu
 iam nihil conijciſ, aut ego ſemper inſanio, quid aliud
 eſt, quòd Hieron uir alioqui grauis, & prudens, Bla-
 teroni ſemper fauit? Sancium nobis prapoſuit, qui cum
 iniuriam hanc aliquando expoſtulare, niſi ſumma
 ſpe, ſummo ingenio eius filius me obſeruaret, & co-
 leret, cuius mihi ratio habenda eſt, quod nihil eo iuue-
 ne honeſtius, nihil humanius poteſt excogitari: ſicuti
 loquaciſſimo ſene Antonio nihil moroſius, aut ine-
 ptius, qui cum illud: cum Iuuenale meo: canere cœ-
 perit, ita obdureſcit, ut nulla eum ratio molliat, nihil
 à literaturæ opinione abducatur. Sed ne ego ſingula pro-
 ſequar, mitto alia, quæ tu plura eſſe intelligiſ, quàm
 uelleſ, uenio ad Octouiros πρόδε λέων, ὀπίδ' ἐν δὲ
 δ' ὀκ' ἄκ' ὦρ, μέσση ἢ χίμαρα. Diſ ueſtram fidem,
 quæ minæ, qui rumores de purgando Gymnaſio nunc
 ita frigent, ut Ilcinus in tuto ſit, Veteramentarius
 non dubitet, Blatero ſerio triumphet: peto à te, ne-
 quid hinc boni expecteſ: in ea enim ciuitate, in qua
 priuati commodi magna ratio habita eſt, nunquam
floruit ulla Reſpub. Circumſpice omnes Gymnaſiar-
 chas, qui tibi notiſſimi ſunt, neminem reperiſ, qui
 non propinquis coniunctis, amicis ſtipendia perhonorifi-
 ca eſſe uelit: nos ſemper uel præteriti ſumus, uel
 oppugnati: quorum alterum ſatis æquo animo feri-
 mus,

mus, alterum sanè graui, quòd non ita de iuuentute meriti sumus, ut hæc speraremus. Nam siue eam philosophiæ partem, quæ ad mores attinet, pertractauimus interpretando, siue eam quæ differendi ars dicitur disputando, nihil obfuius ingenijs, quibus hæc ipsa erant proposita. Quòd uerò ex arte iam aliqui scribunt, & eloquentiæ studia uigent inter uos, totum hoc nostrum est. Eam quoq; partem, quæ est de rebus diuinis, cupiebamus oratione illustrare: at quoniam nihil à nobis longius abest superstitione, uidemur fortasse nonnullis non idonei, nam cætera uitæ testimonio satis probantur. Risi Blasium theologum, qui cum quotidie benè mane ad pedes statuæ se abijciat, & prouoluat, es tamen alienum non dissoluit: ipse in auro, atq; argento, creditores in situ, & squallore in animum induxit se Deo, sicuti & creditoribus per astum posse illudere: enim uero nunquam putassem, tot illum scire comminisci dolos. Næ ego homo infelix sum, qui ducem huiusmodi consiliorum meorum delegeram, moderatorem petitionis, ultorem iniuriarum. Eques noster Horatius primus uidit me circumuentum, atq; desertum. Eò spectabat risus ille Octouirum, cum alter alterum intueretur. Mirari satis hominis perfidiam non queo, quam consecutus sum omnibus uestigijs. Sperauit (Dij prohibeant) Bellantes meos à me abalienatum iri, illum,

*proouoluere
sepe humi
non proster
nere, et uen
im petrande
gratia genu
eius amplius
ingrui, et anti
miseri, et d
et miseru
runt*

illum me defensorem fortunarum, custodem familiæ,
 seruatorem patris, buccinatorem laudis, & gloriæ
 Bellantiæ uolebat excludi, atq; hæc omnia clām: in-
 terim uerò blandè salutabat, arridebat festinè, pre-
 hendebat manu: sed dies ipsa prodet hominem, siquē il-
 lum mores ulciscuntur. Postea quàm nos sibi amicos
 esse noluit, habeat inimicos: & quoniam multa ab illo
 clām in nos profecta sunt, palām gratia referetur,
 sine modò Thusce scripta edantur, par pari aliquan-
 do: quantum in me oppugnando à mulierculis amari
 uoluit, tantum sibi in uita sentiet esse amari. De Sp.
 Cacio neq; credidi quicquam; neq; ante tuas literas
 ut cum improbis sentiret potui adduci: magnum ca-
 pio dolorem illum contra me stetisse: sed multo maio-
 rem, eum non esse talem, qualem sperabamus: cuius
 in me officia, non tu magis desideras, quàm eius fra-
 ter, quàm omnes boni. De te uerò, quem tua uirtus,
 & uera nobilitas non sinit esse dissimilem tui, tan-
 tum mihi polliceor, quantum animo complecti potius,
 quàm uerbis exequi possum. Quid enim non pollicear?
 si me abs te mirificè diligi certissimè sciam, inuitis
 etiam tuis? Quod non eò dico, quòd de te dubitem: sed
 ne si ego id nescire dissimulem, tu fortasse me minus
 ames: Utinam Marce quam amicitia legem san-
 ctissimè colis, alij non ita uiolassent. ut iam necesse sit,
 me uel mihi ipsi manus afferre uel dolore confici, atq;
 absumi.

absumi. Quantum enim (ut tu sapienter mones) in contemnendis honoribus, in ferendis iniurijs fortis, tantum in ignoscendo clemens esse, & uideri uellem, sed dum ipse contorta tela, quæ capiti, & cordi infixæ hærent, mihi reuellere conor, alia adhuc conijcere non desistunt. Quamobrem nihil tibi, & amicis mirum uideri debet, si uel in reuellendis, uel excipiendis telis uocem aliquam emisero, qua uel quasi repugnans furiosos deterream, uel miserabiliter ingemiscens, significem dolorem meum. Vale.

AONIVS PALEARIVS

FRANCISCO CORSI-

NIO S. D.

EGo pro tuis magnis, multisq; in me officijs, quantum tibi debeam, facile intelligo: tu quantum à me amaris, ut re ipsa intelligeres, quod unum maxime semper optavi non sum affecutus: nam etsi quæ ad tuorum commodum, honorem, dignitatem pertinent, curavi diligenter: is tamen exitus fuit rerum, ut uel magnam ex eo capiam molestiam, quòd singulari meo studio, atq; opere, ne dicam labore, bis iam nihil uideo me profecisse. C. Sfondrati discessus, à quo nobis prompta, & parata erant omnia magno impedimento fuit: ea nunc perturbatio Reipub. secuta est, ut quod in manibus haberemus ereptum uideatur. S. C.

factum fuerat in affinem tuum, ut perhonorificè magistratum peteret, in quo licet competitores haberet magnos viros iurisperitos, nihilo tamen secius gratia ciuium potentissimorum superiores eramus. Comitia quæ Idibus Maijs haberi solent reiecta fuerāt in Idus Iunias, quod nobis perincommodè accidit: tum quòd animos Senatorum, opera familiarium nostrorum accensos, refrigerare uidebamus: tum quòd per id tempus classis illa barbarorum prædonum, quæ omnem propè Europam perlustrauit in Senensium fines conuersa, occupauit eorum portus, oramq; maritimam: quamobrem tantus repente timor ciuitatem inuasit, ut omniū mentes, animiq; perturbaretur: uno eodemq; tempore cursari ad Senatum, cogi pecuniam, delectus haberi necesse erat. Iustitio indicto, nullū fuit tempus uacuum à negocijs publicis: qui erant amicissimi, negabant se mihi operam posse dare. Fit S.C. de magistratibus prorogandis, comicia tolluntur, iubet populus, ut Senatus unum uideat, unū curet, ut barbari è finibus pellantur: quæ omnia etsi certò scio rumorē ipsum, et multorum literas ad uos pertulisse, uolui tamen scribere, ne ignorares in tanta rerum difficultate nihil fuisse remissum de officio, & diligentia mea. Immò uerò cum in Arcem Bellantiam, quæ ad Arbiā est, confugissem, & Vgolinus pater ad milites auxiliares missus esset, comitiaq; interim restitui dicerentur,

contuli

contuli me Senas: id ubi falsum comperissem, redij in Arcem: & quoniam uis absessis tabellarij sexcentis locis excutiebantur, scripsi de ijs rebus ad affinem tuum, qui neq; tam longè aberat, & uia ad Liguriam tutò ibatur, ab eo sunt ad me literæ, opinor, non dum acceptis meis, quibus significat, à Millico, qui ex agro Senensi uenerat renunciatū, de magistratu sibi demandato: quî tamē fieri posset, tantis tempestatibus coortis, dicebat se non satis intelligere, præsertim cū comitia nulla fuerint: & propterea se nō pedem inde, nisi ea de re certior sit à me factus. Rogat item alia, quæ spero nos impetraturos cum dignitate, si spes otij fuerit, in quā nonnulli ueniunt, quod prædones classiarj in Græciam transmittere dicuntur. De Corsinij nostri suauitatibus, quæ cupio legi libenter: ijs literis nihil mihi poterat esse gratius: spero illū talem fore, qualem tu optas. Huic omnia à me esse paratissima, nihil opus est ualde polliceri: res enim ipsa, si quando usu ueniet, faciet fidem: nam cui me Hercule plusquam tibi debeam, habeo neminem: quodcunq; tuum in ea re consilium erit, illud persequar. Meum consilium inquires noui, tuum requiro. Tu qui ab initio ætatis egregiæ eruditionis, & literarum non uulgarium perstudiosus fuisti, eruditulis quibusdam uix semilatinis, quos ego audiendi spe in Hetruriam ueni, non eris contentus, præsertim cū Corsinij causa Romæ

neq; Reges, neq; Cæsares, neq; censu istos amplissimo
 præditi, sed poëtas, oratores, philosophos esse uel-
 les, nihil est hic, quod præstanti ingenio adolescen-
 tem delectare possit, Gymnosophistæ tres, aut qua-
 tuor, summum quinque, Barbarè iubent loqui Ari-
 stotelem, quem non intelligat Oedipus, ita implici-
 tè obscureq; omnia, non auctoris, sed interpretum
 uitio, qui philosophi ordinem sæpe inuertunt, &
 loco non disputant, sed per coacervationem ueluti
 ex commentationibus, & sectis digladiantur: quan-
 tum à ueterum ratione remotius tanto (ut ipsi a-
 iunt) melius, idq; uocant acutius. Dialectici nus-
 quam hebetiores, nihil habent eius scientiæ, quam
 profitentur, nisi quòd maximè sunt contentiosi. Me-
 dicos obsecro ne quæras, pessimè enim habere sese
 eos necesse est, qui tales quærunt, moriq; non tam
 miserum est, quàm quòd per hosce ἀνδοφόνους τε
 καὶ ἀνδοποφάγους: nullos habet hæc urbs (mihi
 crede) uiros, ex quibus possit haurire, quod uelit audi-
 dum illud ingenium Corsinij tui. Quòd uerò maximos
 istic te sumptus facere dicis, credo equidem: facies hic
 etiam aliquos, sed non ita magnos: aberit tamen ado-
 lescens longius, non satis firma ætate, at ea quæ ad
 morum, & ualitudinis rationem accommodata mi-
 nime est. Gallia bello ardet, Allobroges sunt in armis,
in Piceno delectus habentur, Heiruriae aliqua tem-
pestas

pestas impendet : bellum longius trahi uidemus, quid futurum sit, ignoramus. Hæc si te non pungunt, mihi cætera perplacent. Ego me Senas cras, uel perendie: hæc quanuis ita se habent, aut non multò secus, tamen cum amicis colloquar: sequetur has alia litera, in quibus de sumptu, de gymnasio, de sophistis, de re omni faciam te diligentissimè certiozem. Vale VIII. Cal. Augustas, ex Arce Areolæ.

*elegantiss
ne tuch
uerbum*

AONIVS PALEARIVS
ALEXANDRO VICE CO-
MITI VRBI PRÆFE-
CTO S. D.

SI quàm mihi in te colendo, atq; obseruando, semper animus præsens est, tam aliquando adfuisse in scribendo, neq; in hoc tempus gratiarum actionem distulisse, neq; tam paucis agerem, ut intelligeres magna ac multa beneficia erga me tua, & mihi gratissima esse, & à me maximi fieri solere. Sed quemadmodum ijs qui solem intuentur euenit, ut siquò post ea oculos conuertant, diu eandem orbis perlucidi imaginem uidere uideantur: ita ubi tua mihi humanitas perspecta est, me in eam admirationem traxit, ut nihil aliud facere sciam, & possim, quàm admirari suauitatem ingenij tui. Quòd si cùm in cogitationem

*Comparatio
deus qui se
diuaspici
nt.*

alicuius rei impensius incumbimus, sæpe prætereuntes
 propè non uidemus, & loquentes non audimus: quid
 mirum uideri debet, si dum bonum istud tuum tam
 excellens toto animo complector, & ad scribendum
 factus sum piger, & ad gratias agendas ineptus?
 Trebritate uerò meritorum ita mecum actum est, ut
 nullum unquam mihi spatiū datum sit ad me me re-
 cipiendum. Primò enim quoq; tempore quo in Hetru-
 riam uenisti, apertis mihi non modo foribus, sed adytis
 amicitia tuæ, nihil abs te prætermisum est, quo in tu-
 as partes raperes, raptum magnitudine officiorum
 deuincires: nullus dies fuit cum in urbe essem, in quo
 tuam erga me beneuolentiam non sim expertus: ab-
 sentem etiam in uillam usq; prosecutæ sunt humanis-
 simæ literæ, plenæ illæ quidem amoris, & desiderij, in
 quibus peramanter significas, maximæ tibi curæ esse
 dignitatem meam: & propterea cum quidam literis
 obstrepuisset, non dubitasse ad me scribere: subuereri
 te ais aliquid ad Lucenses, honestissimos homines de
 me iniquius esse delatum, cuius opera, quoniam dicis
 te ignorare, faciam ut scias. Machus Blatero, is de quo
 hominibus nostris fabula data est ab Aretino lepidè,
 & festinè scripta, homo impudentissimus, & pura,
 ueræq; Latinitatis tam ignarus, quàm ij, qui trans
 Taurū incolunt, Senus quamdiu fuit, magnas mihi tur-
 bas fecit, ueritus ne munus interpretationis scriptio-
 num

id est
 84. ep. 11.

num Latinarum mihi demandaretur, in qua cum ille infeliciter multos annos laborasset, apud eruditiores iuvenes nihil aliud fuerat assecutus, quàm turpissimum infantiae nomen: is nunc Lucae est, utinam tam cognitus, quàm Venetijs, ubi & fabula acta est, & Machus Ludibrio habitus, proptereaq; desperatis rebus clarorum hominum conspectum fugiens, ad fossas Claudias abire coactus, Ludum Græculis nauiculato-ribus aperuit, in quo non sat scio plura ne docuerit, quàm didicerit: nam per Deos quid iste præter barbariem potuit docere? At mentiri, fallere, quod Græcorum est proprium, ita repente didicit, ut magistri ipsi mirarentur. Leuitatem uerò, loquacitatem, audaciam, quæ uitia ueluti innata, homini semper tribuit Aretinus, noli querere quàm Græcorum hominum consuetudine firmanit, atq; auxit: & quoniam, ut in proverbio est, sæpe fit, ut pro astuto prudens, pro audaci fortis, pro loquaci disertus quis habeatur: nihil miror, si in uulgus Macho etiam aliquando fuit opinio eruditionis, quam fortasse sustinisset, si ut tibicen Xenophontius à canendo, ita hic à dicendo potuisset abstinere. Verùm lucri cupiditate adductus, Lucam superiore anno profectus est, quasi aliquis magnus Rhetor: ubi si, ut audio, homines sunt, qui aures habent teretes, & religiosas, Blateronis infantia diu latere

αυδστε

non potuit: quod ex eo conijcio, quòd propediem affutu-
 rus dicitur infirma uale tudine, cuius ille opinionem
 semper auget, ut si quando inscitia deregatur, aut he-
 bes sit in interpretando, facile excusationem habeat,
 & potestatem decedendi, quòd aeris modò tenuita-
 tem, modò crassitudinem ferre non possit: astute. Nunc
 quantum Victorij literæ significant, aliqui sunt in ea
 ciuitate, qui me acciri uellent, deligiq; in interpretis
 Latini locum: quod cùm Blatero audiuit, quo credis
 animo? quid putas buccam illam maleolentem, ex bar-
 barie, & mendacio compositam, potuisse contineri?
 cor illud odio exæstuans non efferbuisse? non eructasse
 uirus improbitatis? noli iam pro tua prudentia quere-
 re, qui tam falsos rumores de me sparserit in ea ciui-
 tate, in qua is est, qui ne me Senis competitorem ha-
 beret, hisce ipsis obtrectionibus iisdem fallendi, atq;
 abalienandi artibus usus est homo uaser, atque ad hæc
 natus. Quem ego, ita uinam, ut probè ulciscar. Nihil
 enim potest esse acerbius homini, qui literarum fal-
 sam sibi uendicat scientiam, quàm si scripto laceffas,
 & ut scripto respondeat pungas aculeis uel liberi
 carminis, uel uehementis orationis. Hæsta, ensis,
micro literatorum hominum oratio est. Feriat Bla-
 tero si potest: at is, si Dijs placet, nisi puerum ali-
 quem de grege, nolo plura dicere, subornabit ut re-
 spondeat,

spondeat, ueluti Aretina illa, itidem hæc nostra simulans se contemnere, tametsi animum excedent: scripto nihil, dolo omnia. In conspirationem hominum potentum cogitationem figet, ciues concitabit, alios ad Prætores, alios ad patres conscriptos mittet, omnia experietur potius, quàm rem scripto agat, ne inscitia nudetur sua. Hæc ego tam uideo animo, quàm ea quæ oculis cerno. Dij boni quàm nos ridebimus, qui tanto antea tempore uaticinati fuerimus: quàm optimi iuuenes, qui eius ingenium norunt. Sed ego in bellua nimium: tu si me tantum amas, quantum profectò amas, cura ut splendor iste generis, nominis, & animi tui tenebras indignissimè mihi offusas excutiat, atque propellat: si Lucenses (ab his enim ad te literas esse arbitror, tu nihil horum scribis, sed ego coniectura ducor ad suspicandum) in falsam aliquàm de me opinionem huius nebulonis opera adducti sunt, commoneas amicè, nequid temerè credant, Christianum hominem esse me, atque eum, qui si usu ueniat, pro CHRISTO emori possim. Imperitorum, & Blateronis similium obtrectationibus copiosa oratione, quam tu ipse legeris, fuisse responsum aduersarijs conuictis, atque reiectis populum Senensem de nobis bene existimare, & lo-
qui,

qui, quæ res etsi in obscuro esse non potest, cupio tamen eam fieri illustriorem testimonio tuo : ut omnes intelligant nostrorum studiorum similitudine,

& vitæ integritate sanctissimè iuncta inter

nos amicitia, & perdiligenter culta,

neque meam in te obseruan-

tiam, neque tuam erga

me beneuolentiam

ulla unquam

in re

defuisse. Ex Argiano Bellantis

IIII. Idus Apri-

lis, Vale.

AONII PALEARII

VERVLANI EPISTO-

LARVM LIBER

IIII.

AONIVS PALEARIVS

VERVLANVS SENATVI

POPVLO Q. LVCEN-

SI S. P. 'D.



ETSI mihi sum conscius, ea in me orna-
 menta non esse, quæ de me ad uos perla-
 ta sunt à laudatissimis summa huma-
 nitate, & modestia uiris: gratissimum
 tamen fuit, inuitari in eam *Hetruria* ciuitatem, quæ
 sapientia ciuium uiget quasi diuinum aliquod lumen.
 Neq; enim uirtus uestra in obscuro esse potest, quæ in
 totius *Italiae* conspectu posita præ se fert magnam
 animorum continentiam, & *Reipublicæ* temperandæ
 optimam disciplinam. Itaq; quòd difficilibus, miserisq;
 temporibus florentissima est *Respublica Lucensis*, ne-
 mo est omnium qui id aut fortuito fieri, aut ab alijs,
 quàm à uobis putet esse profectum. Etenim animos
 magnorum Principum, à quibus omnia meliora spe-
 rare debebamus, ita pugnandi cupiditate efferrì mul-
 tos annos uidimus; ut arbitrer esse neminem qui ab
 ipsis

ipsis ocium ciuibus, & rebus publicis securitatem
 concessam audeat affirmare, uestra industria, uester
 labor, uestra laus est, omni propè Italia sæpe bello bar-
bararum, & immanium gentium ardente urbem
unam nõ æstuarijs, ac paludibus, sed consilio, & pru-
dentia ciuium pulcherrimè esse seruata: dumq; pro-
 ximis temporibus aliæ urbes aut externis, aut ciuili-
 bus discordijs exagitatae, in magnas calamitates inci-
 derent, cælumq; & terra misceretur, obrueretq; o-
 mnia belli eluuiæ: uos ad Reipublicæ gubernacula se-
 dentes ueluti magni Dij repulistis tēpestatem è mœ-
 nibus uestris. Sed hæc maiora sunt, quàm ego expone-
 re possim, & epistola complecti: ad ea uenio, de qui-
 bus ut aliquid scriberem, si plusculum temporis mihi
 esset, res ipsa admonebat, quando ob hæc ipsa tam hu-
 maniter à uobis per literas inuitor: aluit semper ista
 ciuitas studia bonarum artium: quòd si alacritas, &
 animi firmitudo nunquam defuit, ut cùm liberet ma-
 ria transmitteretis, ut magnis opibus, & fortunis
 augeretis ciuitatem: nunquam etiam defuit studium,
 ut exornaretis optimis disciplinis. Huius rei testes ha-
 beo eos, quos acciuiistis sæpe, & præfecistis erudiendæ
 iuuentuti, disertos, & eloquentes homines: testes item
eos, qui apud uos excellunt in ijs artibus, quæ liberales
appellantur ciues uestri, Dij immortales qui uiri,
quibus laudibus. De quibus quoniam ego libenter co-
 gitare

gitare soleo, & ex cogitatione ipsa incredibilem capere uoluptatem, uel quantum hoc est? quæ gratiæ agenda sunt uobis? per quos occasio nunc mihi detur uidendi, & salutandi sapientissimos uiros, & fruendi consuetudine lectissimorum ciuium, & honestissimæ iuuentutis, quam ego audio studijs bonarum literarum mirificè delectari, & teneri iam desiderio nostri: atq; utinam uigilijs, & laboribus à pueritia susceptis id aliquando assequar, ut spes, in quam optimi adolescentes uenerunt, hoc delectu uestro, neque inanis omnino, neque falsa fuisse uideatur. Qua in re non mediocrem mihi spem affert admirabilis propensio adolescentium uestrorum in præclara studia, solet enim fieri, ut in quod nostra sponte ferimur, id uel paruo freri auxilio facillimè consequamur. Nam quod ad me attinet, illud uobis polliceor, ac recipio, siquid desiderium obtemperandi uoluntati uestre, & studium colendæ, atque obseruandæ nunquam satis laudatæ Reipub. efficere potest, id perficiam: ut omnes intelligant, multos à uobis eloquentiores, & peritiores eligi, atque accersiri potuisse: at qui iuuandæ uestre iuuentutis sit studiosior, & æquè ex sensu animorum uestrorum cupiat esse totus effectus, & compositus, uos habituros fuisse neminem.

IACOBVS SADOLETVS
CARDINALIS AONIO

PALEARIO S. D.

EX ijs literis quas ego, & collega meus ad Cardinalem Vidacionium dedimus, intelligere potes quantum te amemus, quantiꝫ faciamus: neque enim maiori pietate testimoniũ dare potuimus probitatis, ingenij, animi, studiorumꝫ tuorum. Maluisset Bembus istas ipsas literas scribi ad Senatum, populumꝫ Lucensem: quod mihi quoque perplacuisset si istorum hominum ingenia, mores, uoluntatesꝫ cognosceremus. Veritus sum ego, suspiciosam fore commendationem, quæ ab ijs proficisceretur, quibus cum nullus fuisset usus, nulla necessitudo intercessisset, præsertim cum in epistola ad me scripta significares, id unum te petere, quod maxime uelles, maximeꝫ scires tibi esse necessarium: quod cum Bembus quoque legisset, facile iuit in sententiam meam. Optamus tibi salutare esse literas nostras, quæ cum ad te perlatæ fuerint si Vidacionius Luca discesserit, tuum est curare ut aperiantur, & recitentur in Senatu: ut qui tibi sunt infensiores intelligant, se pusillorum, & maleuolorum obtreccionibus nullis satis iustis de causis fuisse commotos. Qua in re tu singulari quidem, ut dicis, es fato, & propterea fecisti sapienter, quod ab ijs artibus, quarum à puero fuisti studiosus,

auxil

auxilium petisti: quæ cum sint liberales, nunquam
 commisissent, ut quæ ab eis sæpe adiumenta accepi-
 sti, ut cæteris opitulari, & alios seruare posses, tibi
 defuissent. Scripsisti orationem pro teipso in primis
 ornatam, & grauem, numeris quidem omnibus ab-
 solutam: in qua tu mihi tonare, & fulgurare uide-
 ris, neque id assentatoriæ. Præteriri sine scelere non
 possunt tuæ laudes: quas ignorare, imperiti hominis
 est: improbi, dissimulare tacendo. Causa nulla est,
 cur prudentissimo uiro, & mihi amicissimo men-
 tiar, uerissimè tecum ago: cum tua lego sic afficior,
 ut inflammer, & impetu quodam rapiar uehe-
 mentis orationis, quæ ueluti amentata hasta, ma-
 gnis uiribus contorta, fertur: & uarietate nume-
 rorum incredibiles motus ciet. Ad egregias ingenij
 tui dotes, hæc etiam accedit, diuino illo poemate à
 me nunquam satis laudato, quid uersibus posses in-
 telleximus: nunc difficile est iudicare, utra faculta-
 te plus ualeas, poetarum, an oratorum. Laudati
 sunt quidam superioribus annis, quod in hac, atque
 in illa excellere uiderentur: quibus tu sic cultu, &
 uerò etiam castitate orationis anteis, ut cum illorum
 scripta cum tuis confero, cætera ut omittam ornatè
 magis, Latinè loqui solus uideare. Quod scribis te ue-
 reri, ne quem offendas; quod cum miserabiliores epi-
 logos uelles elicere apud P. C. Reipub. Senensis, ad

quos oratio est, mentionem Bernardini Ocelli feceris desiderij plenam. Nemo est in dicendi arte mediocriter uersatus, qui non uideat, id tibi propositum fuisse in peroratione, ut commoueres, & incenderes ciues, cuius cupidissimos. Nihil est quod metuas: sunt enim omnia abs te accurate, & prudenter scripta. Quid? quod ego tibi sum testis, cum in Galliam legatus proficiscerer, me Senas uenisse, ubi & tibi affui, & commendauit te antistiti maiorem in modum: tum primum fuisse rumorem de Ocelli fuga, incerto adhuc autore, nec satis constantem, quo tempore si tu cum scriberes istam orationem, cuius principium mihi legisti, eadem uel sperasti, uel desiderasti, quæ omnes qui popularem illam Ocelli eloquentiam norant, quis te reprehendat? cum sit potius obseruandum, quæ tu ab illo fieri uoluisses, quàm quæ ille multò post aut dixerit, aut fecerit. Quod si hæc commendationis conditio est, ut prestare debeamus omnia, quæ usquam gentium ab eo quem amicè nominauerimus dici, fieriq; possunt: nulla erit laudatio periculo uacua, nulla officia humanitatis, nulla munia amicorum. Ea re cum magnæ saepe perturbationes ab ijs profectæ fuissent, qui nec clementia, nec æquitate, nec consuetudine maiorum nostrorum de scriptoribus iudicarent, sapientissimè fecisse uidetur Paulus Pontifex, quod præ-

fecit

fecit *scriptionibus rerum diuinarum doctissimum, & temperatissimum uirum*: in cuius gratiam cum ego & Bembus ponere te uellemus, dixit is, se superiore anno accepisse abs te literas, ueluti interpretes humanitatis, & pietatis, & propterea profiteri, & polliceri singulare studium, ut quæ à nobis tibi prompta esse sciret, à se essent paratissima. Sed ego te meo, & Bembi nomine non modò hortor, sed rogo, audi homines tui amantissimos: quoniam in ea tempora incidimus, quibus non quid sentias, sed quid calumnientur quidam maxime obseruent, ut ijs *scriptionibus te exerceas, quibus incitetur, non impediatur cursus ille nobis non ignotus animi tui.* In eam ciuitatem uenisti, quæ optimis legibus, & moribus instituta dicitur: quid est quòd animum, ut ciuibus gratum facias, ad ea non appellis quæ de moribus à tota illa familia Peripateticorum tuorum sæpe scripta, nunquam aptè oratione Latina illustrata sunt: nihil opus est, ut ea colligamus, quæ tu iam uides, sunt quidam auersissimo animo à scriptoribus. A Peripateticis interpretandis, aut illustrandis nullum periculum est: postremum illud, ut tranquillitati seruias: nam qui studia, uitam, mentem, uoluntatem tuam tam nouimus, quàm qui semper uixerint tecum, nunquam auderemus ea legere, aut attingere, in quibus de nobis perhonorificè scribis, &

amiciſſimè opinariſ , ſi te deſereremus. Vale.

AONIVS PALEARIVS

SYLVESTRO LI-

LIO S. D.

q/coliquid
yſuerſy
ep. i. lib. VII

in talibus
triam ſiſt
orem et
hinc ſauat.

SI patrie charitas, & deſiderium tuorum facit,
Sut cum Romam ueneris, tam cito cupias ad nos
redire, pietati magis tue tribuo quàm conſilio tuo-
rum: ſin magnificencia, & pompa iſta Curia, que
ceteros magnopere delectat, tibi ſtomachum facit,
& cum tua nobilitate, atq; opibus iſtic belliffimè
potes eſſe, redire ad nos mauis: tibi gratulor, quòd
ſapientia præditus ſis certè ſingulari: & nobis gau-
deo, quòd fructum capiemus aliquando dulciſſima
conſuetudinis tue. Noli tamen putare, me à princi-
pio non diuiſiſſe, qui probè noſſem te perpetuum
hoſtem ambitionis, obſeruatoreſ integritatis, non
modo amicum, ſed amatorem pudoris, & mode-
ſtia. Mirabar interea, te menſem abſuiſſe à rebus
animo tuo gratiſſimis, præſertim cum tibi charius
nihil eſſe debeat optimis parentibus, locus nullus dul-
cior patria. Quæ uerò patria? libera ciuitas, ſan-
ctiſſimis inſtituta legibus, ac moribus: in qua im-
probis neque locus eſt maleficii perficiendi, neque ſpes
ſceleris occultandi: in qua ſumma eſt expectatio tui,
ea obſeruantia, ut iſta ætate habearis, & ueriſſi-
mè ſis

me sis moderator seniorum, dux religionis, magi-
ster sanctitatis. Quamobrem ne patiare, cum omni-
bus tam charus sis, atque iucundus, ut oculi nostrae
ua praesentia defatigari possint, satiari non possint,
ut tandiu sine te simus. Nam ego, qui mihi sum con-
 sciuss hoc certo scio, post tuum, & Iosippi nostri
 discessum, nihil unquam fuisse, quod me letitia ualde
 affecerit: quin etiam is langor, & mentis tor-
 por est subsecutus, ut omnes mirentur illam hilari-
 tatem, quam in me tu admirari solebas, omnino
 ex animo, & vultu meo excussam: quam si quis
 suauitate ingenij restituere poterat, erat unus Mar-
 tinus Lilius patruelis tuus: hunc incommoda uale-
 tudo, qua propè emergerat, adhuc tenet, & fri-
 gus, & anni tempestas incredibiliter angit: cuius
 egritudo ita me sollicitum habet, ut non dubium sit,
 uel ego egroto, uel proximè incidam in morbum.
 Eius mater praestantissima omnium foeminarum,
 eius uxor humanissima, suauissimus frater, orant,
 obsecrant, ut me ad se transferam: sed ego adhuc
 in domicilio meo sum, sine uxore, sine liberis, sine
 seruo, sine arca: quod ut scis superioribus mensi-
 bus longa uia, & puluerulenta in municipium Col-
 linum ire necesse fuit: nunc uia lutosâ, his praefer-
 tim imbribus, nolo miseros cursare mea causa: ami-
 ci tamen omnes, pater tuus, Bonisij, Cenami,

mentis torpor
et langor

restituere
vitalem

AVTETA

Bernardini, Arnulphini nullo loco desunt, curant
 diligenter ut in omnium rerum inopia abundem o-
 mnibus rebus: quanquam ego tam paucis contentus
sum, ut facile superem Crassum diuitijs. Quod si,
 ut ex literis, quas ad patrem misisti, intellexi,
 tuus aduentus appropinquat: brevi multo plus mi-
hi futurum est boni, quàm nunc impendet mali. In
 ijsdem literis uidi, te Pauli epistolas legisse. nã Fla-
 minius tuus, & idem noster, ad Theologiam co-
 hortatus est: Dij bene homini faciant, qui ut te
bearet, deduxit ad magistram ueræ uitæ, ad disci-
plinæ principem, & reginam. Quod si tu, qui
 ab initio ætatis omnium liberalium artium studiosus
 fuisti, & didicisti omnia quæ à sapientibus tradi-
 ta sunt ad bene uiuendum, nunc interioribus literis
 operam das, quæ tua studia futura sunt? quæ censu-
 ra morum, & uitæ? Id si uerum est, nam ego cer-
 ti nihil habeo, sed coniectura ducor ad suspicandum:
 quia te plus amo, quàm me ipsum, plurisq; facio tua,
 quàm me accommoda omnia, caue pedem ex urbe effe-
 ras, id est è Flaminij domo: qui quod apud orna-
 tissimum Polum est, quem ego reuerentiæ causa no-
 mino, quantum putas interesse? Dij immortales quæ
omnium rerum tibi accessiones fient? si cum his
 diutissime uixeris, quare etsi ego tam sum tui cupi-
 dus, quàm qui maxime, nihil tamen temerè faciam
 nullæ

lan. pag. 365
 ljs. ltr. 17.

us Theologia

9
 ueniam

pro sey. h
 p. 365
 ltr. 17.

nulla mea literæ, nulla preces, nulla commendationes uel parentum, uel patriæ, uel rerum omnium tibi charissimarum tanti esse debent, si cum Flaminio apud Polum es, ut te loco moueas. Vale, Parentio, & Pacino nostris salutem dic. Vale.

AONIVS PALEARIVS

BARTHOLOMAEO RIC-

CIO S. D.

SI minus sæpe ad te scribo, quàm amicitie nostræ Suetustas postulat, peto à te, ut occupationi meæ potius tribuas, quàm aut negligentia, aut obliuioni tuorum in me meritorum, quæ tu officiorum crebritate quotidie auges, & significatione optatissimi, & iucundissimi amoris mentionem tui non intermitti sinis. Quotus quisq; est, qui isthinc ueniat, qui ubi tuo nomine mihi plurimam salutem dixit, non multis etiam prosequatur mirificam beneuolentiam, & humanitatem tuam? qui libellus à te scribitur, in quo ego non honorificè appeller? qua in re cū parem tibi gratiam referre non possim, moriar si non me angunt putidissima interpretationes meæ siue Græcæ, siue Latinæ, in quas ueluti in pistrinum detrusi me, non tam imprudentia, quàm necessitate. Ego enim, ut ex meis studijs nosse potuisti, semper iudicaui obscurum, & for-
k s didum

didum ijs, quorū ingenio aliquid fieri potest illustrius, si interpretandis scriptis aliorum humiles, ac demissi quasi seruitia ancillētur. Sed cū mihi res domi esset angusta, uxor lauta, liberi splendidi, & propterea magnos sumptus facerem, mancipari propē me ijs studijs, à quibus semper abhorruī. Nam cū Lucenses homines honestissimi propositis præmijs inuitarent me singulorum dierum unius horæ usura ad interpretandum, accepi conditionem duram mihi, & asperam, & uerò etiam odiosam. Dicendum est enim quotidie ex tempore, quod in primis est sophista: id ne faciam, sumo mihi semper aliquid temporis ad meditandum, in qua re plurimum noctes me adiuuant: cū tamen inopiam, & ieiunitatem interpretum non probem, & multa ē penū locupletissimo Græcorum petenda esse ducam quicquid diei reliquū est, in scriptoribus Græcis legendis tero. Sed omnino concisum est hoc dicendi genus διδασκαλικόν, in quo si qui diu uersantur, summum periculum est, ne exercitatione umbratili amittant quicquid habēt roboris, & neruorum. Quod cū ego in me fieri sentirem, ne hoc morbo intabescerem, retuli me aliquando ad eas exercitationes, quas tu maximè probas. Vide, quanti faciā iudicium tuum. Cū ex ijs literis, quas proximè abs te accepi intellexissem, placere tibi scriptiones meas: magna mihi spes iniecta est, posse orationes aliquas à me scribi: eas que

quæ

no intabe-
ere.

quæ sint propè diem expecta, modò typographus non
 moretur: tu contrà ad nos tuos libros De gloria: obse-
 cro ne sinas diutius nos duci expectatione, si non per-
 fecisti, scito eos libros dignos esse, ut abs te absoluan-
 tur, qui ingenio, & industria affectus sincerum, &
 ornatum dicendi genus habitas in oculis Principum,
 quorum fœminæ multis Regibus sunt sapientiores. Nā
 quid est? si non hæc uerissima gloria est: potentissimi
 Regis filiam, maximi Ducis uxorem, sic uersari in
 studijs nostris, ut excellat, Annā uerò, & Lucretiam
 aureos Hereneæ partus scrutari interiores literas La-
 tinas, & Gracas: quæ cum in matre quoq; essent, &
 eæ neq; pauca, neq; uulgares, Regina in philosophia
 hac humana noluit acquiescere, sed ob magnitudinem
 ingenij, & studium sanctitatis, quæ in ista semper ue-
 luti diuinum aliquid eluxit, maturiore ætate retulit
se ad cœlestes artes, et disciplinas theologorum. Quod
 ad te scribo, ne in texendo opere cum isthic habeas
 maximè illustres, & gloriosos Principes, quos propo-
 nere omnibus potes ad imitandum: tu rerum gesta-
 rum causa eos quæras, qui in unis armis omnia posita
 esse censent, studiorum nostrorum hostes acerrimi,
 quorum exprobratione extenuari spem literatorum,
 & euanescere uidemus: non est credibile quæ sit im-
 peritia, et superbia in quibusdam. Ego me abs te tan-
 tum amari puto, quantam uolo, uolo autem plurimum:

si me

si me amas, sine istos in tenebris, & situ iacere: qui si ad eorum pedes nos abiicimus, ne subleuant quidem. De Sardonio, cum defensionem tuam legerem, ualde me hercule risi: si est homo, posthac tacebit: sed quantum suspicor, aliquid etiam scribet, & tamen dicet nihil. De Iacobo Grifolo scripsi ad te superioribus mensibus: siquid ad me postea dedisti literarum, non est allatum. Is tam bellè se habet, quàm ego, & tu: exanimatus propè sum tuis literis, in quibus dubitare uidebaris de eius uita. Cum in oppidum Collinum uenissem, misi pueros, qui quærerent diligenter: ij postridie Senis omnia leta, & optata retulerunt: hominem ingenio, & studijs florentem magno in honore esse apud suos, pangere etiam aliquid, & tui, mei quæ memoriam amantiſsimè conseruare. Luca pridie Nonas Octobris. Vale.

BARTHOLOMAEVS RICCIVS

AONIO PALEARIO S. D.

EQuidem Aoni excusationem, quam affers, quominus crebrò ad me scribas, libenter accipio: ne, si te de literarum intermissione accusare uelim, eodem ipse me crimine condemnasse uidear, qui nihilo crebrius ad te, quàm tu mihi literas dare consueuerim. Sed quid tu te, contra item ego me, quòd minus frequen

frequentes in hoc scribendi genere fuerimus, tam ini-
 què accusamus? cum uterq; huic officio abundè satis-
 fecimus? neq; enim ego quenquā unquam nactus sum,
 qui istuc ueniret, cui meas ad te literas non dederim:
 neq; tu contrā, quicquam à te mihi ad eas desiderari
 permiseris. Sed arbitror, quia id ea lingua fecimus
 qua omnes Itali uulgò loquimur, qui magis Latina ex
 nostris studijs uti debuimus, nobis propterea nos à scri-
 bendo cessasse quodam modo, atq; etiam propè meritò
 accusari posse uisum iri: ac si mihi dicendum est, quod
 ego sentio, parum prudenter, atq; nulla cum ratione
 ab utroq; nostrum est factum, qui eo modo primùm
 Latinum stylum non mediocri exercitatione defrau-
 dauimus: deinde, quòd amicitia nostræ uel sempiter-
 nam testificationem, qua literæ Latinè scriptæ in o-
 mnium atatum memoriam producere potuissent, im-
 probè detraximus. Sed satis de excusatione, uel de ac-
 cusatione potius, si posthac tamen curabimus, ut hoc
 modo frequentiores simus in scribendo, quàm alio com-
 mittere, ut nos excusando, magis accusandi esse uidea-
 mur: atq; ad itas literas redeo. Eas igitur scito mihi
 iucundissimas accidisse, cùm quoniam eo modo, qui
mihi magis probabatur erant conscriptæ: tum quia ijs
certior fiebam, mecum Grifolum uiuere, quem ego
iam triennium fraterne luxeram, quo uno optatissi-
mo nuntio, nihil est quod Euangelij à me auferre non
 possis:

Man. p. 23
 a 81. a. 81.

possis: tametsi nonnihil molestia tamen epistola pars illa, in qua de meis erga te meritis, atq; officijs extollendis, quasi finem non facis, meam hanc tantam letitiam non leuiter aspersit. Nam etsi te quidem gratissimo animo, atq; optimè instituto facere certò scio: id tamen quodam modo agrè tuli, nam præterquã quòd magnam iniuriam amicitia nostræ facis, qui tanto pere queraris te parcm ei gratiam referre non posse, cui ne ullas quidem agere debuisti, non ego in tuis scriptis, & amici. & iure optimo laudandis plus sum laudis affectus, quàm aut studij, aut officij in eo ipso posuerim præstando? Quid enim mihi tam faciendum fuit, cum ad nostræ ætatis pœtas ueni, quàm ut prudenter uiderem, nequis ex eis, qui in aliquem bonorum numcrum uenissent, me præteriret? in ijs uerò qui suo splendore cæteris quasi lumen pralucerent, ne aut cæcus, si non animaduertissem, aut iniquus, si non ijs suam quoq; laudem impertissem, uiderer omnino? In quibus cum tu nō ultimum locum obtineres, hunc ego, si tibi cum cæteris bonis concessi, aut aduersus improbos tutatus sum, nihilo sim amplius de te meritus, quàm qui de uirtute uirtutem laudans mereri posset: nisi ea quoq; tibi gratissima uideri, qua sine maxima culpa in te omitti non possent, omnibus significare uoluisti. Quod uerò de Principibus meis tam doctissimis, quàm etiam nobilissimis fœminis scribis: scito filias illas egre

*las egregiè cruditæ esse, & unà cū ætate sua omnium
 etiam opinionem superare: easq; suum locum hoc quoq;
 nomine in nostris De gloria libris habere. Nam quòd
 me mones, ut in eius operis exemplis minus ambitiosè
 agam, neq; etiam quasi de Principum fece hauriam:
 tu rectè quidem, & sapienter mones, neq; id ego te-
 cum non sentio, sed tamen si pauciores quosdam offen-
 deris minus hac mea laude dignos, id à me in eā par-
 tem factum accipias uelim, me uni, aut summum al-
 terum non tam hac mea cōmendatione cohonestasse,
 ut ea inaniter gestiret, quàm ut quid sibi ad ueram
 gloriam faciendū esset, inde planè perspiceret: qui mei
 tres De gloria libri iam pridem mihi sunt absoluti,
 utinam quidem ut materia postulat, nam eodem tem-
 pore tantam mihi gloriam consecissem, quantam o-
 mnes, quorum in ijs exempli gratia meminimus sibi
 compararunt. Quod uerò ad præcipiendi rationem
 pertinet, ita quidem est, ut dixi, cū summi res ne-
 gotij, tum summæ etiam difficultatis, sed his quoque
 id accedit, quòd ea dicendi ratio (ut summam indi-
 gnitatem, quæ in docendo uersatur omittam) quam-
 uis politiozem dictionem faciliè corrumpere posset.
 Quare ego cū publicam istam præceptionem exer-
 cerem, plerunq; ea lingua utebar, qua omnes nunc lo-
 quimur. At quis hoc, te præter unum, probabit? at mi-
 hi magis in rectè scribendo, quàm in ineptè loquen-
 do ex*

do ex tempore consultum uolui, meq; omnes Latine scribere ut uiderent, quàm auditores impolitè semper, improprie interdum, si minus barbarè loqui, malui audirent. Sardonium (ut tu dicis) atq; Sardonianos omnes ita fregimus, itaq; contriuimus, atque confecimus, ut mutos diceres: coaxant quidem nescio quid, sed subter aquam ranarum more: nullum enim quo suam ignorantiam defendant adhuc uerbum faciunt: sed isti, atq; adeò istis Dii meliorem dent mentem. Quæ in Catullum scripsimus prope diem expecta, si me diligis, si te à me amari scis, cum primum occasio dabitur, ut usquam in Grifolum meum incidas, ut meo eum nomine complectaris, nimis enim parum est, atq; exile, ut salutes, te etiam, atq; etiam rogo. Vale. Ferraria. Cal. Octobr.

BARTHOLOMAEVS RICCIVS

AONIO PALEARIO S. D.

Quid hoc est Aoni? num semper Italico sermone per literas agemus? nunquam? ne Romanus stylus, quo in perpetuis scriptis, atq; ad alios saepe amicos utimur, locum ullum in nostris literis habebit? hoc quidem quo vulgus noster loquitur sensa nostra, perinde, atq; Latino planè explicamus, nisi id etiam interdum ex rebus nouis suis Latinis nominibus carentibus

tibus plenius, ac significantius facimus: hæ tamen
 literæ nullum aliud lumen, nullius alijs lectionem
quàm utriusque nostrum sunt habituræ, præsertim
mea, quæ tam longè à uestra Hetrusca dicendi ra-
tione absunt, quàm qui longissimè gentium (et si tan-
tum Apenninus nos disiungat) & natus, & altus
 sit, ut eas in ulla uolumina, quæ eius quoque lingue
 multa multorum simul unà scriptorum quotidie edun-
 tur, coniici posse nullo modo sperem. Quare ego hoc
 Latino posthac utar, & ut stylum exerceam, & te
 quoque ad hanc meliorem scriptionis rationem reuo-
 cem. Mitto igitur tibi defensionem meam aduersus
 quendam Sardum hominem tam iniquum, quàm
 etiam ignarum, cuius stultitiam in ea facilè cogno-
 sces: nam in quo me accusat, proponi primo in loco
 fideliter, postea uerò mea ut sequatur defensio aequè
 curavi: in quo meo aduersario, Dii me perdant, si-
 quid boni est, præter quòd ego alter Cicero cum isto
esse uideor, quando & ipse suum Sardum Sardo
habuit nequiorẽ: tametsi in meo multi insunt Sar-
di, etiam nequissimi: quos tamen ita fregi, itaq; con-
temptos reddidi, ut ne hiscere quidem audeant: nam
 quòd præfractè pergant in suis nominibus Catoni-
 bus, Lentulis, Metellis, Cethegis, Dolabellis, &
 reliquis eius generis cognomentis insanire: concedunt
 tamen Romanarum-familiarum nomina in, I V S,

terminare , ut modò nobiscum sentiant , modò contrà : secus autem eodem modo semper , hoc est inconstanter agant. Sed iam istos missos faciamus : quintus annus agitur ipse , cùm Iacobus Grisolus hac transiit , Senas accitus ad Latinas literas publicè profitendas : nihil postea neq; ab eo , neque de eo mihi nuntiatum est. Nunc uerò Venetijs tristis mihi rumor affertur , qui me quoque prope occidit , illum diem suum obiisse. Si me amas , quæras quid de illo sit , meq; postea hac grauissima sollicitudine libera : amavi enim illum , quàm qui maximè amari potuit amicus : ac quod ego spero , cupio quidem certè , me certiore fac , cum uiuere , etiam si mortuus sit : in hoc enim falsa spe me sustineri facile patiar. Apparatus meos , quos requiris , scito apud me nullos esse , Florentiæ tamen reperiri quosdam audio , id uirum sit , ex librarijs scire atque inde tibi accommodare poteris. Opus de Gloria (uide quæso quid mihi in mentem uenerit) paulò ante sum aggressus , idq; in tris libros distribui , iamq; primum absolui , reliqua pergo : utinam propius adesses , aut saltem tantà alpium iuga nos disclusos non haberent , sperarem enim tuo iudicio uti posse : sed Dii uidebunt , cùm erunt absoluti. Vale Cal. Maij.

AON

AONIVS PALEARIVS

BARTHOLOMAEO RIC-

CIO S. D.

EGo uerò fateor me dicendi genere, quod hoc tempore in Hetruria floret, ualde delectari, & quia elegans est, & uenustum, & quia ab eo non longè abest, quod in Italianati, atq; alti haufimus. Utinam, mi Ricci, natura nos labore hoc leuasset, quem quoridie insumimus in ediscendis linguis, id fecisset certè, si ut sunt omnium gentium, & nationum sensa communia, sic essent τὰ γὰρ τῆ φωνῆ, τῶν γὰρ τῆ ψυχῆ παθημάτων σύμβολα: Gracè dico, quòd Latine aequè non inueniam: nam melius non audeo dicere, Thuscè fortasse possem. Quòd si cum amico sic agier oportet, ut non quasi alicunde meditatus uenias, quod ego sic interpretor, ut quicquid in animo est, quicquid uenit in buccam illud ipsum scribas: uereor ne iniuriam faciamus ueteri amicitiae, si cum amamus nos inter nos, & per literas familiariter loquimur quasi praesentes, in perquirendis & coniungendis uerbis Latinis simus occupati. Quid igitur, inquires, uerba Graeca sunt in epistola tua Latine scripta? quia consuetudine illa interpretandi non quasi ita etiam occurrunt: ut cum somnus arctior nos complexus est, ea sepius animo obuersantur, de quibus

omni
simply di
thi nabi
pay ~ 20

*uigilantes quotidie cogitare, & loqui solemus: sic
 dum scribimus, uerba sua sponte prodeunt, ac offe-
 runt se ex formis, quæ legendo, & scribendo in no-
 bis hæserunt. Quinetiam ut dicam tibi, quoniam tu
 institutum mihi tuum aperuisti, ego quoque in inter-
 pretationibus Latinis, & Græcis, cùm oratio La-
 tina cursum tenere non potest, inhihero, cumq; alio
 modo remigare cœpi, paulisper adhibeo uoces He-
 truscas, non dico Italas, quòd non omnes probem. Si-
 cuti enim in Græcia aptissima fuit lingua Attica so-
 luta orationi, sic in Italia Hetrusca mirifica est, &
 ad dicendum, & ad scribendum maximè accom-
 modata, cuius ego te in his literis, quas ad me iam
 sæpe dedisti ostentatorem non agnosco inanem, ac tu-
 midum, sed scriptorem accuratum, & diligentem.
 De hoc satis. Ad illud uenio, quòd epistolam tuam
 superiore anno scriptam, hodie Nonis accepi: tu uide
 quàm rarò tuæ ad me perferantur: desino mirari, si
 quas Florentia dedi, ad te non sunt allatæ, Posthac ut
 omnia impedimenta uincam, siquid erit quod aut
 mea, aut tua interesse arbitrer, dabo eodem exem-
 plo plures literas scriptas. De nominibus Romana-
 rum familiarum nemo est gnarus antiquitatis, quin
 tecum sentiat: ipsi etiam (quod tibi gratulor) qui
 Græcam rationem sequebantur, ipsi etiam barbari
 tuis scriptis admoniti, ut uideantur Latini secundum
 nomen*

nomen correxerunt imitatione Romana. Grifolum nostrum ferijs æstiuis omnino conueniam, & interea faciam per literas certiore de pietate ista tua. De apparatu linguæ Latinæ scripsi ad te antea, Florentiæ curata fuit pecunia Bonuifiorum nomine, & est iam copia adolescentibus nostris, qui ob istuc ipsum te multum amant, auidissimè tamen expectant libros de gloria. Vale.

BARTHOLOMAEVS RIC-

CIVS AONIO PALEA-

RIO S. D.

Nicolaus aliena uestræ Reip. ad Herculem Principem nostrum legatus mihi tuis uerbis perbenigne salutem dixit: quem ego contrà humanissimè accepi, eiq; tua causa omnia pollicitus sum. Iste ipse uel suapte humanitate, uel ut meæ par referret, pridie quam à nobis discederet, domum usq; mihi nuntiari iussit, siquid istuc illi mandarem: qui cum nihil haberem omnino tanto uiro dignum: ne me tamen aut superbum, si nihil scripsssem, aut ineptum, si non mandassem, has illi inanes literas tibi perferendas dedi. Sed heus tu, nimis lautus factus uideris, qui tam præstanti uiro loco tuarum literarum utaris. Mihi quidem longè gratissimum fuit, uel à quouis homine de te intelligere: sed si à te ipso id intellexissem,

multò mediussulcius id mihi gratius, ac iucundius accidisset. Quare posthac tu me, hoc est tui amantissimum in hoc salutandi genere imitabere, qui etiam si nihil habeam, quod scribam, scribo tamen, ut uides, neque quod in buccam. Vale Ferrarie, pridie Calend. Decembris.

AONIVS PALEARIVS

PTERIGI GALLO FAMI-

LIARI SVO S. D.

Marci Casalis epistola ualde mihi placet, est enim amanter, & eleganter scripta: quædam tamen in ea commutari uolo, ut habita ratione temporum, & locorum, aptè libro quarto collocari possit. Scribam ad eum hodie pluribus, quæ ut tu quoq; cognoscas, erit epistola aperta, & in schedula signum, ut obsignatam, si is in oppido Collino est, reddas tua manu: sin autem in Geminiano, multi erunt qui perferent, nihil est quod te des in uiam, nam & ego adero Nonis. De Aganippe laudo consilium tuum: nolo aquam duci per fundum, nolo ri- uulis colligi uberiores: ubi primum erumpit, ibi hauriri uolo, nam quod gelida est, & ad orientem solem spectat, eo est salubrior: necesse est tamen murum qua uergit ad occidentem perducere in altitudinem pedum octo, & sedilia fieri ex lapide quadra-
to, &

to, & triclinia æstiva in quibus nos cœnitemus : ex
 riuorum deductione hortos irrigabimus. Quod de in-
 scriptione rogas, feci libenter : tuum est inuenire, qui
 bene insculpant antiquas literarum notas. In ijs est,
 quod Priscianus tuus uocat digamma Aeolicū, quod
 Heluetij, & Germani adhuc syncerè pronūntiant, &
 Romæ est in laudatis marmoribus **AMPLIAUIT**
TERMINAUITQUE, sic igitur facito ut sit in
 saxo oblongo:

QVEM PELLVCIDVLA MANANTEM
CERNITIS VND A

FONS HIC MVSCOSIS OBSITVS
IRET AQVIS

NI THVSCOS PROPERE COLLES
AI SVRA TVLISSET

CAECINNAE CAMPIS HERNICA
NAIS OPEM

DEDVXIT RIOS NE QVISQVAM
DICERET HORTOS

HESPERIDVM POSTHAC ESSE
SED AONIDVM.

*Redemptoribus, qui domum conduxerunt exadi-
 ficandam, curabo pecuniam : plateam sterni uo-
 lo sabulone, & lapidibus siliceis ob deambula-*

tionem matutinam. Nosti quo stomacho sint studiosi, præsertim cùm senectus aduenerit. De uersibus, quos uis esse in superficie domus, ne sis sollicitus: utinam tam citò expediri posset ædificatio, quàm illi sunt facti, Musæ præstò fuerunt: ne toties uillico sit ultrò citroq; cursandum, mitto eos ad te:

QVEM THYSCVS CAECINNA OLIM
POSSEDERAT AGRVM
INSIGNEM LATE FRUGIBVS
ET PECORE
HERNICVS AONIVS LONGO POST
TEMPORE CVLTV
LONGE AVCTVM ANTIQVO
RESTITVIT GENIO

De piscina quod scribis, non probo: an non Fuscus annis satis est? an non Ripardus? diligo frugalitatem, odi luxuriam. Aspasia uiaticum poscit, mox petet Sophonisba, quid Lampridio, & Phædro fiet? obsecro ne suauissimos pueros perdamus: prudentiæ nostræ est adhibere modum, ne omnia occupent redemptores. Luca Nonis Maij.

IOAN

IOANNES BAPTISTA GADIVS
AONIO PALEARIO S. D.

QUOD locorum interuallo disiuncti fructu care-
 mus iucundissimæ nostræ consuetudinis, est id
 quidem certe mihi permolestum: uideo enim, quantam
 iacturam fecerim studiorum meorum, cum mihi ne-
 cesse fuerit hoc tempore rusticari, proculq; à conspe-
 ctu tuo degere, cuius à latere mihi nunquam receden-
dum proposueram. Quanquam illud me consolatur non
 mediocriter, quod hanc sanè molestiam literis aliqua
 ex parte leniri posse perspicio: in quibus statui omni-
 no spem mihi aliquam ponendam esse, ut quandiu ab-
 fuerimus, certemus inter nos officijs, colloquamurq;
 per literas: his enim ultrò citroq; quasi commeantibus
confirmabitur mutua inter nos amicitia. Equidē nisi
 facere flagitiose uoluerō, ea mihi sanctè colenda est
 necessitudo, ad quam summo me beneficio uoluisti ad-
 iunctum. Caue enim fore dubites meam tuorum erga
me beneficiorum memoriam aliqua ut obliuio deleat,
 quæ & propter necessitatis nostræ uinculum minimè
 solui possunt, & uetustate, cum sint immortalia, nullo
 pacto extingui. Quam ob rem sic habeto, nullam tan-
 tam calamitatem posse accidere, qua uel tuum in me
 collatum officiū intermoriatur, uel eum ipsum, quem
 tu in familiaritatem tuam libentissimè receperis,
 perinde ac parum officiosum accuses. Nam quod su-
 perioribus

perioribus diebus nihil ad te dedi literarum, magis id
 quidem factum imbecillitate ualitudinis, quàm ulla
 mea negligentia : qui postea quàm sum abs te profe-
 ctus, sic è stomacho laborare cœpi, & latere, ut quod
 animus uehementer expetebat, id præstare mihi inte-
 grum non fuerit : huc accessit nis quædam maxima
 tuberculorum, unde facta ad dolorē accessione agro-
 rum corpus quasi conuulsum penitus contabesceret :
 ita nimio quodam languore totus confectus aliquando
 obtorui, & eo quidem uehementius, quò mihi minus
 bene constitutum esse corpus haud ignoras. Nunc ue-
 rò Dys bene nuuantibus conualui, morbumq; omnem,
 qui me grauitè afflixerat, quamuis agrè depuli : itaq;
 pristina ualitudini restitutus cursu corrigere tardi-
 tatem cogitabā tum equis, tum uelis, cū mihi Fran-
 ciscus Arnulphinus præstò fuit, bonæ spei iuuenis, &
 ut ipse satis nosti, permodestus : meq; uerbis tuis sanè
 quàm liberaliter salutauit : quod an mihi charum, in-
 cundumq; fuit, malo ipse diiudices. Is à me tum de stu-
 dijs, tum de rationibus tuis diligentius cūm rogare-
 tur, uenit in eum sermonem, ut diceret, breui nos unā
 futuros, arridens enim, optatum, inquit, nuncium affe-
 ro. Aonius noster, cū de te fortè incidisset sermo, si-
 gnificauit non obscure cogitare se in Pancratianum
 nostrum. Hic ego læticia exultare, statimq; exilire
 gaudio. sensi enim quàm optatus mihi accidere ad-

uentus

uentus posset tuus: unum mediis fidius diem tecum libentius posuerim, quàm cum plerisq; alijs uita reliquum tempus. Te igitur etiam, atq; etiam hortor, hoc ut efficias, & ad nos quàmprimum cursites, ardeo enim iandiu uidendi tui incredibili cupiditate: atque me hercule uereor, ne si opinionem hac in re meam fallas, quemadmodum nunc nimio penè gaudio desipere uideor, sic in posterum animi moerore conficiar: tametsi nihil esse in causa opinor, quòd diutius animi pen-deam, meq; timor iste planè rusticus tantopere sollicitum habeat, ac uerè ut dicam excruciet: cum praesertim subinuitare te loci possit amoenitas, & fides ipsa, quam mihi alieno nomine obstrinxisti, pertrahere uel inuitum debeat. Nihil in praesentia loquor de Hieronymi Arnulphini magnificentia uillarum, quas cum praesentioribus oculis intueberis, eas esse praedicabis, ut ne Luculli quidem splendori cedant. Nam quòd uoletudinem aliquam excuses, nihil est, nisi fortasse longissimi itineris labore supersedendum arbitraris: qui tamen, quòd nullus sit propemodum, prohibebit sine dubio accipere ullam tuam excusationem. Villa enim, quod tibi probè cognitum reor, uix quarto ab urbe lapide distat: tu modo desiderium urbis depone, & omni prorsus abiecta literarum cura, animiq; deposita solitudine, redi aliquando cum natura in gratiam, illudq; in memoriam redige, nimis diu defraudatum

datum abs te fuisse genium, quo uel uno nomine ualitudinem istam tuam, cui præcipuè seruiendus est, hoc maximo solis æstu sustentare debes. Huic tu nostro consilio assensus si fueris, id saltem consequere, ut molestissimis istis occupationibus animum, si nō exoluas, at relaxes aliquantulum. Quare te uehementer etiam, atque etiam oro, & obsecro, te ut des primo quoq; tempore in uiam: quod quidem commodo tuo ut fiat, itineri te committere, aut ubi primum illuxerit, aut inclinante in pomeridianum tempus die poteris, ut cum se calor fregerit, tuò ad nos, celeriterq; conuoles,
 Ex Pancratiano Arnulphini Cal. Iunijs.

AONIVS PALEARIVS

IOANNI BAPTISTAE GA-

DIO. S. D.

CVm mihi tantum ocij esset, quantum bellum patitur, quod cum barbaris continenter gero, & munus publicum cōcedit, ut per me Athenæ comportentur ad Apenninum, accepi literas tuas plenas humanitatis, & desiderij, quibus in Pancratianum Arnulphini inuitas, quod audio esse per amœnum & suauissimum, credo præsentia eorum, qui tecum sunt omnibus naturæ donis, omnibus ornamentis, & fortunæ accessionibus honestissimi: quod nisi me Euty-chus meus præoccupasset, qui uxoris suæ lectissimæ
 foeminæ

foemina nomine uxorem meam inuitauit in Gran-
 nianum suum, nunquam fuisse, ut isthic hodie sine
 me esses. Nunc ut cum uxore sim mea, uisam serius
 Pancratianum, differamq; aduentum istum in alium
 diem. De ualitudine tua & audiui, & dolui uehe-
 menter, saepeq; locutus sum cum ijs, quibus es charis-
 simus, quibus nihil potest fieri humanius: consolatione
 leniebant dolorem meum, quod reciperent, & uide-
 rem neq; sumptui, neque labori eos parcere, qua ad cu-
 rationem opus esset: dicebant etiam ἀκὶνδ' υῡοῦ, & te
 propediem firmiorem futurum. Franciscus noster, quae
 eius est suauitas, credo ut incitaret ad currendum te
 ualidum esse, & bellissimè habere, quod non credo,
 etsi litera etiam tuae id significant, quod purgationi-
bus, & morbi ui, qui te grauitè afflixit, es con-
sumptus: quo si liberatus uideris, nihil festina, mature
 omnia, ne ad morbum hoc etiam. Solent enim eorum,
 qui aegritudine liberati sunt, si in eandem recidunt,
 grauiiores esse offensiones. Quam ob rem mihi gratif-
 icum feceris, si ualitudinis diligentissimè habueris
 rationem, ut cum uenero, non duo uel tria tantum
 spatia facere mecum in xysto, sed pedibus quoq; sun-
 dum obire possis, & sequi in proximas uillas, & te
 inuitare plusculum in cœna, & sermonem producere
 ad multam noctem. Vale. Lucæ IIII. Nonas Iunias.

ic. in ep. l.
 vi. sep.
 83.

vide Nicol.
 in i. th. ke.
 x. vi.

Plauty.
 in i. th. ke.
 ii.

IOAN

IOANNES BAPTISTA GADIVS
AONIO PALEARIO S. D.

Serius mihi quàm scripseras reddita sunt tuae literae, credo illius negligentia, cui te rectè dedisse existimasti. Is isthinc discedens nihil prorsus ad nos attulerat: quem cùm percontaremur, quid ita factum fuisset: Est, inquit, quod des nobis ueniam, alijs enim districti negocijs, epistolam quandam sumus apud Arnulphinos obliti. Ego, quo sum ingenio, irasci primum, deinde etiam obliuiosum hominem, atque adeò rusticanum contumelijs onerare non destiti, quòd in re minimè leui tam egisset negliger. Quid quæris? hisce ille conuitijs non nihil commotus, continuò in urbem redijt, perfecitq; hoc, ut lubētius literas tuas perlegerim, quo allata tardius fuissent, ex quibus morum, sermonisq; tui cognoui suauitatem, & quàm me amares faciliè perspexi. Mones enim pro tua in me pietate, mea mihi curæ sit ualeitudo: in quo tibi obtemperabo non inuitus, ut qui sim memor quotannis me periculose agrotare solitum. De Eutycho tuo quod scribis, planè accipio excusationem, tuaq; causa magnopere lector, cùm te sentio ab omnibus ordinibus & coli plurimum, & diligì. Sed subinuideo tibi tantam felicitatem, qui in ista luce hominum ita uiuis, ut cùm ipsi maxime sint urbani, solus tamen Ἀντράπελος uidere, aut certè omnium festiuissimus. Nunc te hor-

tor complusculos dies salutem literis dicas, si modò
 grauissima tuæ occupationes id patiuntur. Dij male
faciant barbaris istis, qui tibi tantum faceſſunt nego-
tij, quos si licebit unquam, iunctis copijs uelim aliquan-
do profligemus. Interea quæ tua est fortissimi impe-
 ratoris uirtus, hostilem impetum solus acriter susti-
 nebis: nos ex istis tuis Athenis, si differas aduentum,
 literas expectabimus crebriores: sin minus, sic te me-
 mineris expectari, ut nos omni gaudio propediem de-
 libutos reddas. Vale ex Pancratiano Arnulphini.

*deh. Sub
gaudio.*

PAGANVS PAGANVS

AONIO PALEARIO S. D.

V Incentius Menochius, utriusq; nostrum aman-
 tissimus, his proximè præteritis diebus, ut scis,
 Pisas uenit: qui cum semel uix sum congressus, idq;
 per breuissimum temporis spatium. Nam cum in co-
 mitatu esset quarundâ fœminarum Lucensium sum-
 mo loco natarum, homo φιλογυναικος ab earum latere
 nunquam potuit abduci: nec mihi, quod maxime in
 optatis erat, contigit: ut cum non potuisset ad me di-
 uertere, quod quidem iure hospitij debitum uidebatur,
 semel apud me saltem cœnaret. Ille tamen, ut est c-
 mnium officiosissimus, meq; in are suo, ex quo me su-
 periori æstate Genuæ nouit, habet: ad me, cum uellet
 discedere, petasatus uenit, totusq; sudans: nam fœminæ
 illæ,

*ipse lato p
kerhigie. l.
in q. pg. 25
sed petusa
ueniunt cor
tes ad portu*

illæ, quæ huc uenerant comædiâ spectatum, iam iam consensuræ equos illum expectabant: petiuit, nunquid uellem. Colloquentes igitur tria, aut quatuor spatia dum inambularem, fecimus tantum, isq; tunc inter nos fuit sermo, qui inter amicissimos esse solet, cùm alter alteri repromitteremus officia, mutuamq; operam, & studium, quod à uerissimis amicis expeti, & requiri solet. Ille autem illud omnium postremum, & summopere à me contendit, ut aliquid ad te scriberem: quod ei cùm recepissem me facturum, quid enim promitterem, non aequè tunc, ac postea cognoui, hocq; cogitarem, non semel promissi me pœnituit: idq; ea potissimum causa, (ut multas alias taceam) quòd sum semper occupatissimus, animoq; in presenti perturbato. Sed cùm in ea meditatione uersarer, ut semper in animo haberem cui id promiseram, id est, Menochio, cui aliquid negare nefas ego esse existimo, dare autem uerba nefas maximum: ad te uel ineptissimas dare literas malui, quàm nullas. Sed nequeo inuenire principium, neq; quid ad te potissimum scribam. Non inde faciam initium, (possem fortassis) ut te accussem, propterea quòd, ut postea intellexi, tu superioribus diebus huc uenisti, ego tamen de isto tuo aduentu à te celatus sum: quod quidem ob nostram amicitiam nuperrimè Luca institutam, ut rectè factum possis defendere, tu ipse uideris. Ego quidem libentissimè te uidi-

dissem:

dissem : atq; ut non repugnarim te apud quos diuer-
 tisti fuisse lautius , non tamen facile concesserim , ut
 te aliquis latiore animo , & beneuolentiore potuerit
 accipere. Sed hæc omitto , nolo enim exordium mea-
 rum ad te literarum à querelis duci : quanquam hæc
 mea præsens expositulatio , uel tibi eo nomine grata
 esse debet , quòd in hoc quantum à me ameris facile
 potes cognoscere. Illud potius initio dicam quod de
 Luca Antonio medico Pisano , qui istuc uenerat pri-
 die Nonas Martias primùm audiueram , (ea enim
 mandata ad me habuerat) & postea Menochius
 cùm semel , ut dixi suprà , unà fuimus mihi expo-
 suit : uos , hoc est , Nicolaum Vidacionium , Benedi-
 ctum Manfredum , Dinum Sardinum , Dij boni quos
uiros , quaq; doctrina , & uirtute præditos , aliosq;
quosdam uiros Lucenses Literatorum amantiſsimos ,
 & te maximè , cum meo Peccinio etiam , atq; etiam
 optare , ut ego istuc ueniam , atq; iam inchoasse huius
 negotij effigiem , quæ qualis sit , mihi Menochius nar-
 rauit. Hic igitur multa mihi occurrunt , sed quia nix
 hæc possum scribere , animumq; meum nostro Me-
 nochio aperui , rem breui comprehendam : Auco &
 ego istuc uenire , uel publicè , uel priuatim , uel utroq;
 modo : sed priuatim magis , bonas literas istam iuuen-
 tutem pro uirili , & pro parte mea docturus. Tu
 igitur cum reliquis meis , quos suprà nominavi , uel si-

qui alij sunt, qui id exoptent, in eam curam incumbes-
ut res ad finem perducatur. Illud ego sanctè, & ex
animo promitto, me daturum operam, si istuc uenero
ad hoc munus accersitus, ut nullo unquam in tempò-
re te, uel quemuis alium me inuisse, uestramq; dili-
gentiam mihi nauasse pœniteat. Expectabo quid uel
tu, uel Menochius de hac re scribatis ad me, & ra-
tionem mearum rerum uestre literæ gubernabunt.
Nescio an in more sit istuc positum, ut publico nomi-
ne diploma mittatur ad literarum humanarum pro-
fessores, quos hac de causa istuc uocant. Ego si publi-
cè eligar uellem illud ad me dari, ad res meas hoc
multum interest: te in reliquis rebus reijcio ad ser-
monem, quem de hac re cum Menochio habui: qui
etiam me rogauit, ut aliquid meorum scriptorū istuc
ad uos mitterem. Itaq; mitto tres epistolas cum his
complicatas, recentes satis, ut est uidere: plura si uolue-
ritis, & alio in dicendi genere, mittā: sed ex illis uer-
sibus, qui sum in stylo, & dictione, optimè conijcere
potestis: à me tamen otiosiore, & quietiore meliora
fortassis possunt expectari. Meis uerbis dicito pluri-
mam salutem Peccinio, Manfredo, & Dino, articu-
latè etiam Vidacionio: licet enim de facie minimè ho-
minem cognoscam, tamen quod me amat, quodq; à no-
stris literis licet sit iurisconsultus, non abhorret, eum
summe colo, & obseruo. Non dico Menochio, ad
cum

eum enim scribo separatim, cui hunc literarum fasci-
 culum curavi reddendum, ut certius perferatur.
 Penè illud omisi, tutius hæc mea omnes epistola domi
 uestra erunt: id ita interpretamini, ne ulli detis de-
 scribendas, hoc uos supra modum rogo. Vellem, ut hæc
 etiam de mea causa attingam, rem quidem cito con-
 fici, ne interea animi pendeam: sed nollem (id si ullo
 pacto fieri potest) ante Iulij Idus istuc uenire: sed nolo
 tempus ullum ratione negotij conficiendi impedire, me
 enim ad id quod feceritis accommodabo, dum interie-
 ctus saltem sit mensis. Vos omnia pro uestra singu-
 lari sapientia, proq; non uulgari uestro in me amore
 credo facturos, & præcipue ut totum negotium cum
 dignitate conficiatur, nihil igitur præscribo, illud
 tantum tibi: Ego te, Aoni, ob summam tuam erudi-
 tionem, pari cum humanitate coniunctam, mirificè
 amo, & obseruo, hæresq; mihi in uisceribus: eam tu
 igitur mihi in hac causa præsta operam, quam de te
 mihi polliceor: effice ut te necessario, mi ingratus esse
 uelim colam, quem antea libenter tantum, & spon-
 te nullo tibi beneficio, nulloq; merito obligatus mihi
 proposui obseruandum, & hæc satis. Credo uos au-
 diuisse Rectorem, ut appellant, huius academia à
 Casare Crasso patritio Mediolanensi nudiustertius
 mane in scholis accepisse tria uulnera in scapulis le-
 uia admodum: qui miser iuuenis repente post factum

comprehensus à cohorte prætoria cùm multum, nullo armorum genere tectus, ille se nudato ense defendisset, hocq; mane, uel magis paulò ante lucem securi percussus est, iacuitq; pro Palatij porta ad quatuor horas, uulgò miserabile spectaculum temeritatis, & imprudentiæ iuuenilis. Sed hoc triste omitto: tu me amabis, ut quidem amas, qua in re non patiar à te uinci: tuas expecto te dignas, Aonias scilicet, & perelegantes. Pisis, xv. Cal. Aprilis.

AONIVS PALEARIVS

PAGANO PAGANO

NIO S. D.

EGo uerò uellem nobiscum hic esses, studium enim meum, & diligentiam amicorum in petitione præfens uideres, & nos fructum caperemus dulcissimæ consuetudinis tuæ. Sed tu, dum ab uxore, liberis, & rebus tibi charissimis abesse non potes, adhuc angis nos desiderio, & negotium tuum, qua uellem celeritate, non explicatur. Post tuum discessum, ut ex Menochio audire potuisti, nullus propè dies fuit, quin de te simus collocuti, commentatiq; inter nos, qua ratione res transigi possit, ego de publica conductione prius agendum censebam apud Gymnasi præfectos, postea de priuata: ille contrà, de priuata prius, quòd uereatur, ne ubi à præfectis impe-

traue

trauerimus omnia, priuati, quorum flexibiles sunt uoluntates, differre ac procrastinare incipiant syngraphæ subscriptionem. Non dissentiam ab homine tui amantissimo, à quo tibi prompta, & parata esse omnia certo scio, eius consilium omnino sequar, quòd putem me tibi in ea re facere gratissimum: adduci tamen non possum, ut credam præfectorum conductionem faciliorem esse subscriptione priuatorum hominum, ita te Lucæ florentem uideam, ut ubi intelligent aliquorum commodum in primis agi, Herculis labor erit exantlandus, ne nobis aduersentur, qui rem publicam gerunt: præsertim cùm ludi magistri quidam, quibus cum tibi bellum gerendum continenter esse uideo, maiori stipendio conduci te grauissimè ferent. Iis cùm magnæ sint necessitudines, ueteres amicitie, arctissimæ coniunctiones cum principibus ciuitatis, nonnihil periculi est, ne Senatorum animos à nobis alienent, atq; abducant. Propterea antequàm illi rescirent, cum præfectis agi, ad Senatum referri, & S. C. fieri in te perhonorificum uolebam: quid impediēbat postea ne cum priuatis nostro commodo pacisceremur? Magna est auaritia hominum, fateor, immo uerò maior est quàm putaram: ac magnum hoc est, & optandum, ut inuenias, cuius fidei liberos committere possis, bonum & disertum uirum. Ego & si cùm has lite-

tu patet
 ras legeres, putabam fore, ut scires quid iam Me-
 nochius egisset: uolui tamen scribere ad te senten-
 tiam meam, aduersos magis rerum exitus metuens,
quam sperans secundos. Quod quereris, me proxi-
 mis superioribus diebus Pisis fuisse, neq; ad te. Igno-
 sce festinationi meæ: fuit mihi negotium cum publi-
 canis, quibus ut satisfacerem eodem die, quo uene-
 ram Pisas; erat mihi Lucam recurrendum: uere-
 bar, ne si amicis conueniendis tempus tererem, nox
 me in itinere opprimeret. An locupletior mihi testis
 querendus est, quàm Robertellus? qui me quasi per
transennam aspexit abeuntem potius, quàm uenien-
tem: qui cum tamen non modo diem, sed annos li-
 bentissime ponerem. Pluiijs, & tempestatibus co-
 ortis non potui satisfacere publicanis, quare trium
 dierum iter mihi fuit conficiendum, uia pessima, &
lutulenta, ne mundum muliebrem uxor mea amit-
teret, quem illi interceperant, arculis non obigna-
 tis: quod eò scribo, ut accipias excusationem meam.
 Sed quid ego tam multis ad te? qui non ignores, quæ
 sint imperia uxoriam, quo minus est succensendum
 amico nostro, qui sudans, & petasatus seruit. Epi-
 stolas tuas non uidi, Vincentius opinor attulit ad Vi-
 dacionium: is uir optimus est, & tui similium per-
 studiosus: eam quoque, quam ad me miseras, cum
 uix legissem, quoniam aperta illa quidem erat, pu-
 tauit

tauit ferendam ad Bertolinum, et Peccinium nostros. Nolui repugnare: itaque nullæ sunt apud me literæ tuæ, nihil erit mirandum si non ad omnia. Certior tuæ uoluntatis factus, non expectabo literas: quæ ad tuum commodum, honorem, & dignitatem pertinent, maximæ mihi curæ sunt, eruntq;: ea prosequar omni genere officij, industriæ, diligentie quæ uel tibi placere intelligam, uel amicis tuis. Vale. Luca octauo Calend. Aprilis.

De Casare Crasso quæ scripsisti, non potui legere sine lacrymis: eius pater suauissimis, & temperatissimis est moribus, & propterea à me ualde amatur: filij autem aspera quædam, & indomita natura, quæ patri displicebat: si uel disciplinis uel atate corrigi potuisset, habuissent Insubres aliquid singulare, atq; egregium. Sed is animo feroci, ac exultanti auiditate gloriæ ferebatur, gloriam, quæ summa in patre erat, non uidebat. Miseret me adolescentis, nam patris eius non audeo dicere, in quem miseria, & dolor cadere non potest. nam aut hic est sapiens, aut nemo est sapiens: adhuc ambigo daturus ne sim ad eum literas consolatorias.

A. PAL. EPISTOLARVM
PAGANVS PAGANIVS
AONIO PALEA-
RIO 'S. D.

VT te nostro de Menochio puto audiuisse, istuc ueni superioribus diebus, omnia ex animi mei propemodum sententia confecta inueni: quod acceptum secundum Deum refero uobis omnibus, qui me, ut estis omnium humanissimi, supra modum amatis: sed tibi præcipue. audiui enim ab omnibus, qui se in hoc negotio meo immiscuere, te ita mea causa, cum summa diligētia, & beneuolentia elaborasse, ac si tibi essem frater. Illud nō admodum bellè mihi cecidit, quòd tunc tu aberas: te enim præsentē uidissem, quicum aliquantulum temporis, quod breuissimum dabatur, decreueram ponere. Has igitur in præsentī tibi habe, ea potissimum causa scriptas, ut intelligas id, quod etiam me non scribēte tibi persuasum esse certò scio, me scilicet hoc nomine plurimum tibi debere, atq; id unum mihi esse in animo, ut pro tuo isto fraterno in me amore, me semper in omni re cognoscas gratum, & memorem tuorum in me beneficiorum: nam nulla res erit unquam tam difficilis, quæ à me tua causa suscepta non mihi perfacilis uideatur. Perge igitur ut facis, & rem meam confice, siquid restat conficiendum: tu certè me tibi arctissimo amoris uinculo deuinctis, & imponis necessitatem mihi amabilissimam, ut
te per

te perpetuò colam , atq; obseruem: & hæc satis. Mea uxor (quæ à me intellexit , ut de me optimè sis meritus) te, tuosq; omnes multum diligit: eius igitur nomine tuæ uxori plurimam Salutem nuntiato , & tu me plurimum, ut facis, ama: ego te certè quidem fraternè amo, penè dixi æquè ac me ipsum , possem uerè id dicere. Vale, Pisis, Cal. Maijs.

AONIVS PALEARIVS

IOSIPPO IOVIO S. D.

PRidie Nonas Octobris expectatissima litera mihi Principis Salernitani nomine reddita sunt, quæ ad similitudinem tuæ manus proximè accedebant, tam tui similes, quam tu es tibi, pietatis, humanitatis, et amoris plenæ: cum his erat Vincentij Martelli epistola perofficiosa. Postridie eius diei cum cœnarem, ecce nuncij optati , & iucundi, Lucam cum heroë illo uenisse cælestes, & diuinos viros. Quid censes? potuisse me supersedere , quin ego rectà ad Cenam ades, ad quem is diuertisse dicebatur : cum eò uenissem, neq; te, neq; Martellum , neq; Tassum comperissem, neq; eorum quenquam quos mihi proposueram, per quos intromitti sperabam, noli querere quàm animo ceciderim: sentiebam enim extenuari spem, quam mihi Martellus epistola iniecerat , & tu promissis illis tuis confirmaras : cum tamen recentes essent lite-

m s

ra uestra,

ra uestra, & magnificè pollicerentur, cohortatus ipse me, nolui expectare deductores, tum quòd nulli essent, tum quòd audieram, quod multo est uerissimum co Principe nihil esse illustrius, nihil humanius. Ad quem cum uenissem, & abiēcissem me ad eius pedes: non sustinuit, sed complexus libentissimè accepit propensionem animi mei: deinde me de studijs nostris percontatus, nunquam mentionem fecit earum literarum, quas per uos dederā: subodoratus sum, cum in Hispaniam esset eundum, ueritos uos, ne uideremini inuenusti, & inurbani, si ad me non rescriberetur: mirabar uerò te id oneris suscepisse; quòd semper recusasses. Antonius Collinus, qui te ualde amat, ad matrē tuam lectissimam foeminam, quæ tui desiderio moritur, literas detulit: affirmavit illa, tua manu esse scriptas, quas amplexa, osculata, lacrymis propè deleuit, neque postea passa est eas à se diuelli. M. Lilius, qui mecum est totos dies, obseruauit genus dicendi graue, & elegans, in quo tu nobis Deus uideri soles. Dolet istam suauitatem ingenij diutius abesse à nobis: adhuc dum tu nullo loco constitisti, nos te non fruimur, & tu nobis cares: pendemus interea expectatione ubi, quibus cum, apud quos futurus sis: noui fastidium stomachi tui, in quo ego agnosco meum: is est cursus temporum, ea sunt ingenia hominum, ut nihil melius, quàm ut nusquam, id quoniam fieri non potest, ut necubi sis diu.

Hoc

Hoc loco si uideor facere, quod uulnus medicorum solet, ut quos aegritudine leuare uelint, eos medicina grauius afflicteret, fateor me non inuenire remedium, quod non faciat dolorem. Graue est Lilio, graue matri, mihi grauissimum, tam longè te abesse: uerum cum patria ingrata sit, durus pater, qui te colere, & obseruare deberent, non intelligant, quàm tuæ uirtutis splendore illustrari possint. quid dicam? coepit me incredibile odium generis humani, quod uel à consuetudine, uel ignauia, ueluti ab aliqua Circe ita est immutatum, ut mira sit ubique inopia hominum. Tu uirtutē ista tua te confirma, bonoq; animo sis, immò uerò etiam gaudenti, quòd illis places, qui tibi mirificè placeant: cuius rei non est locupletior querendus testis, quàm ego sim tibi, qui de te nullum finem facio cogitandi, et quotidie admiror magis istam despicientiam rerum humanarum: quam tamen si tu sic humanitate temperares, ut ad eos quibus es charissimus crebrius scriberes, caue putes quicquam fieri posse suauius ingenio tuo. Vale.

FRANCISCVS CORSINIVS

AONIO PALEARIO S. D.

HEus tu, qui perpendis momenta officiorum omnium, nonne debes mihi plurimum? Quid tibi? inquires, à quo nullum unquam beneficium. Quid
ais?

ais? ita'ne tandem? te in iudicium uoco, litem intendo,
 uel te iudice dirimendam. Primum à te summa con-
 tentione peto utrum per Deos neges amicitiam no-
 stram, à pueritia inceptam, cum aetate creuisse simul,
 longa consuetudine confirmatam, stabilitam esse mul-
 tis, ac magnis officijs? Vide quid respondeas: uerbum
 non audebis. Si concedis, uici: si negas, ego te aggeri-
 bus, & uallo cingam, uineis, & turribus admotis op-
 pugnabo, ariete arcem defensionis tuæ percutiam: quid
 obsecro facies, quin te dedas? Omnia tormentorum ge-
 nera mihi sunt Verulus, Babuci, Turricij: etiam si opus
 sit ad te expugnandum expeditæ legiones ex Herni-
 cis tuis educentur. Nega, fatere: quò quò te uertas, be-
 ne habet, uicimus, & quidem paruo negotio: nam il-
 lud firmissimum est, ut idem uelle, & idem nolle sit
 amicorum, cum præsertim quæ honestè ab amicis pe-
 tuntur, optimo iure petantur. Quid est igitur, quod mi-
 hi iure non debeas? qui & amicitiam sanctissimè co-
 lo, & summis laudibus ad cælum te effero. Sensisti
 iam diu me rerum tuarum lectione mirabiliter dele-
 ctari: & credo, propterea superioribus annis non se-
 mel ad me orationes tuas cum epistola ad Lucenses
 misisti: quas auuidissimè quidem legi, & earum co-
 piam multis tui studiosis feci. Lactasti? nam quid hoc
 est? Cur ab officio discedis? quod consuetudine fit, id
 etià iure fieri aiunt: diutius, quàm nostra ferre possit
 amicitia,

amicitia, presentis anni tuam orationem exspecto. At tu fallis opinionem meam: qua re subiratus primum, deinde ad me rediens, coepi egomet mecum. Hem cur non ad me ut solet? constitui tandem monere te pro amicitia, ut cum primum poteris, poteris autem cum uoles, quam diligentissime orationem mihi debitam ad me mittas: id nisi feceris, caue à machinis: eò molestus usque esse pergam, quo de amicitia fateare, & in manibus habeam orationem tuam. Vale VII. Cal. Ianuarius. Babuci.

A O N I V S P A L E A R I V S

FRANCISCO CORSI-

NIO S. D.

DElectauit me hilaritas literarum tuarum, & Dex iocis: & quòd animo prompto esses ad iocandum magnam coepi uoluptatem: feci enim ex ea re coniecturam, uos omnes rectè ualere, & bona spe esse: & te, quod non putaram, prouecta iam aetate factum studiosum rei militaris: quòd nisi te probè nossem, qui cum gladio falcato illi tuo alligaris es omnium impeditissimus, credidissem ego te summum euasisse imperatorem: ita enim aggerem, uallum, uincas, turres, arietem, legiones nominas, quasi non modo obsederis, sed expugnaris urbes, castella ui pugnando ceperis, exercitum duxeris. At uerò quòd in eadem epistola in

la in iudicium uocas, & litem intendis, remittis de
 spiritu multum, & militaribus minis, præq; te fers
 iuris potius, quàm militiæ peritum. Sed nihil ualde
 opus est, ut uel hunc, uel illum agas cum homine, qui
 non modò non negat, sed fatetur, immò uerò prædicat
 omnia se tua causa & uelle, & debere: qui beneuo-
lentiã tuam imitari potest, merita assequi nũquam.
 Literarũ minus sæpe accepisti, quòd nihil proximis men-
 sibus accidit, quod scire aut tua, aut mea interesset:
 qua in re tu à culpa non abes, quòd mandata mea tam
 diligẽter prosecutus es, ut sint planè exhausta, aliquid
 erat relinquendum ut tua opera uti possem. Audiue-
 ram præterea uos esse in Hernicis, quò ex Hetruria
 uix semel in anno nuncius uenire potest. Postremò ne
 me excusẽm, dicam enim quod est, factus sum in scri-
 bendo piger, credo occupatione muneris publici, quod
 mihi prorogatũ est à Lucensibus in annos treis. Quid
 ita inquires? tandiu à nobis? Tu uides: credo tamen posse
 fieri, ut æstiuis ferijs in urbem ueniam, sumq; apud uos
 uniuersum triduum. Multorum dierum uia est, ego
tenuissima sum ualetudine, iter sæpe erit intermitten-
dum, ultrò citroq; commẽantem seriẽ deficient, &
 omnino præterquàm ut uos uideam, cum quibus con-
 iunctissimè uiuerem: causa nulla est, cur Roma esse
 magnopere cupiam: uix dici potest, quàm me satietas
 adhuc teneat pompæ curialis, incredibile odium quo-
 rundam,

rumdam, qui Deos, hominesq; contemnunt, & impu-
dentissime uiuunt, quos ego æquo animo uidere non
possum, ij uentosissimi passim in oculos incurrent. Cre-
 debamus censura episcoporum coerceri libidinem ho-
 minum, id si aliquando fiet acriter, reuiuifcet religio,
 iustitia, abstinentia: sin minus, Romæ diu me non ui-
 debis. Tu qui ea ferre non potes, quæ mirum est ut qui-
 dam non modo perbellè sorbeant, sed concoquant etiã:
 in Hernicis uiue, fruiere integritate Philonardi san-
 ctissimi uiri, quicū ego libentius unum diem posue-
 rim in uilla ad Fibrenum, quàm reliquum uitæ tem-
 pus in omnium illorū regnis. Orationem meam, quam
 per literas petis, mitterem ad te, si mihi uel tempus
 ad scribendum, uel seruus à manu, uel librarius esset:
ijs destitutus non possum nunc mittere. Nihil tamen
 est, quod labores, illepidæ est, & inuenusta: quæ quæ
 tamen est, melior fortasse mittetur à typographo cum
 cæteris breui, at hoc breui puta esse anni spatium, aut:
 adhuc enim apud me sunt. Multa meum animum di-
uersè trahunt mi Corsini, si mutauero sententiam, &
in aliud tempus differam editionem, nihil dubita, per-
feretur ad te mea manu scripta, neq; committam, si
tibi gratissimæ sunt, ne meis nugis non expleam desi-
derium tuum. Vale Idibus, Februarij, Lucæ.

AONIVS PALEARIVS
ANDREAE ALCIATO..... I V R I S C O N S V L -
T O S. D.

SI quantum benemeritus es de iure civili tantum
 abs te amantur eius defensores, nã ego non teme-
 rè in eam spem ueni, ut oratio quæ in L. Mur. enam à
 me scripta est, adiungat me tibi magnis necessitudi-
 nibus. Nam etsi tua in iurisperitorum scientiam mu-
 nera tot, tantaq; sunt, ut in ea aspirare nemo possit:
 non molestum tamen tibi esse debet, si meæ opera desi-
 derem aliqua ex parte laudibus ascribi tuis. Merita
 quidem sunt longè disparia, nequẽ ego meum factum
 cum tuo comparo: nonnulla tamen est similitudo uo-
 luntatis, & officiorum nostrorum. Tu primus ius ci-
 uile, quod miseris, perditisq; temporibus in incredibi-
 les tenebras, ac sordes fuerat coniectum, reduxisti in
 conspectum hominum peritorum, et illustrasti splen-
 dore orationis: ego idem ius civile, quod florentissimis
 Reipublicæ Romanæ temporibus calumnijs fuerat
 septum, ac circumuallatum, primus (ut opinor) oratio-
 ne Latina à claustris Tullianis ausus sum uindicare,
 ac tueri. Quamquam in ea re tua sors melior est, quòd
tu de superiore loco pugnas modò cum Græcis, modò
cum Latinis, sape cum barbaris hominibus, & pul-
cherrimè uincis: ego alienissimo loco, & tempore cum

Deo

Deo eloquentiæ contendo nec dijs nec uiribus par: tibi
 nunquam deerunt laudatores, mihi semper obrecta-
 tores superabunt: sunt enim quædam pestes hominum
propensissimorum ad cauillationem, & conuitium,
ab his non tam obseruabitur Ser. Sulpitius a me de-
 fensus, & M. Cato uir integerrimus, non ius ciui-
 le susceptum, non Stoica disciplina per me erecta,
 & meis humeris sustentata, quàm nouitas rei, quòd
 duras partes susceperim, ausus repugnare oratori
 diuino, & propè cœlesti. Hic ego appello aquita-
 tem tuam Alciate, hic fidem tuam imploro: si neq;
excutere, neq; examinare licet ea quæ ueteres nobis
scripta reliquerunt, exiguus est campus exercitatio-
nis, nullus modus uestigandæ ueritatis, à qua lon-
gissime potuerunt aliquando abesse scriptores, tem-
pore, & causæ seruientes, & abfuerunt sepe for-
tasse odio, atq; inuidia abducti. Vbi sunt isti Cice-
 ronis studiosi? qui singula eius dicta singula testi-
 monia putant: nihil censet Cicero iniquius quàm au-
 toritate, & nomine pugnare. Obsecro te per fortu-
 nas, per ingenium tuum, Alciate, ut me adiuues in
 hac re: an non uides quæ mihi tempestas impen-
 deat? quæ turbæ paratæ sint? nulla unquam fuit
 ætas, in qua maior copia fuerit accusatorum, si tu
 consuetudinem in aduocationibus præstandis seruas,
 quæso mihi aduocatus esse memineris. Solent qui sibi
 n pericu

periculum conflare timent, eos conuenire à quibus
consilium, & auxilium expetant: ego quem adi-
bo, & colloquar? quem inuocem, aut implorem nisi
te? qui respondendo, & cauendo Deus mihi quidam
uideri soles. Oratio apud te est, non exibit nisi iussu
tuo, si eam probabis, sic te para ut defendas, ob di-
gnam liberali homine doctrinam tibi turpe arbitror
eloquentium iurisperitissimo non sustinere iurisperu-
dentia defensore iuris: turpe iurisperitorum elo-
quentissimo, hominem, qui pro tuis artibus defen-
dendis magnos labores suscepit, summa pericula
adierit, eloquentiæ armis non tegere. Sed quoniam
nihil inuita minerva tua fieri uolo, siquid oratio te
offendet, cupio eam suppressi: gratissimū erit, si, quid
sentias, feceris me per literas certiolem. Vale.

A N D R. A L C I A T V S

I V R I S C O N S V L T V S

A O N I O P A L E A -

R I O S. D.

O Rationem tuam in L. Murænam, qua Cicero-
niane respondisti, auidissime legi, eaq; lectione
plurimum sum delectatus: non tam quòd in ea patro-
cinium iuris ciuili suscepiſti, & contra eloquentissi-
mum oratorem artem nostram defendisti, quamuis
& id quoq; argumentum nobis plurimum placuerit:
quàm

quàm quòd ueterem declamandi morem in præsente-
tem usum reuocas, & superioris ætatis incuria, ne
infantiam dicam, obstructam controuersiarum apud
rhetores uiam aperis, reddisq; facillimam. Quæ res
non solum ad comparandam dicendi facultatem per-
tinet, sed etiam nobis iurisconsultis admodum utilis
est. Nam responsa prudentum, puta Alexandri, Cor-
nei, Socini, quæ nunc sunt in pretio, si eis legum no-
menclaturam adimas, quid sunt aliud, quàm decla-
mationes? paucissimi quidem ex humaniorum stu-
diorum professoribus hoc præstare possunt, quod si qui
possint ad iuris prudentiam, quæ uberioribus fructus
parit, transire maluerunt, quàm inter pueros fictis
thematis consensescere. Vnde factum, ut pulcherrima
doctrinæ exercitatio interierit: quam nunc à te su-
scitari, & in ora hominum tanta cum gloria reduci
me hercle primum gaudeo, hocq; nomine me tibi
plurimum debere fateor. Nec id Tullianæ autoritati,
quæ apud omnes sacrosancta esse debet, quicquam
obesse existimo: quandoquidem solebat ipse ultro
eorum personas inducere, qui sibi aduersarentur: sic
enim ueritas Socratico more magis elucescit. Aiebat,
ni fallor, Domitius clienti: Dic contra, ut duo ui-
deamur. Nihil igitur est quòd formides, mi Aoni,
ne qui omnia Ciceroni tribuunt, tibi sint infestî: nam
& ipse ex illis sum, qui tamen te hoc nomine ualde

*Tulliana a
l'ortu de
che sacros
ctu.*

amo : tantum abest ut Ciceronianam maiestatem te aut imminuisse , aut uel tantillum lesisse existimem. Immò iuratus affirmare ausim, uel in tuā sententiam descensurum fuisse ipsum Ciceronē, nisi argumentum causæ, quā sustinebat, aliud exposulasset : nam extra eum locum satis ex uniuersis eius operibus apparet, quantum semper iuri civili ille tribuerit. Maeste igitur esto uir clarissime, qui ueterem nobis eloquentiam repræsentas, amissam maiorum incuria declamandi consuetudinem restituis, iuri civili dignitatem suam asseris, M. Ciceronis præiudicata apud omnes existimationi non solum nihil detrahis, sed κατ' ἀνᾶκλασις ut magis, & magis refulgeat facis : quibus tot tuis uirtutibus ego unus ex studiosorum populo tantum me debere profiteor, quantum uix fando testari possum. Vale : Ticini Cal. Octobribus.

AONIVS PALEARIVS
BERNARDINO MA-
FAEO CARDINA-
LI S. P. D.

CUm in Hetruriam tristissimi nuntij de Flaminij obitu afferrentur, amissione optimi uiri, mihiq; amiciissimi, & sermone omnium, qui studiosorum fortunam uel dolebant, uel miserabantur, grauissimè sum commotus : uulnera enim illa, quæ ob Sadoleti, & Bembi mortem acceperam, non sanata

nata erant, & plaga ista iniecta rationibus meis
tantum attulit doloris quantum si longior fuisset illius
sanctissima uita, mihi abstulisset molestiarum. Pau-
cis ante diebus quàm agrotaret, eum de me cum
Lucensibus sermonem habuerat, ut faciliè intelli-
gam, nulla illum in re, quæ ad honorem, & digni-
tatem meam pertineret unquam defuisse. Cùm in
quartanam etiam incidisset, eaq; molestissimè affli-
ctaretur, sic amice percontabatur à Lilio, quem mi-
rifice à me diligi intelligebat, ubi essem, quid face-
rem, quibus essem auctus liberis, qua in re adiumen-
to esse posset, ut compertum habeam omnia mihi
fuisse ab illo, si uixisset, futura prompta, & pa-
rata. Quod cum Lilius ad me scriberet, ita sum affe-
ctus, ut nunquam ex animo meo effluere possit me-
moriam illius uiri. Acerba sanè recordatio est, in-
genium illud immortalitate dignum, subito ex-
tinctum esse: sed cùm eius suauitatis, magnitu-
dinis, industriæ, uigilantiæ, pietatis mihi in men-
tem uenit, non possum à dulcissima cogitatione di-
uelli: neq; uerò est aliud quod hoc tempore libentius
faciam, quàm de Flaminio cogitare, & loqui: hac
una ratione acquiesco, & lenio desiderium meum:
cumq; mihi exhauriri incredibilem dolorem ob inte-
ritum trium clarissimorum hominum non posse ui-
deam, insidior mihi ipse, & tantisper certè, dum

illorum diuinas, & cœlestes uirtutes memoria re-
 peto, & animo complector, abduco, atq; auerto
 me à tristitia temporum, quibus florentissimos uiros
 amisimus, qui futuri sint, non uidemus: de qui-
 bus quid cogitem, noli tu querere pro sapientia tua.
 Sicuti enim cùm aliquot continuis annis ubertate a-
 grorum, & cœli temperatione, frugum, & fru-
 ctuum copia extitit, multis postea sequentibus con-
 uersione rerum angustissimè omnia proueniunt: sic
 cùm hæc etas eos oratores, & poëtas tulerit, ut
 nulla multis seculis fuerit feracior, tempestatibus his
 coortis magnam ego futuram uereor inopiam inge-
 niorum. Nolo omnia colligere, quæ tu acutissimè
 perspicis: tantum dicam nullos Bembos, nullos Sa-
 doletos, nullos Flaminius renasci, & istis occiden-
 tibus solem excidisse è mundo. De Polo sanctissimo
 collega tuo nihil accepi, quoniam pacto tulerit Fla-
 minij mortem: uir est fortis, & grauis, summa
 sapientia præditus, sed magna est uis necessitudinis,
 amoris, & charitatis. Quid homini acerbius pote-
 rat accidere? iste uerò quotidie est conueniendus,
 qui integritate uitæ, sinceritate animi, excellentia
 studiorum bonis omnibus est acceptus: tibi, qui o-
 mnium ingenuarum artium, omnis politioris huma-
 nitatis semper studiosissimus fuisti, charissimus esse
 debet. Collige quicquid habes ad consolandum: mul-
 ta sunt

ta sunt in te adiumenta doctrina, multa natura,
 quibus leuare mœrore afflictum potes, sed maximè
hilaritate uultus, & festiuitate orationis, omnia
adhibenda sunt diligenter: eius absentis luctum,
squaloremq; aspicio. Quàm uellem ego nunc Romæ,
 reliquias istas aurea ætatis quotidie uisere, & sa-
 lutarem: teq; in primis, quem ob singularem uir-
 tutem, dignitatem, & amplitudinem colo, & ob-
 seruo: quo uno incolumi bene consultum à Dijs im-
 mortalibus esse arbitror mihi, & liberis meis: quòd
 multum licet detractum sit morte clarissimorum
 hominum, tamen nihilominus plus satis relictum est
 pietate ista erga me, & perspectissima beneuolentia
 tua. Vale, Nonis Martijs, Luca.

BERNARDINVS MA-
 FAEVS CARDINALIS

AONIO PALEA-
 RIO S. D.

CVM Lilius, uir omni humanitatis, atq; officij
 genere ornatissimus, ad me nonnunquam ue-
 niat, illius quidem aspectus mihi & sermo cum
 semper aliàs solet esse iucundissimus, tum uerò nun-
 quam iucundior fuit, quàm cum proximè de te me-
 cum locutus est, literasq; à te mihi reddidit: quas
 ego sic accepi, ut optatissimum munus aliquod acci-

pere mihi uiderer: sic legi, ut summa earum elegantia, & grauitate mirifice caperer: quibus tu dolenter admodum, atq; amanter Flaminij hominis & doctissimi, & sanctissimi obitum deploras, & cum cæterorum ad quos tanti uiri amissionis damnum pertinet, tum uerò tuam ipsius uicem præcipuè doles. Et quidem illius uiri mors literis, ob præstantem doctrinæ omnis, atq; ingenij elegantiam: religioni, ob admirabilem morum, & uitæ sanctimoniam, ac pietatem: bonis omnibus, ob singularem erga eos, in quibus inesset aliqua uirtutis significatio: animi, studijq; propensionem, tantum detrimenti attulit, ut nulla re satis unquam resarciri posse uideatur. Sed quando ipse tam piè, Christianeq; decessit è uita, ut propè nefas sit dubitare, illum summam uitæ huius miseriam, atq; calamitatem cum infinita æui sempiterni beatitudine, atque felicitate commutasse: nos quidem, qui eum amamus, multò magis letari oportet tanto illius bono, quàm ullo nostro commoueri incommodo: præsertim cum tot ille, tamq; præclara ingenij sui, atque doctrinæ monumenta in omni ferè literarum genere reliquerit, ut iucundissima eorum lectione facile omnis abstergi possit animi nostri mœror, atq; tristitia. Hæc cum in primis Polo collegæ meo, multaq; præterea suppetant doloris sui ex Flaminij morte acce

te accepti solatia, & illa quidem eo maiora, quo ipse & plura habet, & præstantiora tum sanctitatis, tum doctrinæ præsidia, atq; adiuumenta, an censes tu virum hunc aut mea, aut alterius cuiusquam consolatione indigere? cuius quidem uirtus multis iam, & grauissimis periculis, detrimentis, iniurijs tanquam aurum igni explorata, atque spectata, sic late nitet, sic fulget, ut apud omnes cum admirationem maximam, tum uerò mirificos sui amores excitet: ut non tam quidem ob res aduersas eius uicem dolendum, quàm de tanta animi fortitudine, atque constantia illi gratulandum esse uideatur. Ad eum tamen misi epistolam tuam: in qua ille cum summum tuum erga se studium, atque obseruantiam ualde amauit, tum scribendi elegantiam magnopere laudauit. Quod autem ad te ipsum attinet, mi Aoni, sic uelim tibi penitus persuadeas, me omnibus in rebus ijs, quæ ad rationes tuas, & com-
moda pertinebunt, diligenter curaturum: ut quam de meo erga te amore, beneuolentiâq; opinionem habes, ea te nunquam fallat, utq; in me uno facile omnium amicorum tuorum, quos amisisse te doles, studia, atque officia cognoscas. Vale. Romæ XII. Cal. Maias. Lampridium nostrum exosculare.

M. CASALIS VIDOTTIS

SVIS S. D.

IAm lucebat cū ex oppido Collino sum egressus,
 Lucam ueni antequā aduēspāsceret, prouo-
 lauerat tamen Pterix, quæ res auxit suspicionem
 Aonio de uxoris morte: nam cū à Pterige acce-
 pisset è dolore illam laborare, & ego subsecutus post
 treis horas uenissē sudanti equo cœnōsis cothurnis,
ubi me uidit exanimatus magnam uim lacrymarum
profundere, & clamare cœpit: hem mea uita, mea
lux, meum desiderium, cum grauissimè febrī, &
lateris dolore affligeretur in alteram partem lecti
se prouoluens puluim amplexus, neq; Pterigi, neq;
mihi affirmanti de uxoris uita fidem habuit. Ego etsi
 maximè uolebam uultum mihi lætum fingere, & uo-
 cem constantem, cū tamen uiderem hominem mihi
 charissimum febrī, & lateris dolore ardere, fateor
 non potuisse. Nihil tamen omisi eorum quæ consola-
 tionem afferre possunt: nam ut bono animo esset, mul-
 ta dixi, & iuravi me non mentiri: uxori adesse par-
 tum, & esse difficilem, tamen obstetrices bene spe-
 rare: quinetiam ipsius uxoris rogatu me uenisse, ut
 eum cū primum per ualeitudinem liceret ad sese ad-
 ducerem. His paululum recreari uisus est, neq; tamen
 deponere metum, & dubitare, dari sibi uerba. Opi-
 nor, uel potius intelligo nostro aduentu accessiōem
 morbi

morbi factam : nam cœnantibus nobis quodam modo despondere animum , et fixis oculis intueri , et luctuose , et creberrimè suspirare cœpit. Cum ad multam noctem adfuissemus , et nihil de dolore , ac febre remitteretur , nos qui de uia fessi eramus , cubitum inimus : ipse tertia ferè uigilia ut à serua accepimus paginam , et atramentum cum calamo sibi afferri iussit , quasi aliquid scripturus : cum partem nullam noctis quieuisset , paulò ante lucem in superius conclaue lectum exportari iussit , in quo est imago uxoris suæ , quem ingressus sudare cœpit , neq; multò post dormire . Dum alia quæreremus , incidimus in pagellam , in qua erant hi uersus uacillantibus literis , quos ad uos mittimus , ut admiremini uiri amorem , et pietatem in uxorem , eamq; si uiuit , consolemini : cui siquid humanitus acciderit , secus ac uolumus , sit aliquid etiam quod uos consoletur.

NI MIHI SPERM CHRISTVS FACERET,
 QVEM VITA SECVTA ES,
 NON POSSEM ABRVPTO VIVERE
 CONIVGIO:
 ILLE MIHI TE OLIM REDITVRAM
 IN LVMINIS ORAS
 POLLICITVS, DVLCI PASCIT AMORE
 ANIMVM:

INTE

A. PAL. EPISTOLARVM
INTEREA AONIVM VENIENTEM
CVRSIBVS AD TE
EXPECTA CAMPIS VXOR
IN ELYSIIS.

*Sed utinam hic ualeat, & ista uiuat, quæ si peperit
aduentare omnino, ac propè adesse debent aliqui cum
literis uestris. Nos hic, ut ego pro Pterige quoq; polli-
cear, nulla in re deerimus, etsi fortasse nihil opus erit
opera nostra: ea natura est huius morbi, ut simul atq;
declinare cœpit illico euanescat: Deos quæsumus, ut
cito ad nos optatissimi, & iucundissimi nunciij re-
uertamur.*

ORGETORIX SPHINTER
AONIO PALEA-
RIO S. D.

ET si ego hæc coràm potius tecum, quàm per lite-
ras agere uoluisssem, impediuit tamen me post
Sadoleti mortem cursus iste in Germaniam, in qua
nunc tot negotijs distineor, ut non queam auelli, pla-
neq; nesciam quando in Italiam sim rediturus. Colo-
niam ueni III. Nonas Ianuarias, Idibus ad Laure-
num scripsi, à quo puto ad te missum exemplum mea-
rum literarum, cum Henrici collectione, quo uiro
(mihi crede) nihil potest fieri studiosius, nihil aman-
tius

tius tui : habet is in Pannonia negotia magna , atque
 ampla , & propterea patrocinia clarissimorum ho-
 minum. Cum superiore anno in Curia Ferdinandi Re-
 gis fuisset, putabat hinc ut te obseruat , aliquid esse tui
 nominis , sed mirum in ea silentiū de tuis libris, nemi-
 nem inuenit, ad cuius manus tua scripta peruenerint.
 Rogabat de Vergerio, quem bonum uirum, & litera-
 tum omnes dicebant, sed ab eo in Curia per diu nihil
 fuisse literarum. Quid est? ita uiuam, ut libelli tui ad
 Regem non sunt allati. Vergerius uel habuit minus
 fideles tabellarios, uel Regi noluit esse molestus scri-
 bendo, uel alicuius opera usus est, cuius non fuit ope-
 ra. Solet enim fieri, ut qui in aliquo honore, ac precio
sunt apud principes, nihil obtundant aliorum causa, ut
si usu ueniat, totos occupent sua. Tu cum tanto inter-
 uallo disunctus esses, sperasti, quasi abesses iter uni-
 us diei, libros posse ferri fideliter, literas dari, com-
 mendatione comparari gratiam. Ego id mihi non su-
 mo, ut tibi consilium dem, sed ut puto, posthac sapien-
 tius facies, si in commendationibus istis habueris mi-
 nimum spei : nolo plura. Falsus es, si hinc meliores esse
 res credis, quam in Italia. De Henrici collectione
 scripsi ad Laurenū, de qua nunc ad te paucis, quod
 non uerear permagni à te fieri amicorum ὁδοιμαγ.
 Ego nihil arbitror bono uiro esse iucundius, quam
 amari à bonis, quorum ubiq; mira paucitas est, me-
 morare

morare possem, quibus à Regibus desideratum est par
amicorum, tu cum habeas, non amabis? Quos ergo?
purpuratos istos? qui quàm grati, & memores sint
tu iam sentis, nos quotidie experimur. Mirifica sunt
officia tenuiorum, domestica, publica, in studijs, in li-
teris, in primis non ficta benevolentia, animus synce-
rus, ac simplex, qui amico honestissimè cupiunt, pro
quo etiam mori possunt. Ad hoc genus hominum te
refer sis amandum, & colendum, scito abs te expe-
ctari dialogos, καὶ τὰ μέλη. quibus nos etiam exor-
nemur, proinde siquid parturient tuæ Musæ, fac, ut
memineris. Vale.

AONIVS PALEARIVS

ORGETORIGI SPHIN-

TERI S. D.

Mirificus amor tuus omni ex parte se ostendit
in his literis, quas ad Laurenum, quas ad me
proximè Cilonia dedisti: Iniustus est, si quis istas pro-
uincias, quas humanitas expoliuit, & literarum lu-
men accendit, in quibus tales homines nascuntur, bar-
baras appellet. Ego mediis fidiis nihil puto fieri posse
suavius ingenio tuo: quandiu fui Patavijs, & tu Vene-
tijs quid proficisci potuit ab homine summa humani-
tate temperato, quod abs te non sit profectum, & ef-
fectum? Nunc uerò, quod ab extremis Pannoniæ fini-
bus

bus excitaueris nobilissimum iuuenem, & doctissi-
 mum, florentem opibus, propinquis, amicis ad me co-
 lendum, & obseruandum: quanti putas à me fieri hu-
 manitatem istam, & pietatem? quam ob rem ego te,
 & Henricum tuum, uel potius nostrum, arctissimè
 complector, si corpore non possum, animo certè quan-
 tum queo. Utinam tanto interuallo non essemus disiun-
 cti, haberem profectò, ut tu dicis, par amicorum, qui-
 bus cum ego tam libenter uiuerem, quàm cum Dijs
 immortalibus. Quòd si aliquando te istis negotijs ex-
 plicaueris, ut redeas in Italiam, obsecro multo antè
 certiore me fac per literas, ut quàm longissimè tibi
 obuiam ueniam. De libris meis aut est quod dicis, aut
 non multo secus. Vbi sunt illa antiqua patrocinia lite-
 ratorũ? quibus caput extollere, & erigere se scripto-
 res solebant? O spem fallacem, O inanes cogitationes
 meas si tantus labor est exudandus, ut ad eos, quibus
 dicata sunt mea scripta perueniant: Vergerius nullam
 causam sustinet, quem ego cognoui semper cum do-
 ctum, tum bonum uirum, plenum officij, ac diligentiae.
 Quem igitur, inquires, accusas? Neminem, præter for-
 tunam. Video id euenisse quod scribentibus nobis eos
 libros commemorat Bembus: Spes tamen adhuc est, si
 Maximilianus in Italiam uenerit, posse fieri, ut ad
 Regem perferantur. Iuuenis est pius, felix, augustus,
 sapiens, num non leget quæ annos abhinc sexdecim
 sum

sum auguratus? num contemnet hanc animi mei propensionem in Austrios suos? non credo. Si quæ de Insu-
 subribus dicuntur uera sunt, spero omnia fore melius.
 Magnos audio conuentus agi in Germania, tu siquid
 habes, & maximè ab Henrico, da aliquid literarum.
 Nos quicquid erit sic feremus ut mortales: illud ta-
 men, quod mones, curabimus, quasi nunquam moritu-
 ri: ut omnes intelligant, nihil nos maluisse, quàm ami-
 cis, qui de nobis optimè meriti sunt, gratiam referre.
 Id quoniam assequi non potuimus, ut memores, &
 grati essemus, retulisse tanquam in accepti tabulas, et
 uersibus, & soluta oratione prodidisse memoriæ,
 quantum cuiq; deberemus. Vale,

AONIVS PALEARIVS
 PTERIGI GALLO FAMI-
 LIARI SVO S. D.

1. c. ep. 12. lib. 16
 SI tu uales, & uxor, liberiq; nostri ualent, bene est:
 Sego cæli huius gravitatem ferre non possum: bo-
 nam ualeitudinem mi Pterix amisi, quotidie ægroto
 magis: neq; inedia, neq; purgationibus leuor. Noctu me
 pituita enecat, nonnunquam etiam interdium: sæpi-
 sime latus dolet. Ad hæc mala quidam mœror accedit pro-
 pè continuus, qui miserè angit animum meum, uel æ-
 gritudine ipsa in quam uis morbi cōuersa est, uel quod
 optimos, & amicissimos uiros, qui proximis superio-
 ribus

ribus annis interierunt Sadoletum, Bembum, Flaminium. Stondratum desidero, robora illa defensionis meae, praesidia illa scriptorum meorum: ael quod maleuolorum, & inuidorum plena sunt omnia, in quos incidere aliquando necesse est: cupio uolare ad uos, non est credibile quam me studiorum tædeat: dies totos in apricatione Caccinniana conteremus, uel si placebit mane, aut inclinato in pomeridianum tempus die cum Lampridio, & Phaedro suauissimis pueris, & cum mulieribus nostris circum uillulas errabimus. Exercitationibus intermissis certè in id morbi sum delapsus: hic pluuijs complures dies coortis pedem porta ef-
ferre non possumus, plus isthic semper est serenitatis.
 Video ut scribis à colonis nostris aduentum meum amanter expectari, nullis cum hominibus sum aequè libenter, quam cum istis: qui etsi non sunt cupiditatibus expertes, sunt tamen prae nobis beati. Fac hortum parent, ut olusculis nos queant pascere, urbanis sumptibus planè sum exhaustus, helluellas, cocleas, oua, pisces, pullos, turdos rus suppeditabit, & omnino coenae salubriores, & suauiores sunt ex his quae ex terra nascuntur, aut aluntur domi, aut à nobis ipsis retibus comparantur, quam quae è macello petuntur: quòd si lautius uelimus accumbere, erit tyrotarichus ille tuus opsonium regium, qui si facile concoqui non poterit, rusticabimur, opus faciemus, ut defatigemur, eum

usq;

*Vulgaris
ista*

usq; ut concoquamus, proinde tu te para, cura ut ruri
ferrula sit, securis, cuneus, bidens, rastrum, ligo, inter-
ea dum non bellissimè nos habemus, seramus arbores
alteri seculo profuturas. Vale.

A O N I I P A -
 L E A R I I V E -
 R V L A -
 N I

O R A T I O N E S

In L. Murenam

Pro Antonio Bellante

~~*Pro*~~

De laudibus eloquentia

De Republica

De Concordia ciuium

De Prudentia

De optimis studijs defensio

De Iustitia

De Fortitudine

De temperantia

De felicitate

THE
LIBRARY

OF THE
MUSEUM

OF
NATURAL HISTORY

—

OF THE
MUSEUM

OF THE
MUSEUM

OF THE
MUSEUM

OF THE
MUSEUM

OF THE
MUSEUM

F E R D I N A N D O

SANSEVERINO ARAGONIO

OPT. PRINCIPI SALERNI-

TANORVM AONIVS

PALEARIVS

VERVLA-

NVS

S. P. D.



TSI non magni refert ad colendam
 amplitudinem, & gloriam tuam, quo
 quisq; loco natus sit, aut ubi habiter,
 quòd ea lux, is splendor est tuæ uir-
 tutis, ut longissimè quoq; cluceat: nihil tamen mihi
 obfuisse in ea urbe nasci, in qua maiores mei te, &
 patrem tuum cœlestem uirum, & auos maximè
 illustres summa obseruantia coluerunt. Etenim si or-
 bes illi diuinis animati mentibus, qui uoluntur stel-
 larum cursibus sempiternis, plus habent celeritatis,
 & uirium, quò extimo globo sunt propiores, in quo
 maximus ille est, qui agens, & propellens ceteros
 præest uniuersis: an si contigisset, ut ego in ea urbe
 natus essem, & educatus, in qua tu ueluti sol prin-
 ceptis, & moderator luminum accendis, atq; excitas
 omnium mentes, non aliquid mihi accessisset uirium,
 & ornamentorum? Fuissent tua in me beneficia si-

Comp.

cuti in alios ciues neq; exigua, neq; uulgaria, effu-
 disse se in me quotidie plurimum luminis, & beni-
gnitatis tuæ, & ex ijs studijs quæ per te pulcherrimè
 uigent in ciuitate, aliquid ego fortasse consecutus
 essem, ne ad gratiam tuam mihi conciliandam ab
 omnibus rebus uenirem imparatus. Quæ cohortatio-
 nes meorum fuissent? quæ uigilia, & lucubrationes
 meæ? quod studium laudis, ut optimo principi place-
 rem? Quibus rebus destitutus, cùm ea in me non
 essent, quæ maximè uoluisssem, satis mihi facere ui-
 debar, si te animo sanctissimè colens, uel in Latij so-
 litudine, uel in Hetruriæ finibus laterem. In quo con-
 silio permansissem, nisi mei de Immortalitate ani-
 morum libelli cum me imprudente exissent, commo-
 strassent familie nomē, et Vincentius Martellus ma-
 gna uir humanitate, cùm Lucæ esset, & cœnaret
 apud Martinum Liliū iuuenem studiosum omnium
 ingenuarum artium de Palearijs gētilibus meis mul-
 ta honorificè prosecutus, spem mihi fecisset, si lite-
 ris significarem hanc animi propensionem in ampli-
 tudinem tuam, fore eam tibi gratam, & iucundam:
 quod ut libentius facerem, cohortabatur, etsi nihil
 sanè haberem, quod summa sapientia uirum ualde
 delectare posset, ut orationes meas ad te mitterem.
 Dū faciant ut quàm ille amanter consilium dedit,
 tam mihi eas res benè & feliciter eueniat. Prodeunt

ergo

ergo orationes in lucem tibi consecratae, in quibus
 anum est ornamentum, quod Principi nobilitatis, &
 uirtutis dicatae sunt: aliud praeterea non uideo, nisi
 illud quoque accesserit ad me beandum, ut audiam ali-
 quando fuisse tibi non iniucundas, & ab inuidorum
 obtrectatione defendi patrocínio tuo, quod optatum,
 & dulce tanti mihi erit, quanti uix magnorum Re-
 gum, & Imperatorum omnium clientela, quorum
 causas, quoniam tu autoritate tua sustinere, & per-
 turbata seditionibus regna non modo armis, sed elo-
 quentia tueri, & reconciliare soles: nihil est miran-
 dum, si cum in ista gloriae luce uiuas, & tantum tui no-
 minis sit ubique, in animum induxi meum, si tibi uni ora-
 tiones istae probabuntur, fore eas non modo Italis no-
 stris acceptas, sed apud omnes gentes & nationes gra-
 tiosas, ob praestans iudicium, singularēque excellentiam,
 & diuinitatem ingenij tui. Vale. Cal. April. Lucae.

ANDR. ALCIATVS

IVRISCONSULTVS

AONIO PALEA-

RIO S. D.

O Rationem tuam in L. Murenam, qua Cicero-
 nianae respondisti, auidissime legi, eaque lectione
 plurimum sum delectatus: non tam quod in ea patro-
 cinium iuris ciuilem suscepisti, & contra eloquentissi-
 mum oratorem artem nostram defendisti, quam uis

Hanc ipse
 et uide p.

197.

Et id quoque argumentum nobis plurimum placuerit:
 quàm quòd ueterem declamandi morem in præsente-
 tem usum reuocas, Et superioris ætatis incuria, ne
 infantiam dicam, obstructam controuersiarum apud
 rhetores uiam aperis, reddisq; facillimam. Quæ res
 non solum ad comparandam dicendi facultatem per-
 tinet, sed etiam nobis iurisconsultis admodum utilis
 est. Nam responsa prudentum, puta Alexandri, Cor-
 nei, Socini, quæ nunc sunt in pretio, si eis legum no-
 menclaturam adimas, quid sunt aliud, quàm decla-
 mationes? paucissimi quidem ex humaniorum stu-
 diorum professoribus hoc præstare possunt, quod si qui
 possint ad iuris prudentiam, quæ uberiores fructus
 parit, transire maluerunt, quàm inter pueros fictis
 thematis consensescere. Vnde factum, ut pulcherrima
 doctrinæ exercitatio interierit: quam nunc à te su-
 scitari, Et in ora hominum tanta cum gloria reduci
 me hercle primum gaudeo, hocq; nomine me tibi
 plurimum debere fateor. Nec id Tullianæ autoritati,
 quæ apud omnes sacrosancta esse debet, quicquam
 obesse existimo: quandoquidem solebat ipse ultrò
 eorum personas inducere, qui sibi aduersarentur: sic
 enim ueritas Socratico more magis elucescit. Aiebat,
 ni fallor, Domitius clienti: Dic contra, ut duo ui-
 deamur. Nihil igitur est quòd formides, mi Aoni,
 ne qui omnia Ciceroni tribuant, tibi sint infesti: nam
 Et ipse

Et ipse ex illis sum, qui tamen te hoc nomine ualde
 amo: tantum abest ut Ciceronianam maiestatem te
 aut imminuisse, aut uel tantillum lesisse existimem.
 Immo iuratus affirmare ausim, uel in tuā sententiam
 descensurum fuisse ipsum Ciceronē, nisi argumentum
 causæ, quam sustinebat, aliud postulasset: nam extra
 eum locum satis ex uniuersis eius operibus apparet,
 quantum semper iuri civili ille tribuerit. Macle igitur
 esto uir clarissime, qui ueterem nobis eloquentiam
 repræsentas, amissam maiorum incuria declamandi
 consuetudinem restituis, iuri civili dignitatem suam
 asseris, M. Ciceronis præiudicate apud omnes existi-
 mationi non solum nihil detrahis, sed κατ' ἀνάγκη
 σι ut magis, Et magis resulgeat facis: quibus tot
 tuis uirtutibus ego unus ex studioforum populo tan-
 tum me debere profiteor, quantum uix fando testari
 possum. Vale: Ticini Cal. Octobribus.

ORGETORIX SPHINTER

CAROLO LAVRE-

NO S. D.

Cum proximè ex urbe in Germaniam uenissem, hanc epist.
 Cui in manibus doctorum hominum esse ora- lam in il-
 tionem Aonij Palearij in L. Murænam, quam supe- ff. iqt.
 riore mense Mediolani legeram cum tanta animi mei
 uoluptate, quanta soleo illius omnia. Quid queris? ea-
 dem

dem audiui, quæ Mediolani: qui præstati iudicio sunt, asserunt, si reuiviscat M. Tullius, iturum eum in Aonijs sententiam, si iudex detur, condemnaturum esse Murænam. Qui observantissimi sunt puræ, castæque elocutionis aiunt, se non dubitare, si optimis illa temporibus, quibus lingua Latina floruit, sic scripta fuisset, futuram fuisse in honore, & precio. Laudant omnes dicendi genus seuerum, & graue, numerum in cœlum tollunt, laudant suauitatem ingenij, quod antiquum obtineat, & repræsentet mirificum ciuem Romanum, quod Reipublicæ timeat, quod augeat periculum, quod uereatur ne absoluto Muræna milites, qui posthac duces sequentur, incendant Imperatores prauis cupiditatibus, quod omnibus uestigijs assequatur, & diuinet interitum libertatis: fingat tamen qui legit, se eo tempore esse, quo iudicium illud fuit, quo maxime hæc dici uel potuerunt, uel debuerunt. Henricus noster qua est diligentia perlecta omni M. Tullij oratione pro Muræna obseruauit singillatim ea, quibus Cicero conabatur traducere mentes iudicum, argumenta singillatim in ius ciuile, & disciplinam stoicam, omniaque ueluti in tabulas accepti, & expensi retulit, ut quiuis uideat quam diligenter ad omnia sit responsum. Si ad Aonium scribis, obsecro significes, uulgatam propè esse orationem. Quid expectat? nisi occurrat, prædico propediem exituram: suæ prudentiæ est, ut

est, ut oratio emendata ad typographos ueniat. Roges etiam meo nomine, ne Henricum contemnat: aut enim Henrici collectio, aut tota M. Tullij oratio præmittenda est, ut ijs in promptu sit qui nosse uelint, quibus argumentis iuris peritorum facultas, & Stoicorum disciplina oppugnatur, quibus rationibus defenditur: puto hac re imminui laborem studiosorum. Permagnum enim refert, siquid est conquirendum, an libellus sit in manibus, an petendus aliunde. Colonia Idibus Ianuarijs. Vale.

EX ORATIONE M. TVLLII
CICERONIS PRO
L. MVRÆNA.

QUæ precatus sum à Dijs immortalibus Iudices more institutoq; maiorum illo die quo auspicatorum comitibus centuriatis L. Murenæ consulē renūciaui, ut ea res mihi magistratuiq; meo populo, plebiq; Romanæ, bene, atq; feliciter eueniret: eadem precor ab iisdem Dijs immortalibus, ob eiusdem hominis consulum unā cum salute obtinendum: & ut uestre mentes, atq; sententiæ cum populi Romani uoluntate, suffragijsq; consentiant, eaq; res uobis, populoq; Romano pacem, tranquillitatem, otium, concordiamq; afferat. Quod si illi solennis comitiorum precatio consularibus auspicijs consecrata tantam habet in se uim, & religionem,

religionem, quantum Reipublicæ dignitas postulat, idem ego sum precatus, ut ijs quoq; hominibus quibus hic consulatus me rogante datus esset, ea res fauste, feliciter, prospereque eueniret.

Et primum M. Catoni uitam ad certam rationis uormam dirigenti, & diligentissimè perpendenti momenta officiorum omnium, de officio meo respondebo. Negat fuisse rectum Cato, me & consulem, & legis ambitus latorem, & tam seuerè gesto consulatu, causam L. Muranæ attingere.

A quo tandem, M. Cato, est æquius consulem defendi, quàm à consule? Quòd si in ijs rebus repetendis, quæ mancipij sunt, is periculum iudicij præstare debet, qui se nexu obligauit: profectò etiam rectius in iudicio cõsulis designati is potissimum consul, qui consulem declarauit, auctor beneficij populi Romani, defensorq; periculi esse debebit.

Negat esse eiusdem seueritatis, Catilinam exitium Reipublicæ intra mœnia molientem, uerbis, & penè imperio urbe expulisse, & nunc pro L. Muranæ dicere. Ego autem has partes lenitatis, & misericordiæ, quas me natura ipsa docuit, semper egi libenter: illam uerò grauitatis, seueritatisq; personam non appetiui, sed à Republica mihi impositam sustinui, sicut huius imperij dignitas in summo periculo ciuium postulabat.

Obiecta est Asia, quæ ab hoc non ad uoluptatem
& luxur

Et luxuriam est expetita, sed in militari labore peragrata.

Saltatorem appellat *L. Muranam* Cato.

Atq; hæc quanquam præfente *L. Lucullo* loquar, tamen ne ab ipso propter periculum nostrum concessam uideamur habere licentiam fingendi, publicis literis testata sunt omnia, quibus *L. Lucullus* tantum laudis impertit, quantum neque ambitiosus imperator, neque inuidus tribuere alteri in communicanda gloria debuit.

Summam uideo esse in te, *Serui Sulpiti*, dignitatem generis, integritatis, industriæ, cæterorumq; ornamentorum omnium, quibus fretum ad consulatus petitionem aggredi par est. Paria cognosco esse ista in *L. Murana*, atq; ita paria, ut neq; ipse dignitate uinci potuerit, neq; te dignitate superarit. Contempsisti *L. Muranæ* genus, extulisti tuum, quo loco si tibi hoc summis, nisi qui patritius sit, neminem bono esse genere natum, facis ut rursus plebs in *Auentinum* senocanda esse uideatur. Omittamus igitur de genere dicere, cuius est magna in utroq; dignitas.

Quî potest dubitari, quin ad cōsulatum adipiscendum multò plus afferat dignitatis rei militaris, quàm iuris ciuilis gloria? omnes enim artes quæ nobis populi *Romani* studia conciliant, Et admirabilem dignitatem, Et pergratam utilitatem debent habere, summa
dignitas

dignitas est in ijs qui militari laude antecellunt.

IN IURISPERITORVM SCIENTIAM.

Primum dignitas in tam tenui scientia quæ potest esse res enim sunt parvæ, propè in singulis literis, atq; interpunctionibus verborum occupatæ. Deinde, etiam siquid apud maiores nostros fuit in isto studio admirationis, id enunciatis uestris mysterijs totum est contemptum, & abiectum. Posset agi lege, necne, pauci quondam sciebant: fastos enim vulgò non habebant.

Erant in magna potentia qui consulebantur, à quibus etiam dies tanquam à Chaldæis petebantur. Inuentus est scriba quidam Cn. Flavius, qui cornicum oculos confixerit: itaque irati illi, quòd sunt ueriti ne dierum ratione peruulgata, & cognita, sine sua opera lege posset agi, notas quasdam composuerunt, ut omnibus in rebus ipsi interessent.

Fundus Sabinus meus est, immò meus. deinde iudicium: noluerunt. Fundus, inquit, qui est in agro, qui Sabinus uocatur, ego eum ex iure meum esse aio. Quid tum? inde ego te ex iure manu confertum uoco. Transsit idem iuris consultus tibicinis Latini modo: Vnde tu me, inquit, ex iure manu confertum uocasti, inde ibi ego te reuoco. Prætor interea ne pulchrum se ac beatum putaret, atq; aliquid ipse sua sponte loqueretur, ei quoq; carmen compositum est, cùm cæteris rebus absurdum, tum uerò nullo usu. Vtrisque; superstitiis præsentibus

sentibus istam uiam dico : Inite uiam : præstò aderat sapiens ille, qui inire uiam duceret: Redite uiam : eodem duce redibant.

Cùm permulta præclarè legibus essent constituta, ea iureconsultorum ingenijs pleraq; corrupta, & deprauata sunt. Mulieres omnes propter infirmitatem consilij maiores in tutorum potestate esse ucluerunt: hi inuenerunt genera tutorum quæ potestate mulierum continerentur.

Sacra interire illi noluerunt, horum ingenio senes ad coëmptiones faciendas interimendorum sacrorum causa reperti sunt.

In omni deniq; iure ciuili æquitatem reliquerunt, uerba ipsa tenuerunt, ut quia in alicuius libris exempli causa, id nomen inuenerant, putarunt omnes mulieres quæ coëmptionem facerent Caias uocari.

Iam illud mihi quidem mirum uideri solet, tot homines, tam ingeniosos per tot annos etiam nunc statuere non potuisse, utrum diem tertium, an perendinum, iudicem an arbitrum, rem an litem dici oporteret.

Dignitas in ista scientia consularis nunquam fuit, quæ tota ex rebus fictis, commentitijsq; constaret: Gratia uerò multò etiam minus. Quod enim omnibus patet, & æquè promptum est mihi, & aduersario meo id esse gratum nullo pacto potest.

Sapiens

Sapiens existimari nemo potest in ea prudentia, quæ neque extra Romam usquam, neq; Romæ rebus prolatis quidquam ualeat.

Peritus ideo haberi non potest, quòd in eo quod sciunt omnes nullo modo possunt inter se discrepare.

Difficilis res non putatur, quòd & per paucis, & minime obscuris literis continetur.

IN DISCIPLINAM STOICAM.

In M. Catone Iudices hæc bona quæ uidemus diuina, & egregia ipsius scitote esse propria, quæ non nunquam requirimus, ea sunt omnia non à natura, sed à magistro. Fuit enim quidam summo ingenio uir Zeno, cuius inuentorum æmuli Stoici nominantur: huius sententiæ sunt, & præcepta eiusmodi. Sapientem gratia nunquam moueri, nunquam cuiusquam delicto ignoscere. Neminem misericordem esse nisi stultum, & leuem. Viri non esse neq; exorari, neq; placari. Solos sapientes esse si distortissimi sint. formosos: si mendicissimi, diuites: si scruitutem seruiant, Reges. Nos autem qui sapientes non sumus fugitiuos, exules, hostes, insanos denique esse dicunt, Sapientem nihil opinari, nullius rei poenitere, nulla in re falli, sententiam mutare nunquam.

Hæc homo ingeniosissimus M. Cato auctoribus eruditissimis inductus arripuit, neq; disputandi causa, ut magna pars, sed ita uiuendi. Petunt aliquid publicani:

blicani : caue quidquam habeat momenti gratia. Supplices aliqui ueniunt miseri, & calamitosi : sceleratus fueris, & nefarius, si quidquam misericordia ductus feceris. Fatetur aliquis se peccasse, & eius delicti ueniam petit: nefarium facinus est ignoscere.

Isti ipsi mihi uidentur uestri præceptores, & uirtutis magistri fides officiorum paulò longius quàm natura uellet protulisse, ut cùm ad ultimum animo contendissemus, ibi tamen, ubi oporteret consistere-mus. Nihil ignoueris: immo aliquid, non omnia. Nihil gratiæ causa feceris: immò resistito gratiæ, cùm officium, & fides postulabit. Misericordia commotus ne sis: etiam in dissoluenda seueritate: sed tamen est laus aliqua humanitatis. In sententia permaneto: enimuero, nisi sententia alia uicerit melior.

Agit mecum austerè, & Stoicè Cato, negat uerum esse allici beneuolentiam cibo: negat iudicium hominum in magistratibus mandandis corrumpi uoluptatibus oportere. ergo ad cœnam petitionis causa si quis uocat, condemnetur. Quippe, inquit: tu mihi summum imperium, summam auctoritatem, tu gubernacula Reipub. petas fouendis hominum sensibus, & deliniende animis, & adhibēdis uoluptatibus? utrum lenocinium, inquit à grege delicatæ iuuentutis, an orbis terrarum imperium à populo Rom. petebas? horribilis oratio, sed eam usus, uita, mores, ciuitas ipsa respuit.

QVAE AD CRIMEN AMBITVS
SPECTANT.

Nunc mihi tertius ille locus est orationis de Ambitus criminibus, perpurgatus ab ijs qui ante me dixerunt, à me quoniam ita Muræna uoluit retractandus. Quo in loco Posthumio familiari meo ornatissimo uiro de Diuisorum indicijs, & deprehensis pecunijs, adolescenti ingenioso, & bono Ser. Sulpirio de equitum centurijs, M. Catoni homini in omni uirtute excellenti de ipsius accusatione, de S. C. de Republica respondebo.

Tolle mihi è causa nomen Catonis, remoue ac prætermitte autoritatem, quæ in iudicijs aut nihil ualere, aut ad salutem debet ualere, congregere mecum criminibus ipsis.

Dixisti S. C. me referente esse factum. Si mercede corrupti obuiam candidatis issent, si conducti sectarentur, si gladiatoribus uulgò locus tributus, & item prandia si uulgò essent data, contra legem Calpurniam factum uideri.

Multi obuiam prodierunt de prouincia decedenti, consulatum petenti: solet fieri: eccui autem non proditur reuertenti? quæ fuit ista multitudo? Primum si tibi istam rationem non possum reddere, quid habet admirationis tali uiro aduenienti candidato consulari obuiam prodisse multos? Quid si etiam illud addam,

rogatos

rogatos esse multos? quid si omnes societates uenerunt?
 quarum ex numero multi hic sedent Iudices: quid si
 multi homines nostri ordinis honestissimi? quid si il-
 la officiosissima, quæ neminem patitur non honestè
 in urbem introire, tota natio candidatorum? si deniq;
 accusator noster Posthumius obuiam cum bene ma-
 gna caterna sua uenit? omitto clientes, uicinos, tri-
 bules, exercitum totum Luculli.

At spectacula sunt tributum data, & ad pran-
 dium uulgò uocati: etsi hoc factum à Muræna o-
 mnino Iudices non est, ab eius amicis autem more &
 modo factum est.

Præfectum fabrûm semel locum tribunatus suis
 dedisse.

Non igitur si L. Natta summo loco adolescens,
 qui & quo animo iam sit, & qualis uir futurus sit,
 uidemus in equitum centurijs uoluit esse, & ad hoc
 officium necessitudinis, & ad reliquum tempus gra-
 tiosus, id erit eius uirico fraudi, aut crimini.

Nec si uirgo uestalis huius propinqua, & necessa-
 ria, locum suum gladiatorium concessit huic: non &
 illa piè fecit, & hic à culpa est remotus.

Nunc idem squalore sordidus, confectus morbo, la-
 crymis & mœrore perditus, uester est supplex Iudi-
 ces, uestram fidem obtestatur, misericordiâ implorat,
 uestram potestatem ac uestras opes intuetur &c.

A O N I I P A -
 L E A R I I V E R V -
 L A N I O R A -
 T I O P R I -
 M A
 I N L. M V R A E N A M
 A D I V D I C E S,
 Scripta ad exercitationem.



VNQVAM ego putavi, Iudi-
 ces, cum uel fortissimus uir ciui-
 tatis C. Piso legem de ambitu fer-
 ret, uel M. Tullius restituendam
 curaret summa contentione, ludi-
 brio lesum iri dignitatem populi
 Romani: quæ si ijs tam chara esset, quàm solent præ-
 dicare, qui primo quoq; uerbo patres patriæ, custodes
 libertatis, conseruatores fortunarum nostrarum ap-
 pellari uolunt, nunquam profecto L. Muræna con-
 sul nisi saluis legibus renunciatus, ac defensus fuisset.
 Quòd si comitijs, & auspicijs consularibus consecrati
 hominis tanta habenda ratio est, ut in eum lege agi
 non liceat: quid opus fuit pro Calpurnia superioribus
 annis tumultuosis concionibus ad Bellonæ uocari po-
 pulum

et ipse
 bon. sic ipse
 ro p. rep.
 h. 62 li. in
 iso. p. 172

pulum Romanum? quid proximis mensibus Senatum
 haberi frequentem, & iuratos equites adhiberi, ut
 sententiam fortiter, & grauius dicerent de poena
 augenda? In quem obsecro? si qui per ambitum con-
 sulatum est adeptus, antequam incat, his artibus
 se eripit, & tegit inuolucro religionis? Quasi uerò in
 ea ciuitate non simus, in qua saepe alij se consulatu
 ultro sanctissime abdicarunt, alij legibus coacti ty-
 rannice sunt deiectioni. Nulla enim bona auspicia sunt
 contra patriam, & commune bonum: nulla firma
 comitia sine legibus: nullo modo consecrari potest is
 qui primum sanctiones uiolat, ut sit sacrosanctus.
 enim immortales, quorum purae, simplices, & in-
 terpres, omnia perspiciunt, ac uident: non admittunt,
 neq; cum iis communicant, quorum animi cupidita-
 tibus infecti, & falli, & alios fallere consuerunt.
 Quòd si solennis precatio tantam habet uim ut ra-
 tum, firmumq; sit, quod hoc ritu petitur: meminisse
 Iudices debetis, Tribunos, & Consules consecratos
 religione singillatim in lege ista ferenda, quod fau-
 stum, felix, fortunatumq; sit Senatui, Populoq; Roma-
 no fuisse deprecatos. Quòd si omen prerogatiuum
 tantum semper ualuit, quantum ex Hetruscorum
 disciplina didicimus, & à patribus est obseruatum:
 nolite contemnere iisdem ominibus prius fuisse sanc-
 tam legem, quam consulem declaratum Muranam.

Sed per Deos, Iudices, quid hoc est? quid insinuatio? quid commendatio præ se fert consularis, nisi ambitum admissum? Quare ad huiusmodi artes necesse fuit conuerti oratorem: qui si aperiè concederet, ac deprecaretur, & ueniam peteret, esset fortasse ferendus: nunc cum tam audacter neget, & temerè inuachatur in M. Catonem, & Ser. Sulpitium prauissimos, & sapientissimos uiros: non dubito, Iudices, me bonis omnibus gratum esse facturum, si eorum causam suscipiam, qui non tam accusari Murenæ, quam comitia, & legem sanctissimam de ambitu defendi uolunt. Quod primum abs te M. Tulli si Cato desiderauit, non est mirandum. Tu'ne, cum homo nouus, ob opinionem integritatis ad consulatum fuisses prouectus: cumq; principem iuuentutis, & nobilitatis L. Catilinam, ut de consulatu deturbares legem Calpurniam auita pœna restituissem: ausus es eius causam suscipere qui de ambitu post eam legem primus ab integerrimis uiris est accusatus? Istuc factum M. Tulli (ita me Diæ ament) nunquam non modò nobis, sed ne tibi quidem probabis: puto enim te, nos putare tua uirtute in hunc locum peruenisse, non arte prensandi, ac salutandi, & comparandi suffragatores, quam quia nesciret Sulpitius cum à consulatu decidisse perbellè arguis: in quo non possum non mirari uehementer, hominem in causis agendis exercita-

tum

tum imprudenter propè fuisse confessum, ijs rationibus, quibus nascitur ambitus in comitijs fuisse superiorem Muranam: in quibus superari se facile passus est Sulpitius. Quod si his artibus uicisset, neq; Catoni, neque bonis ceteris amicus esse, neque abs te defendi se in animum poterat inducere. Nam quod consul esses, magis te legibus putabat obstrictum, maio rem habiturum fuisse rationem equitatis, minus daturum amicitie, nunquam commissurum, ut qui per ambitum, & largitionem factus esset consul, defendi se à laudato consule speraret. An si L. Catilina Cos. designatus fuisset, uersareturq; in eo periculo, in quo uides esse Muranam: putasses ab eo, qui consulum gereret, defendendum? Nimirum facile nobis placeamus, assentamurq; nobis ipsis, unde data est uia, ut peccemus in omni uita. Fit aliquando, cum altercari cum aliquo inceperimus, & ab eo metueret, qui cum gerimus inimicitias, ut obseruemus clanculum quid agat, quibus cum sit, quid in cōuino iratus dicat, quid scorto receperit: quod etsi sciamus non esse facturum, clamamus tamē, ut conijciamus in uoculas hominum, ut cogamus desperationem in consilium adhibere, & fortasse etiam indicta causa uel laqueo gulam frangimus, uel securi percutimus: & gloriamur postea quod seueritatis personam à Rep. nobis impositam pulcherrimè sustinuerimus, & nō potius res nostras, &

quid y gur
inimicitia
gerunt.

pg 417.

no. mo. se
lucit. 8
bb.

Dijs non
possumus
studere

nos ipsos. Venit alter totus ex mendo compositus, hu-
milis, demissus, abiectus, qui pro se causam dici uult:
quid hunc recipimus? quid defendimus? quid amplexa-
mur? scilicet ut misericordiae, & lenitatis agamus
partes: neq; pudebit dicere, quicquid id flagitij est, fa-
cere nos hominibus & Dijs approbantibus: quibus
quoniam non possumus illudere, nihil erit intrandum,
si aliquando poenitebit. Sed quoniam, Iudices, qui ante
me dixerunt M. Crassus, Q. Hortensius, M. Tullius,
eloquentes uiri, in rhetorū campis educati, nō contenti
fuere de crimine tantum dicere, sed liberius uagari
uoluerunt, in quibus M. Tullius ueluti assuetus in prae-
lijs equus, ferox, ac terribilis ut uidistis, nunc petebat
Seruiū, nunc procurrebat in Catonē: liceat mihi obse-
cro, bona cū uenia uestra antequā de ambitu dicam,
non descendere in arenā, & certamen cū eo, qui ut de
Pericle dicebatur, fulmen in lingua gerit: sed ueritatis
sustinendae causa, uerecundē, & pudenter reclamare
magno oratori, ne qui ad facultatem iuris ciuile, quae
per se honestissima est, & sanctissima, aut ad Stoi-
corum disciplinam a summis philosophis probatam,
& cultam, se conferre uelint, huius opera abducantur:
ut optimis uiris, & studijs optimis defensis, a bo-
nis ineam oratiam, quod nulla exercitatione dicendi,
nulla eruditione, nullis opibus proprijs, aut amicorum
fretus, sed equitate, & humanitate uestra, Iudices,

non sum ueritus repugnare eloquentissimis, & consularibus uiris, & propter integritatem comitiorum inimicitias suscipere cum L. Muræna graues, & periculosas: quem si tantum offendi putarem, multa M. Tulli in præsentia dicerem de Asiæ rebus, quæ præteribo: quibus fortasse concederes, non ineptum omnino fuisse Catonem, qui Asiam obiecerit. Nam omnes nos quidem scimus continentiam illam incredibilem eorum, qui cum Lucullo fuerunt in Asia, & miram obseruantiam ueteris discipline quod non utrem, non follem, non falculam quisquam sustulerit in tanta præda: quæ id fieri potuit, nisi exemplo eorum, qui exercitui præerant? quam ob rem quis miretur si in luxuriæ sedibus, & rerum omnium affluentia dicto audientes milites, non otium, aut desidiam, sed signa secuti bellum omne confecerunt? Ipse uero legatus, quid miror in his literis fuisse prætermisum, quæ data sunt à Lucullo ad Senatû, dum alij omnes conuiuia inirent, ac saltarent, qua continentia ad focum sedens rapam coquebat, qua scilicet assuesceret coenaturus aliquando in Apolline. Ex quo dubitavi scire, an his literis testata sunt omnia, in quibus neq; illud erat, ubi gentium L. Muræna fuisset eo tempore, cum iumenta illa onusta auro impedimento fuere, ne Rex caperetur: cumq; à nostris militibus in Ponto collectis diligentissime sarcinis Mitridates effugit è manibus.

Nam quòd ne teruncium quidem ex Asia asportauerit Muræna, uel illud argumento est, quòd à tribus magnis oratoribus certatim defenditur: neque interim unus, aut alter rabula est in foro uenalis, qui non adsit aduocatus. Num hæc parua signa sunt integritatis, et continentia? Quæ quoniam omnia tam nota sunt populo Romano, quàm quæ maximè, uenio ad dignitatem generis, in qua satis affecuti uidemur, quòd parem orator, non superiorem fecerit Murænam. Quousque tandem Iud. eloquentia iste potens, ac exultans sperabit, & mentis, & oculorum aciem nobis præstringere? quid non audebit persuadere? quid uerebitur dicere is, qui genus patriciorum, & equitum cum plebeio pari esse dignitate contendit? quæso ne ita nos stolidos esse, & trunco, & stipites arbitretur, ut non intelligamus, cum Romulus ex omni ciuitate centum patres delegisset, eandem noluisse patricij generis, & plebeij fore dignitatem. Quid Tarquinius cum summo consensu populi Romani regni obtinisset, ut gratiam optimi referret, centum in patres legit loca patribus, & equitibus in Circo diuisit, ut honestissimè ludos spectarent: non putauit patricios, et equites plusquàm ceteros affici ornamento? Quid cum L. Brutus parens libertatis nostræ ex electissimis equitibus, & patricijs trecentis Senatorum summam confecisset, uoluit nihil interesse hos ab ijs, qui in illum ordinem non conscriberentur?

*Stolidus
Truncus.
Stipites.*

*Stolidus
Truncus.
Stipites.*

berentur? Sunt & plebeis familijs honores magni, atq;
 ampli: quis neget? Quot patrum nostrorum memoria
 de plebe accepimus magistros equitum, consules, do-
mi, militiæq; claros? Quot nos uidimus, & quotidie
 uidemus, de plebe delectos Imperatores curru aurato,
patricijs plaudentibus, congratulantibus equitibus,
capitolium ascendere? quos non deprimimus cū lau-
 damus patricium genus, & equestre tantumq; abest,
 ut ob has laudes plebs rursus in Auentinum secedat,
 ut proximis superioribus annis per M. Cottam non ob-
 scurè tulerit, ne equites soli sed & patricij quoq; iu-
 dicarent. Nouit enim plebs Romana usu quotidiano ex
 antiquis familijs, ueluti ex senescentibus arboribus
 sepe esse traduces, qui non modò patrum, & auorum
dignitatem uultus, & corporis formam referant, sed
antiquos mores, & animi effigiem non mutam. M.
Scaurus cū uetustissima familia ortus esset, & pa-
trēm, & auum, proauumq; habuisset obscuros, & te-
 nues, inter mortuam generis, & uirtutis exuscitauit
 nobilitatem. An P. Scipio cū per aetatem non liceret
 amplissimos magistratus assecutus, & cū imperio
 missus ad bellum ingens, & periculosum fuisset, nisi
splendor generis magnam concitasset expectationem,
 & opinionem uirtutis? Quòd si in belluarum sortibus
 permagni refert ex qua sobole catuli sint, nihil inter-
 esse putas in hominum genere, in quo mentem ipsam
 sapissime

Hom. X. 111

sapissimè transfundi uidemus? Neq; hæc ignorat Cicerō, sed id incommodi asserunt semper homines noui, ubi in altiore locum prouehuntur, ut nullis finibus se contineant: at ueluti cum Senatu pugnarint, iactent se refregisse claustra nobilitatis. Fuit C. Marius fortissimus uir, & propè cœlestis, is Inguuriniū bellum confecit, Teutonas & Ambronas fudit, Cimbros deleuit, eas tamen in Republica turbas fecit, eas strages dedit, ut non minus patricij ad ædem Vestæ, quàm ad aquas Sestias barbari sanguinis sit fustum. Quod non eò dico, ut iudicium, et equitatem populi Romani improbem, qui uoluit semper aditum uirtuti patere ad omnes honores: sed ut contendam illiberaliter facere eos, qui seditionem alunt in ciuitate, qui negant ab illustribus uiris aliquid proficisci ad posteros, quo nobilitas sit præferenda. Vnde uerò tandem Decios, Calpurnios, Marcellos, Scipiones, & cætera robora illa Reipub. habuimus? ex quibus nati, si tales sunt qualis Sulpitius, ingrati est eorum in comitijs non meminisse, inuidi splendorem contemnere, improbi non admirari uirtutem, de qua diuissimè dicere poteram, et quidem debebam optime. Serui: dream tamen breuissimè, quòd unam omnes ueluti diuinum quiddam uideant elucere sancitatem tuam: fides, pudor, iustitia, temperantia te sic illustrem facit, ut nihil indigeas luce orationis. Quare non Sulpitio sed uirtuti putat Cato fieri

A. 389

Lauy.

to fieri iniuriam : negat uero diu saluam Rempublicam esse posse, in qua dignior consulatu habeatur, qui cum hostibus aliquando dubio Marte contenderit, quàm is qui cum cupiditatibus explorata uictoria pugnauit, & uicerit semper. Magis ab ijs periculum esse Reipublicæ clamat, qui per diuiores populum corrumpunt, qui leges negligunt, quàm à Regibus ipsis, quibus cum hoc tempore Cn. Pompeius bellum gerit. Fuit patrum nostrorum memoria in Italia Pyrrhus, tentaturus quid ferret sors, quem heræ regnare uoluisset: fuderat exercitum nostrum, ac fugarat: domi tamen integritas Fabricij, Appij fortitudo, Curij continentia erat: quas expertus hostis, & admiratus, uictus abiit: quòd ij essent homines Romæ, quibus diu immortales superiores esse non possent. Fuit in Italia Annibal multos annos, & prope omnia occuparat, præter integritatem, & prudentiam ciuium, quorum uno consilio. Scipio in Africam missus est, & Italia belli terroribus liberata. Quo in loco libenter istos rogarim, qui ad rem bellicam omnia referunt: quid P. Scipionis ad Ticinum? quid T. Sempronij ad Trebiam? quid C. Flamini ad Thrasimenum cõcursus cum magnis copijs profuit populo Romano? C. Minutij ferocia damnum attulit, C. Terentij studium pugnandi ignominiam, et calamitatem Cannensem: quid ipse Q. Fabius Maximus armis? quid Claudius Marcellus uir-

tute illa militari efficere tandem potuit? erat nihilo
secius in Italia Annibal, omnia ferro, igniq; uastabat.
Unum illud consilium prudentissimorum civium, qui
ad gubernacula Reipublicæ sedebant, magnum impe-
ratorem, qui in Hispania uictor per Pyreneum, &
Galliam uerumpens, per angustias Alpiū, per con-
ualles gelu & pruina rigentes, per iuga altissima ni-
ue obducta, & præcipites rupes peditum octoginta,
equitum millia decem traduxerat: tot postea rebus
feliciter gestis unum, unum consilium fregit, fugauit,
Italia expulit. Est quidem Africani nomen illustrius,
quàm eorum qui consilium dederunt: non tamen pro-
pterea negandum, istos ipsos fuisse autores omnium
commodorum. Iisdem consultoribus bellum gestum est
contra Antiochum, & Græcia provincia decreta est
L. Scipioni: de quo cum Senatus dubitaret, an belli
molem posset sustinere, statuit, ut legatus fratri Afri-
canus proficisceretur: quo consilio Antiochus uictus,
omnibus provincijs citra Taurum montem cesserit. Quis
hic non uideat prudentiam civium expendentem mu-
nia Imperatorum? à quibus si præclara quedam pro-
ficiscuntur, & ex urbana prudentia optimi Impera-
tores: quis neget, armis imperatorijs urbanam togam
anteponendam? An non hac ratione Deos ipsos colimus?
fatemurq; autores omnium rerum, quæ à nobis
geruntur? quòd mentem & consilium suum nobis im-
pertiant?

pertiant? Quid Senatus frequens? quid conciones ad po-
 pulum? non'ne concilia quædam uidentur Deorum im-
 mortalium, quæ ab Homero, & antiquissimis poetis
 describuntur? Dicunt illi sententias graues, & ex fa-
 ti firmitudine regunt Orbem terrarum: agunt Sena-
 tores, & consulares uiri de Republica, & ex legum
 constantia tot urbes, tot gentium regna, tot nationum
 prouincias moderantur: mittuntur, siquando opus est,
 non uulgæres Dij cum mandatis ad Priamum, ad
 Agamemnonem, ad primores Argiuorum: perferunt
 legati populi Romani mandata ad Reges, & princi-
pes ciuitatū, quæ ad orientem, & occidentem solem
spectant. Illi sæpe religione uiolata concitatis tempe-
 statibus fruges perdunt, pecora exterminant, urbes
 delent, læsa dignitate populi Romani iubentur ueluti
ministri, & affectu uoluntatis Senatus maturè cum
exercitu exire Imperatores, qui excursionibus agrum
uastent, diripiant pecuaria, oppida euerant. Qui &
 quales hi sânt uiri, qui hæc mandare possunt impera-
 toribus? Ex his unus est, atq; amplissimus Sulpitius,
 qui cū multos abhinc annos ad Rempublicam ac-
 cessisset, arbitrabatur se aliquanto digniorem esse in
 petitione consulatus militari homine, qui forum nun-
 quam attigisset. Ea de re declamauit, ut uidistis Iu-
 dices, is, qui multis uiris nobilibus prælatus est ob hæc
 ipsa studia urbana, & ciuilem prudentiam, senatori-
 amq;

riamq; dignitatem, quam cum Sulpitius scientia iuris
 ciuilis honestasset, putabat aliquid habere se quod non
 obesset petitioni consulatus. Nam cum à pueritia glo-
ria desiderio arderet, ut omni genere laudis excelle-
ret, cum diligenti obseruatione oratorum nostrorum,
tum imitatione Atticorum hominum castum, purum,
cultumq; dicendi genus assecutus esset, totum se, ut ex
arte diceret, ad Græcorum rhetorum præcepta con-
 uertit. Athenas profectus auditis oratoribus Græcis
 ad Philosophiam quoq; animum appulit, & liberales
 artes, in quibus partitionem non fecit, sed uniuersas est
 complexus: ex quibus uix credibile est, quæ ornamen-
 ta, & adiumenta in urbem reportarit: quæ ab illo
 scripta sunt eo tempore, sunt in manibus omnium. Po-
 terat ijs esse contentus, nisi magnitudine ingenij no-
 luisse in secundis consistere: utebatur familiariter
 Scauola, quem cum sapientem haberi, & esse intelli-
 geret, eius monitu non satis dignum putauit orato-
rem cui primæ deferrentur, qui uel iniuria, uel iure
aliquod factum contendat, & ipse ignoret quid ius
sit, quid æquum, qui sensus latorum legum: quod si
turpe est argentarium mensis palam propositis cum
pecunia numeranda est, currere ad fœneratorem, &
uersuram facere: an oratori erit honestum, cum causa
dicenda est, cursare ad iuris peritum ut eius opera
utatur: Philosophiam in oratore Hermagoras requi-
 rebat,

rebat, an earum rerum peritiam, quæ quotidie uer-
 santur in foro contempsisset? hoc consilio ius ciuile
 didicit, at in ætatis maturitate nihil sibi putauit an-
 tiquius, quàm prodesse ciuibus suis: quare ad ius scri-
 bendum animum adiunxit, quo sine nullam putat
 stare posse Rempubicam. Tulit id grauius M. Tul-
 lius, quòd relictis studijs oratorijs ueluti minoribus,
 pluris facere Seruius uideretur scientiam iuris peri-
 torum. Dissimulauit aliquando, sed occasionem na-
 ctus tandem erupit: inuectus est, & canillatione
usus liberius quàm deceret consulem populi Romani.
 Quid ergo est? fuerunt illa quidem à Cicerone contra
 iurisperitos luculenter, fuerunt ingeniosè dicta, fa-
 teor: ostendit in his Cicero aciem ingenij sui, confi-
 teor: persuasit etiam quibusdam, quod est finis ora-
 toris, fortasse: at si falsa esse contendam, non facio
 iniuriam: neq; enim oratoris officium est uera dice-
 re, sed appositè dicere ad persuadendum, uersatur
 enim orator sapissimè in eo quod dialectici, & rhe-
 tores probabile appellant. Colligam tamen omnia
 strictim, quòd de M. Catonis studijs etiam, de lege
 ambitus, de accusatione est dicendum. Videt M.
 Tullius iurisperitos, & suspirat M. Porcius Cato.
 Suspirat, & quid inquit? Dij immortales quàm ri-
diculum consulem habemus: quibus paucis, præcla-
roq; suspirio putabat Seruius satis fuisse responsum.

Nō est officiū
 oratoris uerū
 dicere

Sed occurro ego desiderio, & expectationi multorum, Iudices. Quid primum obijcit? observatione dierum uulgata à Cn. Flavio scriba imminutam esse auctoritatem, & existimationem iurisperitorum: nunquam me hercule iurāconsulti in eo positas iuris fortunas putarunt, ut ab editione dierum ius penderet, cum commune quicquam nihil habeant dies cum ratione iuris: id facile probant, quod in iuris definitionem dies non cadat. An non hoc illi simillimum est? tribulis meus homo agrestis, sed non indoctus, sanctissimos putat esse pontifices quod dibaphum induant: num si omnes dies fasti essent, ius esset minus sanctum? num minor esset auctoritas iurisperitorum? ius ipsum per se sanctum est, natum, profectum ab æternis illis mentibus, quæ in nos sæpe ultrò se transfundunt, & monent quid rectum, quid iustum sit: ut honesta imperemus, prohibeamus contraria. Deos ipsos non uidemus, sed hanc eorum præpotentem vim sæpe in animis sentimus, ita ut ardeamus aliquando ira, siquid iniuste fieri uideamus: letemur, siquid sit benefactum: damnemus culpam, defendamus innocentiam, uirtutes præmij, uitia supplicij digna iudicemus: hoc quicquid est, diuinum profectò est. Quod si, ueluti Deorum interpretes explicant appositè, & nobis enuntiant iurisperiti, quis neget magna eos esse sanctitate, &

summa

summa debere apud omnes esse existimatione? Pro-
ximum huic caput est, quo formulæ Iureconsulto-
rum ueterum ridet: dolent iurisperiti non se, sed
optima, & aurea tempora indignissimè rideri, ab
eo præsertim, à quo minime erat expectandum: quæ
si risu digna essent, non tamen ridendum putant ius
ciuile: nam formulæ multæ immutatæ sunt, & pos-
sunt immutari quotidie, abeunt, & redeunt dicen-
di modi, stabile tamen ius est, & firmum, quan-
diu humanum genus rationis est particeps. Quod ue-
rò queritur formulas, & notas præscribi à iurisper-
itis, ut omnibus rebus intersint: queritur præter
æquum, & bonum: est enim id profectò perquam
necessarium. Nam si cuiq; esset integrum scribere,
ac dicere ex animi sui sensu, controuersijs nullus
esset modus: uix cum in angustissimum locum res
adducta est, ut formulis ipsis, & compositis notis
omnia distinguantur, id possumus assequi ne ex scri-
pto litigent homines, ne quotidie manum, & fer-
rum conferant. Dū boni quæ turbæ essent si petitio-
nes, responsiones, pacta, conuenta, stipulationes,
testamenta, iudicia nullis cancellis continerentur' an
non hoc esset homines reuocare ad syluas? Atq; ut ad
singula appositè cum iurisperitis respondeam, reieci
in hunc locum, quòd tenuem scientiam appellauit
iurisperitorum, quòd res parue sunt, propè in sin-

gulis literis, atq; interpunctionibus uerborum occupatæ. Quòd si hic tantum exprobrasset M. Tullius aiunt se id potuisse ferre. Quid ergo est? queruntur, sæpe in alijs orationibus effusum esse hoc uirus acerbitalis: quid inquit me ad uerborum angustias, & ad omnes literarum angulos reuocas? Rogant iurisperiti, an non hoc idem sit in philosophia, & in oratoria ipsa facultate, non modò apud Latinos, sed etiam apud Græcos? Sed quoniam monent quidam in oratione Latina non plus nos debere Græcè loqui, quàm in Græca Latine: seruemus institutum: adhibeamus exempli causa uoces Latinas. Quantum interest si dixerit Teucer, cum occisus est Ajax ad erat Vlysses: uel, aberat Vlysses? quantum si dixerim, Abduxit uirginem: aut Virginem adduxit Thraso? Tantum interest, ut stolidus omnino sit, qui non uideat quantum interest. At id est ex singulis literis: quid possint interpunctiones uideamus: Nicomachi filius uir bonus minimè multos ledit: quanti est interpunctio? Vir bonus minimè: uel, minimè multos ledit. Et ex rhetoribus illud, Testamento Rex iussit poni statuam auream hastam tenentem, quanti refert quo loco sit interpunctio: an statua hastam tenens aurea esse debeat, an hasta aurea tantum. Quòd uicium ne ita facile uitari posse dicat Cicero, uiderit ipse in illis uerbis dum iurisperitos ridet. Mu-

lieres

quantis sint
interpunctio-
nibus.

lires omnes propter infirmitatem consilij maiores
in tutorum potestate esse uoluerunt. Incertum du-
 biumq; est, an mulieres uoluerunt, an maiores uo-
 luerunt. Et in oratione, quam habuit pro C. Rabirio
 perduellionis reo, rogabat Labienum: Cum omnium
 ordinum homines, qui in salute Reipublicæ salutem
 suam repositam esse arbitrabantur, arma cepissent,
 quid tandem C. Rabirio faciendum fuit, de teipso
 Labiene quæro? Falli quis poterat, num, quæro quid
 faciendum fuit C. Rabirio de teipso: uel (ut certè
 est,) Quæro de teipso Labiene, quid faciendum fuit
 C. Rabirio? quod interpunctione, uel coniectura di-
 gnoscimus. Sexcenta sunt, ne omnia prosequar, in
 scriptis tuis M. Tulli, & antiquorum, quæ egent
 interpunctionibus, quid ergo obtrectas de interpun-
 ctionibus uni facultati iurisperitorum? Quod clamas
 genera tutorum mulierum potestate contineri com-
 mēto iurisperitorum: si ea genera sunt, quæ prætō-
 ris permissu mulieribus possunt concedi, potestatem
 prætōriam bene uideo, mulierum quidem nullam:
 ad coëmptiones faciendas senes repertos interimen-
 dorum sacrorum causa, nihil est quod accuses: quasi
 uerò non satis sint matronæ usu uxores ut priuata sa-
 cra solennia, perpetua maneant: hæc quæ in ma-
 tum conuenit columen est familiæ, præsidium fortu-

narum, dulcis, & contubernalis hares. Nam quòd insimulas, ac imponis, credo ioco, quia in alicuius libris, exempli causa, id nomen inuenerant iurisperiti, putarunt omnes mulieres quæ coëmptionem facerent Caias uocari: nimium lepidus es, qui cùm teneas omnem antiquitatem, res Romanas Græcis uelis esse notiores quàm tibi, sape illi celebrant Caias appellatas uxores per coëmptionem ob Caiam Caci-
liam honestam, & lectam mulierem, quæ uni ex Tarquinij liberis nupta est, cuius statua in Anci templo constituta fuit, cùm sandalijs, & colo, quæ domestica cura, & frugalitatis essent monimenta. Ecquis alius est? Nunc in memoriam redeo, familiaris tuus M. Varro, qui descriptiones temporum, qui sacrorum iura, qui omnium diuinarum, humanarumq; rerum nomina, genera, officia, causas aperuit: is lanam cum colo, & fuso Tanaquilis, quæ eadem Caia Cecilia uocata est, in templo M. Anci fuisse scribit, factamq; ab eà togam regiam undulatam in æde fortuna, qua Seruius Tullus fuerat usus: unde factum est, ut nubentes uirgines comiteretur colus compta, & fusus cum stamine. Caie ergo appellatae, ut frugi essent, cuiusmodi fuit Caia Cecilia. Quod de arbitro & indice, de die tertio & perendino, de lite & re obijcis, nolo plura dicere: hoc tantum dicam, de uerborum signifi-
catione

catione à nullis diligentius fuisse scriptum, quàm à iurisperitis? atq; hoc ipsum quid Arbitrator sit, quid Index, ab istis ipsis hominibus nos copiosissimè scire. Quod ergo colligis, Dignitas in ista scientia consularis nunquam fuit. Quà id probas? Quæ tota ex rebus fictis, commentitijsq; constaret: id negant iurisperiti, quòd ex rebus ueris, certisq; eorum scientia sit. An obsecro statuere, quid æquum, iustumq; sit, suum cuiq; tribuere, quæ facienda sint iubere, prohibere contraria, res fictæ & commentitiæ sunt? Gratiam sibi ex hac facultate homines comparare non possunt. Hæc prima laus est iuris scientiæ: assentatoris & sophistæ, simulatoris ac dissimulatoris forensis est aucupari gratiam: atq; ut mirere, ob id ipsum quòd gratiam comparare non possunt, ob id ipsum sunt gratiosi. Quod omnibus patet, & æquè promptum est mihi, & aduersario meo, id ius æquabile est, quod neq; distinguit diuitem hominem ab inopi, neq; amicum ab inimico, tantumq; abest, ut uerum sit quod obicitur, quòd neq; extra Romam usquam, neque Romæ ualeat hæc facultas, ut iudicio aliquando tuo si tibi constans esse uis, nihil pluri sit ad regendas urbes hæc una facultate. Quod deducis, hæc scientia peritum neminem haberi posse, quòd in eo quod sciunt omnes nullo modo possunt inter

se discrepare. Quod sumis, hoc erat probandum,
 Quod sciant omnes: id quoq; si probes, non uides
 quo te includas: necesse est, eos omnes qui sciant esse
 peritos, & qui tales sint in peritis haberi. Diffici-
 lis res non putatur, quod & perpaucis, & mini-
 mè obscuris literis continetur. Utinam istuc uerè di-
 ceres M. Tulli: quid si alibi dixisti, Artem iu-
 risperitorum uberem, & dissipatam? an non una
 hac ex omnibus Græciæ ciuitatibus accepta iura,
 & nostrorum sapientum responsa plebiscita, Sena-
 tusconsulta, decreta, leges continentur? parua ergo
 facultas? quod si ut in Græco prouerbio est, quæ
 difficilia sunt, ea pulchra: pulcherrima est facultas
 iurisperitorum, multa sunt perpendenda ex iure na-
 turæ, quod non omne genus causæ scriptis potuit
 comprehendere, nec comprehenditur unquam: quæ
 relictæ sunt ingenij unis iurisperitorum. Illud ue-
 rò quanti est? quod Latinis, purisq; literis sunt o-
 mnia illustranda, & iurisperitum in primis be-
 ne oportet esse eloquentem. Huc accedit, quod si
 philosophia, quæ ad mores attinet, tantis laudibus
 digna est, quantis eam extulit semper Cicero, quod
 mater omnium artium sit, donum, & inuen-
 tum Deorum: Non uideo, qui reicere possit hanc fa-
 cultatem, quæ pars optima est moralis philosophiæ,
 sine

ide Mar
 y. 221. c.

Philosophia

sine qua non regna, non urbes, non deniq; uita homi-
 num stare potest, quam qui contemnendam putat, is
uincula reuellit, non modo iudiciorum, sed etiam uti-
litatis, uitaq; communis. Quid uerò est tam necessa-
 rium retinere in urbe, quam prudentiam ciuium? quid
 tam admirabile, quam unum aliquem existere usu,
 & exercitatione probatum, qui nosse possit animi
 eorum sensum, qui multis ante annis fuerunt? quid tam
 deniq; utile, quam leges aut scribere, aut restituere,
 aut tractare ad communem usum, & providere, ne-
 quem mali habeant nocendi locum? hac curat Sulpi-
tius interpretes legum, propugnator iuris, defensor equi-
tatis, & propterea acceptissimus M. Catoni integer-
rimo uiro: prater quem non habet Respublica, mihi
credite Iudices, non habet Respublica unde presidium
expectet, qui consoletur, qui auxilium ferat, cuius fi-
dem imploret. In summum periculum atq; discrimen
adducta est: diuino quodam iudicio M. Cato uenit, non
incidit in disciplinam, quam oppugnat, rerum uel ne-
sciis, uel dissimulator M. Tullius, Vna haec est, quae
potest agrotis, & infectis animis Ciuium mederi, uix
credibile est, quam late diffusa pestis per omne corpus
Reipublicae crasseretur, ad quam propulsandam non Epi-
daurum mittendi legati, non Aesculapio opus est, sed
seueritate uestra Iudices, & restitutione ueteris disci-
plinae: auaritia, libido, luxuria, audacia omnia occu-
 pauerunt,

*Corpora
in corpore*

pauit, non priuata res, non publica antiquum obtinet:
animi imbuti malis cupiditatibus, molles, effæminati,
distorta deprauataq; sunt ingenia, comitia, magistra-
tus, leges, quisq; ex suo commodo æstimat: iura diui-
na, atq; humana seruiunt hominum cupiditati: his mi-
seris perditisq; tēporibus corrupta ciuitate non Græ-
cis, non barbaris, sed nobis scripta diuinitus uidentur
præcepta illa colenda & obseruanda.

SAPIENTEM GRATIA NVNQVAM
MOVERI, NVSQVAM DELICTO CV-
IVSQVAM IGNOSCERE, NEMINEM
MISERICORDEM ESSE NISI STVL-
TVM ET LEVEM, VIRI NON ESSE
NEQ. EXORARI, NEQ. PLACARI.

*Laury. B.
43:*

*quid sit
sapient.*

Salus ipsa, si uelit, non potest nos magis seruare,
quàm hæc doctrina: nam cum sapienter leges à maio-
ribus nostris constituta sint, ne æqualitas iuris oppu-
gnari possit, illud in primis est sapientis hominis, qui
ad Rempublicam accedit, Gratia non moueri. Sapiens
cum is sit, qui & scientia, & ui mentis rerum o-
mnium comprehendat rationem, rebus ueris & cer-
tissimis ducitur, opinari ergo non potest, quid mirum?
si neq; falli potest, neq; huc, neq; illuc impelli quemad-
modum stultus, & leuis, qui in eo ipso quòd ignoscit,
& misericordia sententiam mutat, peccat uel impro-
bitate,

bitate, uel imperitia. Iuras tu populo, recipis Senatui
 legum custodem fore te, quem uideo esse euersorem,
 & non es improbus? Nescis, multos uenire cum la-
 crymis, & squalore, ut iuri uim afferant, & non es
imperitus? uiri erat, primum statuere quid bonum,
 quid æquum esset: & id recipere, quod esset æquum,
 & bonum: deinde neque exorari, neq; placari. Nam
 si ignoscendum est, cur huic potius quam illi: uel si o-
 mnibus ignoscendum, quid sunt leges nisi uerba ina-
nissima?

SOLI SAPIENTES REMPVBLICAM
 ET AEQVITATEM ADMINISTRARE
 POSSVNT, SOLI SVNT LIBERI, SOLI
 DIVITES, SOLI HONESTI, ET FOR-
 MOSI: QVI SAPIENTES NON SVNT,
 FVGITIVI OMNES, EXVLES, HO-
 STES, INSANI.

Hac ita uera sunt M. Tulli, ut digna ingenio tuo
 postulent aliquando abs te illustrari: depone personam
 patroni, remoue causam Murænae, libenter ego abs te
 hoc iudicio, hoc concursu doctissimorum hominum au-
 diuerim quid sentire in hac re me uelis. Nam per De-
 os quid hoc tandem est? negas solos sapientes esse libe-
ros? quos tu mihi alios producis? uindicta'ne? censu'ne? *uile licet in*
 an testamento? an eos fortasse, si Dijs placet, qui mul-
para. 5.

tarum

tarum sint imaginum, & perpaucorum hominum,
 qui aequè uitijis seruiant. Si animus est qui agit, qui
Nihil in hominibus
relictum est
quod non
in manu est
 moderatur, qui imperat, si captus est, quid est in ho-
 mine liberum? uitiorum crudelissimus est dominatus,
 dum coenat, dum dormit, at cupiditates, & libidines
 magnos Reges, neq; interdiu, neque noctu sinunt quie-
 scere. Quid dicam de ijs, qui inuidia, qui odio, qui ira-
 cundia quasi effrenato equo feruntur, qui cursu concita-
 tatus, et incensus calcaribus neq; sefforem audit, neq;
 habenas curat: quàm multa admittunt, quorum è ue-
 stigio necesse est eos poeniteret. *Ira:*
Amare
 An qui amant hi ne
 sunt liberi: qui in alio se dicunt uiuere nò mentis com-
 pòtes: saepe in fabulis audimus hæc mancipia meretri-
 cularum, Ego'ne illam? quæ illum, quæ me, quæ non:
 sine modò, mori me malim, sentiet qui uir siem. Quid
 postea? labascunt uel lacrymula, uel uno uerbo tam ci-
 to, ut serui admirentur, ac clament, *Voluptas*
 Dij boni quid hoc
 morbi est? Adeon' homines immutarier? quæ specta-
 cula nobis poeta ualde boni proponunt saepe, ut à uolupta-
 te, ueluti à Circe caueamus, quæ facile homines uertit
 in belluas: quam quia soli contemnunt sapientes, soli
 sunt liberi: qui (uel quantulum hoc est) neq; nexu domi-
 norum fieri serui possunt, neq; ui abduci, neque ab ho-
 stibus capi. Siquidem sapiens non est id, quod digito
 demonstrari potest, fragile, mortale, caducum: sed ani-

mus ipse, qui uiget, qui meminit, qui sempiternus se mouet. Huic quis uim afferat, quis faciat ut nolit que uelit? Quod si animi sola est libertas, sola opulentia: soli sapientes sunt liberi, soli diuites, qui sua uirtute contenti nihil querunt, nihil petunt, nihil optant amplius.

Desunt multa tetrarchis, desunt multa Regibus: sapientes abundant, & beati sunt, & beare alios possunt, & beant infinitos homines: neque propterea eorum copia sunt minores, non decrescunt facultates.

Sunt in urbe, qui suis fructibus alere exercitum possunt, & nemo est diues: sunt ex portu, sunt ex decumis, sunt ex scriptura uectigalia populi Romani, & mira est inopia, profectò aut ingenia ciuium, aut uectigalia facta sunt deteriora. Multi sunt Publicani: at Fabricij, at Curiij, at Coruncani illi locupletes per diu nulli: qui quòd cultu corporis agresti, ac rustico fuisse dicuntur, multo mihi uidentur fuisse formosiores ijs, qui delibuto capillo per forum uolitant, quorum animos si possemus cernere, incredibile odium sui excitarent.

Nihil est enim uirtute formosius, nihil turpius uitio: quòd quoniam à ratione, quæ nobis propria est, deturbat homines, & à sapientia longè arcet, non ne tibi M. Tulli itidem uidentur ut Catoni omnes imperiti, exules, extorres? Quòd si, qui sine causa alios laudant, & hostes sunt, & insani: num qui ultrò temere se, & alios perdunt, erunt sapientes? Qui sentiunt, &

dicunt

*sapientibus
beatis in*

*uirtute in h
formosius, in
nihil formosius
turpius in hio.*

dicunt aliquid, quod non sit, sibi uideri, furere dicuntur: ij quibus turpia honesta, mala bona uidentur, quo nomine sunt appellandi? Orestes cum matri manus attulisset, agitatus est furiarum tædis ardentibus: an minor L. Syllam regnū occupantem furor, & amentia inuaserat? turpem Orestes, & iniustam matrem, cuius opera pater fuerat occisus, de medio sustulit: at Sylla in optimam Rempublicam, in patriam & ciues suos sciebat nullis satis iustis de causis, & præclare se facere arbitrabatur. Sed quid Syllam commemoro, quasi non uiderimus L. Catilinam cupiditatum ardoribus accensum animo ferri in patriam inimico, de excidio urbis cogitantem, de necando Senatu, de templis Deorum incendendis: quid est? si non hoc infania est? qui illum noctes, & dies furor agebat, ageret omnes imperitos, si cetera adessent, quibus ille adductus est ad cogitandum, & sperandum. Multi erunt Syllæ, multi Catilinæ, nunquam hac impunitate nobis deerunt seditiones: magnus est in ciuitate campus corruptionis, multis apertus cursus ad regnum: istis itineribus ibat Sp. Cassius, istis Sp. Melius, istis M. Manilius. Recordamini per Deos immortales, Iud. quantum sepe fuit periculi, nunc his moribus, hac caligine temporum non est timendum? quid nocturnum præsidium disponis? quid cohortes explicas? quid excubias, et uigilia istæ nobis prodesse possunt M. Tulli,

si amb

Orestes.

vid. Cic.
de Iuven.
lib. i. p. 80.
80. d.

si ambitio, si auaritia, si luxuria ciuitatem occuparit?
quid anseribus cibaria locamus? quid canes alimus
 in Capitolio? uereor iam ne barbari nostras impensas
 rideant, cum uiderint à custodibus libertatis ea exclu-
 di, quibus unis salui esse possumus: ubi nam ille mos
 maiorum nostrorum? ubi illa integritas? ubi seueritas
 est? qua turbulentissimis Reipublicæ temporibus caput
erigere, & uociferari solebat, & regio dominatu li-
berare? quid reficiet, aut recreabit mentem meam?
 cum uideam à consule laudari prensandi studium, am-
 biendi diligentiam, obiurgari Sulpitium, quòd inte-
 gritatis fuerit obseruantior, ob grauitatem iniuriosè
 appellari Stoicum, & rideri Catonem? Videbis, uide-
 bis M. Tulli si quando pro salute patriæ uita sit pro-
fundenda, quantum ad pietatem accendere possit stoi-
ca disciplina, qua una lex ambitus nititur, & quæ-
cunq; alia lata est unquam ad coërcendam luxuriam,
auaritiam, ambitionem. Nemo legi ambitus amicus
 est, & huic disciplinæ inimicus. Quid ita? quia nemo
 esse potest integritatis amator, & oppugnator seue-
ritatis: cuius obseruantissimum nō Zenonem, Iudices,
 non Panætium, non ceteros homines Græcos, sed auto-
 rem generis recognoscite Romulum, recognoscite L.
 Brutum autorem libertatis: alter, ut licentiam repri-
 meret eorum, qui dissimili genere, ac lingua, moribus
 corruptissimi confluxerant in urbem, ut in ea esset ali-
 qua

qua obseruantia legum, fratrem quòd muros transi-
 liisset: alter liberos, quòd de reducendis Regibus egis-
 sent, securi percussit, ut siqua uestigia essent reliqua
 corruptionis, hac morte tollerentur. Quid his propius
 potuit accedere ad Stoicam disciplinam? quæ non mo-
 dò Philosophis, sed principibus ciuitatis nostræ, qui
 domi, militiaeque clarissimi fuerunt, una semper uisa est
 aptissima ad totius Imperij conseruationem? Quibus
 illam laudibus Africanus extollebat? quibus illam
 Maximus, Cato, Rutilius ferebant in cælum? quorum
 tempore beatam, & florentem Rempublicam habui-
 mus: non quòd populus Romanus Græcis artibus esset
 eruditior, sed quòd amplissimi uiri, qui rebus præerant,
 ea disciplina oblectarentur, quæ ad integritatem ui-
 tæ, ad grauitatem morum esset maxime accommo-
 data. Quid, inquiet aliquis, populo igitur est philoso-
 phandum? quis nisi stolidus hæc petat? quasi uerò qui-
 us non intelligat paucis esse concessum donum, &
inuentum Deorum. Quid ergo est? dico, eos qui ex o-
 mni numero in consilium publicum delecti sunt, &
 studiorum & morum grauitate debere excellere. So-
 let enim fieri in omni Republica, ut tales se esse stu-
 deant ceteri ciues, quales uideant principes ciuitatis:
 nunc Aristippi sententiæ in honore sunt, eorum præ-
 cepta qui ad uoluptatem omnia referunt Latinis uer-
ibus illustrantur, canuntur ad tibiam, ad multam
noctem:

Non ipse
 19. 9. 10.
 11. 12. 13.
 14. 15. 16.
 17. 18. 19.
 20. 21. 22.
 23. 24. 25.
 26. 27. 28.
 29. 30. 31.
 32. 33. 34.
 35. 36. 37.
 38. 39. 40.
 41. 42. 43.
 44. 45. 46.
 47. 48. 49.
 50. 51. 52.
 53. 54. 55.
 56. 57. 58.
 59. 60. 61.
 62. 63. 64.
 65. 66. 67.
 68. 69. 70.
 71. 72. 73.
 74. 75. 76.
 77. 78. 79.
 80. 81. 82.
 83. 84. 85.
 86. 87. 88.
 89. 90. 91.
 92. 93. 94.
 95. 96. 97.
 98. 99. 100.

noctem: quibus autoribus quid tandem didicerunt
 nostri? piscinas in medio mari extruere, in quas ser-
 uos coemptos & obrūcatos conijciūt, ut mulos bar-
 batos habeant meliores: montes exæquare, ut feras
 alant, et interea effodiēdis metallis miseros homines
speluncis includunt, in quibus odore fædo, & quòd
de cælo animam ducere nō possint, moriātur. Nolo
 cetera: turpitudine abhorret animus à recoritando,
 refugit lingua à dicendo: & dubitamus, Iudices, in
 urbe corrupta retinere parentem iuris, reginā equi-
 tatis, expultricem uitiorū Stoicam disciplinam? cu-
 ius uim uel ex eo cognoscite, quòd eloquentissimus,
 & ingenio præstans, & usu callidissimus orator
corruptionem, ambitum, luxuriā Muræna non spe-
 raui se posse defendere, nisi hanc oppugnasset: ut ea
 deturbata de mētibus uestris, animos oratione effœ-
 minaret. Nostis oratoris ingenium: & mehercule
 præclare à uobis agetur, si quæ dixerit omnia erunt
 uobis plenissima suspicionis: nisi ab eo non putatis ca-
 uendum, qui cū est dicturus solet sibi sumere ad-
 meditandum complures cōtinuos dies. Quæ præterea
 ars? quæ exercitatio? A pueritia scripsit de ijs re-
 bus commentarios, à pueritia sic declamauit, ut nul-
 la esset causa, quæ suo patrocinio digna nō uideretur.
 De gratia, autoritate, potentia nihil dicimus: nam
 quòd aliēnissimo loco, & tempore cōtendimus, quòd

Cruelitas

nec dijs, nec uiribus pares sumus, uos oculis cernitis
 Iudices, & nos dolemus. Clamat tamen, conqueri-
 tur, precatur, ne autoritas, existimatioq; aliorum
 sibi, et suis noceat: immò uerò quod multo est æquius,
 ego uos oro, atq; obsecro, Iudices, ut sicuti fieri so-
 let, cum tyroni cum ueterano manus est conferenda,
 si qua eorum qui adsunt uoluntatis sit inclinatio, in
 eam partem esse solet, quæ æquitate teneri, uiribus,
 & peritia non potest sustineri, ita & uos nunc fa-
 ciatis. Primum, nihil eloquentia, nihil autoritas, ni-
 hil existimatio ualeat, sed plurimum ius, lex, con-
 seruatio ciuitatis: deinde, ut quicquid incommodi
 est, quòd post tris summos oratores ab omnibus rebus
 imparati dicimus, id commodi aliquid afferat imbe-
 cillitati nostræ, quæ una spe æquitatis uestræ se sustē-
 tat: qua fretus quid uereor tandem? quid cunctor
 de integritate comitiorum dicere, & te ipsum com-
 pellare Murena? uolo enim de te audire, quoniam
 rei militaris maiorem usum habes, quàm urbanæ,
 quæ plaga est iniecta exercitui L. Luculli? quæ pestis,
 quæ pernicies castra inuasit? cum ueteri disciplina
 sublata aliquis lasciuiæ, atq; licentia milites corrum-
 pebat paulatim, occultè largitione sollicitabat. Nolo
 ego quenquam nominare: si tu nesci, quo autore ue-
 terani secessionem facere, lixæ, & calones cum in-
 uentis abire, & impedimenta deferere cœperunt,

hunc

hunc latronem, hunc hostem patriæ, hunc parricidam appellabat Imperator tuus. Quod si ille faciebat ueris, iustisq; de causis, quid est quod mirere, si M. Cato, si Seruius Sulpitius, si Posthumius olim familiaris, nunc quesitor clamant, accusant, quod euerteris ueterem disciplinam comitiorum, malis artibus circumueneris centurias equitum, & classes populi Romani? si castra L. Luculli deserta, & capta fuissent, non negarim non potuisse fieri sine ignominia, & damno Reipublicæ: at poterant noui haberi delectus, alia submitti legiones, alia castra deligi, duci, communiri altiore uallo, latiore fossa: at, quod Di prohibeant, si hanc urbem, lucemq; libertatis semel amiserimus, nusquam alibi nobis imperium, nusquam Roma futura est. Quæ te (malum) spes in istam insaniam adegit? ut auro quod coepisti, uel quo potius captus es in Asia, putares posse emere dignitatem consularem, & cibo obijciendo corrumpere populum omnium gentium uictorem? In ea re tu fidem, tu pietatem, tu religionem, tu iura diuina, atq; humana uiolasti. Quæ Decorum immortalium, quæ legum hæc humanarum contemptio, & iniuria est? Consularibus comitijs quid est sanctius? quæ centuriata, quæ iusta, quæ maxima appellantur: auspicato hæc urbs condita est, auspicato co- *uile L. i. 8.*
mitia consularia habentur: auspicamur in alijs, fa- *pag. 2. 6.*
 r 2 teor,

teor, sed non ita: si pulli non pascantur, si cauea exi-
 uerint tardius, si occinuerit auis, hæc impediuntur:
 si fulserit, si tonuerit, si seruatum fuerit de cœlo,
 dimittuntur. Quid hoc est? quòd omnibus rebus ful-
 men optimum auspiciū habemus, in his comitijs est
 malum: Iupiter hæc comitia seiungit ab alijs: quid
 quòd forex si rodere auditus est, quid hoc leuius uide-
 tur? Magna in his comitijs est obnunciatio: quid ita?
 quia nulla in re scimus Deos esse præsentiores, quàm
 in his comitijs: status, fortuna, conseruatio ciuitatis po-
 sita est in magistratibus gerendis. Quantum inter-
 esse putas, boni maline sedeant ad rerum guberna-
 tionem? sine tu populi integrum esse iudiciū, sine
 uerissimis sensibus discernere tribus, apagete à
 classibus, ne quod uirtute effici debet, tentetur pe-
 cunia. Oppugnas comitia largitione? hoc est Rei-
 publicæ manus afferre, hoc est deturbare ciues suis
 sedibus. L. Philippus gloriabatur se sine prece ade-
 ptum esse omnia: Curio, quòd sine ullo munere quæ
 haberentur amplissima esset affecutus. Magnum si-
 gnum est innocentie, maximum uirtutis uocari in-
 uitum ad honores, proximum petentem sine ambitu
 admitti. Quòd si epularum apparatu & largitione
 in boni omnia contendendum est, quo loco erunt uiri boni, qui in
 uirtute omnia posita esse censuerunt? Ergo si M.
 Curius, si Fabricius, si Cincinnatus reniuiscent tur-
 pissimi

piissimi habebuntur? Non ita Dii irati sunt huic ur-
 bi, ut istum uelint esse sensum populi Romani, qui
 firmissimis legibus muniuit comitia consularia, ut
 essent integra, sancta, incorrupta: quæ sunt leges?
Licinia Iudices, lex est de sodalitijs, lex est Fabia
 de numero sectatorum, est grauissima Calpurnia, *que lata fuit*
 quæ omnes leges ambitus complectitur, restituta L. à L. Calpurnia
 Tullio, & M. Lepido consulibus, poena aucta ex *Pinone*
 edicto, quod est L. Casare consule factum, aucta ex
 S. C. quod est factum consule M. Tullio Cicerone. Tu
 cum leges, edicta, Senatusconsulta contempseris,
 uolaueris omnem religionem, audes tamen Mura-
na in horum hominum conspectum uenire? *Letitia in p*
 audes ab *uenire in p*
 his Iudicibus pro scelere petere consulatum? *re. p. 49.*
 parum
 hoc est, nisi etiam diceres meritum, & debitum.
Homine pecunioso nihil iniustius, qui omne quod ipse
 petit equum, & rectum putat. *Homine pecu*
 Nullane te religio *nusque, et*
 nulla existimatio? nullius iudicij metus pungit, ac *iniustus*
 auocat ab audacia? Itane comitia, & iudicia nun-
 dinationem putas? Procede in medium male conci-
 liate, quoniam ambitum admissum negauit patronus
 tuus: ego iam sic agam ut omnes mortales tui sceleris
 non uestigia, sed frontem uidere possint. Erat in
 Gallia Muræna, Iudices, eo tempore, quo Metel-
 lus in urbem à Pompeio missus dicebatur ueluti ful-
 men ad feriendam Rempublicam, qui rumor, ut sci-

tis, ab ijs natus est, qui gloria clarissimi viri inui-
 debant: quibus non satis fuit sollicitare ciues falsis
 munitijs, & turpissimam serere suspicionem, nisi fun-
 damenta etiam recissent de oppugnanda dignitate eius,
 qui magnus exceptis laboribus, nullis se periculis fran-
 gens, in extremis orbis terrarum partibus bellum ge-
 rit pro gloria populi Rom. hoc tempore si meministis,
 agebatur de consule designando, ardebat ambitione.
 Murena, molestissime ferebat absentiam, uenisse tem-
 pus uidebat, quo periculum faceret, quid aurum Ponti-
 cum posset, & tota Asia quesita diuitiae: ad ea con-
 uersus, quibus potentior accederet ad petitionem con-
 sulatus, desperatas pecunias in prouincia sibi addixit,
 spopondit nostris, exoluit pro peregrinis, pependit de
 suo, ut una re & municipales, & urbanas tribus ha-
 beret obnoxias: qua largitione sic omnes obstrinxit, ut
 cum in urbem uenire diceretur, undiq; ad eum lega-
 tiones concurrerent, tanto comitatu, ut nulla diuerso-
 ria alere, nulla urbes possent excipere: quãobrem iste
 more regio prae-mittebat antecursores, mulos, coquos,
 pulpamenta, tabernacula, ante coenam tibicines, in
 coena pueros uocibus, fidibus deniq; canere inbebat:
 nunquam in homine tanta fuit uanitas, & leuitas. Dij
 immortales quæ superbia, quæ ignoratio sui! cum ple-
 nissimis uijs iretur, scribit ad L. Nattam adolescentem
 primarium, & gratiosum, sex diebus se tridui iter
 proc

processisse, ut percomodè cum copijs urbanis ueniat
 obuiā, pecuniam per Agathonem libertum mittit,
 ut si usu ueniat, quantū uelit possit largiri: ibi tum
 Natta conuenire sodales, gregē cogere, orare, obse-
 crare, prehendere, ut sequitur, alijs equos emere, alijs
 dare uestem, pecuniam multis. Obuiā itum est usq;
 in Umbriam, ut istum, tanquā si esset consul, saluta-
 rent. Ponite ante oculos, Iudices, magnā multitudi-
 nem salutantium, & resalutantium, cōsiderate qui
 sermones tot diebus haberi potuerūt dissimili homi-
 num genere, cum biberetur ad multā noctem, lude-
 retur alea, perstreperent omnia uocibus ebriorum.
 Nā quid est, quod Cn. Posthumius paternus amicus,
 uicinus, et necessarius uetus Murana, qui necessitu-
 dinis causas complures, simultatis nullam cōmemo-
 rare potest, sedet pro accusatore? Iuerat ipse quoque
 obuiā, honestissimè amico cupiebat, & fauisset peti-
 tioni: quid est? percunctemini: erat cum equi:ibus
 Præfectus fabrūm, qui fuit in exercitu Luculli so-
 cius consiliorum, particeps prædarum. Huic man-
 datum est, præsentē Posthumio, ut militibus, qui ad
 triumphum Romam conuenerant, & cum præfecto
 exierāt, pecunia daretur ut sequerētur. Audite, Iu-
 dices, audite quid Fimbriani milites eundo canerēt:
Me saucium recreauit, me præda donauit, hoc duce
castra cepimus, quæ capiemus cōsule! si hæc nō inter

ciues Romanos, sed in aliqua solitudine diceretur, cō-
 clamaremus, regno uiā fieri. Hic cum & ciues, &
 peregrinos largitione corrumpat, spe lactet, incēdat
 cupiditatibus, excusatur, defenditur. O impunitatē
incredibilem, o nunquam expectatam defensionem.
 Sed quæ foris gesta sunt si esse possunt, sint sanè le-
 uia, sint exigua, sint nulla: uideamus quæ domi. Ve-
 nit in urbem Murena cum exercitu, cum grandi
 pecunia, ueluti oppugnaturus comitia, bellum illa-
 turus legibus: erant ades regio apparatu plena or-
namentorum, uestibulum nouo tectorio, imagines
 coronis, parietes ueste stragula, pauimenta opere
 uermiculato distincta: auro, argento, ebore omnia
 collucebant: hic à L. Lucullo & suis excipitur, tan-
 ta letitia, tantis complexibus, ea salutatione, ut non
 ad petendum, sed ad gerendum consulatum ue-
 nisse uideretur. Nox tota in epulis, compotationi-
 bus, & cantibus absorpta est. Postero die uix lu-
 cebat, & iam ad fores L. Natta cum equitibus,
 M. Lucullus cum patritijs, ad quos beatus iste adiū
 dominus purpura uestitus tandem progreditur, &
 stipatus deducitur in campum Martium. Præse-
 ctus interea fabrūm, cum ludi futuri essent, inuitat
 tribules suos ad spectandum, locum pollicetur, unde
 honestissimè, & iucundè spectarent. Lucillam ue-
 stalem, huius propinquam, & necessariā, Murena
 nomi

nomine, Muræna inquā nomine orat, ut locum suum concedat, honestissimæ sunt Matronæ, quæ si uultis non recusant, Iudices, testimonium dicere. Est uirgo uestalis ipsa ingenua, ea cōsecrata religione, ut rogata non tacere, iurata non mentiri possit: nam quòd L. Natta ut equestrem ordinē conciliaret Muræna in equitū centurijs esse uoluit. Quid fuerit causæ rogatē uitricum eius, rogatē matrem, rogatē domesticos: cum adolescens literas accepisset à Muræna, ut cum sodalibus maturrimè proficisceretur, ut diximus, alijs equos emit, alijs uestem, alijs pecuniā dedit, impendium ad matrem serui domestici deferrebant, sumptus unde suppeditaretur, cum ignorarēt non poterant deferre: quā ob rem misera cum se excrucialet, eius rogatu uitricus adolescentē ad se uocat: Hem Natta, inquit, quid te nobis, quid tibi rem familiarem perdis? quid lancinas? quid patrimonium dissipas? Bonus adolescens, ut cōsolaretur in cōclauē senem adducit, grandem pecuniam ostendit missam à Muræna. Tum uerò admirari, suspicari, uociferari senex: Mi fili, quid nos laqueis implicas? quid periculum creas? nam sic agere propemodum nobis diē dicere est, nam hic ambitus est. Cum respōderet Natta, facile atate adolescentem excusari posse, ueritus est grandis natū, siquādo hæc suo cōsilio facta uiderentur, ne posset accusari: homo antiquus seruis præ-

sentibus cum uxore communicat, pergit ad Iurecon-
sultos: petit, an quæ fierēt, adoleſcētī, uel uitrīco fran-
di, aut crimini eſſe poſſent. Cū eſſet reſpōſum, neq;
alienū pro cādidato, neq; uitrīcū pro priuigno teneri:
nolite querere, Iudices, quā Natta audacter, quā
effrenatē cætera: turmatim equites ad ſe uocat, cōfi-
cit pecunia, ut ſe in equitum centurijs eſſe uelint, im-
petrat cum gratia, & miramini, ſi ſecuti ſunt equi-
tes uſq; in Umbriam? Cū rediſſet in urbem, noctu
diuiſores tribuū adit, ſuffragia emit, pecunia in cir-
co Flaminio apud Apollinis ædituū deponitur, quā
conſule renunciato Muræna capiāt. Quid eſt hoc Iu-
dices? num uanum, aut fictum eſt? Pecuniā nos per
prætorem intercepimus: quā ubi diuiſores partiri
inter ſe non poſſe intelligerent, in Seruij petitionem
omnia redundarunt: cōprehenſa pecunia eſt à nobis,
clamat L. Natta indignum facinus eſſe, ſi à uitrīco
metuat, pecuniam ſibi non licere deponere in tuto.

Aedituus pecuniā delatam non negat: quī enim ne-
gare poteſt, ſi cōprehenſa eſt? At qua cauſa delata
ſit, miniſter cōſiliorū ſcire ſe id uerò pernegat. Hac
ſuſpicio, Iudices, latē manare debet, magna pars ſac-
culorū Aſiā olet, ciſtophoris plena eſt. Vnde adole-

rgo moneta ſcenti, qui ſub uitrīco uictitat uumorū tantum? quid
extera, ſt. A. eſt quòd nulli ſunt bigati? quid quòd noctu? quid quòd
iatica. Vide per ſeruos Muræne miſſi ſunt ad ædituū? Excande-
up fol. 262. ad ſign. +

ſcis

scis Natta? amici seruis. inquis tam bene utor, quàm
 meis, Perbellè nunc concedis quasi Philosophus aliquis
 omnia. amicorum communia esse: siquid ego amici
 causa te fecisse dicam, negas ilico. Prandia bone ado-
 lescens sectatoribus dedisti: nihilne ad Murænam su-
 spitio attinet? cùm equum, uestem, pecuniam datam
 abs te sodalibus aio, quereris protinus impediri à me
 liberalitatem tuam. Quò me uertam Iudices? quid ap-
 pellam, aut implorem, nisi prudentiam, & sapientiam
uestram? Cum his si de iure contendo, opera luditur:
 omitto tyronem, excutio ueteranum. Præfectus fa-
 brîum pecuniam militibus præsentè Posthumio man-
 dato Muræne dedit, et excusat. Erat illud uiaticum,
 non largitio. Quid? quòd tum dedisti cùm Muræne
 itum est obuiam. Quid ais? Si obuiam itum non esset,
 num dedisses? Non possum, inquit, diuinare. At hercle
 diuini, & cœlestes uiri hi iudices diuinabunt. Præse-
 ctus iste fabrîum prandia tribulibus suis à Ludore-
 deuntibus dedit plus quàm trecentis. Quid est uulgò
 dare prandia, si hæc non sunt data uulgò? Sectabantur
 candidatum quotidie equites, patricij, tenuiores, eorum
 dux, & quasi moderator erat M. Lucullus, & non
 fuit ambitus: quid hoc est, si ambitus non est? tracta
 Senatus consultum:

SI MERCEDE OBVIAM CANDIDA-
 TIS IERINT, SI CONDVCTI SECTA-

BVNTVR, SI GLADIATORIBVS VVLGO LOCVS TRIBVETVR, SI PRANDIA VVLGO DANTVR, CONTRA LEGEM CALPVARNIAM FACTVM VIDERI.

Quid est mercede obuiam ire, nisi emolumento accepto? Vestis, equus non est emolumentum? Ergo si uestem militibus dat Imperator, si frumentum metitur, non dat mercedem? si pecuniam dedit, non sunt conducti? Prandia data sunt tribulibus plusquam trecentis, non sunt data vulgò: quid ergo est vulgò? Quod factum est concedunt, quod consecrarium est negant: turpissima fuga est. Solet fieri, Iudices, ut qui uicti sunt, desperatis rebus consilium sepe capere cogantur minimè salutare: sed nos insequamur, & nullo loco sinamus consistere. Licinia lex est de sodalitijs: dic tãdem Natta, quæ tibi sunt sodalitates? an non eorum quibus cum Muranæ itum est obuiam? ante petitionem Muranæ per pauci tibi erant sodales, epulabaris modicè, ingentes sodalitates à te constitutæ sunt, constituta illius petitione: inuitasti centurias equitum, quas Muranæ suffragatas uidemus. Vitricus tuus, cui aquè charius es, ac fuisti patri, negat fuisse te quenquam magis modestum, ac frugi: quòd contra legem Liciniam, Cinciam, & Corneliam feceris, culpam omnem conijcit in eum, qui te perdidit pecunia. Lex Fabia est de numero

mero sectatorum: de numero non laboramus, nemo deductus est in campum, nemo domum reductus est maiori numero sectatorum: Lex Calpurnia uetat ne pecunia, ne uulgò locus, ne prandia dentur: pecunia, spectacula, prandia tributim data sunt: liberat nos, Iudices, M. Tullius magno labore, ne testes producamus, sunt enim omnia in illustri loco, in conspectu populi Romani posita: fatetur patronus, concedit rei nomine: uidete in quem angulum res deducta est: tot, tantisque de rebus, unum est responsum eloquentissimi oratoris, mira est angustia, non habet iam quò se uertat: quid inquit? Et si hoc factum à Muræna omnino, Iudices non est, ab eius amicis autem more, & modo factum est. Ita ne tandem? at isto more, & modo quod fecissent superioribus annis nobilissimi uiri P. Sylla, & P. Antronius consules designati damnati sunt, Muræna absoluetur? Credo: nam quid per Deos est? Muræna non fecit, amici eius fecerunt? Quid si Muræna fecisset, condemnaretur? Condemnaretur. Quid si per seruos? quid si per amicos fecit, non erit idem? Inepta defensio est: Pecunia data est, non est à Muræna numerata pecunia. Fateor, ego quoque idem dico. Quid? si numerasset eius nomine argentarius, nò dedisset Muræna? Natta dedit, Præfectus dedit: at nihil erat quod isti darent, Muræna intererat ut daretur, cuius gratia emptæ suffragia sunt. Non est querendum, cuius

manu

*manu numerata sit, sed cuius iussu sit data: cum serui
 perferrent sacculos tu ipse Muræna perferebas: cum
 pecuniam numerarent, amici illi tui, manus erant
 tue: quicquid ab his datum est, quicquid numeratum
 est, tua manu datum, tua manu numeratum est. Nam
 quod tuo nomine rogata est uirgo uestalis, ut locum
 concederet: scis quid est tuo nomine? tua scilicet causa.
 Sed næ ego homo ineptus sum, qui de re tandiu disse-
 ram, de qua dubitat nemo. Nam quod rescitum iri
 Muræna metuebas, egisti per amicos: quis non intelli-
 gat? que cautio si firma esset, nemo unquam esset tam
 stolidus, qui ea nō uteretur. Nō pudet his nugis agere?
 non uides apud quos iudices? ex horū seueritate te ulla
fraus, aut eloquentia eripiet? Lex de ambitu dilucidè
 uetat, mercede candidatis obuiam iri: itum est obuiam,
 merces data est: nihil refert à quo data sit, sed qui sue-
 rit candidatus querit. Iubet ne conducti sectentur:
 conducti sunt, sectati sunt: non quarit, quorum opera,
 sed quem sint sectati. Vetat, ne gladiatoribus uulgò
 locus tribuatur, ne prandia uulgò dentur: si tributim
 data sunt, quis nesciat uulgò data: si petente amico
 locus datus est, quis non uidet eblandita suffragia? Vi-
 detis quo loco res sit, Iudices: uidetis audaciam homi-
 num, uidetis corruptionem. Vix credibile est qui con-
 uentus essent ad prandia, qui concursus ad composi-
 tiones. Ità ne seruire Romanos homines uentri, &
 gula?*

gula? ut nihil mirū iam sit pluris uenire in ciuitate
 piscem quā bouem, pluris uini amphorā quā olei
 medimnū. Nam de auaritia quid dicam? ita ne ue-
 nalia esse omnia in urbe, ut comitia sanctissima tur-
 piter uenditentur? ut barbari etiā, ueluti Apollo Py-
 thius dicant, Rempub. nostrā, quod Dī prohibeant,
 properē perituram? Quis huic imperio tam est ini-
 micus, qui hac possit audire, & perpeti? Militem lo-
 cupletem sperasse se consularem dignitatem pecunia
 emere; ciboq; obijciendo corrumpere comitia populi
 Romani ne libera essent, ita effœminare animos, ut
 tot rebus uictores, pecunia & cibo uinceremur?
Hunc ciuem appellabimus? hic Rempublīcā geret?
huic libertas patriæ committetur? quam si non pote-
rit occupare, cum tanti emerit, pecunia maiore uen-
dat? Obsecro, Iudices, consulite libertati nostræ, quæ
uita nobis charior esset debet: prouidete, ne largitio
omnia occupet, ne leges, ad quarū custodiam delecti
estis, uictæ in foro turpissimè iaceant, obterantur, &
conculcētur. In comitijs consularibus, ut uidetis, præ-
cio, & cibo addicta fuit fides, et religio: uultis hunc
usum, & consuetudinē ciuibus uestris inijcere? uul-
tis alere impunitatem? nunquā ambitus fuit maior,
nunquā corruptio certior. Quid si hic iudicium ef-
fugerit? improbi non tentabunt? dubitatis post hac
omnia, omnes ausuros? utinā esset integrū, si iudicia
 scuera

*hic non
no. 38.
p. 38.*

*in his res
fit mine
re romana*

seuera futura nō sunt, quā uellem Muranæ dies dicta nō fuisset, ne in hoc periculo uersaremur: nō enim eodē loco res est, quo fuit antea quā accusaretur: tutius multo erat, Muranā nō accusari, quā nunc absolui. Cogitate diligēter Iudices, & pro uestra sapientia prospicite, quantum periculi sit, si is hoc iudicio erumpat, cuius salus cum salute Reipub. coniuncta esse nō potest. Memineritis postea, si hic absoluetur, breui nullam nobis futuram Rempub. Quæ ea uox est? uox hæc mea est, uox doloris, & pietatis, nō maleuolentiæ, aut odij. Quid est? inhiat libertati nostræ, Iudices, non Manlius, nō Catilina notissimi Latrones, quos satis constās rumor est, ab Antonio fuisse oppressos, sed principes ciuitatis opulenti, & gratiosi: neq; armis uinci res Romana potest, sed obsequijs, lenocinio, corruptela, pecunia, largitione. Formidolosum est, & optimo cuiq; pertimescendum, si ueterani milites Saturninū ad occupandum capitolium excitarunt, si L. Sylle memores libidinē Catilinæ ad extinguendā Rempub. iniecerunt, si Luculli tyrones legatum secuti extulerunt ad consulatū, & prostratis legibus defendunt, & de manibus uestris eripere conantur, pertimescendum est, ne legionarij, qui duces posthac sequētur, incendiant Imperatores nostros prauis cupiditatibus, præsertim cum plures Catilinæ coniurationis participes fuisse dicantur.

tur.

tur. Quare per Deos immortales date operam Catoni Iudices, expergiscimini, capeſſite Rempubli-
cam: is in hoc iudicio cenſet eſſe omnia, & in ma-
nu ueſtra poſitam fortunam populi Romani: nihil
uos falſæ quorundam lacrymæ abducant. Siquis mi-
ſericordiæ locus eſt, miſereat uos in primis patriæ,
cui nati eſtis, quæ diuulſa à Regibus, diſcerpta à ci-
uibus, timore perdita, miſera, atq; afflicta, desperatis
propè rebus à uobis auxilium petit, & de nobis ſo-
licita eſt: duces armati domi, forisq; cum ma-
gnis copijs ſunt, milites inflati cupidita-
tibus feruntur. Quis nos eripiet? quis
liberabit, niſi ſapientia, niſi ſe-
ueritas ueſtra Iudices?
eos ſi hoc iudicio
deterrebitis,
ſalui ſu-
mus.

AONII PALEARII
 VERVLANI ORA-
 TIO II.

PRO ANTONIO BEL-
 LANTE AD IVDICES
 REIP. SENENSIS.



I quis animo cernat, Iudices, quid sit, quòd pro fortissimo viro nemo causam uelit dicere: intelliget is, qui sit Reipub. uestrae status, qui sicariorum concursus, quandiu impudentium, & furiosorum hominum ferocia fracta, & compressa non fuerit: etenim quid aliud esse potuit? hospitem qui alijs de causis in urbem diuenterat, uocatis iudicibus in Senatum pro ciue dicturum uenisse? nisi terrore, & formidine omnibus impeditis, hominem oportuisse aduocari, qui sic amicitia coleret, ut quod reliqui non auderent attingere, ipse beneuolentia adductus maximo cum periculo dicere non extimesceret: quod cum miserum sit, nonne illud Iudices, miserrimum est? ciuem uestrum neq; familiae dignitate, neq; bene actae uitae conscientia, neq; maiorum suorum memoria apud uos Iudices sperare adiutores, patronos habere, in Senatum tuto posse uenire: quod cum grauitur, & iniquo animo uos ferre intelligam, spero Rempub. equita

æquitate uestra iam respirantem posse aliquando in
 pristinum statum, & dignitatem uindicari. Nostis
hoc aduentu clarissimorum heroum, quæ bonorum om-
niū sit expectatio, qui perditorū hominum timor,
qui laudis uestræ fructus amplissimus. Quod nisi opi-
 nione celerius effrenatæ aliquorum libidini resistatis
Iudices, quid est in ciuitate sanctum, firmumq;? quid
 quod bonorum animos consoletur? quid quod ab illo-
 rum iniurijs, furtis, cæde, incendijs tutum esse possit?
 Omnium quidem, ut arbitror, nemo est, qui eorum
perdita manu, latrocinij indignissimis municipia ua-
stata, domos exinanitas, sana spoliata, uitæ, & reli-
gionis ordinem euersum non uideat: hi nunc, Iudices,
 in subsellij sedent, ante hemyclum tuum Osma, in
 conspectu tuo Cona uersantur: nihil iudicum seueri-
 tas, nihil Senatus amplitudo, nihil utriusq; uestrum
grauitas quicquam est quod admoneat. Itaq; audent
 in hunc locum amplissimum, & honestissimum ue-
 nire, qui permultis cædibus præclarorū ciuium adhuc
 manus cruore aspersas habent, adhuc ora squalore
 obsita, adhuc inconstantem uocem sceleris conscientia
emittunt. Quid hoc est Iudices, quod nunc primum ab
 Osma uiro sapientissimo animaduersum uideo, accu-
 satores uenire cum patrono, aduocasse C. Messanum
 hominem callidissimum, & in causis huiusmodi ma-
 ximo cum questu exercitatu? Magna quidem uis est

sic pro
 sep. h
 p. 35.

Hic pro
 hinc sua
 p. 46.

ueritatis, cognoscunt illi graui poena se esse dignissi-
 mos, norunt se nihil habere quod accusent, nisi uani,
 & falsi quidpiam, putant fortasse indigere se patro-
 cinio: sciunt quid tot annis impune admiserint, ueren-
 tur optimorum hominum, egregiorum ciuium occiso-
 rum manes accusare, pertimescunt simulacra ipsa
 spoliata proclamare apud uos Iudices, nam ab ijs qui
 uiuant quos affecere iniurijs, nihil est quod timeant:
 partim enim minis deterruerunt, partim in fori fau-
 cibus detineri iubent, ne huc ad uos intromittantur.
 Forsitan quæretis Iudices, quo modo huc uenerim, cum
 aditus omnes intercluserint, cum pericula undiq; in-
 tenderint: neq; ab his pratermissum arbitramini, quo
 me à dicenda causa deterrerent, quin accusatorum
 unus A. Polenta scelerum architectus, & disciplinæ
huiusmodi magister, hic ipse qui ante me est Iudices,
 inter minas illud sæpe iactauit, Hic, hic ante pedes
tuos Cona, ante hemicyclum tuum Osma constitutam
oratoris cadem. Admonebat etiam me pro ea neces-
 situdine quæ Academiæ gratia mihi est cum Iano fra-
 tre, cauere, ne Antonij causam susciperem. Commo-
 nebat idem uir optimus hoc eodem anno Vlyssis Cospij
 ciuis nobilissimi, atq; honestissimi Bononiensis cadem
non longè à foro ab huiusmodi sicarijs factam, quòd
 ab ijs æs, quod deberent, repeteret. Percussit hoc pri-
 mum mihi animū, fateor Iudices, incussit aliquem ti-
 morem

morem, ut qui eorum ingenia nossem, cædes innocen-
 tiſſimorum hominũ multas uiderim. Cũ uerò cogi-
 tare, quantũ amicitia, & beneficijs Bellanti debe-
 rem, quantum fidei, quod eius mandatũ recepſſem, à
quo iccirco aduocatus, & in Senatũ miſſus eſſem ut
liberè dicerem, non potui quod ſuſcepſſem non fortiter
perferre: tum quod Scipionem Amalphitanorum du-
cem fortiſſimũ, maximeq; illuſtrem, grauiter ac in-
digna accuſatione commotũ, & uiros florentiſſimos
ciuitatis Mariũ Bandinũ, & Franciſcum Seueri-
num equites ornaſſimos (quos honoris cauſa nomio)
in hunc locum uenturos intelligebã: quos ego cũ mul-
tis, iuſtisq; de cauſis amiciſſimos haberem, ab eorum
latere nunquã diſceſſi, quouſq; in Senatũ uenirem.
 Sciebam affore Ioannem Palmeriũ Senatorem nobi-
 liſſimum, quem ſaltem pro ea familiaritate, quæ mihi
 eſt cum Fœderico Carteromacho nepote, non deſutu-
 rum ſperabam, ut dum dicerem illi ab iniuria tempe-
 rarent. His adductus huic cauſæ patronus extiti, in
qua etſi de fortunis omnibus, de capite ipſo florentiſſi-
mi uiri ageretur, etſi ſcirem obſtare aduerſarios po-
tentiſſimos, & qui loricati, obductis gladijs in Sena-
tũ uenerint, nihil ueritus ſum Iudices, ne aut dicendi
inopia, & propè nullus uſus, nulla exercitatio, aut ti-
mor eſſet impedimento, quominus iniuriæ incredibili
ſcelere conflatæ reſiſterem, & hominẽ innocentem,

ciuemq; de bonis omnibus benemeritum maximo periculo liberare. Quid ergo est? temerène ego nonnihil mihi arrogabam? nihil puto. Quid? nonne in huiusmodi causa erat timendum? maximè. Quod consilium? quæ cogitatio? unde hæc animi firmitas? scelus horum Iudices indignissimum est, eorū postulatione percepta, qui sint, quid uelint, facillè intelligeris. Huius uerò innocentia in excelso, & illustri loco sita est. Noui ego æquitatem uestrā Iudices, noui Osma amplitudinem tuam, uidit aliquoties hic Senatus gravitatem tuam Coua, intellexerunt iam omnes animi uestri sententiam. Quare uos oro, ut fide uestra fretū, æquitate adductum bona cū uenia audiat: ut quæ hominum ingenia, qui cupiditatu ardor, quæ libido inexplebilis intelligere possitis: & cōtrā quàm omni tēpore huius uitæ integerrima, quod iuuandæ Reip. studium, quæ animi temperantia, quàm admirabilis arduarū, & difficultium rerū perpeßio, & quod ad causam maximè spectat, in ea re, quā isti detulerunt, singularis innocentia.

Varratis Antonius Bellantes secundus (fuit enim primus hoc nomine in familia auus, quo neq; uir melior, neq; amantior Reip.) natus est nobilissimis, atq; optimis parentibus Petrino Bellate clarissimo uiro, & Vgurgeria letissimæ facinoræ, in qua nunc etiā ea morū integritas, et antiquitatis uestigia remanēt, ut uirtutis, et religionis exemplū inter matronas habeatur: pater tādū laudabitur,

dabitur, quādiu rerū Senēsiū memoria uigebit; nihil
 enī aliud unquā uisus est cogitare, nisi quod ad ciuiū
 quietē, et gloriā spectare uideretur. Ea re studia iu-
 ris et ciuiliū disciplinarū secutus, respōdendo fuit ue-
 luti oraculū ciuitatis, in quibus cū excelleret, nūquā
 tamē de opera publica quicquā detraxit. Scitis uos iu-
 dices, munera quæ sæpe obierit, quoties principibus ci-
 uitatis regnū iam occupātibus cōsilio, opibus, uiribus
 ipsis maximo cū periculo obstiterit. Scitis in uincula
 indignissimē cōiectū, causam capitis orasse, missis ta-
 mē in exiliū, et ex urbe pulsus fratre uiro optimo, et
 hoc filio tū puero, uix annos XIII. nato, puero quidē,
 & de patria bene sentiēte. Quamobrem si queratis,
 nihil quicquā erat cause, nisi quod pater Rēp. ualde
 amaret, quod cū bonis sētiret, quod audacie improbo-
 rū hominū resistendū censeret: qui etsi permultis re-
 bus domi, forisq; gestis animū in patriam declararit,
 maximē tamē testamēto obsignato, in quo filio mādā-
 uit, ut ex ciue patriæ amātissimō se natū meminisset:
uetuitq; ne singulari etiā à Senatu aliquādo accepta
iniuria cōtra Senatū sentiret, et noni quicquā moli-
 retur: sed pluris Reip. cōmoda, et ciuiū quietē, quàm
 fortunas suas, quā liberos, quā caput ipsum faceret:
 hoc ut sanctissimē seruaret, testamēto cavit, & à fi-
 lio, priusquā à uita discederet, ea de re fidē accepit.
 Hoc patre natus, ita bene et beatē uixit, ut nō modo

patris instituta seruarit, sed maiorum suorum gloria
 facile superata, maiora sanè, et uitæ digniora exem-
 pla populari laude liberis sit relicturus. Neq; uerò
 hoc adulationis causa, cuius quidē ille est planè hostis,
 à me dictū putetis: sed rē ipsa ita admonente, ut ad-
 uersarijs respondeā, qui eius laudē labefactare sem-
 per cupierūt. Num fingo? num mentior? adeste accu-
 satores, adhibete quē aduocastis patronū, desidero si
 falsum est refelli: percurramus eius uitā, non recu-
 samus adolescētiae, quæ semper libera fuit, iuuetutis
 etiam omnis rationē reddere. Dicimus nihil ab illo
 unquā gestum, nisi sapiēter: quod etsi in obscuro esse
 non potest, populus tamen, & Senatus superioribus
 annis declarauit, cū civilibus discordijs, et bello per-
 niciosissimo ordo Nouemus ex urbe esset pulsus, illū ta-
 mē eius ordinis principē populus orare, obsecrare Se-
 natus, ne ab urbe discederet, ne ciues quorū esset amā-
 tissimus in eo discrimine relinqueret. His precibus
 adductus cū remansisset, una omniū uoce maxima
 cum letitia Trib. pleb. est declaratus, qua de re uobis
 gratia semper agētur, à uobis enim seruatiū, honesta-
 tum, auctū se confitetur: tot meritorū memoriā nulla
 fortunæ uis, nullus casus, nulla unquā delebit obliuio.
 Hos honores cū perditissimi homines bonorū omniū,
 & quietis publicæ inimici agreferrent, & misceri
 omnia uellēt, cōiuratione facta de huius uiri optimi

cæde cogitare cœperunt. Itaq; eo ipso die missi sunt
 ueteres gladiatores, quorū hic aliquos cū accusatori-
 bus sedere uideo, ut cū ferro trucidarēt. Ille uerò ab
 egregio ciue Ioāne Vgurgerio certior factus, nō pri-
 uatis armis cōtendere, nō publico tumultu, non sedi-
 tione cōcitata se defendere, ut fortasse poterat, non
 firmis præsidijs domū munire uoluit, ne culpa aliqua
 subesse uideretur: sed clā ex urbe discedēs, in Area-
 le arcē, quæ in finibus uestris posita est Iudices abijt,
 ut perditorū hominū è manibus se eriperet, et quoad
 liceret produceret uitā, quam pro Republica puta-
 ret esse degendam. Itaq; illi cū in eius domum ue-
 nissent, neq; eum comperissent, quē erant interfectu-
 ri, domum omnem opulentissimā depopulati exina-
 niuerunt, familiaribus, ac domesticis plagas inflixe-
 runt, matri ipsius Tribuni iam senectute cōfecta pe-
 cuniā imperarunt. Quid est hoc Iudices? quousq; tan-
 dem hac patiētia? sicarios homini integerrimo, ciui
 optimo, Tribuno plebis manus uoluisse asferre? prædo-
 nes ausos fuisse Tribuni domum spoliare, exhaurire,
 diripere, domesticos, et familiares uerberare, capti-
 uos ducere, matronam sanctissimā iam septuagesi-
 mum annum agentem domo, & focus patrijs detur-
 bare, deterrere minis, ut pecuniā extorquerēt? Hæc
 ego Iudices tacuissē, ut multa, nisi excandescētia
 quedam me incitasset, qui uideā hos obrectare hu-

li. 6. pro se
 res (p. 11)

ius uitæ, qui nunquam bene uixerunt. Nam quid ad illud potuit præclarius accedere? quòd cùm Areolæ decē dies se cōtinuisset, inimicos uerò quotidie in Senatū uenire audiret, neq; deesse, qui iam accusarent, & obijcerent nonnulla, quæ optimi uiri gloriā, & dignitatem imminuere uiderentur, confestim nulla periculi ratione habita, nullo timore deterritus in urbem uenit, in iudicium descendit, cōuocauit accusatores, cuius oratione declaratum est, nihil tale quod illi dicerent admissū. Cùm uerò adhuc eos furere intelligeret, neq; ad sanitatē uelle reuerti, nec se bonorum præsidio satis tutum fore speraret in arcem rediens, ut eorū furori concederet, ultrò exilium ferè quoddam sibi delegit, & rus se, liberosq; suos amandauit. Non ne hoc exemplum est uiri fortissimi, & de Repub. bene sentientis? Quid Scipio? quid Rutilius? quid Metellus? quid ciuis uel quiuis optimus patriæ magis præstare potuisset? Neq; illud silentio prætereundum arbitror, quòd cùm difficillimo Reipub. tempore Senatus fidē publicā dedisset, si Antonius duo millia numūm aureorum Senatui daret, decreto præstaturū Senatū, ut omnia bona subrepta restituerentur: cumq; eorū iam facta fuisset inquisitio qui in eius fortunas inuasissent, tāta horū prædonū uis fuit, ut neq; ipse Senatus id assequi potuerit, ea tamē pecunia iā soluta, ut bona huic redderentur: recita. S. C.

CVM ANTONIVS BELLANTES PETRINI F. DVOBVS MILLIB. NVMMVM AVREORVM DIFFICILLIMO TEMPORE REIPVB. SVBVENERIT AMANTISSIME, EQVE REPUBLICA FECIT.

IDQVE ANTONI MERITVM IN REMPVBLICAM SENATVI, POPVLOQVE SENENSI GRATVM EST ET ERIT. EIVS MERITI MEMOR.

QVOD SENATVS, POPVLIQ. SENENSIS INIVSSV IN ANTONII BELLANTIS AEDES, ET PRAEDIA NONNVLLI SVPERIORE ANNO IRRVPERVNT S. C. FACTVM EST QVOD FIRMVM FIDE PVBLICA RECIPIT AC SPONDET S. P. Q. S.

QVI EX AEDIBVS, AGRO, RVRE VE ANTONII BELLANTIS AVRVVM, ARGENTVM, ET QVOD PLVRIS NVMI SIT PECVS VINVM OLEVVM FRVMENTVM, ET QVOD MINORIS FOENVM, VT REM, FOLLEM, FACVLAM ALIVD VE QVID NON DATVM, NON ASSIGNAT

SIGNATVM, NON VENDITVM,
NON CONCESSVM INVITO DO-
MINO ASPORTAVERIS.

TRIDVO IPSI DOMINO REDDITO,
QVI POSTRIDIE EIVS DIEI NON
REDDIDERIS, FVR ESTO, VRBE
ABITO, SOLVM VERTITO.

QVOD SIQVIS NON AVDIENS DI-
CTO IN MANVS NOSTRORVM MI-
LITVM VENIT, VENERIT, HVIC
LICTOR MANVS COLLIGATO, CA-
PVT OBNVBITO, INFELICI AR-
BORI RESTE SVSPENDITO.

*Num obscurum est? num infirmum? accepit pecu-
niam quæstor, perscripta in tabulis publicis duo millia
nummum, relata sunt in ærarium, pronunciatum est per
præconem, data sunt nomina, nunquid tamen bona
huic restituta? nunquid dicto qui audientes non fue-
runt, aut in exilium missi, aut fures declarati sunt?
uersantur in media urbe, in foro, adsunt in Senatu:
fert tamen nihilosecius optimus uir aquo animo Iu-
dices, atq; is qui patrj mandati, qui pietatis, qui fidei
meminerit. Et quoniam patronum, quem isti aduoca-
runt, ridere uideo: continere me non possum, quin ho-
minis ingenium uobis aperiam. Is unus est ex illis an-*

nonne præfectis, qui tritici medimna CIO VICCCC
nullo iure Cal. Septēbribus ex prædijs Antonij aspor-
tauerunt: quæ quidem cū eo anno angustius frumen-
tum prouenisset uenerūt HS CXXXCIO causa quam
illi afferunt una hæc est, quòd decreto frumentario is
non steterit. Videte, ò Iudices, quæ res hæc sit, quàm
acerbum: Quid acerbum? iniustum dico iudicium. Quì
obsecro bone patrone dicto præfectorum annonæ non
audiens fuit Antonius? quòd cū edictum esset non li-
cere ex prædijs frumentum aliò asportare, huius seu
cliens, seu obæratuſ quidam ex castro, quod Argia-
num dicitur, in Areolæ arcem frumenti sextarium
deuexit. Obsecro diligenter ueteratorem attendatis,
quo die decretum editum est? Nonis Sextilib. in urbe,
in foro. Quo die frumentum asportauit? Nonis ipsis.
Vnde asportauit? ex castro Argiano: castrum hoc di-
recto itinere sanè amplius x x Millib. passuum abest,
potuit ne eo ipso tempore edi decretum in castro, quo
in urbe? Non noui. Non noui? norunt municipes, inter-
cessit enim dies. Quì ergo decreto non paruit, si non-
dūm erat editum? Nescio inquit: quis tu es? qui tibi à
præfectis rationem reddendam putes? satis est non ste-
tisse decreto. Fac esse omnia, quì non stetit? obæratuſ
ille: quid uos ex Antoni prædijs CIO VICCCC
medimna frumenti abstulistis? non poterat homo ille
rusticus inscitia, quæ quidem horum hominum pro-

pria

pria est, inuito domino asportasse? Videtis, quanta horum audacia sit, quam nulla prorsus uerecundia ratio. Esto, errauerit Antonius: pro sextario frumenti modijs CIO XXXVIII & CCCC an erat equum multari? quid quod ille quinquies sestertiũ depositurum se dixit, si res non in praefectorum, sed in hoc iudicium ueniret: quòd si ab ijs iudicibus decreto non paruisset diceretur, abicere se eam pecuniam non recusabat: sin autem paruisset, reddi frumentum postulabat. Noluere optimi uiri stare iudicio, ut qui scirent, praedari non licere iudicio. Hic nunc patronus in hac causa ab accusatoribus est aduocatus Iudices, hic ultro uenit tentaturus si possit optimam aliquam praedam, ut per scelus saepe consuevit, nunc per iudicium nostrum consequi: sedet ad eius latus, & ad aurem insuurrat A. Polenta, qui acriter usque adeo me intuetur Iudices, ut perturbet interdum: uix, uix in conspectu uestro se se continet. Quæretis fortasse quis hic sit, uel nihil admodum fortasse quæretis: permultis enim annis hic lanista insignis habetur, permultis sic nixit, ut sit in urbe maleficijs, latrocinijs, caedibus multo cognitissimus. Nonnulla sunt causae quibus adductus est ad accusandũ: primum quòd in ciuitate turpe aliquod fieri non uult, in quo ipse & signifer, & dux non habeatur: deinde quòd fratrem habet Ianum Polentam huius optimi patroni collegam, qui in praedia

Bellantia

*ic. pro sephur
287.*

Bellantia cū inuasisset, & permagnum frumenti
 numerū, ut diximus, abstulisset, orauit ut fratris par-
 tes sequeretur, ut se se fratris simillimum uellet esse,
 ut cum collega suo bene sentiret: uirū esse Antonium
 qui cum inimicitiis continenter gesserint, qui patri-
 monium amplum, & copiosum habeat, prædia item
 nobilissima, & fructuosa, & cum eorum prædijs
 coniuncta: itaq; hoc damnato, in quod semper animū
 intendisset assecutum iam, nō dubitare in agros illos
 se posse irruere, Potentis nunquā fallaciam, nūquam
audaciam defuisse: ostendit quā aduersarij Anto-
 nij ad eā rem parati essent, & desiderio ardentes,
 quā facile adduci possent homines rustici, qui aris
alieni plurimum habeant, ut pro testimonio dicant
quicquid ipsi mandarint: demonstrat ea de re se iam
 fundamenta iecisse cum salinatoribus quibusdā, qui
summam operā in scelere conslādo polliciti essent:
 rem esse in eum locum adductam, ut nihil desit nisi
 aduersarios conuenire, testes producere, nomē defer-
 re. Secundus accusator, Iudices, est Victor Corsinus,
 ipse is qui in subsellijs à patrono amicij simo saepe etiā
 rogatus confidere nunquā uoluit: egrefert uideo Iu-
 dices, quod cū huiusce coniurationis ipse autorem
 omnino se profiteatur, ut prædæ primas partes ca-
 pias, cū perditissimorū hominum princeps, & uita
surpissimæ exemplum quoddā semper extiterit, ego
 primas

primas partes alteri uendicasse uidear, & cū eo negligēter agere, qui sic posthabuerim, qui secundo loco appellauerim. Male quidem factū Corsine, habes quod iustè queraris: sed tamē est quod te consoletur.

Putas ne uiros hos sapiētissimos, & prudentissimos tuæ uitæ ordinem, tuorum scelerum magnitudinem, animi tui sensum posse ignorare? Qui sint accusatores Iudices, uidetis: nūc dicendū quid tandē deferāt, ut productis testibus, & re omni perspecta facile intelligatis, quā indignissimè optimi uiri nomen, honestissimæ familie gloriā, ciuis ornatissimi fortunas,

Lex Salaria & caput opponent. LEGEM SALARIAM maiores uestri tulerunt pro uectigalibus: lex ea est, nequis inuitis, imprudentibusq; Praefectis quatuor, qui Salinatores appellātur, ex municipijs uestris, in praedia, neq; è praedijs in castra, neq; è castris in urbē Sal asportet: si quis asportauerit, is bonorū mulctatione & capitis condemnatur. Lex grauis est, sed tamē ut ceteræ, sic ea quoq; committenda optimo & equo iudici, & ijs qui iurati magistratum sapienter gerant. Leges enim à maioribus uestris, nō ab hostibus uobis scriptæ, & latæ sunt, non ad ciues perdendos, nō ad delendas familias, nō ad improbos extollēdos, sed ad bonorum defensionem, ad coniunctionem ciuiam, ad malorum terrorem, ad Reipublicæ deniq; omnis firmitudinē. Nihil tamen est Iudices, tam bonum,

num, aut sanctum, quod temeraria dominatrix animi cupiditas non uiolet, nisi moderator rerum omnium pudor obstiterit. Nihil à patribus mandatum, aut iussum est, quod adprime utile in uita esse uideatur, quin idem nobis perniciosissimum esse possit, si eò effrenata hominum prorumpat audacia. Quid legibus antiquius: quid sanctius? sine quibus neq; urbes stare, neq; homines uitam agere possunt. sunt enim instituta ad uitam tuendam, ad hominum coetus congregandos. Nihil tamen ijs inhumanius, nihil durius, nihil perniciosius, si iuris administrandi quantum uelint scelesti habeant potestatem: si ex insidijs agere, atq; obseruare coeperint, ut qui digitum à lege discedat eum omni legis poena obligari debere pronuncient. Eum uerò qui cum ipsis sentiat, uel scelestissimus, si contra legem omnem fecerit, nihilo secius fingant se non uidere. Id nunc ego dico Iudices, quòd sciam multis iam annis hosce ipsos qui accusatoribus fauent, qui improborum hominum cupiditati obtemperant, nunquam cogitasse, quid sit huic legi parère: sed in sale asportando ita fuisse diligentes, quasi ij qui non maximum numerum imprudentibus præfectis asportassent. condemnari solerent, nunc tamen pro re uel minima, & ea quidem falsa communi studio sollicitare accusatores, ut ita rei exiguae rationem reposcant, atq; ipsi in uita omni sanctissime uixerint. Quæ res ea est? accusant quòd huius

*strenua
minat
Cupiditas*

*sine legi
homines
stare non
possunt*

cliens ex oppido, quod Colonia dicitur, deuenit in
 Argianum salis cados duos: quod mulio item ex Ar-
 giano in urbem cados treis. Hæc est omnis accusatio
 Iudices, nihil aliud quicquam habent, nihil omnino
 aliud, ex hoc uno iudicium uniuersum constituitur.
 Itaq; pro salis cadis v. fortunas omnes, & uitam flo-
 rentissimi ciuis oppugnant. O tempora perditæ, &
miseræ, ô ardentem auaritiam, ô inexplabilem homi-
num cupiditatem! Petunt proscribi bona quæ sunt se-
xagies, iubent damnari capitis ciuē de bonis omnibus
benemeritum. Vos ego nunc Dij immortales appello,
 quorum in fide ciuitas Senensis est, ut quos decori, &
 ornamento huic ciuitati esse uoluistis, eorum nunc re-
 liquiæ uestra ope à perditorum hominum insidijs tu-
 ta esse possint. Verum est in tabulis publicis hanc esse
legem, fatemur Iudices. neq; enim ob aliud in hunc lo-
 cum uenimus, nisi ut uestra uirtute, & gratia locum
 ueritas ubi consistat iam reperiatur. Sed quæ sint eius
 legis conditiones obsecro animaduertite. Siquis contra
 legem fecerit eum fortunis, & capite multari oportet.
 Iam uideo à uobis ipsis quæri, ad quemnam for-
 tuniæ istæ perueniant? cui bono sit reum damnari? Hoc
 erat quod iniquum uidebatur Iudices, hoc nullo modo
 ferendum, in accusatorum, & præsectorum, non in
 Reip. commodum res omnis conuertitur. Videtis quid
 hoc sit? præfectos iudicio bonis posse spoliare aliquem,
 quibus

quibus tamen se & accusatores audent. Quid si per-
diti, & scelesti homines magistratum huiusmodi ob-
eant? quis non uideat in eorum potestate positam di-
gnitatem, fortunas, uitam bonorum omnium? Obsecro
uos ne ueritatis plena actio, fretum aequitate uestra
in inuidiam rapiat: liceat mihi liberè, audacterq;
dicere apud tales uiros pro sanctissimis legibus, quas
maiores uestri summa obseruantia coluerunt, uos nun-
quam improbastis, quibus ista lex aduersaria est con-
stitutata; in quo satis mirari non possum quorundam ho-
minum indiligentiam, uel potius inscitiam, qui cum
in Gymnasijs perbellè garriant, in foro strepant, in
uictigalibus magnis stipendijs affecti latrocinentur,
ea de re nunquam uerbum fecerint, cum tamè insuau-
loquacitate mirificè delectentur, uolumina in dies
edant, ornamenta uerò eloquentiæ contemnunt, atq;
abijciant, quòd scilicet barbarè melius, quàm Latine
sciant, remq; omnem in ieiuna uerborum uolubilitate,
& recitandis legum capitibus positam esse opinen-
tur, cum interea uerboſi pignantia se loqui non ui-
deant. Quid ergo iuris isti homines peritissimi Lici-
niam, & Ebutiam legem ignorauerunt? cumq; in
rogandis legibus, conformanda Rep. adstitissent, res ad
Senatum relata non est: nam profecto aut abrogari
Ebutiam, & Liciniam legem oportebat, aut institu-
tum illud salarium tolli. At ne omnia in Iurisconsul-

torum officinis esse arbitremini leges illæ ex eloquen-
 tiſſimi uiri pulcherrimis monimentis mihi repetendæ
 ſunt. LICINIA LEX, atq; altera EBVTIA eſt, quæ
 non modò eum qui tulerit de aliqua curatione, ac po-
 teſtate, ſed etiam collegas eius, cognatos, affines exci-
 pit, ne eis ea poteſtas, curatione mandetur: etenim ſi
 populo conſulis, remoue te à ſuſpicionem alicuius cõmo-
 di, fac fidẽ re nihil niſi populi utilitatem, & fructum
querere. Non ne in tabulis publicis ſanctio eſt impri-
 mis firma de legibus Romanis? non ne pugnat illæ cum
 ſalaria ueſtra? Licinia, & Ebutia nò modò quaſtum,
 ſed commodum, nò modò commodum ſed ſuſpicionem
 non admittunt. Hæc uerò non ſolùm in quaſtu, ſed in
 præda quoq; uerſatur, per quam iudicia cõpilationes
eſſe poſſunt, furta impune admitti, latrocinia cum lau-
de exerceri: hoc nò eò dico Iudices, quòd crimini huic
 culpam aliquã ſubeſſe aut erraſſe in ea re Antonium
 aliquo modo arguam: ſed ut uos, ubi ea poteſtate ex
Senatoribus Iudices creati eſtis, qua nulli unquam
 antea, periculum quod ea lege in omnes intèditur pro-
 pulſeſis, ut legem iſtam ueluti gladium diſtriçtum in
bonos omnes, ueluti mucronem à iugulis ciuiũ ex im-
pijs hominum manibus extorqueatis. Neq; enim uos
 fugit ſuperioribus annis eodem crimine indigniſſimè
 accuſatum fuiſſe uirum ſumma prudentia & graui-
 tate Iulium Pannilineum, qui etſi ab ornatiffimis ui-
 ris de

ris defensus est, fuit tamen in ea negotij plurimum. Scitis eam legem scelestis hominibus semper pro sica fuisse, ad prædam uerò & latrocinia, ad flagitia deniq; omnia uiam apertissimā: & dubitatis ô Iudices, aut abrogare, aut, si hoc impetrari non potest, addere quidpiam, in salinatos animaduertere, supplicium, aut poenam statuere ut illorum intolerabili audacie resistatis? nam his miseris temporibus quæ hominum sint cupiditates, quæ ingenia, quàm boni ratio nulla, scio uos intelligere. Quod si maiores uestri leges tulerunt, fuisse illi optimi quidem uiri, & ciues egregij, sed tamen eo tempore quo mentes omnium, ad Remp. conuersæ erant, non tum civilibus discordijs ardebat Hetruria, non in ordines distributæ inimicos incertus erat uestre ciuitatis status, non homines perdit bonos fallacijs circumueniebant, sed quam uitæ usuram natura dederat, beatissimam placidè, & tràquillè producebant. Vbi uerò ad ea tempora uentum est, quibus ratio nihil temeritatem coërcet, & uitij cõtaminare se, ingenij aciem omnem in alterius perniciem alter intendere consuevit, multa quidem à uobis ex legibus illis, & institutis commutanda sunt, nonnulla addenda, pleraq; proximis annis commutata antiquanda. Licet id facere maiorum exemplo, & consuetudine. Quod si prudentissimorum hominum fuit leges ferre, corrigere quidem sapientissimorum est.

Mamercus Aemilius legem, qua censura quinquennialis erat, commutandā curauit: censuram intra sex mensium, & anni spatium coëgit. Acceperant Romani ex Græcis legem de ciuium uirgis: seruata est ea multis annis: cū tamen dignitatem, maiestatemq; eorum imminuere uideretur, abrogata est, & lex Porcia prolata, quæ in ciues honestius animaduerteret. Neq; uerò in legibus quibusdam abrogandis trepidandum est, sed pro alijs rogandis, & præferendis si intersit Reip. non consilio solum, sed armis est agendum. Lex de connubio patrum quanta contentione, lex de consulibus deligendis quibus armorum terroribus prolata est? C. Calpurnius Piso ex S. C. cū de ambitu legem ad populum tulisset, & è foro maximo cum periculo fuisset eiectus, uirorum fortissimorum globo stipatus in forum descendit, nec ab armis prius recessum est, quàm lex confirmata. Sunt exempla alia Iudices, quæ uos commonescere debeant: sunt & philosophiæ loci de capite, de fortunis pro salute patriæ uouendis: quæ omnia cum uobis non ignota, sed sint multo cognitissima, in his breuis admodum mea erit oratio: in hoc uerò altero neq; erit longior: nā quis non intelligat iniquissimam esse legem quæ institutis antiquissimis, & sanctissimis repugnet, per quam Iudices accusatores esse possunt, & bonis, & capite pro re uel minima ciuem condemnare, fortu-

nas omnes in rem propriam conuertere? si enim rei bona ad Remp. peruenirent, non ad præfectos ipsos, quorum iudicio standū erat, non utiq; laborarem nunc Iudices, non in discrimen adduceretur fama, et caput optimi uiri, non ea esset hominum sitis, & deuorandi patrimonij alieni cupiditas. Nanq; magni refert duos præfectos esse, M. Gorgiam, & Næuium Amerinum, qui tantum æris alieni habeant, ut nullo modo soluendo sint, nisi summis opibus huic detractis: cumq; is M. Gorgias proximis diebus in ius uocaretur ab adolescente optimo Iulio Bargalia exacturo ab eo HS L X. prædiolum quod patrimonio effuso sibi reliqui erat, pro ære quod deberet concessit: cumq; facere obijceretur, de re patria nihil iam ei restare: respondit, multo plura sua industria & ingenio parta, quam pater reliquisset: paucis diebus fore, ut decem & septem prædiorum esset dominus, qui in re patria fuisset egentissimus. Itaq; hoc in scelere conflando cum omnem operam, curam, diligentiam, mentem adhibuisset, ultro cum Crasso Labeone præfecto in domum Amerini uenit, communem egestatem ostendit, premi miserabiliter utrunq; ære alieno, pecuniæ magnitudinem, prædiorum copiam demonstrat, coniurationem in Bellantem aperit: illis enim ipsis diebus cum Polenta, & Crasso in domū C. Messani huiusce optimi patroni uenerat, & multus sermo ea de re habi-

tus est : meministiñ Polenta eo ipso die , meministiñ
 initam societatem cum præfectis, & patrono, & col-
 lega tuo? distribuisse bona, & fortunas huius, dixisti,
 quinq; prædia cū arce tibi satis esse, quæ in Coloniensi
 agro sunt C. Meslano ob patrociniū deberi, M. Gor-
 giæ in Matiano x v i i. Nauio Amerino totidem ad
 Argianum, Cersino collegæ tuo, & audaciæ satelliti
 Valdaßium & ades maritimas assignabas, Labeoni
 quem tecum semper dicebas sensisse, & propterea
 esse charissimū, pascua Caldensia: restare adhuc sub-
 urbanas uillas, & ades cū hortis, eas pro testibus com-
 parandis, & pro sumptu satis esse debere. His sic con-
 stitutis statuisti, quò quenq; proficisci oporteret: M.
 Gorgiam Pisas, Cersinum in Coloniā ueterem, La-
 beonem in castrum Argianū, in urbe te cum Ame-
 rino, & Meslano remanere, inimicos quosdā Bellan-
 tis sollicitaturum, illud tamen in primis memoria o-
 mnibus tenendum cū quarto præfecto A. Tancredo
 nihil cōmunicandum, esse illum noueni ordinis, & Bel-
 lanti ita amicum, ut cū ipsis nunquam sentire possit.
 Videris Iudices quid sit, rei bona ad salinatores si per-
 ueniam? Præfecti ipsi pro comparandis falsis testibus
adlegantur : non pudet eos quorum iudiciū expe-
 ctabatur fungi accusatorum munere: itaq; tollitur ex
 Polentarū confesso M. Gorgias & Pisas usq; uolat.
 meminerat enim habere familiarem ibi nescio quem
 homi

hominem tenuem seruili genere Toforum, quem precio adduci posse non dubitabat, ut in quem uis testimonium diceret: nam proximis superioribus diebus cum in urbe fuisset domi huius optimi uiri, adpromiserat si quando usu uenisset ad omnia fore se paratissimum. Cersinus interim cum in Coloniam uenisset, comperit ibi Ionem Scotum, qui iussu Bellantis coniiciendus erat in uincula, quod non dissoluisset numos c c accurrit Cersinus, hominem amplectitur, querentem qui pro se uadimonium sistat consolatur: iubet esse bono animo, demonstrat ab inimicis potentissimis accusatum Antonium, perquiri nunc testes, qui in eum dicant, posse nunc iniuriæ ulcisci, eris alieni cura liberari, si cum alijs iuratus testimonium dederit: atq; id ut equissimo animo faciat damnato Bellante prædium promittit: quid putatis Iudices aut illum potuisse recusare, aut hunc quæ dixi non fuisse pollicitum? Postridie eius diei Scotus Latitia elatus, totus exultans, totus *scotus.* gestiens, qui multis mensibus uico se continuerat, qui se in domicilij tenebris ex hominum conspectu abderat, qui in uincula erat coniiciendus, in urbem uenit, Polentas adit, hospitio excipitur, orant ut in sententia maneat, prædium adpromittunt: cumq; ei Lucas Casinouensis municeps homo satis accuratus gratularetur, quod custodia emissus esset, interrogauit an pecuniam domino dissoluisset. Quid creditis? potuisse

t s confictum

confictum mendum continere? homo rusticus impru-
denter rem omnem aperit, consilium euomit, coniura-
tionem nudat: dicit se eò in urbem uenisse, ut iniurias
 ulciscatur, comparatum sibi in accusando praesidium
 potentissimorum hominum, alium esse se, atq; olim cum
 deprecabatur. Ad hæc Casinouensis cum respondisset,
 nequaquam bono colono ea digna uideri, diutius esse
 animo lustrandum quid rei sit in ciuem dicere, domi-
 num ledere, aduersariorum fidei se committere: itaq;
 admonere pro amicitia, ne pro ære, & largitione bo-
 num nomen, & uitam profunderet: nam si hac solici-
 tudine aliquando esset liberatus Antonius, acrius in
 clientem esse animaduersurum, qui ab aduersarijs mer-
cedula fuisset adductus. Tum homo rudis, primum co-
 gitare cœpit, & intelligere in quas salebras incidis-
 set, quanto in periculo uersaretur: ad Polentas redit,
 commemorat quæ municeps obiecisset, tamen se ab of-
 ficio non discessurum, spem omnem in eorum fide, &
autoritate esse positam, ut si Antonius absolueretur
 in colonia tamen ipse tutò esse possit. Tum illi maxime
 cohortari hominem, ut in eo se se confirmaret, orare,
 urgere ne à fide, constantiaq; discederet, sed in propo-
 sito, susceptoq; consilio permaneret, & promissi ex-
 pectatione potius, quàm rustici hominis uerbis moue-
 retur, atq; ut suspicionem omnem ex animo delerent,
 metuq; liberarent ad deductores coloniae nouæ addu-
 cunt,

cunt, hunc Orbitelli colonum fieri orant, atque impetrant: extat enim s. c. ut in eam oram grauem aeris uitio colonia deduceretur, qui eius oppidi coloni sunt, etsi æs alienum uel magnum conflauerint in iudicium uocari non possint: spero ex hoc ipso Iudices, uos intelligere, quales testes adduxerint, nā crimen omne mox ego diluam: quid hoc est Cersine? quid Polenta? tantum pro uicano elaborasse? quid uobis cum illo negotij est? quid hæc cum Scoto homine rustico ciuibus familiaritas, & necessitudo? Videte ne in istis tenebris lucem Iudices respiciant. Venio nunc ad laudes egregias, ad præclaros labores tertij præfecti Labeonis: cum is in castrum Argianum uenisset, neq; inueniret qui audacia huius partes suscipere uellet, ne in ea legatione nihil profecisse uideretur, Sancium, & Hieronem, institores Bellantis, in urbem in speciem triumphi clarissimi captiuos ducit: miseros quidem homines, et indignè nota hac affectos: quos cum in urbē inuexisset, & comperisset eo tempore, quo sal asportatum diceretur, non fuisse institores Bellantis, ultrò in castrum remisit: sed tamen ne præda summis laboribus non acquisuisse sibi uideretur, & ut suis collegis satisfaceret, saltem fallacia, fingit institores terroribus illis percussos dixisse, Carduonem famulum Bellantis accepisse quondam à Byrsa mulione Salus cados duos, illum tamen in Areole arce esse, qui si in eorum sit potestate,

testate, crimen in apertum proferri. Conclamant ergo
 in urbe praefecti, & forum uocibus complent, ui, ui
detineri à domino famulum, qui rei omnis sit conscius,
 qui sal acceperit, qui testimonium possit dicere. Id
 cum ad Bellantem deferretur, ne falsa accusationis
 genus in bonorum ciuium animis falsi quicquam im-
 primeret, mittit illum in urbem, ad praefectos ipsos.
 An est obscurum Iudices, si Carduo huiusce culpæ af-
 finis fuisset, quin à domino in urbem missus non fuis-
 set? Non rerum imperitus adeò, neq; imprudens est, ut
 quod sua permagni interesset, non uideret. Cum ergo
 ille in urbem accessisse diceretur, perculsi sunt praefe-
 ctorum animi, quòd prater omnium opinionem ad eos
 uenisset: intellexerunt hoc uno dilutum crimen, &
rem in illustri ciuium conspectu esse positam. Et quo-
 niam Carduo, ut sunt huiusmodi homines timidi, ue-
 rebatur, ne herili odio adducti, aut ueteribus inimici-
tijs Salinatores secum iniquius agerent, accepta nobi-
lissimorum ciuium fide, ad eos contendit: nunquid ta-
men inexplebilis auaritia, num cupiditatis ardor, num
audacia, num temeritas diu longè abesse potuit? Nihil
 est Iudices, quod illorum libidinem coërceat: nihil est
 in illis non crudele, non inhumanum, non ferum: nam
 cum omnia licere sibi putarent, cum iura humana, et
 diuina contemnerent, hominem ultrò uenientem, fide
principum ciuitatis fretum in uincula coniungunt, eo
 consilio,

consilio, ut per minas id assequantur, per supplicia id extorqueant, quod precibus, promissis, largitione assequi non potuerunt. Itaq; hic ipse Labeo, qui præfecti munere fungebatur, Carduonem ad se adduci iubet, cathenas relaxari, admonet famulo qui sapiat debere pluris esse uitam suam, quàm heri fortunas: præfectos ita certum, & constitutum animo habere, nisi rogatus dixerit salis cadus aliquot sibi ex Argiano redditos, & Antonij nomine acceptos, cum supplicij genere omni affici oportere: itaq; sibi duo esse nunc proposita, aut ad uoluntatem præfectorum dicere, aut cruciatus omnes, & poenarum exempla omnia expectare. O conditionem iniquam Iudices, ô ferociam inhumanam: an magis, an crudelius tyrannus, cuius plenum inuidiæ apud uos nomẽ est, interminari potuisset? Quid tyranno pulso exultat Respublica? quanam hæc libertatis restitutio est, si tyrannidem, & eam quidem acerbissimam, in foro palàm sunt qui exerceant? si tantum qui uis peccare potest, quantum qui uelit maxime? Neq; uerò ea solum dixit, quæ diximus, sed re quidem multo plura præstitit: nam cùm miser ille sapienter respondisset, nullum æquè supplicij genus esse horribile, ac proclitæ fidei dedecus est, & conscientia: sublimem abripi iussit, & excrucinari supplicijs. Sunt hæc indigna Iudices, atq; me hercule non mediocriter pertimesco, ne demissè nimis, ne parum audacter, non grauitè,

grauitè, nō fortiter, ut causa flagitat, cōqueri uidear:
 nam cum ille summis cruciatibus torqueretur, & in
ueritate assuerāda semper cōstantissimè perstitisset,
implorabat hominum, Deumq; immortalium fidē, ap-
pellabat praelectorum equitatem, in quibus nulla hu-
manitatis, & rationis effigies unquam fuit: ad pedes
 se se laxata recte abiiciens, obsecrabat ut accusato-
 rem adduci iuberent, & paribus supplicijs affice-
 rent, ita facile ueritatem inueniri posse, facillimè hoc
 uno intelligi, ipse an potius accusator à ueritate descis-
 ceret. Honestissima postulatio, non negligenda, equi-
tatis, & fidei plena. Cum uerò illi scirent neminem
 planè nomen detulisse, Labeonis hoc esse cogitatum, ut
 in questionem datus famulus, ui allata in dominum
 diceret, uehementius instare, minari acrius, crudelita-
 tis satellites sollicitare: ille tamen dicta affirmare con-
 stantius, conqueri liberius, obtestari clarissima uoce
iudicio se esse circumuentū: intelligere iam praefectos
 esse accusatores, cum alios nunquam adduxerint. Vi-
 detis Iudices, ut ueritatem in profundum detruferint.
 O facinus indignum, & non ferendum: uidetis ut ho-
 minem innocentem dolo malo, nullo iure, nullis suspi-
 cionum uestigijs cruciatibus cumularint. Verum cum
 ex hoc nihil prorsus habeant, quod contra nos faciat,
 intelligo spe maxima destitutos. Venio igitur ad te-
 stes, sed tamen ad hos ipsos iratos, cupidos, tenues, ru-
 sticos,

sticos, à fide omni à religione remotos, ad hos inquam ipsos, quos modò tam bono iure improbaueram, ut reiecti præclare uiderentur. Sed quoniam alios non habent, quos producant, instandum etiam est, diligentius querendum, acrius explorandum, ut eorum fallacias, & perditos mores intelligere possitis, ne ad plenam, & egregiam defensionem quicquam defuisse uideatur. Atq; illud primum per Deos immortales à uobis peto Iudices, ut maiorum exemplo, & sapientum institutis, de accusatoribus, de reo, de testibus diligenter iudicetis. Quòd si in culpa Bellantem esse uerè quis arguere potest, ego oratione quidem certè nihil obstat ipse non recusat, hoc comperto obligari omnibus iudicij pœnis uel grauissimis. Sin autem in hac causa nihil est, nisi accusatorum cupiditas, & audacia, præfectorum iniquitas, & crudelitas, testium improbitas incredibilis, flagitamus Iudices, ut tanta, & tot scelera uindicetis, ut eos uos in hac quæstione præbeat, quos æquum est, & boni omnes iandiu expectarunt. Videte accusatores cum Bellante ueteres inimicitias gerere: cognoscite eorum uitam, intelligite ingenia: cogitate quos testes adduxerint: lustrate obsecro animo an uerisimile sit, quod detulerunt: per facile est uobis, si libet, coniectura rem omnem percipere. Habeo aliquid, & id quidem permagni momenti, quod in animis uestris opinionem inserere possit. An-

col. imp. tur
lic. p. 35.
Ar. p. 35.

tonius cū ex uestigalibus sestertia duo singulis an-
 nis esset exacturus, quod Aldellus Placidus quæstor
 Reipublicæ nomine uiginti abhinc annos numos scuta-
 tos cccc ab eo accepisset, contracto are alieno de-
 creuit Senatus non sine creditoris iactura, ut ex sali-
 nis urbanis cadi xxv. unoquoq; anno pro ea pecunia
 darentur. Scitis uos ipsi præfecti grauius illum tu-
 lisse, cōquestum apud uos, cū diceret salis se nimium
 habere, quod decreto municipali singulis annis pro ca-
 stris, & prædijs cadi xl. apportarentur: habere se ex
 rationibus urbanis cados xxx. qua ratione ergo fieri
 potuit, si tantum sibi salis erat in urbe, ut ex castro
 Argiano, & Colonia ueteri tanta præsertim inter-
 capedine, tanto cum periculo cados quinq; in urbem
 deuehendos curarit? O præclarū argumentum! ô egre-
 giam coniecturam, ô acrem ingenij aciem! non possum
 non magnopere mirari Iudices, quā nullo consilio
 ueteratores isti, in fallacys diu uersati, & exercita-
 ti, tam leuiter hæc confinxerint. Nam quid dicam de
 eorum patrono, sine quo nihil commentabantur? uere-
 bar ego in hoc homine, ut est summa peruersitas, &
 accusandi usus, fore quicquā ita constitutum, ut ma-
 ximè in diluendo mihi esset elaborandum. Sed non ita
 est: nam quid in hac causa obscurū? quid in hac quæ-
 stione eloquentiam, aut dicendi exercitationem desi-
 derat? Pudet me de re tam aperta diutius differere
 apud

apud tales viros. Quid est accusatores? producite iam eos ipsos testes quibus quod erat ex uoluntate uestra dicendum memoriter recitare iussistis. TESTIMONIVM TOFORI. Verbum interponā: uel is Toforus est, qui apud M. Gorgiam cœnatus, cum Cersino pernoctauit? Is ipse est. Perge iam, dic quod lubet. TESTIMONIVM TOFORI PISANI. Quantum audio, dicit se abhinc decennium Idibus Februarijs cū castrum Argianum uersus proficisceretur, offendisse in itinere mulionem, itaq; cum eo in uillam Bellantis diuertisse: fuisse in ea Hyeronem, & Sancium tum institores, qui salis cados duos domini mandato acceperint. Consideremus, obsecro, quibus uerbis utatur: quæ enim hæc potuit esse memoria, non rustici quidem hominis, sed nec Themistoclis, aut Luculli, in quibus præstantissima fuisse dicitur, ut in re exigua, & quæ ad se minime attineret, abhinc decennium meminerit diem quo Argianum uersus proficiscebatur: nam ita clarè Idibus Februarijs pronunciauit, ac si heri fuisset dicendum. Addit, domini mandato accepisse. Quî hoc scire poterat? nisi ariolari dicat etiam se scire. Sunt hæc certissima Indices, quibus corruptela suspicio possit significari: uidetur hæc uerba prolata ab eo, qui mercede ab accusatore sit adductus: nam quid tam temerè, tam cupidè illa dixisset? Quæ rursus ut refel-

lamus

lamus, ut intelligatis nulla iurisiuradi religione in testimonio dicendo fuisse commotum. Producamus nunc Hyeronis, & Sanciij testimonium, quibus iste sal Idibus februarijs redditum iuratus tam temere affirmat. HYERONIS TESTIMONIVM. Per bono loco res est: diligenter obsecro attendatis, ut eorum dicta conferamus: per bono loco res est. producito nunc TESTIMONIVM SANCII. O rem singularem Iudices, uidetis quæ uis, quæ lux sit ueritatis? primo quoq; uerbo illum mentiri necesse est: dicunt, institores abhinc septennium primùm aduocatos fuisse, praefectosq; negotijs à Bellante: quî ergo ad eos diuerſi, quî sal deferri potuit, & domini mandato reddi, si tum ibi eos constat non fuisse? si certissimum est, tum Bellantis non fuisse institores: quod ex eo intelligite quòd Hyeronem, & Sancium à Labcone in urbem captiuos ductos, cùm innocentissimos cognouissent, ultrò remiserunt: nam si in culpa esse potuissent, coniecissent in uincula, detinerent in fouea, cruciatibus conficerent. Audiamus nunc alterum ueteratorem, atq; interea Polenta conside obsecro, & ne me ita acriter intueare, TESTIMONIVM IONIS COLONI IAM ORBITELLENSIS. Scio nunc Polenta quare surrexeris, quo me ita intuebare: est hic, cui patrocinium nunquam defuturum pollicebaris: memini illum esse

tuum

tuum clientem cum primùm colonum iam Orbitel-
lensem audiui appellari: is enim est, pro quo re nisi
impetrata nunquam conquiesci: sed ut uerè, & libe-
rè dicam, hæc ipsa uerba præferunt hominis peruer-
sitatem, nam quæ illa est inscriptio? COLONI IAM
ORBITELLENSIS: nisi tua opera ære alieno
liberatum dicere, pro quo ut ille referret gratiam iu-
ratus ad accusatorum uoluntatem dicere non est ue-
ritus? Dicit is, dum triduum in urbe fuisset, in adibus
Bellatijs uidisse à Byrsa mulione clàm seruo redditos
salis cados tris, quos ex castro Argiano asportauis-
set. Primùm hoc rogo, si triduum in urbe fueras, quî
sciebas ex eo castro sal denectum? quid ergo affirmas,
quid iuratus dicis, quod te ignorare necesse est? Quid
scis in ijs cadis si clàm redditi sunt, sal fuisse, uel aliud
quidpiam: sed uideo, clàm dixit, ut hoc ipsum suspi-
cionem faceret. Quomodo uerò clàm, si tu quoq; ad-
eras, si præsentia hominis infidelissimi non commoue-
bantur? sed huic testi Iudices, non credendum esse,
multa sunt quæ postulent: primùm testimonium est
ex coniecturis, deinde quod constat illum communi-
casse cum multis, in quibus est L. Casinouensis, in Bel-
lantem dixisse ex accusatorum uoluntate, ut per eos
ære alieno liberaretur: ut dominum perderet, cuius
iussu in uincula erat conijciendus, quo incolumi scele-
rum conscientia diu horum patrocinito se tutum fore

non sperabat. His sic constitutis quid dubitatis Iudices, leges tueri antiquas, emendare novas, cōmune periculū propulsare, graui animaduersione ab huiusmodi insidijs hosce sicarios deterrere, Bellantem uestra aequitate subleuare? Et quidem certē si hominis summo splendore, summa uirtute ratio non habetur, cuius permagna habenda esset, admoneat uos Iudices, quæ res una Remp. uestram augere possit, & ciuilibus discordijs multos annos perturbatam omni molestia liberare: neq; enim alijs de causis ad gubernacula Reip. sedetis, & in hoc consilium delecti estis, nisi, ut cū iudicia per uos fiant ad ciuitatis temperationem utrunq; oculum, & animi aciem omnem intendatis: uobis nunc integrum est Iudices, dispersos, dissipatosq; ciues conuocare, lenire, eorum animis pacem asserre, quos contumelijs oneratos acerbissimo dolore angere necesse est: itaq; malunt in uicis, & municipijs rusticis duriter uiuere, quàm uidere in patria uitam ipsam in sicariorum manu esse positam. Sunt & hi ciues uestri Iudices, quorum maiores hac in urbe nati, educati, nunc demum mortui conquiescunt: quorum laudes hic multas, quæ dici possunt, nolo ego commemorare, ne ad aliud quidpiam mea pertinere uideatur oratio: illud tamen meminisse debetis, siquid in illis prudenciæ, fortitudinis, gloriæ fuit, quod literis, & hominum memoria sit consecratum, id totum uestrum esse

esse : ita quoq; & hi qui ex illis nati sunt , siquid eorum maioribus dignum fecerint , hoc omne ad uos attinere, & uobis, liberis, posterisq; eorum fore ornameto. Sin autem in rerum inopia , quòd bonis paternis uti non possint , quòd patria expellantur , quòd nulla domesticæ dignitatis ratio habeatur , aliquod minus ingenuum, atq; illiberale admitterent, ita ut in eorum uita macula conciperetur , existimate eam abluì non posse , sed ad liberos , posterosq; uestros in perpetuum permanare : nam etsi distributa in multos ordines uestra ciuitas est , genere tamen, & sanguinis communionem sic iuncti estis , ut si quis superiora tempora , & nostra hæc , maioresq; uestros memoria repetat, ex iisdem diuersos , ex diuersis eosdem prognatos esse dixerit. Quòd si ex urbe pulsi, & eiectioni sic honeste , & sapienter uixerunt, ut in egestate indignissima , uastatis eorum agris, domicilijs exinanitis, adhuc in officio ciues manserint , adhuc instituta uestra sanctissime seruarint, decet uos Iudices, aliquando eos subleuare, & à molestijs, erumnisq; abducere: decet uos non deponere memoria, qui uiri hi sint, quales maiores eorum fuerint, quanta cum dignitate, & omnium existimatione in hisce subsellijs, in quibus sedetis, confederint : debetis reminisci humanæ conditionis, & rerum uicissitudinis , posse uos, liberosq; uestros aliquando apud aliquos causam dicere, qui aequi-

tatis, sapientieq; uestræ rationem sint habituri; posse
 circumueniri ab hominibus improbiſſimis, quos uirtu-
 tis uestræ memores fortissimi uiri defendant. Quare
 Deorum immortalium munus Iudices, prospicite, co-
gnoscite, amplexamini: causa huiusmodi uobis oblata
 est, non uereor dicere ab illis ipsis Dijs, quorum in fi-
 de uestra ciuitas est: nam si prudentissimi ciues, qui
 uicis sese continent, uiderint oppugnatum à perditissi-
 mis hominibus egregium uirum, sic præclare à uo-
 bis et aëria uobis defendi, sic seuera iudicia fieri, & poenam in
 iusto Pro. amatores, adulteros, uexatores bonorum excogitari,
 moram nullam interponent, quin in urbem redeant,
 ut ciuibus gratulentur, sibi gaudeant, hunc Senato-
 rum delectum in cælum laudibus ferant, quorum ope-
 ra liberis, coniugibus, propinquis, amicis restituti sint,
 aduenientibus in Hetruriam Osma, & Cœna ueluti
 magnus Dijs: qui cum mihi tam humaniter adſue-
 rint, ut nihil magis ego desiderarim, sic molestè homi-
 num scelera ferant, ut nihil seuerius à grauiſſimis ui-
 ris sit expectandum: præclare à uobis Iudices, factum
 iri arbitror, si in accusatores cupidos, temerarios,
 in testes ab omni religione & fide remotos, in præse-
 ctos iniquissimos, & à ueritate longè pecuniæ cupi-
 ditate abductos, grauiter animaduertatis: ut cum ad
 Cæsarem, cuius nomen maiestatis plenum est, ij uiri
 uenerint, ad quem nunc profisciscuntur, de equitate
 uestra

uestra, de optimo iudiciij genere, de bonorum defen-
sione, de concordia, & reconciliata gratia civium
multa commemorare cogantur, & letentur suo ad-
uentu illuxisse Reipublicæ uestra faustum, & fe-
licem diem.



nionem. Quod enim minus ea in me esse uideo, quibus
 tam honorificè inuitari potui in ciuitatem, eo magis
 in uobis esse intelligo quæ præclarè quidem apud o-
 mnes de laudibus uestris dicuntur: quibus ego addu-
 ctus multos iam annos colui, & obseruauì Rempu-
 blicā uestrā: itaq; antequā ego uos uidissem ama-
 bam, habebamq; animo comprehensas imagines for-
 tissimorum, et grauissimorum hominum: cumq; su-
 perioribus proximis literis acceptis uenire ad uos cō-
 stituissem, existimabā me ad Brutos, Decios, Cato-
 nes esse iturū: in eam denique ciuitatem, in qua cum
 ceterarū artium liberaliū, tū eloquentiæ studia pul-
 cherrimè colerentur. Est enim uetus opinio hominū,
 eam dicendi uim, quæ eloquentia dicitur, apud uos
 maximè uigere, quod ea certè nusquam melius uer-
 setur, quā in libera ciuitate: nusquam omnibus or-
 namentis incedat, nisi in bene cōstituta Republica:
 etenim si eius siue artis, siue scientiæ, siue facultatis
 principia uestigemus, si incrementa, si summum lo-
 cum in quo uisa est aliquando consistere, reperiemus
 in optima Atheniensī ciuitate ortam, educatā, &
 perfectam, unde leges, & Reipubli. imaginem ali-
 quam accepit: qui rerum potitus est populus Roma-
 nus, apud quem floruit eloquentia dum Respublica
 floruit: quam ob rem libertatis comes, atq; alumna, à
 sapiētissimis uiris est appellata, quod inclināta Repu-
 blica,

Eloquentia
 quæ in libera
 ciuitate
 melius uer-
 setur

blica, & libertate adēpta, ipsa quoq; stare noluerit.
 Neq; uerò hostibus Reipublicæ, & uexatoribus ci-
uium aliud telum est insensius oratoria facultate.
 Ecquæ Dū immortales sunt fulmina illa in Philippū
 Græciā iam occupantē? quæ putamus fuisse L. Bruti
 in Tarquinius? quæ sunt illa principis eloquentiæ in
 L. Catilinam? quæ in Antonium euersorem iam Ro-
 manæ libertatis? & contrā nullum Reipubl. prasi-
 dium est paratius, et expeditius quàm dicendi facul-
 tas pro retinenda libertate: quæ cūm fortunis, liberis,
 & uita ipsa chariorē esse uobis intelligam, præclare
 à me factum iri puto, si dum gratiæ aguntur pro ac-
 cepto munere, plusculum in eloquentiæ laudibus im-
 morer, horterq; hos adolēscētes, quibus nihil est orna-
 tius, ad ea studia, quæ uobis potissima esse debent ad
 præsidium, ad ornamentum libertatis. Omnium præ-
clararum rerū parens, et cōseruatrix est eloquen-
tia, omnis ætatis, omniū seculorum princeps, & re-
gina: magna eius munera, et officia fuerunt semper.
 Primis illis temporibus, quibus conditæ urbes, & ci-
 uitates constitutæ sunt, quid sine hac fieri potuit? ab-
 ducti ab agris, et syluis homines, fera, agrestisq; ui-
 ta mutata, muris septæ urbes, leges rogatæ, iura, iudi-
ciaq; descripta sunt sapientis hominis eloquentia, un-
de in caligine, et rerum omnium perturbatione ru-
des illi ciuilem cultum, et urbanam lucem primum
 aspicere

Logyptia

*id. p. 37
 reliq. de
 entia lib.
 non legat
 m. li*

aspicere cœperunt, firmissimas societates inire, san-
ctissimas amicitias colere, omnia ad cōmunem usum
 excogitare, qua ratione artes quoq; ipsæ inuenta di-
 cūtur: ex quibus quæ, et quantæ sint utilitates, pos-
 sem ego cōmemorare, nisi eas quotidie uiuendo ma-
 gnas, & multas experiremur. At parū fuisset artes
 inuenire, nisi splendor orationis accessisset, ut res co-
 gnitione dignissimæ à maioribus nostris notitia cō-
 prehensa non modò conseruata, sed indies aucta, &
 exculta magis ad nos peruenissent. Etenim cū ita
 natura constitutum sit, ut omnia temporibus orta,
mobilia, caduca, incerta temporibus occidant, nihil
Dij immortales hominibus eloquentia melius dede-
runt, quæ una à situ, et squalore uindicaret, incredi-
biles utilitates afferret, maxima adiumenta compa-
raret. Huius facultatis uim non intelligit, qui non co-
 gitat, quanta sine hac una hominum fuissent incom-
 moda: quæ uita? uel potius mors? si quæ animo com-
prehendimus eloqui non potuissemus? Nam quòd ra-
 tione uteremur, non fuissent infinita incōmoda cum
 hoc commodo compensanda: quod uerò commodū? si
 quòd plura in animum incidissent, quòd enunciare nō
 potuissemus, eò magis erat dolendum. An non uide-
 mus, eos qui lingua sunt impedita, & hærenti, incre-
dibiliter angī, quòd loqui non possint: et pedibus, ma-
nibusq; obnixè omnia fatere, ut quid uelint nobis si-
 gnificent.

gnificent. Est enim colenda uita mutuis officijs, & necessitudinibus: et docendo, monendo, orando, accusando agendum est in cōmuni hominum societate: in quā suas cogitationes nō posse afferre grauius quiddam est, quā fortē aliquis putat. Sicuti enim cū rectē ualeamus, eorum molestias, qui infirma sunt *comparabili* solitudine tatus esse nō credimus: sic qui perbellē, cū uolumus loquimur, mutorum, et elinguium magnos esse angores non suspicamur. Quæ præterea in cogitando uoluptas percipitur, ea maior est in dicendo, quod dicentes sensa nostra in alios transfundere gestiamus, & ipsi interea uersemur in eadem rerum cogitatione. Quid est, quod remotissimis locis ab inanimis etiam uoces excipiuntur? quid quod aues quædam nobis loquentibus diligenter operā dant, ut tanquā à magistris discant, ea solitudine, ut si assequi non possint, mœrore, et desiderio moriātur? Quanta ergo re homines caruissent, si sermone caruissēt, pro quo imitando bestia metis quasi uiribus excitatur, saxa, & solitudines respondent? In eo unū aliquem excellere, quale tandem est: ut in quo homines ceteris animātibz præstant, ipse ceteris antecellat hominibus: in quibus si ut ui regnū occuparent magni Imperatores omnia pericula subierunt, quanti faciēda facultas est, per quam libentissimis animis id ipsum obtinere possint, etiam cū gratia? An fluctuātem

populum

populum concione aduocata lenire, animos temperare, adducere ad misericordiam, lacrymas excitare, cum libet mentes odio incendere, perturbare, permiscere, agere in furorem si possis, non est imperium habere in homines? Quòd si permagni refert, utrum ij, quibus imperatur, sponte quid, an inuiti faciant, maiorem ego potestatem esse oratorum uideo quàm summorum Regum. Qui uerò pietatis fructus? si tristissimis amicorum temporibus adesse possis, miseros, & calamitosos subleuasse, innocentes defendere, consolari, erigere: inimicis repugnare, improbos deterrere, eorum consilia aperire, spiritus frangere, furorem exagitare, ulcisci scelera. Verè hoc mihi uideo dicere, ex omnibus, qui priuatis, & publicis rebus intersint, nullius officia uel plura, uel maiora esse in ciuitate, quàm hominis eloquentis. Sed quoniam magni sunt conuentus studiosorum, qui ut aliquid de eorum disciplinis dicatur auidissimè expectant, conuerto ad uos orationē meam adolescentes, quos & ardor animi, & uirtus ipsa rapit ad spem quandam immortalitatis: seu liberales doctrinae, & artes ingenue, per quas uidentur ad cælum homines posse ascendere, uobis cordi sunt: seu bene de Republica mereri, & id ueram, & solidam gloriam esse ducitis, nulla res tanti à uobis facienda est, quanti eloquentia. Nam ut à Philosophorum disciplinis incipiamus, quæ à Dijs inuenta, & data homini-

bus

bus dicuntur, quæ Philosophiæ partes optimo dicendi genere non desiderant illustrari? huius prima pars dicitur quæ naturæ obscuritatem continet, secunda quæ differendi acumen, tertia quæ mores, & uitam. Primam pulcherrimè prosecuti sunt, qui Physici dicebantur, speculatores, uentilatoresq; naturæ, in qua illi quidem excellere uisi sunt, qui distinctè, qui dilucidè, qui enucleate dixerūt. Quid enim intenebricosis, naturaq; inuolutis quæstionibus optatius esse potest, quàm lux quedam orationis? eam si tollas, nihilo plus agas, quàm si tenebras tenebris offundas. Quòd si rem ipsam per se difficultatem habentem, & laborem difficultate impedieris, hoc est iuuenes à philosophia auocare potius, quàm de natura docere: in quo errore diu uersati sunt, & uersantur his temporibus Sophistæ, qui Latinitatis splendore, ueluti nocturnæ luce oblata ingemiscunt, quiq; ut eos qui audiunt in admirationem trahant in ieiuna nonnorum uerborum uolutatione, barbarisq; ineptijs, merisque nugis philosophantur, ostentationis, & quæstus gratia. Fuit, fuit tempus, (iam enim acutius uident homines) in quo præclarum ducebatur, non posse intelligi: sapientes habebantur, qui minus Latine dicerent: sapientissimi qui inuenta quedam, & excogitata, nusquam nisi in uerbis existentia, obuoluerent magnis uoluminibus quæstionum. De secunda uerò Philosophiæ parte, quæ

nucleate
iere

habere
fieri
hieronymi

quæ Dialectice dicitur, quid putatis? perturbauerunt omnia: nonnulla quæ de genere diffinitionum, & diuisionum, de sedibus argumentorum, non modo Latine sed ornatissimè ab antiquis dicta sunt, uel non legerunt, uel contempserunt: istis ipsis ueluti supersticiosi nõ satisfuit unus Aristoteles admirabili quadam scientia princeps philosophorum, & in dialecticis, ut in cæteris disputator acutus, & eloquens: quod ne à me temere dici putetis, petam firmum, & graue testimonium à doctissimo uiro, qui à ueteribus eloquentiæ Deus est appellatus. Nam quid illud est?

ARISTOTELES AVREVM ORATIONIS FLVMEN FVNDENS. Quamobrem si quis philosophiæ studijs se dedere uoluerit, eloquentia illi in primis comparanda est, ut quemadmodum Græci philosophi luculenter scribunt, ita ipse faciat, Latine, & distinctè, & ornatè omnia explicans. Quid enim turpius, quàm cum excellentium philosophorum laudator, & imitator quis esse uelit, earum laudum rationem non habere, quibus illi laudem amplissimam sunt consecuti? Ea ratione maiores nostri sapientissimi uiri, dum philosophiæ partem, quæ à moribus nomen accepit, pertractarent, summam in dicendo curam, & diligentiam adhibuerunt. Quemadmodum enim ille optimus orator est, qui non temerè, & impudenter, sed ex arte dicit, & in di-

cenda causa argumentis aptissimè ductis texit orationem, & Philosophiæ studijs adiutus quocunq; uult animos trahit: ita & philosophus ille probatissimus est, qui res magnas, & obscuras inuentas aperit, atq; illustrat, & ab oratore instructus puris, & electis uerbis uestit res ipsas, ne obscure dicendo offendant eorum animos, qui in cogitando, & querendo sunt defatigati. Sunt præterea & artes aliæ, & facultates quædam propositæ ingenijs, philosophiæ tamen partes, ut Medicinæ, & Iuris civilis scientia, altera sub ea philosophiæ parte est, quæ de Natura dicitur, altera sub ea, quæ de Moribus. At medicinæ ars à Græcis autoribus, disertè, & eleganter tractata est, & cum rebus Latinis fuit melius, mihi quidem non est dubium, apud nostros huic quoq; facultati non defuisse splendorem orationis. Sed quid ego antiqua repeto? quasi uerò desint, quos magno numero proferre possim scriptores eius artis uel eloquentes, ita ut medicina nostris temporibus non modò Latinè loquatur, sed ornatè, & doctè: nam cum ad eam facultatem manus etiam accedere uideretur, & non deessent obrectatores, eius studiosi, quo esset cumulata omni laude, exornauerunt optimis disciplinis dialectica, philosophia, mathematicis, & ea præsertim scientia, quæ stellarum errantium cursum docet, ita ut medicina non una quædam

ars,

A. P.

ars, sed plures quodammodo in unum coactæ, & concreta esse uideantur. Quid uerò miseris, perditisq; temporibus offusæ essent tenebræ à barbaris, in eam curam incubuerunt peritissimi uiri, ut illustraretur, & nitesceret oratione. De Iuris ciuilibus scientia, quæ philosophiæ, ut dicebam, pars est, quid dicam? est illa quidem omni laude dignissima, sine qua non regna, non urbes, non uita deniq; hominum stare potest. At ea in ignem multis iam seculis iniuriam accepit, qua in re quid primum querar? quò me uertam? Appello ego uos præclara Iurisconsultorum monimenta, legumq; sanctissimarum reliquæ, quæ uix saluæ ad nostrum usq; tempus peruenistis: uos eo candore, ea luce in tâtis tenebras fuisse coniectas? Dii immortales, quàm non possum non uehementer commoueri? Per illa ipsa uos ego iuuenes dicta prudentum, & sapientum responsa, quæ summa observatione colitis, per ingenium, per fortunas uestras oro, atq; obtestor, ne pulcherrimam facultatem, uobisq; gratissimam diutius in commentariorum quorundam sordibus iacere sinatis. Aluocate eloquentiam, quæ lucem rebus affert: adhibete castitatem sermonis, quæ illi coniunctissima solebat esse: insistite uestigys ipsis Iureconsultorum uestrorum, qui optimis temporibus floruerunt: hos uobis proponite imitandos: cœpta est ea facultas proximis annis illu-

ide (a b. ditione omni b. p. p. el. capit. a. h. b. in lib. 1. p. 1. e. non h. uel sit huius gloria figura. Complagi.

strari à doctissimo uiro, qui cornicum oculos confi-
xit, Andrea Alciato, mox à Germanis, à Gal-
 lis: si in eam curam incubueritis, nunquam poenite-
 bit. Neq; uerò sum nescius hic adesse præstantissimos
 ingenio, & doctrina homines iurisperitos, qui à
 pueritia hoc consilium secuti, cum iuris ciuili sci-
 entia semper eloquentiam coniunxerunt: à quibus quo-
 niam meam sententiam probari non dubito, referam
 ego iam me ad eos, quos amor, quos charitas, quos
 pietas accendit, atq; inflamat, ut ea cogitent, ea
 curent, ea moliantur, quæ sint ad Reipublicæ glo-
 riam. Quæ uerò est Reipublicæ gloria? nisi ciuium
 uera, & cumulata laus? quæ facultas imperatorum
 gesta monumentis consecrauit? eloquentia: quæ præ-
 clarè non modò facta, sed dicta sapientum ad cælum
 extulit? eloquentia: quæ posteritati propagauit me-
 moriam uirorum illustrium? eloquentia: hæc nisi
 fuisset, nulla extaret gloria Thebanæ, nulla Lacedæ-
 monia, nulla Atheniensis, nulla Romana Reip. Per-
 magna quidē res est celebrari scriptis eloquentissimo-
 rum hominum: hæc spes excitauit Brutos, sustentauit
 Decios, aluit Scipiones. Quanta uerò commoda illa
 sunt? ut ex ciuibus delecti ad patriæ defensionem, &
 libertatis, difficillimo Reipublicæ tempore magni ora-
 tores mittantur ad Reges, & Cæsares. Nam etsi
 Thuscum dicendi genus per se est dulce, & orna-
 tissim

tissimum, nisi tamen ex Græcis, & Latinis literis quasi nervos, & vires accipiat, in re graui, & seria futile est, atq; inane. Huc accedit, quod ubi magna regna, & imperia apud exterâs gentes sunt, quæ Latinam eloquentiam colunt, & obseruant, turpe est legatos nostros nescire Latine: & turpissimum est, ab exteris uinci in ea re, quæ nostra cum esset, ignauia, & socordia propè facta est aliena. Quamobrem si gloria ciuium, si commoda Reip. si laus deniq; Italiæ nostræ commonet, aut commouet, summa ope iuuenes est enitendum, ne uobis defuisse uideamini. Nam quod patres sapientissimi, & clarissimi uiri id non postulent, sed flagitent, quis non intelligit? quò enim spectant hæ curæ? quò solitudines? quo hic proximus delectus? quibus quoniam is ego non sum, qui possim satisfacere, tamen ut aliqua ex parte desiderium leniam, proposui mihi hoc anno explicandas M. Tullij orationes, in quibus ille curam, & mentem omnem fixit, ut in eloquentia Græcis essemus uel pares, uel superiores. In his nolite querere, quæ industria, qui labor, quæ diligentia: nam dicendi genus nullum est castius, numeri nusquam maior ratio, ars uerò in his omni ex parte se ostendit: nam siue ornamenta oratoria, seu locos communes, & argumentorum formas aptissimè ductas spectes, nihil est artificiosius, & admirabi-

*Arb. lib.
reth. p. i.
pro imtio.*

lius: in ijs explicandis & rhetorum præcepta, & figuras omnes euoluemus, & quoties ex inductione Socratica colligit, uel ex ratione peripatetica disponit enthymemata, ostendemus magnum oratoris ingenium, summam peritiam, infinitum laborem. Ex hac explicatione quid imitari debeant, intelligent iuuenes, & quæ res, quæ spes, quod consilium in studijs, secum ipsi constituent. At uerò quoniam rhetoricæ facultas ex altera parte respondet, affinisq; est dialecticæ, quod nullis regionibus continetur, & in eo utraq; uersatur, quod probatur opinione hominum, & tam orator, quàm dialecticus agit argu- mentis: ille mihi ridiculus uidetur, qui sperat præ- clarum aliquid se posse consequi uel in scribendis, uel in explicandis orationibus, qui dialectica non sit im- butus: in hac re ut inuenimus adulescentes, & studio- sis linguæ Græcæ satisfaciamus, proposuimus hoc, uel altero anno, si mihi per uos liceat, interpretari dialecticæ libros Græcè ab Aristotele scriptos, ut non ex riuulis quorundam, sed ex fonte ipso peripa- teticorum habeant iuuenes, quod hauriant, & ut Latina cum Græcis coniungant, & ad linguæ Græ- cæ peritiam, & ad disciplinæ tam necessariæ per- ceptionem. Erit hic noster labor omnibus, ut puto, accommodatus: qui enim plurimi faciunt oratoriam facultatem, quid magis expetere possint non uideo:

qui

qui ad eam philosophia partem se conferre uoluerint, quæ ethicæ dicta est, ita secum statuere debent, nisi artem differendi norint, quæ scripta sunt ab Aristotele de Moribus nunquam uerè percepturos: nam quæ Physica appellantur, ut quis intelligat, nemo dubitat, quin opus sit adiumento dialecticorum. Quòd siquem præstanti ingenio excellentiq; iudicio inueniem diuina quædam uirtus trahit ad perscrutationem rerum æternarum, quid putatis ubi in magnas dissensiones theologorum inciderit, non capturum mirificos fructus ex hac disciplina? in qua tamen nos non multum insistemus, sed ueluti ex decursu, qui sit necessarius oratori in colligenda ratiocinatione, & enthymematibus dignoscendis, perquirendisq; locis, & sedibus argumentorum. Quòd si quis est, qui tam grauib; studijs hoc anno iuuentutem non putet implicandam, & Aristotelem, & Demosthenem, quem ego post hunc proximè uolebam, censet in alium annum reijciendum: nihil opus est contentione, cædam, atque obsequar Gymnasij præfectis sapientissimis uiris: quos si coniuncta cum philosophiæ moralis institutis Græca facundia delectat, referam ego me, quoniam ita illis placet, cum Græcarum literarum studiosis ad eloquentiæ parentem Isocratem, in cuius sepulcro posita erat Siren illa, quæ significaret suauem, & dulcem eius orationem: quæ

In Isocrate
sepulchro
ita erat
collocata

quoniam pura est & culta, & numerorum mensu-
 ra, & figurarum artificio elaborata, plurimum con-
 feret ad perceptionem uerae, solidae, & Germanae
 eloquentiae, ad quam cohortor ego hos iuuenes, ex-
 pensor potius, ac æstimator beneficiorum uestrorum,
quam uirium mearum. Nam quod primus nouo de-
 lectu publicè sum uocatus, summo honore præditus,
 auctus, atq; ornatus à uobis uiri Lucenses, non licet
 mihi iam me continere intra cancellos modestiæ, &
pudoris mei: audendum est, & entendum noctes,
 & dies, & non quid ego possim, sed quid debeam
 cogitandum: ut si non par, aliqua saltem gratia re-
 feratur, fructumq; aliquando ex beneficio ue-
 stro capiant hi iuuenes, spes, flos, robur
 Reipublicæ Lucensis: qui mihi &
 ob ingenij suauitates, & com-
 munionem studiorum, &
 quod uobis paren-
 tibus na-
 ti sunt, charissi-
 mi esse de-
 bent.

AON

AONII PALEARII
 VERVLANI ORA-
 TIO V.

DE REPUBLICA AD
 SENATVM POPV-
 LVMQVE LV-
 CENSEM.

EST hoc in more ciuitatis positum, ui-
 ri Lucenses: ut in illustri, ac frequenti
 ciuium conspectu, delectu hoc tribu-
 norum uerba facturus, uel laudando,
 uel docendo aliquid afferat, quod uobis, Reipublicæq;
 uestrae sit felix, & salutare. Eam ob rem, quæ uestra
est humanitas, me in locum ornatissimum, atq; am-
plissimum, in quem ego mea tenuitate aspirare non
poteram, inuitastis ad dicendum. Quod etsi mihi iu-
 cundissimum fuit, ut pro summis in me beneficijs in
 gratiarum actione sæpius uersarer: tamen quòd iussu
 uestro ad iuuentutem instituendam bonis artibus o-
 mne meum tempus mihi sit transmittendum: & uo-
 bis incumbētibus ad maiora quædam in gerenda Re-
 publica sit otij minimum, minus libenter hoc munus
 suscipiendum putabam. Neq; enim uirtus uestra uul-
 garibus laudibus contenta esse potest: neq; orator bre-
 ui tempore, cui multum negotij sit, in alia re occupa-

to: præsertim cùm magna expectatio sit eorum, qui in hunc locum ad dicendum descendunt, non modò apud ciues, sed etiam apud finitimos uestros, apud quos omnium disciplinarum studia pulcherrimè florent: quorum mihi ratio eò habenda est magis, quòd illi magnis præmijs propositis, eloquentiam, & Philosophiam in finibus uestris alunt, & in dicendo se se, quasi Athenis, quotidie exercent: ad quos si nostra scripta peruenerint, non lita luminibus ingenij, & industria laboribus adiuta, parum dignitati uestra, uiri Lucenses, honori meo minimum consuluisse uidebor. Quid autem, per Deos immortales, à me, qui exercitatione parum, ingenio nihil possum, afferri potest? cui uix semihora assignata est ad dicendum: de re ubere, & copiosa, quæ ab ipsis initijs oratione esset illustranda? Magna enim uideo, uiri Lucenses, et multa à maioribus uestris, at à uobis propè cælestia, & diuina quædam fuisse proximis annis administrata: neq; mihi satis liquet, utrum illos magis laudandos putem, qui in propaganda ditione armis exercitatisimi fuerunt, an uos qui ea quæ à patribus accepistis sine bello, sine armis, prudentia, & consilijs uestris defenditis, & conseruatis, tanta ciuium concordia, tanta animi continentia, ut omnes principes, omnes Italiae populi, omnes barbara, et exteræ nationes admirentur. Quam ob rem, etsi ciuitatem uestram celebratam memoria eloquen

eloquentissimorum scriptorum sciunt, nihilq; deesse ad generis nobilitatem: nihil tamen uirtute uestra, nihil equitate, nihil excellenti isto bono putant esse antiquius. Quare quod in primis mihi dicendum putabam prater eo: quod ex ijs ciuitatibus, quæ in Hetruria habent imperium, et ditionem, nulla est præter uestram, quæ Romanæ Reipublicæ tempore certa firmorum scriptorum memoria celebrata sit. Prætereo aduentum Cæsaris, & Pompeij in hæc ipsam urbem, quam summa cum gloria hodie incolitis, quæ eò aucta est sapientia uestra, Viri Lucenses, ut urbs Roma amisso imperio, & libertate, admiretur: Romani ciues colant, & obseruent. Neque enim fieri potest, ubi ad nobilissimos homines rumor ipse, & multorum sermo multa perfert de integritate uestra, de equitate magistratuum, de Senatus, & Reipublicæ statu, quin cogitent cum animi sensu, ac dolore, quibus rebus eorum maiores floruerint, qualem ipsi ciuium cupiditate Rempublicam amiserint: cuius quoniam apud uos formam, atq; imaginem uident, nolite dubitare id illis in primis charum esse, atq; iucundum. Sicuti enim cum liberos, aut aliquid rerū nobis charissimarum amissimus, ex quo dolorem susceptum longinquitas temporis mollire potest, memoriam delere non potest: si qua eius rei, quæ desiderium reliquit, effigies occurrat magni motus animorum sunt: ita non modo Romani homi-

ompar

nes, sed Itali omnes, cum ex historiarum lectione in-
 cidunt in cogitationem illius, quæ rerum potita est,
 Reipublicæ, mirum in modum commouentur: & quo-
 niam de ea restituenda ne spes ulla quidem reliqua
 est, uobis bene precantur, qui in omnium rerum per-
 turbatione, & diuturnis laboribus Italiæ dignitatem,
 & amplitudinem retinetis, & in parua ditione in-
 gentem splendorem, & lucem istam Reipublicæ, in
 qua ut una ciuium esset æqualitas, summam populi
 uolulistis esse auctoritatem, qualis Athenis aliquando
 fuisse dicitur. Cum enim duo sint corpora ciuitatis, al-
 terum potentiorum, alterum tenuiorum: legibus ciues
 coercuistis, usu confirmastis, consuetudine deuinxistis,
 ut in unum populum ciuitas coalesceret: ita ut nihil
 putent tenues à Dijs sibi melius datum, quàm poten-
 tes: quorum cum ampla, & magna negotia sint, ex
 ijs illi non modò in dies, sed in diem uiuunt. Opulenti
quoq; in mercatura faciendæ operas habent paratas
artificum, scribarum, institutorum: ea re magnæ inter
 uos necessitudines intercedunt. Qui excellenti ingenio
 ad studia liberalium artium se contulerunt, habent
 ipsi quoq; honestos quæstus, & copiosos: horum in iu-
 dicijs, in Senatu, in concionibus magna est auctoritas.
 Vnius rei militaris minora sunt studia, quòd ciuita-
 tem uestram non tam finitimis formidolosam, quàm
 omnibus gentibus amandam, & colendam esse uo-
 luistis.

Tale est Ma. p. 110

Iuistis. Si qua in ea re studia sunt, ea sunt omnia ad de-
 fensionem libertatis, in quam curam, & cogitatio-
 nem omnium mentes conuersæ sunt. Optima, ita me
 Dij ament, Respublica est, quam tamen nouis institu-
 tis confirmare, & quasi senescentem curare, & su-
 stinere debetis: sunt enim Rerum publicarum uicissi-
 tudines, & morbi, in quos ille sicuti humana corpora
 sepe incidunt, & tanquam parietine, nisi crebrò re-
 parentur, uetustate ipsa collabuntur. Quod si ijs mu-
 ris, quibus cinctam urbem à maioribus accepistis,
 contenti non estis, an in legibus hærebitis, quas illi pro
 tempore tulerunt? Perlatum ad uos fuit, cis Apenni-
 num firmiores esse muralium edificiorum formas:
 mox fabros, & redemptores ex Gallia usq; arcessi-
 stis. Perfertur ad uos, ab oratoribus quotidie florentis-
 simas fuisse Respublicas Atheniensem, et Romanam,
 cur non Græci, & Latini architecti adhibentur uel
 ad exædificandam, uel ad muniendam Rempublicam?
 Viuunt Veneti in Luce illa libertatis summa cum glo-
 ria plusquam noningentis annis: uereor nequis grauius
 ferat, si dixerim, mittendos legatos ad eorum institu-
 ta, iuraq; cognoscenda: at Senatus, populusq; Roma-
 nus Sp. Posthumium Album, M. Manilium, P. Sulpi-
 tium Camerinum Athenas misit, iussitq; ut inclytas
 Solonis leges describerent. Optimates, inquiet aliquis,
 in illa Republica sunt, popularis nostra est. Quasi uerò
 Athenis

Morbi
 Rerum

*quos it
hanc Re
pub.*
 Athenis imperium non fuerit populare : quod tamen
 propterea Romani patres non cōtempserunt. Est enim,
 si doctissimis uiris credimus, ea in primis firma Respu
blica, quæ in duas, uel summum treis diuisa partes,
dissimili hominum genere constat, qui legum equabi-
 litate se temperent. Quam ob rem popularis diutur-
 nior est, si non imperio administretur plebecula, sed
 consilio eorum, qui optimi sunt in ciuitate: in qua pro-
 pterea ciuium à populo, cuius summa est auctoritas,
 delectus est habendus : ut uirtuti primus sit locus, se-
 cundus nobilitati, tertius diuitijs. Nam uirtus omni-
 bus rebus est præferenda : & qui benemeriti sunt de
 Republica, digni sunt ut amentur, non modò ipsi, sed
 & liberi, posteri; eorum, præsertim si sustineant ex-
 pectationem. Et quoniam magna sunt adiumenta sa-
 tis ab opulentis, & locupletibus, eorum quoq; ratio
 habenda est, maxime in Republica uestra : quæ cum
 exiguis sit uectigalibus, eo est firmior, quòd nemo de
 regno cogitat, nemo inhiat ærario, nullæ sunt hyrudi-
 nes, nulli depeculatores, nullæ proposita præda discor-
 dia. Sunt tamen magistratus uestri magnifici, lega-
 tiones laudæ, & sumptuosæ, ædificationes ingentes: un-
 de pecunia est omnes omnium fortune, priuata patri-
 monia uectigalia sunt Reipublicæ Lucensis. Quis me
 arguet? aut quis unquam criminabitur? si hoc loco ap-
 pellarim ego uos diuinos, & cœlestes uiros? Nam quid
 hoc

hoc est? quantum alij ad res suas obeundas, quantum ad augendum patrimonium incumbunt, tantum uos ad Rempublicam cogitationem, mentem, animumq; conuertitis. Ceteros pudeat, qui aut exteris nationibus patriam produunt, aut ipsi diripiunt, aut libertati insidiantur: uos patriæ laudem, uos commoda ciuium, uos salutē Publicam semper plurimi fecistis. Quod si quæ à uobis, quæ à maioribus uestris gesta sunt, oratione fuissent illustrata, nolite quærere quo loco esset gloria hominum Lucensium. Vna in re fuistis minus diligentes: quæso à uobis, quoniam in hunc sermonem incidi, ut mihi detis hanc ueniam, huic loco, & tempori accommodatam, & uobis, quemadmodum spero, non inutilem, ut de Republica dicentem, frequenti, & iucundissimo conspectu uestro, his animis, hac attentione, patiamini me ad historiæ desiderium uos cohortari: quid enim est Dii boni, quod maiorem lucem afferre possit Reipublica? quid quod gloriam nominis magis augere? quid quod tam accendere, atq; inflammare ciues possit ad fortiter aliquid gerendum? Habuerunt maiores uestri excusationem, quod eorum ætate, si uoluissent, nihil potuisset scriptis illustrari: idem euenit Senensibus, idem Liguribus, idem cæteris finitimis uestris, idem Venetis, qui terra, mariq; præclara, & multa gesserunt, quorum nihil memoriæ proditum est, dignum ut iterum legatur. Quid? an nescitis ab eloquentissi

quantissimo, & ornatissimo uiro Petro Bembo, qui
 superioribus diebus triste sui bonis omnibus deside-
 rium reliquit, quem mortuum etiam honoris causa
 nomino, historiam esse scriptam de rebus Venetis, cu-
 ius tanta expectatio est, ut patent homines nihil posse
 accedere iam ad gloriam illius Reipublicæ? Quid?
 Paulus Iouius historiae pater, rerum gestarum non
 modò explicator, sed illustrator severus, gravis, &
 copiosus: ita gnarus ac prudens, ut non unam ali-
 quam urbem, ac regionem describat, sed uniuersum
 propè orbem terrarum: non unius populi ingenium
 aperiat, sed naturam omnium ferè gentium, & na-
 tionum: nullo ne uos desiderio afficit, ut res uestrae
 scribantur? Quantam uerò arbitramini capere uo-
 luptatem senes, qui rebus aut intersuerunt, aut prae-
 fuerunt, si eas uideant celebrari scriptis, & uersari
 in ore doctissimorum hominum, & magnorum Re-
 gum? Qua spe putatis erigi iuuenes? ut dignum maio-
 ribus suis aliquid posteris relinquant, ubi sperent fa-
 cta, dicta excipi à scriptoribus publicis, & consecra-
 ri memoriae hominum sempiternae? Hæc spes si desti-
 tuat, neq; præstans miles, neq; fortis ciuis, neq; bonus
 imperator, neq; præclara Respublica esse potest. An
 aliud, obsecro, causæ fuit, ut pro patria uitam profu-
 derint sæpe fortissimi uiri? Clamabat M. Attilius
 Regulus cum uigilijs, fame, & cruciatibus necare-
 tur,

A. PAL.
 Pater P. B.
 Va

sine A. B.
 u. l. m. t. k.

M. Attilius

tur, se in supplicijs illis beatiorem esse Thorio potanti
 in rosa: clamabat Epaminondas, cum Lacedæmonios
 apud Mantineam uicisset, simulq; ipse se graui uul-
 nere animam efflare sentiret, Clypeus ne saluus est?
saluus est. Euulle spiculum, ut eo euulso felix, bea-
tusq; ut ipse aiebat, moreretur. Hinc præclara, &
 admirabiles fuerunt sæpe mortes imperatorie, nempe
 igniculo hoc desiderij, ut essent aliqui, qui ab eis res
 gestas memorie proderent: quamobrem magno in
 honore apud Græcos, summo apud Latinos historia
 semper fuit: quòd ea excitari homines, atq; accendi
 uiderentur ad facinus præclarum aliquod obeundum.
 Eam ob rem L. Sylla, & C. Cæsar maximi Impe-
 ratores non sunt ueriti ipsi commentarios scribere de
 rebus à se gestis: ex quibus eloquentes homines, qui
 historiam scribere uellent, haberent paratam unde
 sumerent: & simul, ut desiderio historiae incende-
 rentur militum animi. Quanti enim illud erat, lau-
dari ab Imperatore militem lectissimis uerbis? cele-
brari scriptis ab Imperatore? Quem ea gloria non
 allexisset? qui tam iners, atq; ignauus esse potuisset
 miles, qui ubi rescisset, re fortiter gesta, tantam
 gloriam se assequi posse, qui non uitam libenter pro
 Imperatore suo? Quamobrem desino
 ego iam mirari, qui sit, quod cum magnis sæpe co-
 pjs Reges, & Cæsares nostris temporibus configere

confuerint, non illæ sequantur pugna, non cades ingentes, quales olim, cum, ut poëta inquit, HAEREBAT PEDE PES, DENSUSQUE VIRO VIR.

Desino iam mirari, cur ciues sæpe multi priuata rei fuerint studiosissimi, publica per diu pauci: Laus enim, & gloria, quæ est quasi merces bene geste Reipublicæ, cuius fructus ex historia erat uberrimus,

nulla patrum nostrorum memoria fuit: Eloquentia, quæ quid actum esset illustrare poterat, multis iam seculis iacuit in situ, et squalore. Quamobrè satis sibi fore putabāt homines illi, si quem uitæ cursum natura dederat, siue laudis, aut ignominia cura otiosè traduxissent. Quæ cogitatione nihil est perniciosius, nihil quod imminuat magis maiestatem Reip. Huic malo unum illud remedium est, si eloquentiæ suus honos restitatur, unde aptissime historia scribi possit, lingua non aliqua inopi, atq; angusta, quæ intra Italiæ regiones se contineat: sed quæ Diues, atq; augusta, apud exteras nationes uersetur in magnorum uiro-
rum conspectu, à quibus perpendantur dicta, & facta præclarorum ciuium: quorum fortune, ita me Dii ament, ut miseret: quid est enim, quòd siquā ab antiquis illis dicta fuerunt, scripta sunt illico, quæ Græco uocabulo Apomnimoneumata, Latino Memoratu digna appellarentur: à nostris cum lepidissimè, & ingeniosè nonnulla dicantur, parum hoc est,

cum

cum fortissimè dico à nostris quotidie multa gerantur, uel silentio prætereuntur, uel intra patriæ fines consenescunt. Quæ res uos magis, quàm ceteros, commouere debet uiri Lucēses, quòd res uestra maxime dignæ sint scriptione, & memorabiles: quæ è libris, & annalibus quibusdam, ut audio, rudibus, & obscuris erui, atq; in lucē proferri desiderant. Quas ut antiquas præteream, sunt enim magnæ, & ingētes: an labores, quos proximis annis sustinuistis in tuēda, & firmanda Rep. non commemorabo? Hos ut præteream: num quæ audio? quæ uersantur ob os, atq; oculos, et uideo quotidie: possum præterire? quæ nox fuit? qua ego surrexerim ad lucubrationem, qua non audierim ex arce proclamare custodē? uigilijs præfectos respondere? excurrere oppidanos per pomærium? qui dies fuit, quo nō uiderim dare uos operam Reip. & cōsilio prouidere, nequid desit ciuitati? Habet Curia præsidium fortissimorum militum, habent propugnacula stationes, habent iudicia iurisperitos ornatissimos, & integerrimos uiros: quid hic cōspectus lectissimorum hominum, qui ad gubernacula Reip. sedent? non ne grauitatem? non ne sapientiam? non ne maiestatem fronte, & uultu, qui est animi index præ se ferunt? quid isto splendore populi signifer? quid Tribuni plebis fortissimi uiri? quid ceteri magistratus? quo studio, quo ardore, qua pietate adsunt ad

bene gerendam Remp. quid populus uniuersus Lu-
 censis tanta multitudine confluxit in Curiam? est,
 est hac Romæ ueteris diuina illa effigies. Habet an-
 gustos fines Lucensis Respub. habuit angustissimos
 aliquando Romana. Quod si ciuitas non sunt, ut uul-
 gus hominum existimat, mœnia, sed ciues ipsi: non
 est angusta ciuitas uestra, uiri Lucenses: nulla Eu-
ropæ urbs est nobilis, ac potens, in qua magno nu-
mero ciues uestri non habeant magnas familias, &
ampla negotia. Itaq; non in regionibus Italiae solum,
 sed in Gallijs, Hispanijs, Germania multa uobis co-
 lonie sunt à ciuibz uestris deductæ. Quod si non
 quod terræ corpore occupamus, atq; obtegimus, par-
 uum enim id est, sed quod animo possidemus uerè
 possessio est, magnam is uobis facit iniuriam, qui ista
 robor, istos egregios animos angustis finibus cir-
 cumscribit. Sed ne ego eò ingrediar, unde diffici-
 lem habitura esset exitum oratio, assignati enim
 temporis curriculum elabitur: digna sunt omnia
 quæ à maioribus, quæ à uobis gesta sunt, & gerun-
 tur, scriptis illustrari: dignus est hic populi conspe-
 ctus celebrari laudibus amplissimis, dignus est po-
 puli signifer pro charitate in patriam, digni sunt
 Tribuni pro fortitudine sua, digni qui magistrati-
 bus præsunt pro equitate, & sapientia tabulis, sta-
 tuis, & omni genere ornamentorum. Quamobrem
 nisi

nisi nos consuletis, excitabo ego iuvenes uestros, qui liberalibus artibus se dediderunt, commonebo sedulo, orabo, obsecrabo, ne patiantur conseruatores libertatis, & otij publici, silentio prateriri: etsi aliquando in hanc curam uobis est incumbendum, uiri Lucenses, ne qui rebus omnibus Rempub. pulcherrime exornastis, hac una defuisse uideamini: quam rem si à iuuenibus, si à uobis ipsis negligi intellexero, pro uestris summis in me beneficijs, si uestra uoluntas feret, breuissimo hoc dicendi spatio, quod mihi bis in anno assignastis, non unis, sed pluribus orationibus prosequar. Quæ si ad gloriam uestram celebrandam non erunt satis, quod certè scio, qui

meas uires probè norim, & ingentem cum-
ulum laudum uestrarum, erunt ni-
hilo secius illæ erga uos, et Rem-
pub. uestram ueluti testes
animi, amoris, &
observantiæ
meæ.

AONII PALEARII
 VERVLANI ORA-
 TIO VI.

DE CONCORDIA CL-
 VIVM AD SENATVM
 POPVLVMQVE LV-
 CENSEM.



QVOD ego semper optabam uiri Lu-
 censes, uersari aliquando in ciuitate,
 in qua sanctum libertatis nomen, ne-
 que uanum, neque falsum esset, id
 Deorum immortalium munere, & liberalitate
 uestra uideor assecutus. Nam etsi ex disciplinis li-
 beralibus, & sapientum præceptis didiceram, tan-
 tum cuique libertatis esse, quantum quisque se à ui-
 tijs uindicasset: tamen quod non in solitudine uita,
 sed in actione, & usu quotidiano posita est, ad Reip.
 statum maximè hoc nomen spectare intelligebam.
 Neque enim elucere potest animi continentia, ubi
 nulla sit aduersaria constituta cupiditas: neque ius-
 titia, ubi nihil sit, quod possit occupari. Quam-
 obrem quæ à summis philosophis diuinitus scripta
 sunt, in quibus percipiendis omne meum studium
 à pueritia fuit, nunquam à me intelligi potuisse con-
 fiteor, nisi mihi Respub. Lucensis occurrisset, in qua

una

una sunt omnia quæ sapientissimi uiri undiq; collegerunt: Quare si postea quàm in hanc urbem ueluti in Deorum concilium sum admissus, & fructu incundissimæ consuetudinis uestræ, & uos ipsos contemplando, tantum sum consecutus, ut de Rep. ausus sum dicere. Concedite mihi quæso, quoniã humanitate uestra cætera concessistis, ut uirtutes, quæ in Rep. uestra sunt coniunctissimæ diuidam, & singulas temporibus ijs, quæ mihi ad dicendum assignastis singulis orationibus prosequar: erit id puto uobis incundius, & mihi facilius, atq; expeditius ad celebrandam gloriam ciuitatis, quæ una copiosè mihi, non uereor dicere, suppetabit exempla earum rerũ omnium, quæ à doctissimis uiris celebrantur: quòd si mihi liceret nominatim 390.
proferre ciues uestros, continentie, fidei, iustitiæ, &
cæterarum uirtutum civilium obseruantissimos, ô qui
mihi campus esset, in quo excurrere & exultare possem,
& cum antiquis Græcis, & cum Latinis multa conferre. Nunc quoniam quasi instituto prohibeor aliquid proloqui, quod ad priuatam laudem conuerteri possit, uos oro, atq; obsecro, quæ à me dicuntur, ne sic dici putetis, quasi in Republica aliqua Platonis efficta, in qua potius, quales ille ciues desideraret, quam quos haberet ostendit. Ego id in primis letor, quòd de rebus civilibus apud eos mihi est dicendum, quorum cum uariæ sint facultates, & artes, omnibus

tamen optima mens, unum, atq; idem est studium
 Reipublicæ benegerendæ: quæ cum à uobis placide
 tantum ac tranquille administraretur, quantum non
 una aliqua domus à Germanis fratribus, de ciuium
 concordia mihi dicendum proposui, qua ciuitatem
 Lucensem non modò nouis ædificijs, & mœnibus,
 sed populo, opulentia, & nominis gloria quotidie ui-
 deo fieri auctiorem. Libertatis publicæ procreatrix,
 & quasi parens concordia semper fuit: Nam siue
primis illis temporibus, cum in syluis homines dispersi
uagabantur, siue constitutis iam oppidis, nata est
ulla Respublica, necesse est eam uel ab uno, uel à
pluribus fuisse profectam: si tantam rem unus po-
tuit præstare, qui uir existimandus? qui non præ-
ceptis alienis, sed suis ipse primus sapiens per se ius-
titiam, & fortitudinem coleret, sibi constans, con-
cors, ut secum consentiens, ut nihil mirum uideri de-
beat, si quis cum se tam præclare temperaret, ita sit
meritus, ut uni infinita hominum multitudo obtempe-
raret. Quòd si à pluribus id boni allatum est, qui ab
aliquo metuerent, à quo iniuria inferretur, eos con-
cordes, & sapientes omnino fuisse, & semina qua-
dam sapientiæ iecisse ad concordiam ciuium est cre-
dendum. Nam si autoribus Reipublicæ prius de le-
gibus, quàm de mœnibus fuit cogitandum, qui ro-
gari leges potuerunt sine ciuium consensu? populari;
 appro

approbatione? quam ex iisdem fontibus emanasse necesse est, è quibus legum latores hauserunt: qui enim tam multi libenter æquitatis iugum subiissent, nisi rationis lux præpotens ab eorum animis inscitia, & cupiditatis tenebras abegisset, ut prius liberi essent, quam iurassent in leges: ijs principijs natæ Respublicæ sempernitæ essent, nisi cum temporibus, mores, & ingenia hominum mutarentur. Etenim si tempestatum vicissitudines, & cæli conuersiones tantam varietatem afferunt, ut orbis, qui eadem semper, & æterna mente regitur non idem uideatur in hyeme, qui fuit, in uere, quantam rerum fieri commutationem putatis decedentibus è uita illis, atq; his accedentibus ad Reipublicæ temperationem? quid uerò est aliud commutatio, quàm dissidij principium, & origo? quod malum quoniam euitari non potest, semper prudentissimorum ciuium fuit, euellere initia ciuiliū dissensionum, spargere semina concordia. Menenius ille Agrippa cum plebs Romana à patribus secessisset in Auentinum, conquestus apposita fabella membra in corpus conspirasse, ostendit in una concordia positam fortunam ciuitatis. L. Valerius, et M. Horatius cum ex Auentino in Sacrum montem esset concursus, Decemuiros causam discordia imperium deponere iusserunt, & pl. bem animos rerum nouarum studiosos. Ardebant Athenæ odijs, & inuidia, eorum ma-

ximè causa, qui es alienum conflare, sapientissimus
Solon fuisse dicitur, qui auream aquabilitatem ad con-
trouersias sedandas putauerit adhibendam. Aristi-
 des, cui Iusto cognomen fuit, sepe hanc in patria pestem
 gliscentem compressit. Lacedæmonij ueluti sementem
discordie aurum e ciuitate expulerunt, & nequid lex
agraria perturbationis posset afferre, sic eorum agros
diuidi passi sunt, ut cum Lycurgus per regionem iter
faceret, & risisse, & dixisse feratur, fratres uideri
Lacedæmonios, qui ex aquo scripti heredes tum pri-
mum paternum agellum uiritim diuisissent. Huiusce-
 modi homines ubi in Republica non fuerunt, urbem
qui possent colere, quam repente altis defixa radici-
bis infelix discordia omnia occupauit, enecauit, di-
sperdidit. Quid Græcas Respublicas, quæ pluribus sa-
 pientibus, quam syderibus cœlum, fuerunt exornatæ,
 quid euertit? nisi discordia civilis. Quid libertatem, &
 ornamentum illud humani generis Imperium populi
 Romani quid deleuit? nisi hæc eadem: ubi coniuncta
 cum temeraria animi dominatrice cupiditate, eos qui
 armis uincebant, cum maxime se putarent uincere in
 turpissimam redigebat seruitutem: qui si quantum
 armis, tantum sapientia ualuissent, non coniecissent li-
 beros, posterosq; eorum in calamitates, in quarum co-
 gitationem illi quidem nunquam inciderunt. Mitto
 amissionem provinciarum, regnorum, ditionis, quæ ad
 orientem,

orientem, et occidentē solem spectabat: mitto amissionem libertatis: urbs illa Roma hospitium omnium gentium conciliatrix populorum, lux orbis terrarum, sepe capta, direpta, incensa multis diebus caruit habitatore. Quam uellem illis ipsis temporibus ab inferis rediisses C. Cæsar, rediisses Cn. Pompei: quibus uos oculis uidissetis spectaculū occidētis patriæ? quo animo tulissetis casum ciuium uestrorum? ubi inter cædes exaudiendæ fuissent uoces exprobrantiū hostiū barbaræ, mulierū, puerorumq; ploratus, sonitus flammarum, fragores ruentiū tectorum. Illo ipso die quo ciuiliſ discordiæ semina sparsa inter uos, illo ipso die iacta sunt fundamenta omnium malorum. Sed quoniā antiquæ res, uel quod eas sepe audiuerimus, uel quod additum a scriptoribus dubitemus minus afficiunt, putabit quispiā ex nostris temporibus aliquid petendum. Utinam uiri Lucenses non eam mihi copiam suppeditarēt provinciæ Christianæ, nam quod Asia, & Africa intestinis odijs sic in potestate sunt crudeliſsimorum hostium nominis nostri, ut in tam magnis regionibus in quo ponamus pedē non habeamus, minus quæreretur, nisi ex Græcis urbibus, quæ fidelissima, & munitissima erat Rhodos, arx, propugnaculum, præsidium Christianæ Reipublicæ, unde mare tueri impedire cursum, cohibere hostium classem poteramus, superioribus annis turpiter amissa fuisset,

Laus Romæ

apostolus C. 1. m.

Vide A. 1.

B. 8.

Vide Man.

86

Rhodos

fuisset, cū interea nostri Reges magnis exercitibus
 inter se cōtenderent. Pannonia, in quam & natura
 Loci, & incolarū uirtute nullus erat aditus hosti-
 bus, discordia tandē patefacta est legionibus inimi-
 cis. Arsit toto hoc anno Germania bello tetro, et pe-
 riculoso, & ex dissensionibus ciuilibus quæ armis
 Romanis debellari non potuit, suis ipsa uiribus ruit.
 Sed ne ego longinqua prosequar, cū latissimū, atq;
 amplissimū Italia una omnibus scriptoribus det ar-
 gumentum, Gallia Cisalpina, quam altissimis mon-
 tibus natura munierat, in Regum clientelas diuisa,
 quasi Iani templum semper apertum uocat ad arma
 barbaras nationes, quæ sepe ad Brutios usq; excur-
 rentes, uastatis agris, uicis incensis, quæ castella non
 expugnarūt? quas urbes nō diripuerunt? Atq; ut ca-
 tera taceā, redeo in Hetruriam, & ad unos uicinos
Senenses, qui uobis charissimi sunt, quibus miseri ho-
mines in laboribus per hosce annos nō sunt uersati?
nihil unquā eorum ciuitati defuit, nisi concordia ci-
uilis: urbs situ, natura, & edificiorum descriptione,
 & ingenijs nobilis, inter amēnos colles cōclusa, fer-
 tilis, & copiosa omnium rerum, proximo anno non
 modò peregrinis, sed ciuibus ipsis uix fuit hospitalis.
 Vos uidistis in hanc urbē relegatos quo patriæ desi-
 derio tenerētur: ego nobilissimos homines turmatim
 cum liberis, & uxoribus uidi exeuntes in alienū so-
 lum,

lum, oculis lacrymantibus querentes discordiã ciui-
tatis. Nolite querere, quamuis omnes à finitimis hu-
manissimè excepti sunt, quantũ saepe acceperint in-
commodorum. Quæ omnia ea causa à me dicuntur,
uiri Lucenses, ut confirmetis uos, & fruamini isto
uestro excellenti bono. Non est uulgaris res otii, &
tranquillitas publica: munus est Deorum immorta- *Olum*
lium, qui soli largiri possunt quod optimũ est ut ue-
limus, & ut assequamur. Quid enim hoc est? urbem
quæ magna ex parte è mercatoribus quidẽ honestis-
simis constat, usq; adeo auidam esse bonarum litera-
rum, colere Philosophos, obseruãre iurisperitos, insti-
tuere ueluti officinas liberalium artiũ. Laudata est
à quibusdam Respublica Lacedæmoniorũ, quæ latè
quondã imperasse dicitur: quòd has artes ueluti ina-
nes, & inutiles exclusisset è ciuitate, in qua nõ uer-
bis, sed armis imperiũ esset propagandum. Quanto
uiri Lucẽses sapientius, qui cùm uiderent cupiditate
hominũ Græcas Respublicas, & libertatem Roma-
nam concidisse, iudicarunt optimum fore, si liberales
artes honestissimè essent in ciuitate, quibus instituti,
& exculti ciuiũ animi regionibus temperantia, et
iustitiæ cõtinerentur. Eam ob rem, etsi magnus usus,
& infinita commoda uobis sunt ex mercatura, pri-
mas tamẽ ijs omnes defertis, qui uel sanctissimarum
legum, uel philosophiæ studijs se dediderunt. Quæ de
Lacedæ

Lacedæmonijs dicuntur, mihi quidem non satis est
 compertū, an odio quodam in Athenienses, qui in il-
 lis artibus excellebant, adducti fecerint: uel potius,
 quod suspicor, ut eā philosophiæ partem, quæ de na-
 tura difficillima est, & sæpe falsa, excluderent: at
 eam quæ de moribus, non uoculis, & concertationi-
 bus. sed totis animis complecterentur. Ego quidē, ut
 quod sentio dicam, cū à Lacedæmoniorū ducibus
 res gestas lego, nihil aliud uidere uideor, quā fortes
 uiros parentes præceptis, institutisq; philosophorum:
 eorū dicta, & facta omnia uno ex Ludo sunt conti-
 nentia, & fortitudinis. Nulla gens, nulla ciuitas un-
quam laudem habuit, quæ philosophiam ducem non
sit secuta. Res bellica, quæ longissimè abesse ab hac
 facultate uidetur, sine huiusce studijs stare nō potest:
 quā ob rem de ordine, de fortitudine, de cōtinētia
 militū, de Imperatoris officio, & deniq; de militari
 disciplina multi scripserunt. Est enim ad conserua-
 tionem omnium rerum necesse adhiberi moderatio-
 nem: quæ si tollatur, omnia corruāt necesse est. Hac
 moderatio quæ esset, quibusue ex partibus cōstaret,
 qui primi obseruarunt sapientes homines à nostris, à
 Græcis Philosophi dicti sunt, etsi quidā Deorū potius
 quā hominū putant fuisse donum & inuentū eius
 discipline, quæ cupiditates frenaret, quod fas, ius, &
 æquum esset ostenderet, & uocaret nō modo ad cor-
 poris

Philosophia

1387.

poris, sed ad animi libertatem, legibus parendum do-
ceret, raperet ad patriæ charitatem, & sensum com-
munem bonorum: his radicibus uiri Lucenses sistet,
labefactari nullo modo potest concordia ciuili: nam
 lucrum, & quæstus, aut aliud commodum huiusmo-
 di, parit aliquando concordiam, sed non potest diu con-
 seruare: quod conciliauit Casarem Pompeio, Anto-
 nium Augusto tale aliquid fuit, sed id quandiu? ubi
commodum sit incommodū concordie iura dissoluun-
tur: ea re maiores uestri sapientissimi uiri omnium
artium peritissimi quæ incommodi nihil possent asser-
re leges statuerunt æquisimas, & mores sanctissi-
mos ciuitatis, quibus à Philosophia acceptis ueluti uin-
culis astricti omnes concordiam aleretis, ne ea uoce
abuteremini, quam male acceptam à doctissimis qui-
busdam uiris non possum non mirari: libertatis pro-
prium est sic uiuere ut uelis, eam si sic illi interpre-
tentur ut solent, quæ ista uox est? quæ pestis? quæ per-
nicies? quod exitium ueræ libertatis? quanto grauius,
& sapientius Decemuir Reipublicæ Lucensis pere-
grino audaci, & temerario, qui ad sensum, & uo-
luntatem esse uiuendum iactabat in libera ciuitate,
 respondit, si in libera ciuitate es, liber esto, modo sic
uiuas ut debes. Nam cum diuersæ sint hominum na-
 turæ, & uoluntates, non dici potest, quæ dissidia, quæ
 damna, quæ mala sint, ubi cuius quoduis licet: uix
 credide

†

uid. Cic. pa
penul. pg
247

de. li. de
nunt. pag.
73. 6.

de. li. de
mo. scipio
ij. pag. 257.

comparatio

crediderim in Syluis cum more ferarum uitam sibi
homines propagabant istam uocem istis interpretibus
ferri potuisse: nam cum in bene instituta Republica
eæ leges sint, quæ boni cuiusquam animum non possunt
offendere, malis quidem præciditur. licentia uiuendi,
latores legum uoluerunt omnes esse bonos, neminem
nisi sapientem esse liberum: & profectò quantum in
ipsis fuit exulat improbitas pulsa legibus, ac fugata:
diuersa, & contraria studia dissident inter se, nec
possunt coherere, an sunt ulla magis pugnantia quàm
bonum, & malum! diuersæ cupiditates sunt in homi-
ne: eas conuincit ratio, quæ in corpus habet imperium,
& dominatum: philosophus sapientum præceptis se
temperat, & cohibet, bonus ciuis iisdem seminibus
natas leges accepit, has amplectitur ut cum cæteris
ciuibus consentiat: ex ijs delecti uiri ad gubernacula
Reipublicæ discrepare non possunt, aut dissidere inter
se, quòd in ipsis est ueluti sensus bonorum omnium, quæ
concordia appellatur. Variæ sunt facultates, & ar-
tes ciuium, diuersa ergo studia: nihil refert: idem ager
non unius generis multas habet arbores fructuosas,
quas terrestris humor nutrit: non ne corporis multa,
ac distincta sunt membra? quæ idem potus, & cibus
alit, sic in ciuitate uarijs artibus, non iisdem studijs
prædita sunt ingenia ciuium, quæ unus tamen, atque
idem patriæ amor educat, atq; educit, quam ob rem
ciuibus

ciuibus omnibus ueluti commune bonum proposita est
 una Resp. in quam omnium ora, oculi, & mentes con-
 uertantur: cuius uis, & autoritas quoniam omnis est
 ex consilio publico C. Cassius prudentissimus censor,
 & patriæ amantiſſimus concordie signum in Curia
 posuit, Curiam ipsam concordie dedicauit, ut omnes
 sententiam dicturi admonerentur, simultates, inimici-
 tias, iniurias, dissensiones, in Curia non habere locum,
 sed ante fores, & sacrata limina deponendas: ut ad-
 uentu Senatorum concordia sanctè, atq; augustè culta
 apertis Curie foribus emitat securitatem, tranquill-
 itatem, otium, ex quibus annonæ, opulentiæ, ubertas, sunt
 in tectis, atq; agris: unde publica hilaritas, pax rebus,
 læta coniugia, procreationes liberorum, mercaturæ
 ample, & copiosæ, studia literarum inflammata, atq;
 ardentia. Quæ bona tanta, & tam præclara, quoniam
 neq; in obscuro esse, neq; silentio præteriri possunt, non
 modò finitimos, sed eos qui longissimè absunt, trahunt
 in admirationem sui. Hinc peregrinorum conuentus,
 & frequentia: multi cum liberis, uxoribus, fortunis ad
 habitandum, multi ad recreandum se conferunt in li-
 beram, & tranquillam ciuitatem. Quotus quisq; est,
 qui porta hac iter faciat, qua pulcherrima mœnia
 cum propugnaculis & aggere exedificantur, qui uos
 non fortunatos appeller? qui suspirium altè petens non
 optet non modò mœnibus, sed legibus, & animis ue-

Cassius

stris stare patriam suam? Quot putatis, ubi in urbem
 hospites diuerterunt, conspicientes plenum ciuibus fo-
rum, plenas rerum omnium officinas, plenam concor-
diæ ciuitatem lacrymas tenere non potuisse? non inui-
 dia, aut odio in uos: sed quòd dolcant hanc sapientiam
 ciuium non esse in reliquis Italiae urbibus, & regio-
 nibus. Atq; ego, ut ex meo sensu ceteros iudicè, quo-
 ties in plateam & forum animi causa descendo, de-
 scendo autem ferè quotidie, mea summa cum uolupta-
 te contemplor ex hac concordia fortunas uestras, &
 licet cū hominibus optimis, & honestissimis ciuibus,
 & mihi amicissimis, sermonem, (ut sit) de uarijs re-
 bus habeam, conuertor tamen nonnunquam ad cogi-
 tationem, & totius interea pendeo, atq; hareo in ijs
 uirtutibus, quas iam à natura uideo in uobis esse, ex
 quibus indies cuius suppetere possunt amplissima ar-
 gumenta ad scribendum, & dicendum: ita ut earum
 rerum omnium, quæ à sapientissimis uiris celebran-
 tur, exempla ex hac ciuitate colligi possint: quæ quo-
niam optimis principijs orta, alta, & perfecta stu-
dijs, sic tradita sunt ad posteros, sic coluntur à uobis,
 ut tanquam in unam aliquam arborem omnia bona
 insita uideantur in ciuitatem. Ex ijs ego, quod ratum,
 firmumq; sit uiri Lucenses, certissimis signis augu-
 ror perpetuam fore libertatem, tranquillitatem, lu-
 cem Reipublicæ uestræ.

AONII PALEARII
VERVLANI ORA-
TIO VII.

DE PRVDENTIA, AD
PATRES CONSCRIPTOS

REIP. LVCEN-
SIS.



QVOD bonum, faustum, felix, fortu-
natumq; sit mihi, Senatui, Populoq;
Lucensi, cupio Patres conscripti insti-
tuto potius meo, quam more eorum, qui
ante me in hunc locum ad dicendum uenerunt, ex
domestica, & umbratili ludorum exercitatione in
Curiam, & conspectum uestrū iucundissimum edu-
cere eam philosophiæ partē, quæ ad mores, & uitam
spectat: donum, & inuentum Deorum. Nam cū su-
periore anno recepissem aliquando me de uirtutibus,
quæ in Rep. uestra sunt coniunctissimæ, dicturum: sa-
tis mihi uisus sum cognouisse sensum animorum ue-
strorum. Humanissimè enim mihi uos adfuisistis, &
populus Lucensis ea frequentia cōuenit, quanta antea
nunquam: neq; post illud tempus amici mei, ornatissi-
mi, uiri destiterunt hortari, orare, monere, ne puta-
rem mihi esse integrum diuertere in aliud genus ora-
tionis.

tionis. Videbant illi magnam propositam difficultatem quòd rem suscepissem ab oratoria imitatione remotam: pertractatam quidem ab antiquis, sed alio quodam dicendi genere. Quòd si quis fortè obijciat, in magna Græcorum, & Latinorum hominum copia uix unum, aut alterũ fuisse, qui in conuentibus publicis eam attigerit: quid dicam? Negem ne illos summa fuisse eruditione, & eloquentia, qui diligenter, qui ornatè, qui diuinitus tã multa scripserunt? Negem hanc facultatem grauem, aptissimam naturæ, necessariam communitati, & societati hominum, meritam aliquando in ciuilem lucem proferri? Dicam ab optimis uiris aliquid prætermissum, qui otium, & negotium, & uitæ commoda ad nostrã utilitatem contulerunt? quorum doctrinam non admirari improbi est, ingrati benignitatem negligere, inhumani diligentiam ignorare. Nihil mihi tanti sit P. C. quod pietatem meam, qua illos à pueritia colui, & obseruari imminuat, aut immutet: nihil tanti sit, quo de illorum laude detrahā, quos qui imitantur uni mihi sunt laudatissimi. Quid ergo est? Difficile est dicere, quàm in Rep. fuerint occupati, quàm defensionũ laboribus impediri, quàm illorum uaga semper, & uolubilis fortuna fuerit. Quòd nisi in perturbatione omnium rerum non exigua pars temporis obijcienda fuisset uel fortune fluctibus, uel periculis amicorum, haberemus illorũ orationes græ

ues,

ues, de ijs ipsis rebus, quæ præceptis quibusdam continentur. Quod uerò ex Græcis aliqui sunt, quibus plus otij omnino fuit, qui commonendo, & laudando ad amicos, & Reges luculenter scripserunt, id mihi satis est P.C. quis impediatur quo minus ego hoc exēplo agam apud uos, non dico Reges, sed fortissimos, & sapientissimos uiros, custodes legum, & conseruatores libertatis. An concursu hoc doctissimorum hominum, qui uel in philosophiæ studijs, uel scientia iuris ciuilis summa cum laude uersantur, uerear de uirtutibus agere, quibus bene animatus populus Lucensis ex omnibus regionibus urbis confluit in Curiam. Qua in re P.C. illud uidere uideor, quod celebrarunt ueteres sapientes. Omnes homines moueri desiderio percipiendi, & cognoscendi. Nulla est ars, nullum studium, nulla disciplina, cui non sit propositum aliquod optabile ac bonum. Est enim in homine innata, insitaq; uis continua, ac perennis, quæ excitat ac iubet semper cogitare, quid sit faciendum, quo sit felicissimus, quod quoniam assequi non potest, nisi sine tristitia sit, & affluat omnibus rebus, mirum profecto est, quam diuersi & uarij fines excogitati fuerint, ad quos omnia referrentur. Facta hinc erat uia ad libidinem, ad auaritiam, ad ambitionem: nisi ratio ipsa reclamasset, nō uoluptatem, non diuitias, non honores esse uerum ~~et~~ summum bonum. Nam si quod homines beat, id non potest esse commu-

V. *Ne cum belluis: exclusa certè est uoluptas, in quã pro-*
cliues feruntur, qui à belluis nihil differunt, nisi forma
et effigie. Opes uerò saepe turpissimo questu compa-
rata retinètur in, pernicioso satellite: quæ si honestissi-
mè paratæ sint, pendent tamen à fortuna, sicuti et ho-
nores, facileq; auferri possunt: et in ijs sunt interdū,
qui longissimè absunt à beata uita. Neq; uerò hic ego
uos in inmensam illam rerum omnium perceptionem
reiecerim, quæ sapiëntia à nostris dicitur, uestigandam
omnibus scientijs: quæ si in hominibus unquã fuit, non
sat scio. Sed hoc ipsum bonũ quero, quod in uobis est,
uiri Lucenses: de quo cùm mihi dicendum statuissẽ,
putabam ego me de laudibus uestris esse dicturũ. Est
enim non aliquod unum, aut simplex quod queritur,
sed concretũ, et coactum ex multis uirtutibus: quod
 775 *facile ostenderem, si sine inuidia mihi liceret nomina-*
tim proferre ciues uestros. In quibusdã ego prudẽtiam
singularem, in alijs iustitiam, fortitudinem in multis,
modestiam in omnibus esse uideo. Eas iam uniuersas
animo colligite uos, ac putate esse in aliquo qui omni-
bis bonis abundet, omnibus his uirtutibus excellat, quæ
in omni actione eluceant. Qualis, quantus, qui uir, uel
qui potius Deus erit existimandus, in quo uno beato,
ac felici tot tantaq; cohereant bona. Quod etsi difficile
factu est, immo uerò omnium difficillimum: tamen ita
conari, et eniti debemus, tanquã nobis singulis propo-
 situm

situm sit, quod facile assequamur. Sicuti enim sagitta
 rius non frustra proponitur quod petant, & uix est,
 qui totum diē iaculans aliquando non collineet: ita no-
 bis P. C. non hoc temerē propositū est à natura, ad quod
 nos tam honestē inuitat, atq; accendit. Sunt nimirum
 semina quaedam in nobis uirtutū, ueluti ē diuinis men-
 tibus accepta, quæ passim sparsa, si colantur diligen-
 ter, homines iam non homines, sed propē Dī sunt im-
 mortales. Harum princeps, & regina Prudentia est:
 de qua, ut reliquas in aliud tempus differā, breuissimo
 hoc dicam spatio, quod mihi assignatum est ad dicen-
 dum. Eius ea lux, is splendor est, ut ille ipse, cuius nutu
 cœli, terra, mariaq; reguntur optimus & maximus
 Deus nihil habeat, quo magis omnes trahat in admi-
 rationem sui: Quicquid hoc est, quod oculis uidemus
 magnum, atq; immensum, quā multa cōtinet? quibus
 non solū uniuersis, sed singulis prouidet mens una re-
 rum omniū moderatrix, & gubernatrix. Anni tem-
 pestas admonet: quid hoc est? uix superioribus diebus
 frigoris uim, & hyemem teclis ferre poteramus: ter-
 ra inculta erat, atq; horrida, montes niue obducti, ual-
 les pruina rigentes, nihil iam feris reliqui erat ad ui-
 ctum. Nunc cœli spiritus iste inuictior est: uirent agri,
 florent prata, frondescunt Syluæ, speciem quandam
 uidere uideor reuiuiscens mundi. Sol moderatis ca-
 loribus alit segetes, mox uehementioribus educet fru-

ges, firmabit fructus, qui temperatis postea mitescent.
 At ubi satis erit consultum vitæ animantium, &
 quasi annonæ copia facta, ad reparandas terræ effœ-
 tæ vires, quasi auius sollicita incumbet providentia.
 Hinc obrigare terram gelu, & magnis frigoribus
 coget quiescere, ut ad cultus, & labores ferendos
 aptior sit, cum primum per anni tempus licebit. Age,
 iam uideamus exempla, & imagines Deorum im-
 mortalium providos, & prudentes homines, quorum
 consilio coacti populi, exædificatæ urbes, ius æquale
 constitutum, leges scriptæ, artes inuentæ sunt. Qua
Prudentia opus fuit ut à ferinis moribus agrestes illi,
quid agrestes? feræ ad humanitatem traducerentur?
præsertim cum assueti essent cupiditatibus parere, ui-
ribus pugnare, rapto uiuere. Nondum oratione pote-
 rant commoueri, qui ratione uix uterentur, nemo
 commune norat bonum, delectabat inueterata con-
 suetudo. Prudentiæ proprium fuit, uti opportunitate
 temporis idonei ad agendum: Prudentia fuit, ponere
 ante oculos quantum utilitatis haberet societas, quan-
 tum periculi solitudo. Sed ut è syluis, & agris ad ur-
 bes ueniamus, quæ quot sunt quis enumeret? Prætereo
 castella, & minora oppida, quibus terra exornatur,
 ueluti stellulis cœli: magnas, & præclaras urbes dico:
 earum usu quid utilius, ut ferarum truculentiæ, & uis
 hostiū arceatur, & ut tuto simus, interq; nos, & eos
 quos

id. Ine.
 18 73.5
 et Ad. r. ip.
 18 375.

quos metuimus murus intersit? Earum descriptione
 quid pulchrius? ex qua regiones, uia, platea, curia, fo-
 rum, Basilica sunt, & priuata adificia, quibus nihil
 commodius, ut & frigoris & maleuolorum uim re-
 pellamus, & ineptorum hominum, & caloris uite-
 mus molestias. Est Senatus, sunt magistratus, sunt iu-
dicia sacrosancta, sunt leges, sunt consuetudines, &
præclara instituta ciuitatum. Quam multæ sunt gen-
 tes, & nationes, quas una Prudentia moderatur, &
 regit, acuens hominum ingenia. Vnde agricultura, un-
de frugum & fructuum conseruatio, unde mercatu-
ra, nauigatio, emporia, nundina, ut rebus abundare-
mus; quæ si angustius prouenissent uteremur impor-
tatis. Est enim hæc uirtus, quæ maxime prospicit in
 posterum, quam ob rem aptissima semper habita est
 ad consulendum, quod non ut ars, & scientia in rebus
 necessarijs, quæ in unum exitum spectant, uersatur:
 sed in ijs, quæ natura dubia sunt, obscura, & incerta.
 Etenim quæ aliter se habere nequeunt, in consultatio-
 nem non ueniunt: quæ latent, & prehendi, & dimitti
 possunt, ea omnibus uestigijs Prudentia assequitur:
 quod una acutissime, & celerrime uideat, una ha-
 beat rationem expetendarum, & fugiendarum re-
 rum. Et propterea sicuti qui medicinæ artem tenet,
 experientia multa nouit, quibus infirmam ualeitudi-
 nem curet, integram conseruet: ita uir prudens, rerum

*comparati-
a medico.*

usum habet, quibus prospicit omni tempore quid sit agendum. Quis rem familiarem tuetur? quis leges scribit? quis iudicijs præest, & consilijs publicis, qui exercitatus non sit aptior ad hæc omnia gerenda? Multa dies affert, & plura quàm quis putat. discimus quotidie: quo fit, ut maxime prudentes sint grandes natu, qui privatis & publicis rebus intersuerunt. Nestor ille apud Homerum quàm multa commemorat, quàm multa docet, & monet confidenter! cuius similes decem si obtigerint, nõ dubitat Agamemnon facile captum iri Troiam. Quid apud nostros Cato ille Censorius ignorat? quorum mirifica fuit rerum cognitio sanè longiore vita, cuius quoniam perbreue curriculum nobis natura circumscripsit, ab eorum vita, qui ante nos fuerunt, omnia petere deberemus. Quis non miretur quorundam indiligentiam, & stoliditatem? Dij immortales quæ socordia est? ut cum tam multa homines nosse possint, tam paucis omnino sint contenti. *Historia.* Vix dici potest, quæ adiumenta afferat historia, quæ nunquam esset deponenda de manibus: quod cum lectione percurramus omnem antiquitatem, & quæ gesta sunt animo lustramus, rebus nõ modo interesse, sed præesse videmur. Et ex euentis facile intelligimus, quid sapienter sit, quid stultè factum: quid consilio gestum, quid temere administratum: quibus dijudicationibus magna prudentiæ sit accessio. Ecquæ nobis antiquissi

antiquissimi poetæ scripta reliquerunt, ut in alienis personis expressam uitæ nostræ imaginem uideremus, essentq; ad intuendum multa, & aliqua posteris relinqueremus ad imitandum. Hoc consilio excusa numismata, susæ fictæq; imagines, posita statuæ, erecti colossi, benemeritis de Republica, ut essent illis sua ornamenta, & posteris spes gloriæ ex Prudentia, sine qua uiri boni esse non possunt. Sæpe queritur in Senatu, quid sit agendum: sæpe aliquid utile uidetur, quod si fiat, oberit plurimum. Quis discernet? quis reclamabit? nisi uir accuratus, & prudens? Appius Claudius cum Senatus; Populusque Romanus ad pacem cum Pyrrho inclinasset, & foedus faciendum, quantum profuit captus oculis? quod animum tanquam arcum intentum haberet, quo uerum longissimè attingeret? Quis primum cognouit quæ domi gerebat, parum dico, quam spem regni animo concepisset Sp. Melius? an non Prudentia L. Minutij? Quis P. C. turbulentissimis temporibus Reipublicæ nostræ, cum turpissima erat facies ciuitatis, summa trepidatione bonorum, cum formidolosus ille pugnantium concursus esset in curiam, quis uidit in quos labores, in quas calamitates necesse erat ciues incidere? quis ciuilibus malis occurrerit primum? non'ne uirtus una Prudentiæ? qua freti diuini, & propè cœlestes homines Lucenses dignitatem Reipublicæ, maiestatem Senatui, tranquillitatem

ciuibus

ciuibus reddiderunt. Qua freti præter leges, mores, et
 consuetudines, quas cum cæteris Hetruriæ populis
 habent communes, primi in Italia Lucenses homines
 maiorum instituta intermissa tēporibus renouarunt,
Primi cœperunt militem proprium alere, obligare
militiæ sacramento, habere delectum ex agris, &
municipijs rusticanis: conuentus agere, deligere qui no-
ctu per pomœria excurrant, qui interdum succedant
portis, cum interea ex peregrinis militibus Italicis,
 præsidium sit in curia, ita dispositis stationibus, ut
 semper aliqui sint in armis? Quid dicam de armamen-
 tarijs publicis ingenti impensa, sumptuq; comparatis?
 incredibili multitudine armorum, telorum, igniumq;
 missilium, machinarum bellicarum, tormentorumq;
 muralium? Quid dicam de pistrinis intra muros, de
 officinis exædificatis? quid de molitis cibarijs non in
 annum, sed in annos? an hæc P. C. parua argumenta
 sunt Prudentiæ hominum Lucensium? quæ ea est, ut
 cum de eius ui, & commodis esset agendum, & pro-
 pterea ex philosophorum scriptis præcepta, ex anti-
 quitate exempla colligerem, illud uobis uerè dicere
 possum, & sanctissimè iurare, semper mihi fuisse
 uisam, & uersatam ob os, atque oculos uestre ima-
 ginem ciuitatis.

AONII PALEARII
VERVLANI ORA-
TIO VIII.

DE OPTIMIS STVDIIS
DEFENSIS, AD SENATVM
POPVLVMQVE LV-
CENSEM.



DE OS primū quæso, uiri Lucenses, ut
qui amor meus in uos omnes, et Rem-
publicam uestram semper fuit, si ueris,
si iustis, si optimis de causis ortus est,
is, nunc mihi conciliet animos, & sensus ciuium ue-
strorum. Deinde quod ad uos, existimationemq; ue-
stram maximè pertinet, ut illi ipsi in quorum fide ci-
uitas est, eam mentem uobis dent, quæ optima sit, qua
studijs liberalium artium ita consulatis, ut ea res uo-
bis, liberisq; uestris, posterisq; eorū bene, & feliciter
eueniat. Quod siquid præterea est optandum, illud
quoq; deprecor, quod in uobis est sitū, ut me bona cum
uenia audiat, neq; eorum sermone abducamini, qui
me à uobis, liberisq; uestris abalienare cupiuerunt. De
qua re si qui mirentur fuisse silentium, ijs, antequàm de
optimis studijs dicam, exponam breuiter, cur in hunc
diem distulerim expectatā ab omnibus defensionem.

Nam

—v
Attentio
H

Nam mihi quidem nihil fuisset optatius, quàm illis
 ipsis diebus, quibus de studijs actum est in Senatu,
 mos, consuetudoq; uestra tulisset, ut qui à uobis præse-
 cti sunt instituendæ iuuentuti adesse, & sententiam
 liberè dicere possent. Egissem ego profectò causam
 bonorum non maiore eloquentia, quàm egerunt diser-
 tissimi uiri ciues uestri, qui grauiter, qui ornatè, qui
 copiosè dixerunt, sed maiore dolore, qui spes, qui spiri-
 tus, qui desideria norim adolescentium uestrorum, qui
 labores, qui uigilias uiderim eorum quos iuris ciuili-
 scientiæ, & dialiecticæ facultati præfecistis. Sed ego,
 uiri Lucenses, cùm superioribus annis publicis literis
 humanissimè à uobis fuisset accersitus, illud in pri-
 mis mecum statueram, quantacunque mihi contigis-
 sent in hac urbe offensiones, sic ferre, ut nullæ futuræ
essent simultates, nulla intercessura odia cum ciuibz
uestris. Cuius propositi memor, fateor me remissius,
 ne dicam ignauius, tulisse non iniuriam meam, sed op-
 pugnationem bonarum literarum. Huc accedebant
 constitutiones superioris anni, quas si memoria depo-
 nere uoluisset, non poteram: etenim locus ipse admo-
 nebat, quòd uobis frequentibus hoc ipso in loco, cùm de
 Prudentia dixissem, receperam me de cæteris uirtu-
 tibus esse dicturum. Quod cùm primùm mihi otium
 dabitur, faciam omnino: neq; committam, ut eius obli-
 uiscar, quod sentio omnibus esse gratissimum. Id si

nunc

nunc fecissem, offendissem bonorum animos, qui turpe
 putant me tandiu de optimis studiis tacere, quem de
 alijs rebus toties apud uos audiuerunt dicentē. Etenim
 si quæ in illustri ciuium conspectu habent defensores
 paratos, censentur, hoc potissimum die de bonis literis
 agendum fuit. Obsecro uos, quæ uestra est humanitas,
 ut hoc concursu doctissimorum hominū, hac frequen-
 tia, conspectuq; uestro iucundissimo, quantum hoc spa- uide Cic.
 tium patitur, quod mihi assignatum est ad dicendum, Archia pb
 mihi detis hanc ueniam, accommodatam huic tempo- pag. 397.
 ri, ut patiamini me de optimis studiis dicere, & con-
 queri liberius, & meo quodam iure deplorare tem-
 porum acerbicatem, & fortunam eius, quem uos in-
 stituendæ, confirmandæque iuuentuti delectu, iudi-
 cioq; uestro præfecistis. Quæ duæ sunt opiniones eo- Har.
 rum, à quibus bonæ literæ oppugnantur, hæ sunt ambæ
 hodie à nobis ex animis hominū euellendæ. Altera co-
 rum est, qui uel nulla, uel exigua putant esse à literis
 adiumenta. Altera eorū, qui nullo delectu uerborum,
 nulla diiudicatione numeri, ac styli censent literis in-
 cumbendum. Prima opinio, etsi locum ferè non ha-
 bet, in quo possit consistere, uix credibile tamen est,
 quàm non modò uulgi, sed magnorū Regum, ac Prin-
 cipum animos occupauit. Secūda, etsi communi quodā
 iudicio dānatur, suslinetur tamen ab infinita multitu-
 dine studiosorū. Enimuero magni sunt ardores cupi-
 ditatum,

ditatum, altæ stirpes stultitiæ. Omnia cum mortales
 uel ui occupare, uel pecunia possidere se posse putent,
 quis miretur eorum omnem in armis, & lucro spem
 esse positam? At antiqui Reges, quorum nomen san-
 ctum, atq; augustum semper fuit, & erit, apud omnes
 gentes & nationes, constituti confirmandæ societatis
 humanæ causa, auctores fuerunt omnium commodorum.
 Qui quoniam gloriæ cupiditate incendebantur,
 & iuuandi desiderio ardebant, non cruore hominum
 aspersi, non belli crudelitate horribiles, & formido-
 losi, cum à cæde, & iniuria longissimè abesse uellent,
 & memoriam nominis quàm maximè longam effi-
 cere, omnibus gentibus, & nationibus boni ac saluta-
 res liberalitate, & diligentia incredibiles utilitates
 attulerunt. Nam inuentoribus rerum cognitione di-
 gnarum magna præmia proponebant, quas cum me-
 moriæ proderent propagabant posteritati, in quibus
 & ipsi minimè raro labores excipiebant, & fere-
 bant pulcherrimè: quorum antiquissimi fuerunt, qui
 signorum ortus et obitus, accessus & recessus syderum,
 coniunctiones, propinquitates, & interualla astrorum
 obseruarunt: & tanquam cum Dijs immortalibus
 continenter habitassent, hominibus ostenderunt sem-
 piternos errantium stellarum cursus, & cœli motum
 contrarium: quæ sydera prospera essent humano ge-
 neri, quæ aduersa, quæ Luna, quæ Solis uia, ex quibus
 potissimum

potissimum sunt anni uarietates, et tempestatum in-
 cisiuitudines. Quibus inuētis certas uiuēdi regulas po-
 tuerunt constituere homines, quæ tempora essent se-
mentis faciendæ, quæ colligendæ messis, quæ seruand-
arum frugum, quæ cadendæ materiæ, quæ corporis
 curandi. Sine quibus rebus, et officijs, uita hominum
 stare non posset, tot, tantaq; adiuuēta attulerunt no-
 bis Reges Aegyptij, inuentores artium, et magistri
 scientiarū. Quæ grata memoria? quæ magnitudo ob-
seruatiæ tot, tantisq; beneficijs respōdeat? Quæ uber-
tas ingenij? quæ dicendi copia satis laudare optimos
maximos Reges, quod diuinū, & admirabile genus
orationis eorū labores complecti possit? Nam eadem
 ratione qua cælum, terrā quoq; dimensi sunt. Hinc
 illi ordines, hinc illæ descriptiones, hinc enarrationes
 ille, qui montes, quæ flumina, qui lacus, quæ maria,
 qui portus ubiq; essent: quæ rerū obseruatione pul-
 cherrimæ scientiæ natæ sunt: ut cū cæli, ac terræ
 magnitudinē metirentur, oppidorū situs, regionum,
 gentiumq; naturam cognoscerent. Cū uerò orbium
 illorum, qui diuinis animati mentibus circumferun-
 tur, impulsus, cōcitationesq; obseruassent, tantos mo-
tus silentio incitari non posse putarant: sed cū im-
 paribus interuallis, et motibus distinguerentur, ma-
 ius quiddam, quàm fortasse est, suspicati sunt uarijs
 reddi sonis. Qua cogitatione acuta & graua tem-
 C per ar

perarunt: Quod cum docti homines uocibus, & ner-
uis an fieri posset experirētur, Musicen inuenere, et
Numerandi artem: quarum altera tam necessaria
est, quàm quæ maximè: altera iucundissima ad ora-
tionem accomodata complet aures hominum, et in-
credibili uoluptate animos perfundit. Quæ scientiæ
cum ad Græcos fuissent allatæ, nolite querere quàm
ab acuto ingenio hominibus studio, et diligentia sint
excultæ. Veluti nouellæ arbores, sterili loco natæ, si
in solum fecundius transferantur, fructus ferunt
uberiores: sic in Græcia liberales artes felicitate lin-
guæ, quæ non modò aptè, sed ornate, & distinctè lo-
qui posset, factæ sunt fructuosæ. Quæ mirum in mo-
dum auctæ cum quasi cognatione, & cōmuni quo-
dam uinculo tenerētur coaluere in unū corpus Phi-
losophiæ, quæ diuinarum, et humanarū rerum inda-
gatrix, ueri inuētrix, magistra uitæ beare homines
posset, & in concilium Deorum admittere. Illustra-
tā est Græcia disciplinis: et ornata sapientibus, uelu-
ti syderibus cælum. Quos interea principes ciuitatū,
quos Reges illa prouincia tulit, unius ope Philoso-
phiæ: quæ ea moderatione Græcos homines tempera-
uit, ut ceteri barbari dicerētur. Quam infamiā, &
ignominiam, ut fugerēt Romani, omniū gentium, o-
mnium populorū uictores, dum Resp. magis floruit,
quotidie magis literarum studia coluerunt, & Hu-
manita

Comparati-
a gratia et
as arborum

En. p. 24. ii
ic. in ora
no Archia
Poeta p. 355
Philosophia

*manitatis nomine appellarunt, quòd è fera, agrestiq;
 uita, ad humanũ cultum, ciuilemq; deducerent: sine
 quibus qui essent, monstra essent humana specie, et
 figura. Nam per Deos ecquid illud est? quòd bestia
 quædam institutione cicures fiunt, & à disciplina
 non abhorrent? Id si est, quod iudiciũ sit eorũ, quiqui
 sint, uel Reges, uel principes ciuitatũ, uel moderato-
 res Reip. qui liberales artes, et disciplinas contēunt,*

*si hæc ætas ueretur dicere omnes gentes, et nationes,
 omnis posteritas aliquando intelliget? Ergo fera ad
 disciplinam adherescant, & fient mitiores: rationis
 participes homines studia reijcient, quibus meliores
 fieri possunt? Queret hic aliquis, Nũ sit omniũ Prin-
 cipum idem sensus? Non ita Dũ irati sunt bonis arti-
 bus, ut nullos esse uelint, qui sustineant Remp. studio-
 rum: sunt tamen pauci quorum nomini nulla cali-
 ginem ætas offundet, nulla gloriã tempora minuent,
 nulla memoriã delebit obliuio. Sunt Resp. & libere
 ciuitates quæ alunt Philosophos, educant Oratores,
 Poëtis delectantur: at in his sepe nõnihil incommodi
 est, quòd diuerso hominum genere cõstent, quare nõ
 una est semper Senatus sententia, non idẽ semper po-
 puli iudiciũ. Quis persuadeat multitudini imperito-
 rũ disciplinas magnis præferendas esse pecunijs? Quis
 studiosioribus rei militaris iustitiæ non esse, bello ne-
 xare finitimos, non licere imperiũ habere in exteras*

*labor, dicitur
vide in sent.
16. 198. ep.
Car. Vell. p.
72*
 nationes, quòd si iuri diuino credimus nefas est cōcu-
 piscere. Verè mihi illud dicere uideor, Beatas esse
Resp. quas docti, et sapientes homines regant: Beatas
esse ciuitates, in quibus earum principes omne suum
studium in doctrina, et sapientia collocent. Dij certè
 appelladi sunt, qui ciuibus, qui finitimis, qui externis
 profunt uel inuētione, uel restitutione disciplinarū.
 Quæ gloria potest esse maior? quæ illustrior, quæ fir-
 mior sempiternis seculorū ætatibus? quàm amari ab
omni hominum genere fama meritorum? Hæc quæ
 ex armis gloria est, odiosa est, periculosa est: & cru-
 delitate prius, & sanguine imbuta, quàm honestata
 uictoria: multis exitio fuit, multis erit calamitosa.
 Quamobrem, uiri Lucenses, aut nulla Resp. futura
 unquam bona est, aut uestra est optima: quæ exiguis
 contenta finibus, nemini formidolosa, disciplinarum
 amātissima est. Dij faciāt, ut qua superioribus annis
ire uia cœpit, ea pergat. Aditum ex s. c. liberalibus
 artibus patefecistis, Oratoriam, Dialecticam, et Iu-
 ris ciuilis facultatem mandastis illustrari interpre-
 tationibus Latinis. Qui dies fuit, quo non magni fue-
 rint concursus adolescentium uestrorum? quibus illi
 animis incedebāt, quo desiderio flagrabant, qua spe
 ferebantur? Tantiūne hominis unius apud liberos ue-
stros oratio potuit de laudibus eloquentiæ? itāne tan-
 dem commonuit, ut non modò sordes illas dictionis se-
 mi Lati

mi Latine abijcerent, sed ab earum autoribus capitali odio dissiderent. O probitatem mirificam, O suauissimos mores, O humanissima ingenia adolescentium, num diu uobiscum agendum fuit, ut ab inueterata quorundam opinione, et sententia discederetis? Nihil uos importunæ magistrorū uoces, nihil conuiuia propinquorum, nihil parentū minæ deterruerūt, quin ad nos quotidie ueniretis? Multa mea causa sustinuiſtis ab ijs, à quibus minimè erat expectandū. Incredibilis enim, uiri Lucenses cōiuratio fuit in bonas literas, eorum qui dicēdi genus sequuntur sordidum, et uiciosum. Quod ab Imperij Romani inclinatione ortum ueluti indicium seruitutis, & calamitatis nostræ eo studio, ea diligentia propagatum est à barbaris hominibus, ut non modò Philosophiam & Ius ciuile fœdarit, sed studia ipsa Poëtarum, et Oratorum. Dies me deficiet si scriptorū uolumina enumerare uelim respersa, quid dico respersa? immo uerò cumulata barbarie: in quibus quoniam nescio quæ cōmentationes cōtinētur, non dici potest, quam ad ea se contulerit infinita multitudo hominum studiorum: quibus nisi occurrissent, & reclamassent eloquētissimi, et sapientissimi uiri, sempiterna bonis literis nox fuisset offusa. Tantus fuit Romæ literatorum clamor, ut qui in Gallijs, & Germania essent expergiscerētur. Præclare quidem à transalpinis na-

tionibus barbaries reiecta, & expulsa est, at in Italia adhuc regnat, et ita regnat, ut non uillis, aut uicis se contineat, sed in claris urbibus, et Italiae luce uersetur. Magna enim fuit, & est ubiq;, copia studio-
 forum, qui quæstum sibi proponunt: quem ut citò consequantur, aut cursim arripiunt, aut omnino prætereunt adiuumenta, et ornamenta ad omnem uitam, ac omnes artes, ad omnia officia accommodata: quæ in adolescencia honestissima, in iuuentute optima, in cunctissima in senectute, Dialecticæ iuuant, Ius ciuile exornant, illustrant Philosophiam: cùm legimus, delectat: cùm scribimus, sunt necessaria. Quibus uel nostra, uel aliena reddimus melius, explicamus, interpretamur. Qui uerò quæstui inhiant, ambitione quoq; titillantur, & ostentatione doctrinæ. Quare cùm scribunt, aut differunt inopes, ac ieiuni-Latinis uerbis non possunt, uulgaribus uti pudet. Neesse est tandem aliquid mōstri pariat, quod nō modò alunt, sed laudant, ut quasi bellissimum obtrudant ijs, qui nullo usu, nullo sunt ingenio. Placuit commērum desidiosus, ut syncera linguarū castitate ueluti religione se exoluerēt. Quid mirum si quibus libido pro labore, socordia esset pro diligentia, optimum factu esse cōtenderent si nullis legibus astringerentur? Ea licentia pro bene sonantibus uerbis horrida, pro uisitatū noua, pro exquisitis uulgaria attulit. Nullus

script

scriptorū delectus erat, nulla numeri, nulla styli ra-
tio habebatur: suo regno pulsa aliquādo eloquentia
 iacuit in situ, & squalore: ea caligo præstinxerat
 mentes hominū, ut qui peius dicerent, melius loqui
 putarentur: qui obscurius, literatius quā ceteri.
 Quæ pestis cū latè esset grassata, ut reliquas Ita-
 liæ urbes, uestram quoq; inuaserat. Quare uos, quæ
 prudentia est hominum Lucensium, quæ cœlestis &
diuina animi uirtus, nihil cunctādum putastis, nihil
super sedendum, nulla in re sumptui parcēdum esse,
 quo bonis studijs florentem haberetis iuuentutē. Hoc
 ego credo fuisse iudicium S.P.Q. Lucensis cū supe-
 rioribus annis studiorum tota ratione mutata S. C.
 illud factum est, quo ego uocatus consilio, hortatu,
 monitu ciuium uestrorum primus in hac urbe bar-
 barorum claustra fregi, obsessos, circumuallatosq;
 adolescentes eduxi, & uelut ē teterrimo carcere li-
 beraui, declamaui totos dies domi, in ludo, ante Cu-
 riam, utinam licuisset in Senatu. Putabam id uobis
 omnibus fore gratissimum, quo uno sensi non sine do-
 lore bonorum, me in odia, et uoculas quorundam in-
 currisse. Nam cū minimè expectarem, minimeq;
 munus interpretationis mihi prorogari peterem: sed
 ij qui non tam mei, quā Iuris ciuilis, quā Diale-
 cticæ, quā Oratoriæ facultatis rationem haberent,
 me inuito peterēt, ipsi obrectari bonis artibus audi-

uerunt, ego repulsam tuli. Quo tempore quod frequentes Senatores uestri grauissimi, & amplissimi uiri summa contentione, incredibili studio, ardentissimis animis egerunt causam meam cum commendatione etiam instituti, uitæ morumq; meorum immortales ago gratias, agamq; dum uiuam. At ea res leuat fortasse, non sanat dolorem meum: Quos putatis per illos dies rumores de me apud finitimos uestros fuisse? quos apud eos qui longè absunt? quibus ego placere magnopere cupio, præsertim cum pro me restituendo uehementer laboratum sit in Senatu: quid feceram? quid commerueram? quid peccaram? liceat mihi pro pietate uestra conqueri liberius, liceat audacter dicere. Si aduersus uos, patriam, liberosq; uestros arma tulissem, nihil magis fuisset oppugnatus: hac ergo spe, uiri Lucenses, iubetis esse studiosos bonarum artium? hæc sunt præmia uigiliarum? hi sunt fructus laborum nostrorum? ut uobis præsentibus consternamur à ciuibus uestris, appetamur conuiuijs, cadamus animis, & si quid existimationis nobiscum attulimus, amittamus turpiter in ciuitate, quam nos oratione, & scriptis, si non quibus uolumus, & debemus, at certè quibus possumus, honestamus.

AONII PALEARII
 VERVLANI ORA-
 TIO IX.

DE IVSTITIA, AD PA-
 TRES CONSCRIPTOS
 REIPUBLICAE LV-
 CENSIS.



SAEP E mihi cogitanti, Patres con-
 scripti, cum Regum afflictas fortunas,
 inclinationes imperij, interitus rerum
 publicarum memoria repeto, illud ue-
 rissimum uideri solet, si qua diligentia hominum
 semper fuit in alijs rebus, ea fuisset in excolendis
 animis optimis disciplinis, antiquissima nos regna, iu-
 stissima imperia, beatissimas, et sempiternas Respu-
 blicas fuisse habituros. Quod si quis miretur tantas
 saepe fuisse rerum omnium commutationes, illud po-
 tius mirari debet, neq; sanctissimorum Regum, neq;
 prudentissimorum ciuium, qui Respublicas institue-
 runt, apud ullas gentes, & nationes diu retineri po-
 tuisse ueterem disciplinam. Nam barbarorum Regum
 res gesta, ampla magnificaq; fuerunt, & Athenien-
 sum, et Lacedaemoniorum maiores quam memoria
 ac literis sit proditum, Romanorum uero tanta, quan-
 tas neq; Graeci, neq; Latini eloquentissimi homines

fortuna.

Imper.

Artes regendae
Reip.

scriptis unquam complecti potuerūt. Horū omnium
mores prius corrupti sunt, & deprauata ingenia,
quā regnorum, & rerum publicarum orbes illi
conuerſi. Quo loco imperiti fortunam statuerunt re-
ginam rerum humanarū: quasi uerò non sit necesse
imperium quibus partū sit, ijs moribus, atq; artibus
retineri, et conseruari. Quæ artes si in uiro bono fue-
rant, qui uel ut architectus sit uocatus ad adifican-
dam, uel ut moderator ad temperandam Rempubli-
cam ex rebus gestis intelligi potest, fortunam semper
ueluti pedissequā secutam esse sapientiam, & splen-
dorem uirtutis. Quam ob rem est profectò mirandū
homines, qui neq; fabro imperito credant ueteres pa-
rietinas, neq; sortitō operas cōduci uelint ad agrum
colendum, non uidere, quantū in maximis rebus de-
lectus haberet momenti si diligentia adhiberetur.
Non latuit hoc p. c. Maiores uestros sapiētissimos
uiros, quorū morem, et institutū antiquissimum reti-
netis, ut in conspectu Senatus, populiq; Lucensis lau-
dētur uirtutes, quibus ciues uestri meliores fieri pos-
sint, ut qui sapientia præstant, pulcherrimè sedeant
ad gubernacula ciuitatis. Sunt enim artes regendæ
Reipublicæ, quæ si rectissimis, & honestissimis ci-
uium studijs colatur, letos et uberes fructus ferunt,
Si cum moribus corruptis coniungantur, sunt perni-
cies, et interitus ciuitatum. Quare quis tandem aut

me re

me reprehendat, aut quis vobis iure succenseat, si
quātum alijs ad fabulas recitādas, aut ad inanes ser
mones audiendos cōceditur temporis, tantum ego ad
cohortandū cines uestros ad egregios animi habitus
mihi sumpsero, uos ad uestigādum conuersi, quibus
ē fontibus hauriamus operam dederitis, non inuiti.

*Omniū uirtutum conciliatrix, & quasi domina
Iustitia est, de qua mihi hodie dicendū proposui bo-
na cū uenia uestra. Etenim cū omnes uirtutes,
quæ spectant ad bene, & beatè uiuendum, habeant
quoddam commune uinculū, & quasi cognationem
inter se: nulla est tamen quæ æquè uniuersas colligat,*

iniust

*id Priu-
atice
proprium*
 iniustitia uitium inuasit ciuitatē, quid sunt pecu-
 nia, nisi magnum malum? quid domus? quid prædia,
 nisi impedimentū? quid uxor? quid liberi, nisi lacry-
 mæ, & mœror? Quod non eò dico r.c. quòd metuum
 hoc consilio, hoc Senatu, ijs præsijs terribilissimæ huic
 pesti esse aditum in ciuitatem: sed ut audiat populus
 Lucensis, audiāt peregrini, quæ gratia uobis haben-
 da est, per quos omnibus frui licet tanto, ac tam ex-
 cellenti bono. Nanq; id est iustitiæ proprium, nō tam
 sibi, quàm alijs prodesse. Atq; ut iniustus est, qui do-
 lo malo in alterius pernitiē ingenij acie intendit, ut
 sibi sit emolumento: sic uir iustus non habet rationē
 priuati commodi, sed recto animi sensu fertur, ut ne
 mini noceat, et bonis prosit quàm plurimis. Quid hi
 Tribuni plebis? quid populi Signifer? quid Prætor?
 Quid Iudices? num suæ res agūt? uel potius ciuiū? Se-
 natores patres sunt patriæ, iudices custodes legū, ma-
 gistratus conseruatores fortunarum uestrarum. Ea
 uis est huius uirtutis, ut nō modò animos afficiat ut
 cetera: sed erumpat, & se ipsam prodat accensam,
 atque inflammatam desiderio communis boni: qua
 una ratione longissimè absumus à natura ferarum,
 quæ uel priuatam utilitatem, uel uoluptatē sequun-
 tur. At nos iustitiæ uel nos ipsos contemnimus, et in-
 credibili charitate complectimur omne hominū ge-
 nus. Neq; res ulla est, qua ad similitudinē Deo pro-
 pius

*Optime
Deus suus*

pius accedamus: etenim ille optimus est, quòd leni-
bus aliquando uentis, aliquando uehemētoribus, sepe
frigore, et calore, nonnunquā pluuijs, & tempesta-
tibus consulit uitæ animātium, & spatiū hoc hu-
midum, & caliginosum ita temperat, atq; illustrat,
ut lucem qua omnes fruimur, & spiritum quem o-
mnes ducimus, suauissimè hauriamus, qua cogitatio
ne uerissimè admonemur, ut Deū sequamur ducē,
& uel optimis institutis, uel legibus seuerioribus,
nonnunquam disciplinis, et artibus liberalibus, sepe
cohortatione, consilioq; fideli inuenimus hominum cœ-
tus, ut uitæ cursum per se difficilem, et laboriosum,
melius tenere possint. Et quoniā bonus ille tā multa
 largē, ac liberaliter in dies ad usum hominū creat,
 & conuertit, curandum est, ut amemus nos inter
 nos, et ueluti Dī quidam alijs prodesse uelimus: &
 cū gratuitò omnia acceperimus, gratuitò largia-
 mur. Nam quæ hæc est iniustitia? ut qui nudus na-
scendo in lucem prodieris, tam multa occupes solus?
 An uerò nō occupas? unde igitur in possessionem tan-
 tarum rerum uenisti? Amplū patrimoniū relictum
 est? Credo. Quod uerò patrimonium? si natura omnia
 sunt cōmunia. Hæreditas aliqua obuenit? non potest
 dici. Emit pater? de quo tandē? Fac esse de auo meo.
 Quis, me nondum nato, mihi potuit præscribere? cū
 iura omnia gentium, & ciuiles etiam leges ijs ca-
 ueant,

ueant, qui nondum sunt nati, ut cum in communem
hominum societatem uenerint, nihil eis non sit inte-
grum. Si me iam nato uendidit pater meus, fecit ini-
uriā: quod mihi dare nō potuit, uoluit adimere? sibi
fortasse non mihi præscripsit: dare non potuit? non
ademit. Sed quid ego tam multis? quasi uerò quiuis
non intelligat, nullam sanctam societatem cum ijs
esse, qui ita se ipsos amant, ut naturæ ius uiolent: quo
iure non nobis nati sumus, non patriæ, nō parentibus

*Pro quoq;
natis.
Cic. de off.
lib. i. p. 8.
17.*

solum, sed toti hominum generi, quod ita est unum,
atq; coniunctum, ut si usu ueniat pro uilissimo quoq;
subleuando magnis miseris non dubitabit uir iustus
mortē oppetere. Sed hæc maiora sunt, quàm hoc loco
queramus miseris, perditisq; temporibus, quibus mi-
rum uideri debet, si aut ueteri occupatione, aut uictō-
ria, aut lege, et pactione omnibus rebus compositis,
& adiudicatis constans, et perpetua uoluntas suum
cuiq; tribuat, nequis sibi plus æquo appetat, nequis
afferat iniuriā, nequis alteri afferri sinat. Sit Sabinus
Sabinorū ager, sit Romanus Romanorum, sit Lu-
censis Lucensium. Temeraria dominatrix animi Cu-
piditas nullis terminis, & cancellis contineri potest,
inimica Iustitiæ. Hæc iura diuina, & humana sepe
peruertit, tenuioribus admouet stimulos, potentiori-
bus ministrat faces, et fallit opinione uirtutis. Quis tā
) terra filius est, qui nolit in cælū tolli? quis tam bea-

tus Rex qui nō cupiat aliquādo propagare fines im-
 perij? Hæc turbas facit, hæc discordias alit, hæc sedi-
tiones excitat in Republica, hæc sepe fratres inſit
armis decernere, hæc ſervos in dominos armauit, hæc
animauit ſepe in Senatum furētem plebeculam. Cui
 malo remedium nullum ſatis idoneum inueniri pote-
 rat, niſi Iuſtitia occurrisset, quæ compositis aliquan-
 do rebus, æternam nobis pacem, & tranquillitatem
 allatura uidebatur, ſi per nos licuiſſet. Sunt leges, ſunt
 Senatusconſulta, ſunt plebiſcita, edicta, decreta, iudi-
 cia. Hæc ſunt arma communia ciuium. Eſt aliquis de
 poſſeſſione deiectus? Bono ſit animo: eſt prætor, qui in
 poſſeſſionem reſtituat. Eſt iniurijs, eſt lapidibus, eſt
ferro appetitus? Sunt leges uindices, ſunt poenæ conſti-
 tuta, eſt iudex quaſi libripens, qui uel damnum da-
 mno exæquat, uel emolumentū reſarcit, uel malū ma-
 lo ulciſcitur, & condemnatione compenſat. Ferariū
 eſt, uim ui repellere, et iniuria propulſare iniuriam:
nā ſi id eſt hominū, quid eſt ferariū? In bene institu-
 tis ciuitatibus turpius eſt inferre plagā, quā accipe-
 re: ſicuti quā accipere, honeſtius beneficium dare.
Monſtri ſimile eſt, uultu et effigie hominem præ ſe
ferre et animo feræ crudelitatem. Quæ (malum) res
 homines in iſtam inſaniā adegit? nequis iurget, ne-
 quis ſeuſiat, nequis conſerat manum, eſt effigies quaſi
 iuris, eſt uis legum iudex non muta, eſt quaſi uocem
 intendens



Ferariū dicitur
 ui repulſus

Arist. lib. 4.
 de Mon. 8.
 175 et 176
 V. 8.
 77.

intendens Iustitia, per quam si ita omnia transigi possunt, ut pax sit animis, nulla ira, nulla odia, nulla sint inimicitie ciuium. Est uirtus ista nobis colenda, quæ non modò gratiâ reconciliat, sed ciues ciuibus, socios socijs, urbes urbibus iuris legûq; societate deuincit. Hæc emolumenta, eadem honores, eadem magistratus distribuet pro dignitate personarum. Ciuitatis unū est corpus, membra plura. Quid est? multa sunt membra corporis, itidem ciuitatis. Alia honestamus purpura, alia nuda esse patimur: neq; tamen membris ullis, quæ nobis charissîma sunt facimus iniuriam. Quid pedes, qui totum corpus sustinēt, quàm sunt necessarij? neq; tamen queruntur, primas capiti deferri. Diuersa sunt ingenia ciuium, diuersa munera, diuersi, & alij alijs præstantiores labores: & propterea nō sunt eadem omniū dignitates. Iniustus est Ajax, ut Græco exemplo utar, licet à classe ignes abegerit, licet cum Hectore fortiter manum, et ferrum contulerit, si de Achillis cum Vlysse armis contendat, cuius consilio bellum gestum est ipsum decennium, qui in cohortādīs ducibus oratoris officiū præstitit, in pugna militis. Grauiores sunt labores fabri signarij, quàm architecti: quid est quòd architecto stipendia perhonorifica decernuntur, fabro paucioruncj? Vitam agit miles durissimè sub pellibus, mollius fortasse imperator in tabernaculo: neq; tamen

propterea

propterea præstat miles imperatori. Nullam expedi-
tiorem habet uiam rerum nouarum studiosi ad seditio-
nem excitandam, quam quæ confundit distributionem in-
stitiæ. Multa sunt leges, multa instituta, quibus faci-
 le obtrechet imperitus. Boni ciuis est, putare sanctissi-
 mum esse ius ciuile, firmissimas esse leges, quæ à ma-
 ioribus latae sunt, nihil in mentem imperiti cadere posse,
 quod non uiderint sapientes, contulerint, examinarint.
 Neq; uerò est res altera, quæ clariores fecerit Locros,
 quàm illud institutum, ut si quis nouam legem propo-
 neret, cogeretur prius collum in laqueum inferere, de-
 inde dicere pro lege. Si lex placuisset, cum esset lata,
 relaxabatur restis: sin minus, laqueo frangebatur gula.
 Videbitur alicui genus hoc instituti acre, atq; acer-
 bum: sed illi duobus monstris immanissimis Imperitiæ,
 & Arrogantiæ, quibus iura diuina & humana per-
 uertuntur, hac seueritate occurrebant. Vix credibile
 est, quæ sit temeritas imperitorum, quanta superbia
 uulgi. Quis Magios, quis Blosios, quis Iubellios nesciat
 flabella illa Romane seditionis? Quis ignoret, quæ ma-
 la rerum nouandarum causa ob inscitiam, & audaciam
 semper secuta sint? Græcis, & Latinis historijs testa-
 ta sunt omnia, nemo est qui iam legendo non sit defessus.
 Recordamini per Deos P.C. cum superioribus annis in
 Senatum uestrum imperiti quidam, & audacissimi
 homines erecto uultu, supercilio illo, ardentibus oculis

quid facit
 is qui nouam
 legem ferat
 l. 231.

Magia tem
 etatis Imper
 torum.

gnissima est, quoniam uos ita uoluistis, ut in eam eru-
 diendam conferā omnes curas, & cogitationes meas, *Mar. p. 350*
 auidissima liberalium artium expectat quotidie, quid
 à nobis afferatur, non ex cella nostra egentissima o- *Extenua*
 mnium rerum, sed è penu locupletissimo oratorum, *se se*
 & philosophorum: cui ego ut satisfaciam, non sunt
 mihi totæ noctes dormiendæ, cum multum etiam ui-
 gilanti non desint obrectatores suffusi maleuolentia,
 criminosi, plenissimi omnium ineptiarum: à quibus ego
 non metuo, qui uos habeo defensores, testem florem iu-
 uentutis, iudicem populum Lucensem. Quæ P. C. non à
 me dicuntur ostentationis alicuius gratia, cuius ego
 sum planè hostis: sed ut uos excusationem meam acci-
 piatis, si breuissimo hoc spatio, quod mihi assignatum
 est ad dicendum res tantas, quantæ sunt Tribunorum
 uestrorum, oratione prosequi non possum: præsertim
 cum sint illæ obuolutæ antiquitate, & mutatæ saepe
cum temporibus ipsis. Quid? ego ne Tribunos firma-
 mentum Reip. præsidium, arcem libertatis uestre, tan-
 ta hominum frequentia, cōuentu hoc ornatissimo præ-
 teribo? Non faciam. Quid ergo est? Meminisse debetis
 P. C. quid in hoc loco præsentē Senatu, populoq; Lu-
 censi superiore anno receperim. Promissi memor, ho-
 die bona cum uenia uestra de Fortitudine dicā. Eius
 uirtutis isti autores, & magistri quidam sunt Tribu-
 ni. Quod enim putatis fuisse consiliū maiorum uestro-

tionibus barbaries reiecta, & expulsa est, at in Italia adhuc regnat, et ita regnat, ut non uillis, aut uicis se contineat, sed in clavis urbibus, et Italiae luce uersetur. Magna enim fuit, & est ubiq; copia studiosorum, qui quæstum sibi proponunt: quem ut citò consequantur, aut cursim arripiunt, aut omnino prætereunt adiumenta, et ornamenta ad omnem uitam, ac omnes artes, ad omnia officia accommodata: quæ in adolescentia honestissima, in iuuentute optima, iucundissima in senectute, Dialecticæ inuuant, Ius ciuile exornant, illustrant Philosophiam: cùm legimus, delectat: cùm scribimus, sunt necessaria. Quibus uel nostra, uel aliena reddimus melius, explicamus, interpretamur. Qui uerò quæstui inhiant, ambitione quoq; titillantur, & ostentatione doctrinæ. Quare cùm scribunt, aut differunt inopes, ac ieiuni Latinis uerbis non possunt, uulgaribus uti pudet. Necessè est tandem aliquid nostri pariat, quod nō modò alunt, sed laudant, ut quasi bellissimum obtrudant ijs, qui nullo usu, nullo sunt ingenio. Placuit commercium desudiosis, ut sincera linguarū castitate ueluti religione se exoluerēt. Quid mirum si quibus libido pro labore, socordia esset pro diligentia, optimum factu esse cōtenderent si nullis legibus astringerentur? Ea licentia pro bene sonantibus uerbis horrida, pro usitatis noua, pro exquisitis uulgaria attulit. Nullus

script

A. PAL. ORATIO.

scriptorū delectus erat, nulla numeri, nulla styli ra-
tio habebatur: suo regno pulsa aliquādo eloquentia
 iacuit in situ, & squalore: ea caligo præstinxerat
 mentes hominū, ut qui peius dicerent, melius loqui
 putarentur: qui obscurius, literatius quàm ceteri.
 Quæ pestis cum latè esset grassata, ut reliquas Ita-
 liæ urbes, uestram quoq; inuaserat. Quare uos, quæ
 prudentia est hominum Lucēsium, quæ cœlestis &
 diuina animi uirtus, nihil cunctādum putastis, nihil
 supersedendum, nulla in re sumptui parcēdum esse,
 quo bonis studijs florentem haberetis iuuentutē. Hoc
 ego credo fuisse iudicium s. p. q. Lucensis cum supe-
 rioribus annis studiorum tota ratione mutata s. c.
 illud factum est, quo ego uocatus consilio, hortatu,
 monitu ciuium uestrorum primus in hac urbe bar-
 barorum claustra fregi, obsessos, circumuallatosq;
 adolescentes eduxi, & ueluti è teterrimo carcere li-
 beravi, declamavi totos dies domi, in ludo, ante Cu-
 riam, utinam licuisset in Senatu. Putabam id uobis
 omnibus fore gratissimum, quo uno sensu non sine do-
 lore bonorum, me in odia, et uoculas quorundam in-
 currisse. Nam cum minimè expectarem, minimèq;
 munus interpretationis mihi prorogari peterem: sed
 ij qui non tam mei, quàm Iuris ciuilis, quàm Diale-
 cticæ, quàm Oratoricæ facultatis rationem haberent,
 me inuito peterēt, ipsi obtreclari bonis artibus audi-

uerunt, ego repulsam tuli. Quo tempore quòd frequentes Senatores uestri grauissimi, & amplissimi uiri summa contentione, incredibili studio, ardentissimis animis egerunt causam meam cum commendatione etiam instituti, uitæ morumq; meorum immortales ago gratias, agamq; dum uiuam. At ea res leuat fortasse, non sanat dolorem meum: Quos putatis per illos dies rumores de me apud finitimos uestros fuisse? quos apud eos qui longè absunt? quibus ego placere magnopere cupio, præsertim cum pro me restituendo uehementer laboratum sit in Senatu: quid feceram? quid commerueram? quid peccaram? liceat mihi pro pietate uestra conqueri liberius, liceat audacter dicere. Si aduersus uos, patriam, liberosq; uestros arma tulissem, nihil magis fuisset oppugnatus: hac ergo spe, uiri Lucenses, iubetis esse studiosos bonarum artium? hæc sunt præmia uigiliarum? hi sunt fructus laborum nostrorum? ut uobis præsentibus consternamur à ciuibus uestris, appetamur conuiuijs, cadamus animis, & si quid existimationis nobiscum attulimus, amittamus turpiter in ciuitate, quam nos oratione, & scriptis, si non quibus uolumus, & debemus, at certè quibus possumus, honestamus.

AONII PALEARII
VERVLANI ORA-
TIO IX.

DE IVSTITIA, AD PA-
TRES CONSCRIPTOS
REIPUBLICAE LV-
CENSIS.

SAEPER mihi cogitanti, Patres con-
scripti, cum Regum afflictas fortunas,
inclinationes imperij, interitus rerum
publicarum memoria repeto, illud ue-
rissimum uideri solet, si qua diligentia hominum
semper fuit in alijs rebus, ea fuisset in excolendis
animis optimis disciplinis, antiquissima nos regna, iu-
stissima imperia, beatissimas, et sempiternas Respu-
blicas fuisse habituros. Quod si quis miretur tantas
saepe fuisse rerum omnium commutationes, illud po-
tius mirari debet, neq; sanctissimorum Regum, neq;
prudenterum ciuium, qui Respublicas institue-
runt, apud ullas gentes, & nationes diu retineri po-
tuisse ueterem disciplinam. Nam barbarorum Regum
res gesta, ampla magnificaq; fuerunt, & Athenien-
sum, et Lacedamoniorum maiores quam memoria
ac literis sit proditum, Romanorum uero tanta, quan-
tas neq; Graeci, neq; Latini eloquentissimi homines

Fortuna.

Comp.

Artes regendae
Reip.

scriptis unquam complecti potuerūt. Horū omnium
mores prius corrupti sunt, & deprauata ingenia,
quā regnorum, & rerum publicarum orbes illi
conuerſi. Quo loco imperiti fortunam statuerunt re-
ginam rerum humanarū: quasi uerò non sit necesse
imperium quibus partū sit, ijs moribus, atq; artibus
retineri, et conseruari. Quæ artes si in uiro bono fue-
runt, qui uel ut architectus sit uocatus ad edifican-
dam, uel ut moderator ad temperandam Rempubli-
cam ex rebus gestis intelligi potest, fortunam semper
ueluti pedisse quā secutam esse sapientiam, & splen-
dorem uirtutis. Quam ob rem est profectò mirandū
homines, qui neq; fabro imperito credant ueteres pa-
rietinas, neq; sortitò operas cōduci uelint ad agrum
colendum, non uidere, quantū in maximis rebus de-
lectus haberet momenti si diligentia adhiberetur.
Non latuit hoc P. C. Maiores uestros sapiētissimos
uiros, quorū morem, et institutū antiquissimum reti-
netis, ut in conspectu Senatus, populiq; Lucensis lau-
dētur uirtutes, quibus ciues uestri meliores fieri pos-
sint, ut qui sapientia prestant, pulcherrimè sedeant
ad gubernacula ciuitatis. Sunt enim artes regendæ
Reipublicæ, quæ si rectissimis, & honestissimis ci-
uium studijs colātur, letos et uberes fructus ferunt,
si cum moribus corruptis coniungantur, sunt perni-
cies, et interitus ciuitatum. Quare quis tandem aut

me re

me reprehendat, aut quis uobis iure succenseat, si
quātum alijs ad fabulas recitādas, aut ad inanes ser
mones audiendos cōceditur temporis, tantum ego ad
cohortandū ciues uestros ad egregios animi habitus
mihi sumpsero, uos ad uestigādum conuersi, quibus
ē fontibus hauriamus operam dederitis, non inuiti.
Omniū uirtutum conciliatrix, & quasi domina
Iustitia est, de qua mihi hodie dicendū proposui bo
na cum uenia uestra. Etenim cū omnes uirtutes,
quæ spectant ad bene, & beatē uiuendum, habeant
quoddam commune uinculū, & quasi cognationem
inter se: nulla est tamen quæ æquē uniuersas colligat,
& coniungat, atq; Iustitia. Hæc prudentem ciuem
iubet de patria esse sollicitū, & de Republica noctes
& dies cogitare: hæc forti uiro imperat, ne in acie à
signis discedat, ne perturbet ordinem, ne scūtum abij
ciat: hæc metū incutit modesto adolescenti, ut pudā
ris & uerecundia meminerit: est enim una quædā
in animis hominum non lata, sed nata lex, iubens ho
nesta, prohibens contraria: hæc partes cuiq; tribuit,
officia distinguit, describit munera, mater equi, &
boni: cuius cōmoda nemo intelligit melius, quā qui
iniustitiæ experitur incommoda. Multum auri, ar
genti multum, plurimū melitensis, stragulæq; uestis
apud Lucenses esse dicitur: ingentes omnino sunt di
uitiæ terra mariq; partæ, eas uobis Dū fortunent. Si
iniust

quid sit iustitia.
 iniustitie uitium inuasit ciuitatē, quid sunt pecu-
 nie, nisi magnum malum? quid domus? quid prædia,
 nisi impedimentū? quid uxor? quid liberi, nisi lacry-
 mæ, & mœror? Quod non eō dico p.c. quod metum
 hoc consilio, hoc Senatu, ijs præsidijs tererrimæ huic
 pesti esse aditum in ciuitatem: sed ut audiat populus
 Lucensis, audiāt peregrini, quæ gratia uobis habenda
 est, per quos omnibus frui licet tanto, ac tam ex-
 cellenti bono. Nanq; id est iustitie proprium, nō tam
quid sit iustitie proprium.
 sibi, quā alijs prodesse. Atq; ut iniustus est, qui do-
 lo malo in alterius perniciē ingenij acie intendit, ut
 sibi sit emolumento: sic uir iustus non habet rationē
 priuati commodi, sed recto animi sensu fertur, ut ne
 mini noceat, et bonis profit quā plurimis. Quid hi
 Tribuni plebis? quid populi Signifer? quid Prætor?
quid iustitia.
 quid Iudices? num suas res agūt? uel potius ciuiū? Se-
quid iudices.
 natores patres sunt patriæ, iudices custodes legū, ma-
quid iudices.
 gistratus conseruatores fortunarum uestrarum. Ea
 uis est huius uirtutis, ut nō modò animos afficiat ut
 cetera: sed erumpat, & se ipsam prodat accensam,
 atque inflammata desiderio communis boni: qua
 una ratione longissimè absumus à natura ferarum,
 quæ uel priuatam utilitatem, uel uoluptatē sequun-
 tur. At nos iustitie ui nos ipsos contemnimus, et in-
 credibili charitate complectimur omne hominū ge-
 nus. Neq; res ulla est, qua ad similitudinē Deo pro-

pius

pius accedamus: etenim ille optimus est, quòd leni-
 bus aliquando uentis, aliquàdo uehemētioribus, sæpe
 frigore, et calore, nonnunquā pluuijs, & tempesta-
 tibus consulit uitæ animātium, & spatiū hoc hu-
 midum, & caliginosum ita temperat, atq; illustrat,
 ut lucem qua omnes fruimur, & spiritum quem o-
 mnes ducimus, suauissimè hauriamus, qua cogitatio
 ne uerissimè admonemur, ut Deum sequamur ducē,
 & uel optimis institutis, uel legibus seuerioribus,
 nonnunquam disciplinis, et artibus liberalibus, sæpe
 cohortatione, consilioq; fideli inuemus hominum cœ-
 tus, ut uitæ cursum per se difficilem, et laboriosum,
 melius tenere possint. Et quoniā bonus ille tā multa
 largē, ac liberaliter in dies ad usum hominū creat,
 & conuertit, curandum est, ut amemus nos inter
 nos, et ueluti Dī quidam alijs prodesse uelimus: &
 cū gratuitò omnia acceperimus, gratuitò largia-
 mur. Nam quæ hæc est iniustitia? ut qui nudus na-
 scendo in lucem prodieris, tam multa occupes solus?
 An uerò nō occupas? unde igitur in possessionem tan-
 tarum rerum uenisti? Amplū patrimoniū relictum
 est? Credo. Quod uerò patrimonium? si natura omnia
 sunt cōmunia. Hereditas aliqua obuenit? non potest
 dici. Emit pater? de quo tandē? Fac esse de auo meo.
 Quis, me nondum nato, mihi potuit præscribere? cū
 iura omnia gentium, & ciuiles etiam leges ijs ca-
 ueant,

*optimus
Deus suus*

ueant, qui nondum sunt nati, ut cum in communem
hominum societatem uenerint, nihil eis non sit inte-
grum. Si me iam nato uendidit pater meus, fecit ini-
uriā: quod mihi dare nō potuit, uoluit adimere? sibi
fortasse non mihi pręscripsit: dare non potuit? non
ademit. Sed quid ego tam multis? quasi uerō quiuis
non intelligat, nullam sanctam societatem cum ijs
esse, qui ita se ipsos amant, ut nature ius uiolent: quo

*pro quo q-
m nati.
Cic. de off.
lib. i. pg.
17.*

iure non nobis nati sumus, non patrię, nō parentibus
solum, sed toti hominum generi, quod ita est unum,
atq; coniunctum, ut si usu ueniat pro uilissimo quoq;
subleuando magnis miserijs non dubitabit uir iustus
mortē oppetere. Sed hæc maiora sunt, quàm hoc loco

queramus miseris, perditisq; temporibus, quibus mi-
rum uideri debet, si aut ueteri occupatione, aut uictoria,
aut lege, et pactione omnibus rebus compositis,
& adiudicatis constans, et perpetua uoluntas suum
cuiq; tribuat, nequis sibi plus æquo appetat, nequis
afferat iniuriā, nequis alteri afferri sinat. Sit Sabinus
Sabinorū ager, sit Romanus Romanorum, sit Lucensis
Lucensium. Temeraria dominatrix animi Cupiditas nullis terminis, & cancellis contineri potest,
inimica Iustitię. Hęc iura diuina, & humana sepe
peruertit, tenuioribus admouet stimulos, potentiori-
bus ministrat faces, et fallit opinione uirtutis. Quis tā

) terrę filius est, qui nolit in cœlū tolli? quis tam bea-

rus Rex qui nō cupiat aliquādo propagare fines im-
 perij? Hæc turbas facit, hæc discordias alit, hæc sedi-
 tiones excitat in Republica, hæc sæpe fratres iussit
 armis decernere, hæc seruos in dominos armauit, hæc
 animauit sæpe in Senatum furētem plebeculam. Cui
 malo remedium nullum satis idoneum inueniri pote-
 rat, nisi Iustitia occurrisset, quæ compositis aliquan-
 do rebus, æternam nobis pacem, & tranquillitatem
 allatura uidebatur, si per nos licuisset. Sunt leges, sunt
 Senatusconsulta, sunt plebiscita, edicta, decreta, iudi-
 cia. Hæc sunt arma communia ciuium. Est aliquis de
 possessione deiectus? Bono sit animo: est prætor, qui in
 possessionem restituat. Est iniurijs, est lapidibus, est
 ferro appetitus? Sunt leges uindices, sunt poenæ consti-
 tuta, est iudex quasi libripens, qui uel damnum da-
 mno exæquat, uel emolumentum resarcit, uel malū ma-
 lo ulciscitur, & condemnatione compensat. Ferarū
 est, uim ui repellere, et iniuria propulsare iniuriam:
 nā si id est hominū, quid est ferarū? In bene institu-
 tis ciuitatibus turpius est inferre plagā, quā accipe-
 re: sicuti quā accipere, honestius beneficium dare.
 Monstri simile est, uultu et effigie hominem præ se
 ferre et animo feræ crudelitatem. Quæ (malum) res
 homines in istam insaniam adegit? nequis iurget, ne-
 quis seuiat, nequis conserat manum, est effigies quasi
 iuris, est uis legum iudex non muta, est quasi uocem
 intendens

Ferarū est a
 ui repulsa.

Arist. lib. 4.
 de Mon. 8.
 175 et lib.
 5. p. 2
 77.

intendens Iustitia, per quam si ita omnia transigi
possunt, ut pax sit animis, nullæ iræ, nulla odia, nulla
sint inimicitie ciuium. Est uirtus ista nobis colenda,
quæ non modò gratiã reconciliat, sed ciues ciuibus,
socios socijs, urbes urbibus iuris legũq; societate de-
uincit. Hac emolumenta, eadem honores, eadem ma-
gistratus distribuet pro dignitate personarum. Ciui-
tatis unũ est corpus, membra plura. Quid est? multa
sunt membra corporis, itidem ciuitatis. Alia hone-
stamus purpura, alia nuda esse patimur: neq; tamen
membris ullis, quæ nobis charissima sunt facimus in-
iuriam. Quid pedes, qui totum corpus sustinēt, quàm
sunt necessarij? neq; tamen queruntur, primas capiti
deferri. Diuersa sunt ingenia ciuium, diuersa mune-
ra, diuersi, & alij alijs præstantiores labores: &
propterea nō sunt eadem omniũ dignitates. Iniustus
est Ajax, ut Græco exemplo utar, licet à classe ignes
abegerit, licet cum Hectore fortiter manum, et fer-
rum contulerit, si de Achillis cum Vlysse armis con-
tendat, cuius consilio bellum gestum est ipsum decen-
nium, qui in cohortãdis ducibus oratoris officiũ præ-
stitit, in pugna militis. Grauiores sunt labores fabri
tignarij, quàm architecti: quid est quòd architecto
stipendia perhonorifica decernuntur, fabro pauci te-
runcij? Vitam agit miles durissimè sub pellibus, mol-
lius fortasse imperator in tabernaculo: neq; tamen
propterea

propterea præstat miles imperatori. Nullam expedi-
torem habet uiam rerum nouarum studiosi ad seditione-
mem excitandam, quam quæ confundit distributionem iu-
stitiæ. Multa sunt leges, multa instituta, quibus faci-
 le obtreget imperitus. Boni ciuis est, putare sanctissi-
 mum esse ius ciuile, firmissimas esse leges, quæ à ma-
 ioribus lata sunt, nihil in mentem imperiti cadere posse,
 quod non uiderint sapientes, contulerint, examinerint.
 Neque uerò est res altera, quæ clariores fecerit Locros,
 quam illud institutum, ut si quis nouam legem propo-
neret, cogeretur prius collum in laqueum inferere, de-
inde dicere pro lege. Si lex placuisset, cum esset lata,
 relaxabatur restis: sin minus, laqueo frangebatur gula.
 Videbitur alicui genus hoc instituti acre, atque acer-
 bum: sed illi duobus monstris immanissimis Imperitiæ,
 & Arrogantiæ, quibus iura diuina & humana per-
 uertuntur, hac seueritate occurrebant. Vix credibile
 est, quæ sit temeritas imperitorum, quanta superbia
 uulgi. Quis Magios, quis Blossios, quis Iubellios nesciat
 flabella illa Romanæ seditionis? Quis ignoret, quæ ma-
 la rerum nouandarum causa ob inscitiam, & audaciam
 semper secuta sint? Græcis, & Latinis historijs testa-
 ta sunt omnia, nemo est qui iam legendo non sit defessus.
 Recordamini per Deos P. C. cum superioribus annis in
 Senatum uestrum imperiti quidam, & audacissimi
 homines erecto uultu, supercilio illo, ardentibus oculis

ferebatur scelere, & furore inflammati, quod omnibus rebus non modo interesse, sed etiam praeesse uolebant: quo tempore, quae res à uobis gesta sunt pro salute patriae, nisi iustis de causis fuissent gesta, nunquam profecto illa testimonio orbis terrarum, & iudicio magnorum Regum, & Imperatorum fuissent comprobata. Quae uero satis iustae causae fuerunt? nisi ut retunderetis audaciam imperitorum, qui hanc uirtutis partem confundeant, ne haberetur ratio dignitatis personarum. Quae confusio tantum abest à iustitia, ut iustitiae nihil magis possit esse contrarium. Per paucorum igitur hominum est leges ferre, non multorum emendare. Infinita sunt, quae legum latores comprehendere non poterunt: infinita, quae cum temporibus mutantur. De ijs si ager mediocriter eruditus, & qui non calleat usum rerum, Hydra, ut in prouerbio est, capita abscinduntur. Non sunt illa credenda ostentatoribus doctrinae, non uulgi opinione corrigenda: lectissimorum hominum prudentia, & sagacitate opus est, quae Aequitas appellatur, cuius uis, quoniam natura cietur ipsa aeterna, & immobilis est apud omnes gentes. Quod enim à natura est, eandem ubiq; semper habet uim: ut ignis qui apud nos itidem, & apud Persas urit. Quamobrem, quae legum fuit inuentrix, eadem potest esse moderatrix una aequitas: pro qua saepe prudentes, & eloquentes homines contra ius scriptum dixerunt. Ea quoniam detra-

elis ani

Etis animi uitijs est inuenienda, boni quidam uiri quaerendi sunt, quales apud ueteres Solon, Lycurgus, Numa fuisse dicuntur: quales apud patres uestros y, qui Ostracisimum, quem appellant Athenienses, aptissimum uiderunt ad sustinendam Remp. popularem. Illi seditionem, illi molliciem, illi aleam excluderunt, oblectamenta amentium, & otiosorum: illi incesta, stupra, adulteria coercuerunt, magnis poenis constitutis: iidem prouiderunt, ne cades in ciuitate fierent: ne agri, ne saltus latrocinij infestarentur. Horum sanctissima sunt instituta. Deum pie, caste, augusteq; colendum esse, amandam communem hominum societatem, finitimis honestissime capiendum, exteris bene precandum, pro patria moriendum: parentes alendos esse, uxorem diligendam, liberos bene, & pudice educandos, cognationes, affinitates, necessitudines, clientelas habendas in loco rerum charissimarum: defunctos non esse iniuria afficiendos, non dimouenda sepulcra, testamenta non uiolanda, suae rei ita ius esse debere, uti quisq; legarit: supplicum misereri oportere, tueri bonos, & innocentes: benemerentibus gratiam referri conuenire, animaduerti in malos, & nocentes: promissa, pacta, conuenta seruanda esse: fidei summam rationem habendam, suique quenq; contentum rebus esse debere: uirtute animos ita confirmandos, ^{ut} ne quis pretio, ne quis metu, ne quis gratia à bono, & aequo deducatur. Si Iustitia loqui possit,

gnissima est, quoniam uos ita uoluistis, ut in eam erudiendam conferā omnes curas, & cogitationes meas, *Ma. p. 350*
 auidissima liberalium artium expectat quotidie, quid à nobis afferatur, non ex cella nostra egentissima omnium rerum, sed è penu locupletissimo oratorum, *Extenua se se.*
 & philosophorum: cui ego ut satisfaciam, non sunt mihi totæ noctes dormiendæ, cum multum etiam uigilanti non desint obrectatores suffusi maleuolentia, criminosi, plenissimi omnium ineptiarum: à quibus ego non metuo, qui uos habeo defensores, testem florem iuuentutis, iudicem populum Lucensem. Quæ P. C. non à me dicuntur ostentationis alicuius gratia, cuius ego sum planè hostis: sed ut uos excusationem meam accipiat, si breuissimo hoc spatio, quod mihi assignatum est ad dicendum res tantas, quantæ sunt Tribunorum uestrorum, oratione prosequi non possum: præsertim cum sint illæ obuolutæ antiquitate, & mutatæ sæpe cum temporibus ipsis. Quid? ego ne Tribunos firmiter Reip. præsidium, arcem libertatis uestre, tanta hominum frequentia, cōuentu hoc ornatissimo præteribo? Non faciam. Quid ergo est? Meminisse debetis P. C. quid in hoc loco præsentē Senatu, populoq; Lucensi superiore anno receperim. Promissi memor, hodie bona cum uenia uestra de Fortitudine dicā. Eius uirtutis isti autores, & magistri quidam sunt Tribuni. Quod enim putatis fuisse consiliū maiorum uestro-

rum cū in tribus diuiso populo uexilla ista erexerunt? quæ ex edicto mota loco quisq; ciuis sequeretur, nisi ut domi haberetis fortissimos duces, qui cū usu uenisset, collatis signis pro communi bono pugnare, et uobiscum unā pro libertate patriæ mori possint? Quotiescunq; de hac uirtutis parte uerbum faciam, toties mihi in mentem ueniet Tribunorū uestrorum. Nam et altera uirtutis huius pars est P. C. quæ ad liberos uestros maximè attinet, in qua studiū diligenter est adhibendum, quod sapientissimi uiri, qui Resp. instituerunt, putarūt in hoc posita esse omnia, si iuuentus esset patientissima laborū. Nulla enim capitalior pestis est liberis ciuitatibus, nulla maior contagio, nihil tā exitiosum quā libido uoluptatis: ad quam quoniam omnium hominum ingenia sunt propensa, à pueris est enitendum, ut eam ueluti monstrum immane, & multo fœdissimū, aut fugiamus, aut fortiter assuescamus uincere. Est fortitudo uirtus animi egregij, atq; excellentis, quæ nisi quod honestū sit, nihil rectum putat. Ea ueluti singulare munus à Dijs immortalibus hominum generi est data: ob id Græci, qui multa significantius dicunt quā Latini, à uiro fortitudinē appellari uoluerunt: quod huius uirtutis, qui ubi primū sapere cœpit non est studiosus, uultū, & effigie fortasse aliquando uirili crit, animo certè nunquā nisi molli, & effeminato. Ob id ipsum Hercules qui uel Ioue natus est, ut

Supra

*Narratio
a fortitudine*

Quæ

Hercules

est, ut poëta ferunt, (uel si plures dicti sunt hoc nomine, fortissimus aliquis ad quem unū non ab uno res gestae referuntur) cum infans adhuc esset, utraq; manu comprehensos angues elisisse dicitur; hoc est primo quoq; tēpore egregiē superasse fallacem istam animi dominatricem uoluptatem. Cretenses pueri dum Resp. Cretensium stetit, duri, ac laboriosi, coenātes nunquam cubare uisi sunt. Lacedaemonij adolescentes ubi multum uerberibus accepti esurire didicissent, nihil in coena praeter panē adhibebāt, ubi siti propē essent enecti, nihil praeter aquā quam ex Eurota altera ripa natando in humeros cadū imposito transportassent. Romani ueteres inedia, siti, uigiliae, algoris, aestus patiētissimi, in castris per laborē usu militiā discabant: & si magnis itineribus erat eundum, praeter arma, quae neq; noctu, neq; interdiu deponere licebat, ferre molita cibaria in mensam, ferre utrem cū aqua consuerant, nō minus ad pugnandum parati, quā si essent expeditissimi. Qui sensus fuit p. c. tantarū gentium, & nationū? quid haec instituta uolebāt? Cretū leges Minos sanxerat, iustissimus omnium Rex: Lacedaemoniorū Lycurgus, optimus, & sapientissimus: Romanorū Dū quidā potius, quā homines appellandi, auctores summi imperij, & domini orbis terrarū. Horum consilia nō sunt contēnenda. Intelligebant isti, fortitudinē uirtutē esse diuinam, & sanē coelestē, ad quā unus esset aditus iuuentuti, si la-

bibore

boribus esset exercitata: Remp. diu stare non posse, in qua sit otiosa, et delicata inuentus. Et nos canere, & saltare iubemus adolescentes, libere permittimus meracius, capere ientaculum, prandere, meridiari, cœnare. Sunt ista obsequia parentū. Si parentum obsequia nervos virtutis elidunt, non sunt ferendi patres, qui obsequiosè filios alunt. Excludendi sunt e ciuitate qui educant luxuriosè. Ab ijs sic educlis, & educatis prodita saepe patria est: ab ijs sapiissime coniurationes facta: ab ijs semper sunt excitata tyrannides. Nam ubi Venere, gula, & talo patrimonium absumptum est, & familiares opes defecerunt, necesse est audacem iuventutem, quæ neq; famem, neq; sitim, neq; frigus ferre potest, incendi prauis cupiditatibus. Laudanda in primis igitur fortitudo est, ob tolerantiam egregiam rerum difficilium, quæ neq; egestatem; neq; exilium, neq; mortem timet: nihil deniq; præter turpitudinem.

M. Curius homo non locuples ad focum rapas coquebat in cœnam: ad quem cum legati Samnitum magno cum auri pondere uenissent, ut eo munere gratiâ suis conciliarent: is & donum repudiasset, & dixisse fertur, Auro non egent, quibus hæc cœna est satis.

P. Rutilius exemplum fortitudinis, cum à Syllanis in exilium missus esset, & Sylla, qui in libera ciuitate regnum iam obtinebat, quibusdam in quibus erat Rutilius reddendi potestatem fecisset, in exilio esse maluit, quàm ty-

ranni

ranni uultum aspicere. L. Aemilius fortissimus con-
 sul cum in clade Cannensi expers culpa, & cruore
 oppletus in saxo moribundus sederet, & Cn. Lentu-
 lum tribunum militum equo praeuerectum intueretur,
 num lamentabili uoce, & tremula obligari
 uulnus, aut in equum tolli se precatus est? Immo uero
 cum eum uellet protegere tribunus, reclamauit, Abi
 Lentule, quid tempus teris? sine me bene mori, ubi col-
 lega meus non passus est honeste uiuere. Quibus pro-
 fecto intelligere licet, non egestate, non exilio, non
 morte deterreri uiros fortes: & mori malle, quam de
 dignitatis gradu dimoueri. Quid? inquiet aliquis, non
 omnes ad uirtutem istam apti sunt? Id est dicere, homi-
 nes non esse homines. Fatemur natura inesse in omni-
 bus molle, demissum, humile, quiddam deniq; huma-
 num: sed illud quoq; dicimus, inesse rationem, ut diui-
 num aliquod, ueluti corporis praefectum, & admini-
 strum consiliorum: cui parere debet animi pars illa
 mollis, & enervata, ueluti sapientissimo imperatori
 miles imperitus. Quis nostrum est, qui si uirum cui
 pes condoleat, aut dens, ingemere, eiulare, & flere ui-
 deat, risum tenere possit? Quis ubi audiuerit ignauos
 milites, simul ac uiderunt hostem clamaſſe, abiecto
 scuto fugisse, qui ira non excandescat? Id certe non
 fieret, nisi in omnibus esset aequè sensus quidam inte-
 rior, qui contestatur, quod abiecto, quod timide, quod

muliebriter factum sit, turpissimum esse. Qui uerò turpissimum est? nisi aequè ad omnes spectet fortitudo, quæ appetentissima est honestatis, quam ignorant animantia quæ ratione carent. Hinc belluæ quædam, quæ certant acrius, & insultant liberius in omnes, non fortes dicuntur, sed immanes, ac feræ. Insani cum periculum adeunt, ridentur potius, quàm laudantur.

Qui temerè aliquid aggrediuntur, audaces appellari consueverunt. Virtus enim à recta animiratione profiscitur: quam ob rem uir fortis mentis constantia pulcherrimè fert secundam, & aduersam fortunam, quicquid contingat, modo uacet culpa: neque dolet, ut ceteri, neque letatur. O rem incredibilem P. C. tantam ne esse uim huius uirtutis? ut eo homines imperitiat, quod est præpotentis Dei. Quid tam mirabile? quàm animam mentem, omnia quæ sunt, quæ fuerunt, quæ futura sunt uidere, intueri, intelligere ut præsentia: neq; tamen latitia affici unquam, neq; capere dolorem. Nam siue salubritas sit, siue pestilentia, siue sterilitas agrorum, siue fertilitas, siue eluiones, siue exustiones terrarum, Deus nihil commouetur, nihil afficitur: in quem si latitia, & dolor cadere posset, non esset beatus, non liber, non sincerus, non simplex. Et uir fortis mente firma ac stabili, & paupertatis morsus, & stimulos doloris, & fortune fulmina continent: non minis, non tormentis mouetur: cui uultus est sem

est semper idem, eadem semper oratio, idem semper animus, quod in re angusta, in supplicijs, in morte inueniat uitam beatam: si ægrotabit, feret patienter: si secabitur, si uretur, nō emittet uocem uiro indignam.

Amicus meus fortissimus uir, quem uos omnes probe nostis, quotannis ex pedibus laborat: hunc ego cū po-
da græ doloribus ardet, conuenio semper: liquet mihi
deierare, nunquam me illum non modò audisse cla-
mantem, sed ne lamentantem quidem. Quid illud fuit?
cū superioribus mensibus nobilissimus puer, paren-
tibus dulcis & optatus, ex altissima fenestra ceci-
disset in impluuium: apposita erat secunda mensa,
discumbebat pater, uidit cadentem filium, & unā
propè expirantem, testes sunt magno numero familia-
res qui adhuc obstupescunt, non modò uocem turpem
non emisit uir fortissimus, sed neq; mutauit uultum.

Sed quoniam mors extremum est rerum omnium, pu-
tant quidam ea deterreri uiros fortes: id est falsum.

Vidistis uos aliquando ciuem uestrum, nolo nominare;
ne dum de fortitudine dico faciam dolorem: is cū ad
mortem mitteretur, hac uirtute præditus, ibat fronte,
ac uultu bellissimis, quasi è carcere euolasset: pone
uxor erat lectissima fœmina, & grauissima, ea do-
lore credo oppressa, neq; uocem, neque oculos tollebat:
liberi conclamantes sequebantur. Tum ille limis oculis
intuens, Tacete inquit, quid hoc clamoris est? quibus

nec

Magnus
 & huius
 signum
 lib. 1. cap. 17

nec pater, nec mater flet, infirma etate adhuc estis,
 auferte istam molliciem. Quid si à me millies non au-
 dissetis pueri? mortem non esse malum, nihil esse ti-
 mendum præter turpitudinem? Videtis P. C. quæ se-
 mina virtutis huius sint in animis civium uestrorum?
 qui si diligentissime colantur, quid obsecro, quid est
 futurum? Habent enim animi ortum, ac originem cœ-
 lestem, unde insita est viris fortibus despicientia quæ-
 ram rerum humanarum. Hinc *Anaxagoras*, qui
 mens à veteribus est appellatus, cum patrimonium
 amplum, & copiosum accepisset, quod neq; augetet,
 neque conservaret, accusabatur à suis: à quibus cum
 aliquando premeretur, quòd non modò agelli auiti, &
 paternæ domus, sed & patriæ curam abiiecisset, ille
 manus ad cœlum tollens, Hem inquit patria, hem do-
 micilium, hem funde noster, quàm tui desiderio ardeo:
 quem secuti nobilissimi philosophi tantum profece-
 runt, ut compererint, et docuerint Deos esse nos, quòd
 non id simus quòd forma ista declarat, sed mens cu-
 iusq; id est, quisque, non ea forma, quæ digito demon-
 strari potest, ea re *Anaxarchus* cum in crudelissimi,
 & inimici Regis manus incidisset, iussissetq; eum
 Rex ferreis malleis contundi: Tunde inquit, tunde Rex
Anaxarchi utrem, nam *Anaxarchum* non potes tun-
 dere. Quam ob rem excellenti animo homines despi-
 cientes res humanas, à negotijs publicis remoti, contu-
 lerunt

Anaxagoras
mens appellatus
burg.

form. civ. in D.
ut. d. d. P.
ex. l. 88.
77. cc. 5. 3.
ham. l. 1. 2.
ss. 66.

ide. in. 2.
ut. d. d. P.
ex. l. 88.
77. cc. 5. 3.
ham. l. 1. 2.
ss. 66.

lerunt se ad cogitationem, contemplationemq; rerum
 aeternarum: qui quoniam tranquillitati seruire, &
 labores publicos fugere uisi sunt, non plena manu lau-
 dantur: etenim non satis est, scriptis agere, & concer-
 tatione uerborum adiumento esse hominibus, sed re
 fortiter gesta, corpus, & animum conferre debemus
 ad communem hominum utilitatem. Quid? cum Ro-
 mæ fortissimi uiri Tribuni plebis Senatusconsultis in-
 tercedebant, cum stipati populo omnium gentium ui-
 ctore legem ferebant, cum in concionibus grauissimè
 accusabant, cum Senatorem, cum consulem, cum di-
 ctatorem prehendi iubebant, quibus parere omnes,
 assurgere, & loco cedere necesse erat, non præbebant
specimen roboris, & magnitudinis animorum? præ-
 fertim cum in foro erecta staret plebs Romana, quam
 ferocem faciebat belli gloria, & Tribuni sacrosancti
 iurarent, se millies morituros potius, quàm paterentur
 dedecus aliquod admissum iri? Quid magni Impera-
 tores cum fortiter bellum gerunt, quos labores corpo-
 ris, quas animi angustias subeunt: ut exploratores ma-
turè in omnes partes dimittant: ut quò intendunt cum
impedimentis, cum exercitu incolumi perueniant: ut
locum pugne aptum capiant: ut deligant idoneum ca-
stris: ut commeatu hostes intercludant, ipsi abundant:
ut calones, & lixas hostium lignari, aquari, pabulari
prohibeant: ut quid melius statuunt, an hostibus oc-
 curren

Magni Imperatores
Eubry

Gi. pr. Plu.
pr. 27.

currendum sit, an in finibus pugnandum, an extra fi-
 nes: si acies instruenda est, uel legionibus in longitudi-
 nem explicatis, uel quadrata forma: ut uideant ne pe-
 des, ne eques perturbet ordinem, suo loco manipulares,
 suo centuriones, suo tribuni sint militum: nequid de-
 nique timidè, nequid temerè geratur: est enim hæc
 uirtus media inter timorem, et audaciam, Non decet
 terreri uirum fortem, sed neq; decet efferrī temerita-
te. Audaces sine consilio præcipites aguntur, & ante
 signum datum uolunt concurrere, ante adire pericula
 quàm sit necesse: cum difficili loco res est, tum uerò
 perturbantur, tum turpissimè trepidant: sicuti qui
 natura timidi sunt, ignaui, imbelles, uel leuissimis re-
 bus mouentur, inanisima quæque circumspiciunt: ue-
 cordes semper, relictī semper, ac desperati. Contrà uir
fortis cogitat quæ possunt accidere, ne in ipso negotio
cogatur consilium capere: leui primum tractu, cursuq;
temperato incedit, ueluti sedatus amnis: ubi aut uin-
cendum est, aut moriendum, incitatisimū fertur: non
quòd magnis laboribus non sudet, non quòd plagarum
dolorem non sentiat, nam id hominis non est, sed lapi-
dis, aut trunci: sed quòd omnibus rebus præferat hone-
statem: quæ quoniam in patria ueluti in parente susti-
nenda, & conseruanda maxime posita est, quæ armis
oppugnari, & defendi potest, per magni aestimari de-
bet ab omnibus ciuibz omnium ordinum, omnium
ætatum

atatum militaris peritia, & usus armorum, si cum
 hac uirtute coniungantur: nam etsi consilio geritur
Respublica, indiget tamen saepe praesidio armorum: si
 leges, si plebis scita ferenda sunt, inuitis etiam malis:
 si seditio ab improbis excitata, ubi oratione sedari
 non potest, armis reprimenda est. Quanti erit habere
 cohortes bene animatas, ueluti portum, arcem, aram,
 praesidium bonorum? Dij faciant, ut pace totius Italiae
ubique parta omnia uobis leta, & tranquilla sint. Si
 tamen uel auaritia hominum, uel iniuria in hac He-
 truriae partem belli periculum, & terror ingruat,
 quanti erit habere milites admirabili uirtute, summo
 studio, optimoque in Rempubicam sensu, qui muros,
 domicilia, focos populi Lucensis, templa, sedes, sepul-
cra maiorum uestrorum, cognatos, propinquos, con-
 iuges, liberosque uestros defendant? Quanti erit, habe-
 re fortissimos uiros, qui Reipublicae boni ac salutare
 cum signis istis, quae mota loco omnes ciues se-
 qui debent, pulcherrime prodeant in ho-
 stes, ut uictis, fugatis, fuscisque o-
 mnibus, qui lucem hanc
 ciuitatis ferre non
 poterunt,
 praecleara atque egregia sit
 opera Tribunorum
uestrorum.

AONII PALEARII
VERVLANI ORA-
TIO XI.

DE TEMPERANTIA, AD
PATRES CONSCRIPTOS
REIPUBLICAE LV-
CENSIS.



NIMADVERTI P. C. omnes
gentes, & nationes, quæ uel in suos,
uel in alienos imperium tenuerunt,
uirtute aliqua plurimum præstitisse,
qua ueluti gubernaculo uterentur ad temperandas,
moderandasq; ciuitates: etenim cum res humana sua
natura sint mobiles, incertæ, ac fluxæ, uel comprehen-
di non possunt, uel comprehensæ citò elabuntur, nisi in
aliquo hæreant, quod firmum, ac ualidum non fallat
opinionem. Virtutis autem natura cum stabilis sit, fi-
xa, & constans, aptissima semper fuit ad ea susti-
nenda, quæ per se leuissimis motibus mouentur. Quam
ob rem Assyriorum, Medorum, & Persarum anti-
quissima regna, & Romana Respublica, Græco-
rumq; liberæ ciuitates tum maximè floruerunt, cum
ijs industria uirtutem, uirtus gloriam, gloria impe-
rium comparauit: quod bene, et legitime partum, una
uirtus

*Res humana
fluat.*

*Industria gra-
uitas.*

uirtus propagare potest in sempiternas seculorum
 etates. Quæ ea est? Credo P. C. si omnia uobis propo-
 nantur, quæ opinione hominum sunt amplissima, pluris
 uos facturos uirtutē quæ perpetuo ditionem uestram,
 & libertatem tueri possit. Quæ ea est? num longissi-
 mē petenda? num aliena, & peregrina? Minimē: do-
 mestica uirtus uestra est, quæ continenter habitat in
 teclis, & domicilijs populi Lucensis Temperantia,
 Moderatio, Continentia, Modestia: his enim ferē no-
 minibus à Latinis una uirtus est appellata custos Re-
 gum, conseruatrix populorum, regina Rerum publica-
 rum. De qua cum hodie mihi sit dicendū, obsecro uos,
 ut me bona cum uenia audiat: agitur enim de uirtu-
 te omniū maxima, quæ & homines, & Respublicas
 retinet, & confirmat cum dignitate. Nam quòd ho-
 mines sæpe nō sunt homines, & Resp. non Respublicæ,
 fit ab huius inimica Intemperantia. Quòd si defectio
 à tota mente & ratione, dissolutioq; rerum commu-
 nem utilitatem continentium, tam turpes sunt, ut nul-
 le res sint turpiores: magnopere profectò contendere
 debemus, ut quæ longissimē hoc monstrum arcet, ac
 fugat Temperantiam amplectamur, quæ ueluti uiatu-
 cum senectutis, & praesidium omnium etatum, co-
 mes sociarq; omnium temporum & locorum à pueri-
 tia concilianda est. Quemadmodum enim qui lapidem
 iecerit, etsi mittendi potestatem habuerit, non habet

Philosophia.
Attentio.
tamen postea retinendi. Ita quisq; ubi hanc uirtutem
 missam fecerit, nunquam assequetur, ut eadem possit
 ueluti postliminio redire. Quamobrem pro amore ego
 meo in Remp. Lucensem uos oro, atq; obtestor adole-
 scentes, qui me iam quadrienniu secuti, aut in eloquen-
 tia campis uagamini, aut retulistis uos ad seuerio-
 rem uitae ducem, & magistram Philosophiam, ut si
 ullam mihi unquam operam dedistis, hodie plurimam
 detis ad audiendum. Nam etsi breuissimo hoc spatio;
 quod mihi semi hora est circumscriptum, ea maxi-
 me oratione prosequi sit in animo, quæ ab ijs maxi-
 me expectantur, qui sedent ad gubernacula ciuita-
 tis: cum tamen peropportune cadat, ut & uobis ali-
 qua ex parte, qui tanto concursu, libentissimis animis
 adestis, possim satisfacere, non deponam memoria
 desiderium uestrum adolescentes. *Temperantia*
duas habet partes.
Temperantia uirtus
est animi moderatrix, & actionum in omni uita: ea
 in duas partes distribuitur, quarum altera ad pri-
 uatam rem spectat, altera ad communem, ambæ
 tamen iisdem institutis, ac præceptis continentur.
 Neq; enim aliud est, quo bonus Rex, & bonus est
 ciuis: quamuis hic ciuitatem regat, ille familiam.
 Vterq; modum, & ueluti artem adhibet, & obser-
 uat, quæ sunt tradita à prudentibus uiris, Quod si fie-
 ri potuisset, ut in singulis hominibus omnes uirtutes
 essent, nihil opus fuisset monitis sapientum, & con-
 stitu

stitutione Rerumpublicarum. Cum mortales procli-
ues sint ad eas partes, quæ sunt extremæ, necesse
fuit ijs commonstrari viam, quæ medium quiddam
tenere possent, quam si recusarent inire, possent
etiam cogi. Incredibile est, qui motus animorum in
visceribus hæreant, qui à tranquilla, & beata vita
abducunt. Quis mare uentorum ui agitatum, &
perturbatum uidit, & putet aliquem sic auaritia
ferri, ut maxima hyeme nauiget? Quis cum uxore
optima, & dulcissimis liberis uiuit? & credat ali-
quem sic incendi cupiditate pecunie, ut patriæ amo-
rem abijciens deserat suos? & humanitatem provin-
ciæ contemnens, libentius cum feris habitat, &
barbaris nationibus? Quid est? quòd cum omnibus
animantibus sit à natura tributum, ut se, uitam,
corpusq; tueantur: & infiniti sint locupletes, qui il-
liberaliter corpus curant, & in magnis opibus par-
cè, ac duriter uitam agunt. Quid est? quòd cum in
omnibus hominibus uis præpotens quædam sit, quæ
Deorum immortalium metum incutit, & tam mul-
ti semper fuerint, qui aras spoliarunt, fana diripue-
runt. Nihil tam integrum, nihil tam sanctum, nihil
tam religiosum est, quod non uiolet auaritia: cui
contraria est luxuries, & profusio paternorum bo-
norum. Simite hoc loco p. c. me videre sollicitudines,
& inanissimas cogitationes parentum. Dij immor-

tales quæ eorum sunt curæ? qui labores ut liberis patrimonium sit amplum, & copiosum? *M. Brutus* is, qui de iure civili plures libros scripsit, in *Priuernati* fundum reliquerat filio, in *Albano* villam, in *Ty-burti* rus peramœnum, balneas etiam cum domo, & seruis: at heres *helluo*, ac gurgēs, omnia sic absumpserat, ut de tanto patrimonio ne iter quidem ad sepulcrum patrum sibi reliquisset. Sed quid ego te *Brute* ex tanta antiquitate repeio? quasi uerò nobis magno numero nō sint in omnibus provincijs nepotes, qui aleatores, qui *scurras* alunt, qui domum habent refertam assentatoribus, qui curant diligenter, ut quemadmodum apud ueteres post cœnam personabant ades laudibus uirorum illustrium, ita nunc ad multam noctem perstreant aulæ obscœnis cantibus otiosorum? Quid de ira dicam? quam poëta bonus, & sanctus *insaniæ* principium esse dixit: quos credendum est in animo cieri motus, cum in corpore tantas fieri mutationes uidemus? Sunt oculi iratorum ardentes, sunt supercilia contracta, frons rugosa, capilli erecti, genæ pallidæ, & conspersæ maculis, ex buccis anhelitus creber, toto deniq; ex ore crudelitas emanat. Mediocriter ne putatis ab hoc monstro esse cauendum? Deus philosophorum *Plato*, quam moderationem adhibuit? is cum seruo aliquando succensuisset, *Vapulares*, inquit, nisi essem iratus. Ad-

huc
H. 132 306

huc cum indignitatem, & molestiam seruuli ferre non posset, sororis filium Speusippum ad se uocans, Obsecro, inquit, tu istum cadito, nam mihi irato non licet. Timuit sibi Plato summa cōtinentia, & ceteris uirtutibus præditus, quod uideret homines immutari ab ira, & de ratione deijci: & nos hominuli tam multa quotidie dicimus, & facimus irati? Quid de Circe illa dicam corruptrice animorum libidine? quæ cum procreandi causa à natura animantibus data esset, hanc unam ob causam erat retinenda: huius illecebra capti homines miseri, afflicti, erumnosi, quantas sibi & suis, & alienis calamitates attulerunt? quas tragœdias excitarunt? Hac una sæpe sunt amicitie rescissæ, societates dirēptæ, distractæ affinitates: hac una sunt sæpe conuenta, pacta, fœdera soluta, fracta, uiolata per iurio: hac una sunt familiæ deletæ, urbes exhaustæ, Respublicæ proditæ, regna euersa, collapsa imperia. Quæ (malum) labes? quæ pestis? quæ intemperies homines agitat furiarum tadis ardentibus? Filios esse ausos parentibus manus afferre? parentes liberorum sanguine manus fœdare? fratres mucrone latus, & iugulum petere Germanorum? Nolite obsecro p. c. me hoc loco adulteria, stupra, incesta, paricidia prosequi oratione. Qui poëtae sunt? qui scriptores historie, qui horrible aliquid, atq; atrox huiusmodi non

de Alis y
Abi. L. 139.
 memorie prodiderint? nulla in re magis peccant ho-
mines, nulla pecudibus sunt similiores. Et ausus est
 Rex aliquis præmium proponere ijs, qui inuenissent
 nouam uoluptatem: dignior multo ut bestijs, quàm
 hominibus imperaret? Quid mirum si tot iam sint
 commenta libidinis? Feras, feras uicimus obscœni-
 tate, & turpitudine. Prætereo ceteros animi mo-
 tus, qui sanè multi sunt: singulos nihil opus est enu-
 merare, quod omnium perturbationum, quæ repri-
 mi, ac sedari possunt, una conciliatrix, & mode-
 ratrix est Temperantia. Quæ longo usu confirmatæ
 dimoueri non possunt, quòd omnes regiones egressæ
 uelut hosti se dediderunt: de his quidem nulla spes
 est, eæ improbantur potius à nobis, quàm pertra-
 ctantur. Etenim cum omnis uirtus mediocritas quæ-
 dam sit, ij à nobis colligendi sunt motus qui ad eam
 reuocari possunt. ubi nauem fregeris nihil opus est
 gubernatore, quamobrem pueritiæ, adolescentiæ,
 iuuentutis bene, & sapienter instituendæ, sic ha-
 bendæ ratio est, quasi faciundæ sementis, quam Res-
 publica possit metere. Vides tu adolescentem propen-
 sum ad luxuriam urbanam? contine ruri: uides infi-
 ci sorde, ac auaritia rusticana? ale splendidius in
 urbe. Si audacior iuuenis est, deterre oratione,
 commune propositis periculis, doce legibus esse pa-
 rendum: si est timidior, erige spe, excita gloria,
 incende

incende emulatione aequalium. Breuissimo hoc tempore non possum omnia. Si nescis, uitia uitij quasi ex altera parte respondent: horum necesse est ut tu sis moderator, & quasi temperator. Quemadmodum in balneis domesticis, cum ex altera parte frigida sit, ex altera feruens, neutra commodè utimur: siqua neq; feruens, neq; frigida sit, ea incunda est, ea salubris, Sic in concitationibus animi mediocritas quædam tenenda, quæ est inter nimium, & parum, ut neq; huc, neq; illuc declinemus, Dicit aliquis, id fieri non potest. Homo barbarus quidam superioribus mensibus, spectante populo Lucensi, à Curia peristyllo per funem ad altissimam turrim religatum expeditissimus incedebat: cumq; esset descendurus, omnes ne corrueret timebamus: is brachijs examinantibus se sustinebat, ut non modo præceptis non ferretur, neq; dependeret, neq; propenderet: cumq; alio modo studiosè loco se deiecisset, pede altero se suspiciens, tanquam paribus libratus ponderibus exurgebat mirandum in modum. Ergo funambulus poterit corpore moderationem adhibere, & uir sapiens animo non poterit? Quid igitur inflati inani gloria ferimur? quid colimus studia liberalium artium? quid appellamus usum patrem sapientie? si ad regendos animi motus nihil inge-

Umarz A
a la bre
11
Homo
Barb.
in
tune.

nium, nihil doctrina, nihil ualet exercitatio? Quae cer-
 tè singula si per se multum ualent, & coniuncta plu-
 rimum, quis dubitet posse fieri, ut frenatis cupidita-
 tibus homines modesti sint, continentes, & tempe-
راتi? An uerò terra bonitate, & rusticorum cul-
 tu arbores, & poma mitescent, & ponent asperi-
 tatem: & animal prouidum, & sagax, plenum
 consilij & rationis, tot artibus, à tot sapientibus
 excultum, siquid uitij habet, non queat deponere,
 ut fiat optimum? Esto inquiet, talis uir sit unus, aut
 alter, sed ut ciuitas tota uirtutem aliquam habere
 possit, non est concedendum. Peragraui ego Patres
 Conscripti multas prouincias, & regiones: obser-
 uavi uultum, & incessum hominum, corporis habi-
 tum, & uestium usum: illud certissimum comperi,
 ut sunt quaedam publica studia, & instituta ciuita-
 tis omnes omnia moderari. Quid est? agnoscebam pro-
 pè in singulis hominibus sensum uniuersae nationis.
 Quod nequis à me ambitiosus dici existimet, quis ue-
 strum est, qui aspectu ipso ad corporis motum, ad con-
 formationem uultus Gallum ab Hispano, Senensem à
 Florentino, Ligurem à Lucensi non dignoscat? Quòd
 si uitium, & uirtus habitus quidam est, quem sibi
 quisq; delegerit: facile omnes intelligimus, tam uitio,
 quam uirtute imbuì posse uniuersam ciuitatem: prae-
 fertim cum ad hoc peragendum paucis quibusdam sit
 elabo

elaborandum, si quales sunt in Republica principes
tales sunt reliqui ciues. Ecquid hoc spectaculum tan-
 to apparatu bis ante Curiae fores quotannis constitui-
 tur? in quo Decemuirum personae, quasi imagines
 Deorum immortalium proponuntur? an non ut habeat
 populus Lucensis omnium uirtutum domesticum exem-
 plum ad imitandum? Qui praefecti sunt alijs regendis
 eos imprimis omni uitio carere oportet: nihil in his
 auaritia, nihil luxuria, nihil ira, nihil libido habeat
loci: in quibus uelut in speculo uitam nostram intueri
debemus. Quid sibi uult iste ornatus? quid purpura
 ista? quid usque ad talos demissa toga, latus clauus?
 quid pallium? quid caetera insignia dignitatis, nisi
 cum in hos ora, oculosq; conuerterint ciues, uideant eos
 augustiore forma esse quam humana: à quibus di-
 scant prudentiam, iustitiam, fortitudinem, tempe-
 rantiam? quibus uirtutibus quantum à caterorum
animantium natura recedimus, tantum accedimus
ad diuinam. Quid hac ipsa uirtute de qua hodie agi-
 mus, non ne similitudinem quandam gerimus immor-
 talis Dei? pura ille mens est, soluta, ac libera, segrega-
ta ab omni concretionē: & uir temperatus mente in-
 tegrā, & uegeta in primis continens est, ut non modò
 re, sed cogitatione etiam absit à turpitudine. Ille cor-
 pora prima inter se contraria, quae elementa appel-
 lantur, sic temperat, ut ex ijs omnia nascantur: hic

*Cic. in ep. Fa-
 bus. i. ep. q.
 et Luc. p.
 255. C. i. p.
 Jon. p. 25*

*Just. Fort.
 Temp. Prud.
 a uelut
 diuina nat.
 iam*

extrema extremis conferens, & uitia uitij exæ-
quans, reuocat omnia ad mediocritatem. Deus opti-
 mus maximus ad cœli temperationem sedens contor-
 quet incredibili celeritate uniuersam hanc mundi
molem: in qua licet sint globi infixi, qui diuinis ani-
mati mentibus retro contrario motu uersantur, &
eius uis sit infinita: nihil tamen uolenter facit, nihil
superbè, nihil potentia non ferenda: mouet ut finita
uis, sinit quenq; suos cursus conficere, & seruare or-
dinem, & ut Dei bonitatem possis agnoscere, singu-
lis uires sufficit, curatq; ut omnes uniuerso cœlo sint
prosperi, & salutare. Et uir temperatus, qui ad gu-
 bernacula ciuitatis sedet, licet sit potentissimus, non
 periculose contendit cum ijs qui in eadem sunt nauī:
 si cæteris contra pandentibus uela Respublica non
 eum portum quem ipse maximè probat, sed alium pe-
 tit, non repugnat, non inhibet, quo minus cursum te-
 nere possit, obseruatione nimirum ista motuum cœle-
 stium. Audite, audite P. C. hæc una ratio est, ut sem-
 piternæ possint esse Respublicæ, qua scilicet cœlum
 ipsum temperatis animis æternum est. Starent nunc
 Athenæ, staret Sparta, floreret imperium populi
Romani, si hanc moderationem tenuissent. Etenim
 cum tam uaria sint ingenia hominum, tam diuersæ
 de omnibus rebus sententiæ, quantum periculi fore
 putatis? si nulla ratione habita rerum, temporum, &
 persona

personarum dicantur sententia seueræ, & graues?
Quantum pernicij? si temerè quædam gerantur. In
omnibus rebus modestia est adhibenda. Non sunt o-
mnia liberè dicenda semper: non facienda omnia. Et
 propterea dissimulare aliquando non est uitium, ce-
 dere etiam uirtus. Ambitiosior est aliquis? est fe-
 rendus: superbus est Senator? deliniendus est oratio-
 ne: dictum est aliquid iniquius? non est ad omnia re-
 spondendum. Multa toleranda facit patriæ

charitas, & commune bonum. Omnia

sunt in Republica suauissimè

tractanda, arte, quæ le-

niat, non exaspe-

ret: sanat,

non

ulceret: moueat, non per-

turbet animos

ciuium.

NON

AONII PALEARII
VERVLANI ORA-
TIO XII.

DE FELICITATE, AD PA-
TRES CONSCRIPTOS

REIPUBLICAE LV-
CENSIS.



ACCESSIT P. C. quintus annus mu-
neri meo, in quo dies hic mihi apud nos
finem dicendi affert, idemq; ijs absolu-
tis, quæ restabant initium quiescendi.

Etenim cum de uirtutibus, quibus hominum mentes,
animique componuntur, dicere incepissem, meminisse
debetis formam à me quandam fuisse propositam, &
quasi effigiem adumbratam eius rei, quæ hodie in
medium est proferenda: in qua illustranda libenter
ego, si possem, adhiberem faces orationis, non tam ci-
uium uestrorum causa, qui optimis legibus, & mori-
bus instituti sua sponte feruntur ad benè, & beatè
uiuendum: quàm multarum gentium, & nationum,
quarum summus est labor, incredibilis miseria, infi-
nita calamitas: ut commemoratione rerum ueststrarum
posito ante oculos excellenti bono, excitarem deside-
rium prudenter, iustè, fortiter, & temperatè uiuendi:
in quo,

in quo, tanta est uoluptas, ut ea sedati animi, ac deli- *Voluptas xula*
 buti sentiant propè nihil humanorum incommodo- *in est in pte*
 rum, nihil perturbentur inconstantia, & temeritate *uita mra*
 fortune, nihil cupiditatibus, nihil doloribus affician-
 tur. Quæ si supra mortalitatem nostram contingere
 uidentur, nolite obsecro memoria deponere, quod prin-
 cipio dicebam, esse Philosophiam donum, & inuen-
 tum Deorum, cuius est proprium facere ex seruis Re-
 ges, ex miseris beatos, ex homunculus heroes diuinos,
 & coelestes. Quam ob rem cum singillatim de uirtu-
 tibus ageremus, antiquissimum nobis fuit exemplar
 illud intueri æternum præpotentis Dei, quod in ijs uir-
 tutibus usq; adeò elucet, ut facile intelligamus, posse
 ita conformari animos, ut mira in nobis sit quies, so-
 lidum gaudium, & germana felicitas, de qua cum *Attentio*
 mihi hodie sit dicendum, obsecro uos, ut me uestra bo-
 na cum uenia audiat. Duo sunt in nobis p. c. quorum
 alterum fragile, caducum, mortale, commune est cum *AVTARE*
 belluis: alterum cum Dijs immortalibus firmum, sta-
 bile, æternum. Horum naturam sequuntur omnes hu-
 manæ uoluptates, & actiones, ut tales sint, quales ab
 his proficiscuntur. A corpore nihil est, quod non ca-
 dat sub sensum, quod non sit concretum, quod alterius
 ope non egeat. A mente sunt quæ sensibus attingi non
 possunt cogitationes, & contemplationes, simplicesq;
 motus animi ut ipsius mentis excitari. Quæ duo cum *il-*
 arctissime

arctissimè coniuncta sint, quandiu uiuimus necesse est multa sic perfici, ac prodire in medium, ut illa ipsa uel sua causa, uel aliena se habent. Hinc nata est in nobis felicitas, non ex corporis unius, non ex animi unius bonis. Non possum non mirari P. C. eos homines, qui sapientissimi sunt appellati, & habiti, tam liberè pronunciaſſe omnia in sola uirtute eſſe poſita. In re quidem illi aperta turpiſſimè lapſi ſunt. Quis non uideat nos eſſe homines? & propterea animantia, & iccirco ali cibo, ac potu, reſci ſomno, & quiete, egere ueſtitu, ac teſtis, in quibus calorem melius, & frigus aliquando feramus. Quis ueſtrum eſt, qui liberos ſuos uelit eſſe ſapientes, qui non multa putet opus eſſe pecunia, ad libros coëmendos, ad pædagogum parandum, ad conducendum doctorem? Si ad percipiendas liberales dignas homine diſciplinās peregrè ſit proficiſcendum, ſine uiatico Græcus non uiſet Aegyptum, non Germanus Italiam, non Italus exterās regiones. Sed hoc omitto, illud dico. Quis domi forisq; ſtudia uirtutis colet diligenter? Quis contemplantur? quis melius id non faciat optimo corporis temperamento, quàm diſſoluto? acuto melius ingenio, quàm hebeti? Quæ cum ita certa ſint, ut tam ſtolidus ſit nemo, quin ſentiat eſſe ueriſſima: & tam multi ſemper fuerint indagatores felicitatis, quam in contemplatione poſitam eſſe rectè intelligerent: quid eſt, quòd quidam, quos ſicuti boues

boues armenta secuta est infinita hominum multitu-
 do, se se, & alios oleribus, & crassiore cibo pascere
 instituerunt? quod genus uitæ fecit homines minimè
 aptos ad meditandum. Vnde primum iuri naturali,
 & civili bono incredibiles tenebræ sunt offusæ. Vnde
 illa nata sunt monstra, ut alij cum feris libenter ha-
 bitarent, alij in sordibus, & situ iacerent, alij sibi pla-
 gas infligerent, & asferrent crudeliter vulnera, qua-
 si morbis affecti melius contemplerentur, et propterea
 corpus non esset curandum. Horum simillimi fuerunt
 philosophi non ignobiles, quibus cum pecunia ampla,
 & copiosa hereditate obuénisset ad scopulos decla-
 mantes multa argenti, multa auri talenta in mare
 coniecerunt: quasi liberalitas non esset uirtus, quasi
 miseri non essent subleuandi, quasi numus lege consti-
 tutus non esset consilio prudentissimorum hominum
 ad usum necessarium cõmunis uitæ. Quos secuti sunt,
 qui à regendis populis, à Republica, à priuata admi-
 nistranda, à procreandis liberis, à lectissimæ foeminæ
 societate abhorruerunt: quiq; parentes, cognatos, pro-
 pinquos, amicos non bono esse nobis putarunt ad beatè
 uiuendum. Inuenti sunt, qui ab omnibus refugerent ho-
 minibus, cum tamen ipsi essent humana specie, & fi-
 gura. Quanto illi nostri melius, qui duce magistra ui-
 tæ Philosophia bonam ualitudinem, formam, ac ro-
 bur, agri copiam, terræ ubertatem, pecuniæ usum, fi-
 delitatem

Philosophi
 quibus in
 his magis
 ab in
 dyne

et uocata
 Nov. Man. p. 350.

delitatem uxoris, liberorum, cognatorum, propinquo-
rum affluentiam, hominum denique necessitudines,
& societates bona esse intellexerunt? Quid ergo est?
Dicam p. c. aliquid in nobis inest ex puris illis, eter-
nisq; mentibus, quod si studiosè colatur, omnia præcla-
rè se habent: in quod unum omnium oculi sunt conij-
ciendi; neq; interea aliud quicquam est spectandum.

ex. y. x. par.
Mens.
Quis non uideat quasi Phidiae Mineruam illam in ar-
ce, sic in suo capite mentem pulcherrimè repositam,
quasi dominam sedere, & reginam consiliorum? quæ
oracula continenter fundit instinctu, afflatuq; diuino:
quam qui contemnit, Deum contemnit: cui qui repu-
gnat, is oppugnat iura humana, & diuina. Qua duce
intelligimus Melius omnino geri quæ ratione certa
sunt, quàm quæ temerè administrantur. Animantia
quæ prudentia censentur magis sibi cauent, quàm quæ
feruntur imprudentia. Respublicæ in quibus sunt sa-
pientes, & usu rerum callidi ciues, omnibus partibus
commodius agunt, quàm quæ ab imperitis, & inqui-
linis reguntur. Eadem est patrimonij ratio: hereditas
quæ scientissimis administratoribus utitur, optimè
conseruatur. Nihil autem omnium rerum melius est
mente, plena consilij ad omnia regenda. Nam & So-
lis, & Lunæ conuersiones, & signorum ortus, &
obitus certum, ac perpetuum ordinem seruant: &
tempestatum commutationes constanter fiunt: &
dierum,

dierum, noctiumq; uicissitudines, quasi ad clepsydram æquata, quotannis proueniunt. Quæ certè omnia sunt argumento præpotenti quadam mente mundum uniuersum regi. Quòd si melius geruntur, quæ ratione certa fiunt, quàm quæ temere administrantur, & ad omnia regenda mente plena consily nihil est melius: quis dubitet ratione, & mentis consilio omnia esse administranda? Quòd si diuina hæc pars accesserit ad rerum temperationem, quid officiet, quominus bene, & beatè uiuamus? Bona ualeitudo? at ex ea in primis est tranquillitas, ne doloribus corporis abducamur à contemplando. An forma? quæ honestatem natura habet, & mirificos amores excitat sui. An robur? quo nititur fortitudo, si pro bonis arma sint capienda, si sit pugnandum pro patria. An opulèntia? qua alijs etiam prodesse possumus, & ad Deum proximè accedere, cuius diuitiæ sunt immensæ, & infinita liberalitas. An parentes, uxor, liberi, cognati, propinqui, amici? quos ut tueamur, & sustentemus si ipsa loqui possit pietas, nos uehementer etiam, atque etiam rogat. Qua igitur re opus est? dixi iam sæpe p. c. mente bona, ac firma, animo potenti, & exercitato ad omnia prudenter, iustè, fortiter, & temperatè gerenda. Non satis est nosse, quid sit prudentia, quid iustitia, quid fortitudo, quid temperantia: re ipsa experiri oportet: non dicto, sed facto est opus. Si u. rbis fieri possent

Mentis

in omni
administra

bona ualeitudo

forma

Robur.

opulèntia

parentes

sustentant

parentes

possent uiri boni, præclare se res haberet. Quæ sunt
 præcepta sapientum? quæ conciones theologorum? ne-
 mo est qui legendo, & audiendo iam non sit defessus:
 & tamen bonorum mira est paucitas. Quid est? aua-
edute te rissimi etiam homines magnificè de liberalitate lo-
Am Salu quantur, dissoluti crebrò de continentia: de re bellica
Phormione nemo plura, quàm ignauissimus quisq;. Exul Annibal
quodam clim cum Carthagine expulsus Ephesum uenisset ad
Antiochum regem, in Phormionem quendam incidit,
 qui cum castrensum tubarum cantum nunquam au-
 diuisset, nunquam uidisset signa ferri, nunquam cum
 hostibus conferi manum: & tamen homo Græcus
 ausus est apud magnum Regem, & summum impe-
 ratorem differere de omni re militari. Quod si Phor-
 mioni fuit turpissimum, illud primum nobis est uiden-
 dum, ut ea de quibus dicimus cognoscamus, deinde ne
in uerborum inani uoluntatione, sed in re ipsa perfi-
cienda posuimus putemus fructum excellentis uirtutis.
(omni) Non satis placet contentus, qui totus est ex falsis uo-
culis: nulla suauior est harmonia, quàm cum dictis sa-
cta respondent: hæc Dorica illa est, quæ in primis pe-
ritos decet: hoc Archite est instrumentum, quod à
pueritia est adhibendum. Quod cò dico p. c. quod
sciam ubiq; gentium studiosam iuuentutem dare ope-
ram Philosophiæ, non ut uitam cum uirtute colat, sed
ut de uirtute possit differere: & infinitos mortales
 in cau

in causis rerum scrutandis, & obscuris questionibus
 etatem consumere, quibus studijs nihilo fiant melio-
 res: & Principes orbis terrarum legere avidissime
 res à maioribus gestas, non ut sese conforment, talesq;
 sint, quales esse oportet, sed ut manem, nescio quam, ex
 rerum illarum commemoratione capiat voluptatem,
 ad cuius motum quoniam omnes propensi sumus, illud
 est uidendum, ut ea sit semper cum utilitate, & ho-
 nestate coniuncta, ad quam regulam dirigende sunt
 omnes voluptates. Sicut enim agrotantibus dulcia ui-
 dentur amara, & alba lippientibus nigra: sic malis
 obscenae voluptates bonae, & honestae. At sicuti de
 saporibus recte iudicant, qui bona sunt ualitudine:
 sic de uoluptatibus, qui sana sunt mente. Quamobrem
 mali (quod uix est credibile) qui in uoluptate sum-
 mum bonum ponunt, uoluptate semper carent: & ab
 ea, quam se manibus putant tenere, longissime quidem
 absunt. Quod si illis persuaderi posset non esset iam
 declamandum in uoluptatem: sed in eos potius, qui
 non ita se parant, ut suauissima re fruantur. Est enim
 felicitas uoluptas ex animi, & corporis bonis in rebus
 uel agendis, uel contemplandis, qua ueluti sale res na-
 tura aspersit, ut recte ille quidem fierent, & factae
 conseruarentur. Artifices ipsi, & operarij dicere
 consueuerunt, si uoluptas, & animi propensio accesserit,
 sese omnia melius facturos. Laboriosa literarum

*Cic. pro Murel.
 Poeta p. 362*
 sunt studia, & tamen quos delectant, cum ijs non
 modò assidua sunt domi, sed peregrinantur etiam,
 & rusticantur. Dura sunt munia rei militaris, &
 tamen cum bellum geritur summa est alacritas im-
 peratorum. Qua creditis Q. Fabium letitia fuisse affe-
 ctum? cum patientia sua molliret Annibalem iuueni-
 liter exultantem? Qua M. Marcellum? cum intelli-
 geret confirmatis à se legionibus spem iniectam Se-
 natui Annibalem posse uinci? Qua P. Scipionem? cum
 contemplaretur, qua uirtute in Italiam hostis descen-
 derat, eadem cum ipse in Africam uenisset, fuisse ho-
 stem superatum, otium ciuibus partum, honestatum,
 atq; auctum imperium populi Romani? Nu'lla maior
*Uaro ius luy
 23 quærit*
 est uoluptas, quàm quæ percipitur ex conscientia re-
 rum bene gestarum. Sed quid ego longissimè abeo? uos
 ego testor P. C. uos præsidia, ac robora libertatis po-
 puli Lucensis, uos conseruatores tranquillitatis, & pu-
 blicæ quietis, uos inquam testor, de uobis ipsis cum di-
 gnitate Reipub. quæro. Cum superioribus annis ciuitas
 laboraret seditione, & non Galli, non Heluetij, non
 Hispani essent ad portas, sed ciues uestri ad palatij
 fores, ante Curiam contra Senatum arma cœpissent,
 & acriter pugnarent, rebus à uobis præclare gestis,
 & domesticis inimicis ex urbe pulsis, consilio, & sa-
 pientia ciuium conspiratio illa, & concordia omnium
 bonorum secuta esset ad defendendam libertatem, ob-
 secro

secro quæ lætitia fuit Senatus? quæ uoluptas? quod gaudium. quæ alacritas animorum uestrorum? quæ salutationes in foro? qui complexus illi erant inter uos? cum alter alteri congratularetur, & exponeret, in quod discrimē, & periculam ciuitas uenisset, quorum uirtute esset liberata. Mitto illa tempora, quid cum proximo superioribus annis diuina ista prudentia prospiceretis orbem terrarum bello aliquando arsurum, n. c. procul abesse tempus, quo Gallia, Hetruria, Latium, Campania, Brutij magnorum Regum conatibus ita conquassarentur, ut nihil cis alpes usquam esset tutum. Num Lucæ trepidatum est? num Delphos legari missi ad Apollinem Pythium? uestra uobis p. c. sapientia præstò fuit, quæ intellexistis ante exadificandas arces, exadificandum Senatum, prudentia, iustitia, fortitudine, temperantia ciuitatem esse muniendam: quo pulcherrimè à uobis constituto, & facto cū ciuitas uestra in totius Italiæ conspectu posita eluceret, quasi diuinum aliquod lumen, & tempestatibus coortis omnia miscerentur, omnes provinciae, omnes regiones in magnas calamitates inciderent, omnes urbes barbararum, & immanium gentium eluione obruerentur, uos ad Reip. gubernacula sedentes ueluti magni Dii repulistis tempestatem è moenibus uestris: unde tranquillitas orta est, unde hæc dignitas libertatis, unde affluentia omnium rerum, ut

cum hisce annis Europa, Asia, atq; Africa bellis exhaustæ fuerint, nobis nunquam annona defuit, nunquam concidit fides publica, nunquam mercatura, nunquam literarum studia sunt intermissa, nunquam opifices se suis artibus remouerunt. Quare nunc pacatis temporibus senes optatissimo otio fruuntur: pueri & adollescentes ingenuis se dedunt artibus: matres educande familie, & conseruande rei student: iuuenes aut nauigatione maria transmittunt, aut in Gallijs, Germania, Hispanijs gerunt magna, & ampla negotia, ut sint opes quibus ciues bene agere, & sustinere queant Remp. in quam omnium oculi, & animi conuersi sunt. Quæ res tantæ neq; fuissent, neq; possent diu esse apud uos, nisi animos uestros uoluptas, & uirtutis amor accenderet, quo uestra facta est beatissima ciuitas, in cuius contemplatione nolite mirari p. c. si diutius moror, & ad eam sepe iam redeo: est enim

in exemplis contemplatio felicitas, in qua boni tantum inest, ut hac una
et felicitate Deus ipse felix sit ac beatus. Cuius etsi ea est prouidentia, ut nihil habeat quo magis omnes trahat in admirationem sui: ea iustitia, ut omnibus omnia æquè
dei prouidentia dispertiat, & consulat uitæ animantium: ea fortitudo, ut omnia uideat ut præsentia, neq; letitia afficiatur unquam, neq; capiat dolorem: ea temperantia, ut
subl. Fort. Temp. licet eius sit infinita uis, moneat tamen ut finita, & ingentes sustineat globos, qui contrario motu uersantur:

tur:

tur: cum tamen is mens simplex, pura, ac præstantissima sit, nihil aliud agere quicquam potest, quàm contemplari, & intelligere. Quod si homini quoque est proprium, certè ad hoc homo natus est, ut agendo, & cõtemplando fiat aliquando Deus. Quã ob rem ociosi, qui neq; sibi, neque alijs prudentia, iustitia, fortitudine, temperantia sunt boni, ac salutare, & qui magnis susceptis negotijs magistram omnium benedictorum, beneq; factorum uirtutem non intuentur, & contemplantur, felicitatem assequi non possunt, quæ nobis proposita est ex imitatione immortalis Dei: in quem quoniam non cadit perturbatio, curandum est diligenter, & efficiendum omnibus, qui beati esse uolunt, ut ita se exerceant, & omnino confirmant, ut in uitium delabi non possint: ut cum semper absit culpa, adsit semper indolentia, tranquillitas, gaudium, & infinita uoluptas: quod rebus præclare gestis eorum casta, & sincera mens, diuina menti se coniungat: ad quam intelligendam ita natura omnes ferimur, ut nullus suauior cibus sit animis, quàm contemplatio rerum diuinarum: cuius ita me P. C. desiderium tenet, ut iam planè ardeam, & contineri non possim, quin rogem uos in conspectu populi Lucensis, loco & ad petendum, & ad impetrandum aptissimo, ut maturiore iam etate mihi bona cum æenia uestra liceat deponere hoc onus dicendi, quod melius suscipere, ac
ferre

*peruersa
romant
fuit.*

inmensa
imp. Deo.

ferre possunt, qui hoc tempore apud uos ingenio, &
 atate maximè florent, quo ego illud prosequar, ad
 quod iam non populus Lucensis, sed tu me uocas omnis
 egregiæ uoluntatis, omnis efficiendæ rei autor, mode-
 rator, perfectior. Qui quoniam me & gratum, &
 memorem esse iubes, quò me uertam? quem inuocem?
 cui ego hos, qui me tam amanter quinquennium alue-
 runt, & sustentarunt commendabo? nisi tibi, qui opti-
 mus es, & maximus. Quæso ut eorum hanc, quæ in
 tua fide est, tueare, & conserues Rempublicam, quæ
 bonas semper artes coluit, nemini unquam molesta
fuit, nunquam finitimus terribilis, & formi-
dolosus, quæ peregrinis etiam, & exte-
ris nationibus benigna est, &
perhospitalis: per te ipsum
 oro te, perq; sapien-
tiam tuam,
qua
 cælum, terra, mariaq; reguntur,
sint fausti, sint felices, sint
beati Lucenses
mei.

F I N I S.

A O N I I


PALEARII

VERVLA-

NI

DE ANIMORVM IM-
MORTALITATE

LIBRI III.



VIRTUTE DVCE,



COMITE FORTVNA.

APVD SEB. GRYPHIUM
LVGDVNI,

1552.

THE NEW YORK

LIBRARY

OF THE

ALBANY

ACADEMY

OF THE

LIBRARY

OF THE

LIBRARY

IAC. SADOLETVS

CARP. EP. SEB.

GRYPHIO

S. D.



UPERIORIBVS proximis diebus, cū esset allatus ad me liber Aonij Palearij, de immortalitate animorum, præclaram inscriptionē præ se ferens, eamq;

*Haec ipsa
epistola videtur
in ep. Sad.
lib. v. p. 2*

rem totam heroico carmine complexus: legere eum statim quā auide coepi, quasi tentaturus, an promisso satisfaceret, qui tam sublimem titulum operi suo præposuisset. Atq; ibi uideo id, quod mihi primum summæ uoluptati, deinde penē incredibili fuit admirationi. Rem tantam, quanta altera nulla est, quæ quidem ingenijs proposita sit, & considerationibus, tam grauitè, tam eruditè, tam etiam & uerbis, & numeris aptè, atq; eleganter tractatam esse: nihil ut fermè nostrorum temporum legerim, quod me in eo genere delectarit magis. Nam nec sententiarum, orationisq; ubertas in tam difficili, ac penē spinosa materie ulla desideratur: nec in exponendis rebus reconditis lux, atq; facilitas. Numerus porro carminis is est, ut uideatur Lucretium uelle imitari: redolet enim antiquum illud. Sed

*Sancti Libron
Aonij de J.
uoluntate
animorum*

ita sapore humanitatis conditus est, ut asperitate dimissa, uetustatis tamen autoritas salua remaneat, atq; hæc in uniuersum. Illa iam partium singularum propria, nihil non Latiniſſimè dictum, nihil non accurate, quòue iudicium, ac diligentiam adhibitam esse non pateat: multaq; præterea ubiq; nitentia ingenij, & uenustatis luminibus: & quod ego pluris quàm reliqua omnia facio, Christiana mens, integra, castaq; religio, erga Deum ipsum honos, pietas, studium in eo libro uel maximè, non solum docere mentes errantium, sed etiam animos incendere ad amorem puræ religionis possunt. Sed quorsum hæc mi Gryphi? Primum uolui dare testimoniū apud te doctissimo uiro, ut quid de eo sentirem, tu planè cognosceres. Deinde à te petere, id quod ipse quoq; cuius uolo causa, & petit à te per literas, & summè flagitat, ut eius hosce treis libellos tuis formis exprimendos curare uelles: in quo ille ualde suo honori, ego mea cupiditati satisfactum fore abs te arbitraturi sumus. Noli enim putare, non apud Italos omnes tuum esse nomen in magna gratia. Quicquid prodit ex officina tua, id ita demum & rectum, & probatum habetur omnibus, si in eo tuum nomen sit præscriptum. Nota est enim bonitas, & diligentia tua, nota eruditio. Quid igitur restat, nisi ut tu & bonis, & amantibus tui morem libenter geras? quod tamen semper sponte tua facis, nunc mea
etiam

etiam causa facere propensius debes, qui meā fidem,
 atq; officiū in hac re agi iudico: sum enim (ut tu scias)
 in hoc ipse libro honorificētissimè appellatus (secundo
 ut opinor uolumine) ut tibi hæc opera, mihi quoq; unā
 cum Aonio, non ipsi soli præstanda sit: quandoquidem
 tu me amore iam pridē, atq; obseruantia tua mirificē
 es complexus. Nec erit cur te pœniteat, hunc talem li-
 brum Actij Synceri, & Vidæ doctissimorū hominū,
 ac præstantissimorum poëtarum operibus adiunxisse,
 cum quibus iste certè iure cōparari potest: nam & in
 eadem argumenti sententia, sanctitateq; ornatissimè
 uersatur, & philosophiæ prætereā rationibus uberius
 est instructus. Sed hoc tu per te æquē bene cognosces.
 Illud utiq; tibi persuasum habere debebis, quicquid in
 hac re ex mea & Aonij uoluntate effeceris, id utriq;
 nostrum fore gratissimum. Vale mi Gryphi. Car-
 pentoracli III. Calend. Iulij, M. D. XXXVI.

ORGETORIX SPHINTER
 CAROLO LAVRENO S. D.

RABVLARVM genera multa sem-
 per fuisse non ignoras, quorū illud qui-
 dem arrogans, maximeq; odiosum est,
 quod his temporibus irrepens provin-
 cias omneis occupauit. Quotus enim quisq; est, qui
 quàm primum Latinos libros attigerit, de stylo ipso,

& dicendi genere quodam perfecto nolit dijudicare?
 Hem ut imperiti, & indocti homines miseris tempo-
 ribus rem difficilem, & magnam sibi arrogant: pu-
 tantq; in iudicatione, quæ de literis est, nihil ipsis esse
 ingeniosius, nihil fieri posse acutius. Quod si ex Cice-
 ronis libris clausulas treis furari iam didicerint, ex
 quibus pusillam aliquã epistolam insuauiter texant,
 ut Diï immortales se ipsi salutant, quibus latitijs titil-
 lantur, quos sese oratores factos somniant! Quod si epi-
 grammata duo ex alienis uersibus conflata, aut ad
 summum tria accesserint, quæ quidem ab alijs uideri,
 & recitari non sinant, sed ipsi quadam moderatione
 uocis, & suauis gestu adiuuent, tantos sibi spiritus su-
 munt, ut uix ferendi uideantur. At si in eorum manus
 aliqua, ab alijs quæ scripta sint, uenerint: putas tu illos
 ea legere, ut quæ legant intelligant? Legunt porrò, ut
 si tantillum offenderint, quod oppugnare possint con-
 clament, Senatum cogant, ut ijs, qui ipsorum simillimi
 sunt, ea recitent, quibus uulgò doctiores habeantur:
 hac in re cogitationem, & mentem omnem figunt:
 quo certè fit, ut inepti, imperiti, rudesq; Philosophiam
 & eas artes, quibus bona studia semper uiguerunt,
 miseri nunquam attingant. Alterum genus est eorum
 sanè perridiculum, qui uultu se uero, & tristi quodam
 incedunt: ij rogati sæpe, si tandem oculos in aliorum
 scripta coniecerint, nihil est quod laudent, nihil quod
 probent,

proben, delicatq; admodum uix binis uersiculis lectis
fastidiunt, ac stomachantur. Tum ibi si quis præterea
loci quicquam laudauerit, uenusto quodam oculorum
obutu perbellè rident. Hi nunc, mi Laurene, docti ha-
bentur, estq; eorū non mediocris copia. Tu uide, in quæ
tempora inciderimus. Volo tibi planè eorum ingenia
commemorare, ut scias, qua arte freti, doctrinæ san-
ctissimum, & grauissimum nomen arroganter sibi
asciuerint: nanq; ineptissimi cum sint, uelintq; haberi
doctissimi, nihil potius ducunt fore, quàm si à scriptio-
nibus se abstineant, fingantq; id ingenij acumine fa-
cere, & consilio diuinæ cuiusdam prudentiæ, & mo-
dèstie pleno: quòd scilicet nihil inueniant, quod aures
eorum capaces cumulatè cõplere possit. Dicunt itaq;
hac ratione perdiu se à scriptionibus abstinuisse. Hos
ego, aut horum laudatores, quos habent plurimos, si qui
me conueniant, soleo nō infacetè Socratis dicto abige-
re: Perpendamus, ille inquit, si quis ineptus tibicen sit,
uelitq; uideri eius artis peritissimus, multa primum
de percussionum modis, quæ à bono tibicine dici solent,
pleraq; quæ ad artem uix attinēt iactanda sunt, non-
nulli deinde laudatores parandi, nunquam uerò ipsi
tuba canendum est: quod si tentarit, fore, ut repente
ridiculus habeatur. Nonne tibi uidetur semper sa-
pientissimus Socrates? Homines, inquit, hosce specte-
mus, atq; eos, qui statuas faciunt, cauendum ne uerbis

*Sumpta ex
1^o libro
Sen. memo-
rabilium
fore inept
mo. pag. 17*

nos adducant : at illos multa posse prestare facile
 credamus , quos affabrè aliquod fecisse uiderimus.
 Ενδυμώμεθα γὰρ εἴ τις μὴ ἄρ' ἀγαθὸς αὐλητὴς , δε-
 κεῖν βόλοιτο , τί ἄρ' αὐτῷ ποιητὴς ἦν , ἀρ' ὃ τὰ
 ἔξω φηι τέχνης μιμητὴς εὖ ἀγαθὸς αὐλητὴς , καὶ
 πρῶτον μὲν ὅτι ἐκείνοι σκόλη τε καλὰ κέκτην) , καὶ
 ἀκολούθως πολλὰς ποδιάζοντες ἃ τὸτ' αὖ ταῦτα ποιη-
 τῶν , ἔπειτα ὅτι ἐκείνους πολλοὶ ἐπαινῶσι , καὶ τὸτ' αὖ
 πολλὰς ἐπαινέτας παρασιδουάσας , ἀλλὰ μὴ ἐρ-
 γον γε ὑδαμὸν ληπτέον , ἢ ὑδὺς ἐλεγχθῆσε) γελοῖος
 ὢν , εὖ ἢ ἀνδριανόποιος δοκιμάζομεν ὃ τοῖς λόγοις
 αὐτῶν τελευτῶμενοι ἀλλ' ὅν ἄρ' ὁρῶμεν εὖ πρῶ-
 σον ἀνδριάντας καλῶς ἐργασμένον τὸτ' αὖ πισύο-
 μεν ἃ εὖ λοιπὸς οὖ ποιήσειν . Nosti Socraticum ,
 quod ego utrunq; ad horum hominum agnitionē apte
 conuertit . Dices fortasse , quid hæc Sphinter ad Lau-
 renum ? Ingrediar iam ad explicandam rationem epi-
 stola meæ . Acceperam superioribus diebus Aonium ,
 quo familiarissimè uteris , de Animorum immorta-
 litate libros treis scripsisse : quos cū uidendi , & le-
 gendi miro desiderio tenerer , (mirificè enim me de-
 lectant siqua sunt uel philosophica , uel Christiana
 Latine scripta) petij ab eo sæpe per literas , ut sui
 mihi libelli copiam faceret : quod ille negauit omnino
 se esse facturum : nam qui sibi uersus essent , scire se
 certò dicebat , è capsula exire non esse ausuros . Vere-
 batur

batur enim, ut uideo, bonus, & pudens iuuenis, ne in
horum rabularum uoculas aliquas incurreret. Quam
ob rem, ut scis, tua ego opera usus sum, ut per te im-
petrarem, quod per literas consequi non potuissem.
Legi itaque per quàm lubenter eos libellos, quos ad me
misisti: quorū singula carmina ornata, & elabora-
ta mihi uisa sunt, atq; eiusmodi, ut acriter accusan-
dus uisus essem, si cū me mirum in modum delecta-
rint, alijs legenda non dedissem. Quid enim primo eius
libro sanctius, aut diuinius! quid secundo eruditius!
quid tertio uerius excogitari potest, aut dulcius! Nam
quod ad canes attinet, qui luce quoq; latrant, & mor-
dent, admonitos eos opinor nō expectare, ut rursus
crura ipsis substringantur. Hosce itaq; libel-

los nunc ad te remitto, ut per quem

acceperim eidem & libelli &

maximæ gratiæ referan-

tur: simulq; ut me in

Aonijs tui, uel

iam nostri

ami-

citiam quàm potes intimum

insinues. Vale.

Calend. De-

cembri-

bus.

AONIVS PALEA-

RIVS PETROPAVLO VER-

GERIO, APVD PIVM,

felicem, potentissimum regem

Ferdinandum orato-

ri Pontificio

S. D. P.



ETRVS BEMBV S, quem
tu ob multas diuini eius ingenij
suauitates, exquisitam doctri-
nam, singularem sapientiam mi-
rificè diligis, quiq; te ob animi
præstantiam, mores ornatissi-
mos, digna homine nobili studia amat uehementer,
subrustico, qui diu me à scribendo deterruit, pudore,
& timiditate quadam non ingenua penè liberauit.
Neq; enim debere me, uir summa prudentia aiebat,
à te, qui ea gratia, & humanitate esses, tam timidè
contendere, quæ honestæ petitionis speciem habere ui-
derentur. Itaque cùm de tuis laudibus, quæ à Bembo
dicebantur, uerissima esse intelligerem, adhortatus
sum ipse me, & sic animo sum constitutus, ut mihi
factus esse uidear audax, quàm soleo plusculum. Nam
certè quidem ab eo quem nunquam uideris, magnum
aliquid petere, prudentis hominis non est: in qua senten-
tia diu permanissem, nisi fortè mecum cogitare cœ-
pissem,

pissim, libellos meos, qui de *Animorum immortalita-*
te scripti sunt, non posse tibi esse non iucundissimos,
 quòd Ferdinando potentissimo, & sapientissimo Re-
 gi, cui tu ob uirtutem es acceptissimus, & propterea
 etiam gratosus, dicati essent. Nam cùm mihi eam
 quæstionem, quæ de humanis animis est, perdifficilem
 sanè Latinis uersibus explicandam proposuissem, iu-
 dicaui me præclarum nihil cõsequi posse, nisi quenquã
 prius mihi uelut Deum aliquem statuissem. solet enim
 fieri, ut spe quadam non inaniter à nobis in aliquo po-
 sita, libenter quæ magna, quæque ardua sunt, suscipia-
 mus, & feramus pulcherrimè. Mirum uerò est, ut
 ego Rege illo implorato in ipsis carminibus, uisus sim
 omni ex parte adiutus. Nam in angustijs sermonis
quibusdam, & difficultatibus non exiguis, illuxit
mihi Ferdinãdus diuinum quasi aliquod lumen. Qua-
 re cum eos ipsos libellos absoluissem, magnum mihi
 desiderium accessit, ut ad Regem perferrètur. Quam
 ob rem ego te per deos, per ingenium, per fortunas
 tuas oro, mi Paule, ut in ea re me non uulgari com-
 mendatione adiuues, ut intelligat Rex, me spes omneis
 à puero in se uno collocasse, sperareque nunc ita ipsi
 meos libellos, & incredibilem hanc animi propensio-
 nem fore acceptam, ut nunquam poeniteat me laboris,
 & industriæ meæ. Vale.

LIBRORVM SE- CTIO ET INDEX.

Questio omnis de Animorum immortalitate tribus à nobis libris pertractata est. Nā cum quidam (qui uulgò à Græcis ἄδτοι dicti sunt) Deos nullos omnino esse crederent, atque ex ea re animorum mortalitatem firmissimè asseuerarent, aduersus hos primo loco pugnandum fuit. Itaque in primo libro Deum esse, qui mundum omnem regat, ex certissimis Stoicorum, & Peripateticorum rationibus, quorum acutissima ingenia semper fuerunt, demonstrauimus. Deum præterea ad cœli uniuerſi temperationem sedentem preces bonorum audire, neque aspernari (non enim defuerunt, qui id affirmarint) quin eo piè, sancteque culto maxima eius in homines, & non obscura quedam beneficia extitisse: cumque de ijs orbibus, quibus infixi sunt errantium stellarum cursus, & de eorum constantia dicendum esset, ut πρὸ νοιᾶν ostenderemus, multa τῶπι ψυχῶν τοῦ ὅραω, quas nos animas, & animos cœlestes possumus appellare, è media Chaldaeorum recondita, & sanctissima disciplina, ac uetustissimis Græciæ sapientibus accepimus: tum quòd per hos nonnulla gerenda esse in tertio libro dicturi eramus, tum quòd res ea uersibus digna

gna

gna uideretur. Quoniam uerò ex æternis illis menti-
 bus animi hominum generi dati dicebantur, non alie-
 num fuit perscrutari, quænam mentes illæ essent: an
 Deus unus, an plures, an ex cœli motu, & luce, an
 ἐκ τῆς ὕλης διυλάμεως, an ab ipso Deo animi corpori-
 bus hominum iungerentur. Itaque in eo libello, cùm de
 ijs ipsis satis esset dictum, de animi ortu, deq; eius par-
 tibus ex doctissimorum hominum monumentis, multa
 à nobis collecta sunt, pleraq; illustrata. Quam ob rem
 cùm præclare fundamenta iecisse uideremur, in secū-
 do libro Stoicorum, & si quæ erant Peripateticorum
 rationibus, immortales esse hominum animos proba-
 uimus. In tertio, cùm quædam firmissimis argumen-
 tis muniremus, magna ex parte sanctissimos uiros
 theologos (utar eo sanè libenter uerbo, cùm iam Lati-
 num sit) & eos in primis Christianos, ἐν τῶν ἀλη-
 θεῶν ἀληθεσάτων, ut aiunt, secuti sumus. In quo certa
 esse & æterna quædam bonis uiris constituta præmia,
 malis uerò suppliciorū exempla omnia: tum multa de
 ea rerum fatali necessitate, quam εἰμαρμένῃ uocare
 solent, prosecuti sumus: ita ut in ea quæstione, quæ cer-
 tè quidem perdifficilis, & perobscura semper habita-
 est, Latinis uersibus, quantum in nobis fuit, nihil ho-
 mines nostri desiderare posse uideantur,

QVAE SINGVLIS
LIBRIS CON-
TINENTVR.
LIBRO PRIMO.

Naturam aliquam præstantissimam esse, quam Deum dicimus, homines intelligere posse: eius uerò διαφοράν, quam Peripatetici uocant ἰδιωτάτην τῆς οὐσίας, ne ipsos quidem τὸς τῶν θεῶν ἀγγέλους, quorum intelligentiā uis est acerrima, posse intelligere.

Pagina 27. uersu 1

Deum cum sese ipse uideat cætera uidere omnia.

27.10. & 31.1

Διὰ τῆς πλονολω, quæ & providentia dicitur, tempestatum mutationes, & uicissitudines Veris, Aestatis, Autumni, hyemis fieri, ex eorumque constancia Deum esse recte intelligi.

27.18

Deum ἐκ κινήσεως τῆς οὐρανῶς, hoc est ex cæli motu, & distinctis eius conuersionibus maxime percipi.

28.16

Deus cum omnia excipiat, insitq; in omnibus, soluta tamen quedam mens est, & ab omni rerum cōcretionē segregata.

29.25. & 30.18

Deum humana imbecillitate nos plenè, cumulatèq; percipere non posse, sicuti nec intueri Solem aduersum, quòd eius radijs acies nostra, sensusque uincatur.

30.24

Ex

Ex rerum pulchritudine, & admiratione posse homines intelligere Deum esse. 21.12

Dei providentia Mundum administrari, nec ob eam rem molestis negotijs, aut operosis esse implicatum. 31.21

Attributas esse singulis stellis errantibus singulas animas, quæ præstantem intelligentiã habeant, quæq; orbem suum mirabili celeritate contorqueat: hæ cum tempore immenso observatos cursus conficiant percipisse homines, Deum aliquem, qui tantis motibus præsit ἡγεμονικόν, hoc est, principatum obtinere. 34.14

Per magnam esse Animarum multitudinem, quæ à mortali concretionem se iugata ætheream mundi partem incolant. 34.6. & 35.14

Prosecutos esse multos Dei vocabula, & fecisse nomina, & si Deo nomen non sit ὅτι γὰρ ὁ ὢν ἀνώ-
νυμῳ. 36.26

Diuinorum nominum enodationes acceptas quidē ex Chaldeorum, & Iudeorum sanctissimis disciplinis, ut rei nouitate minimo fastidio essemus ijs qui nostra legerent, Iudaicis literarum notis, aut Chaldaicis, ut feceramus, hic exscribendas esse non duximus, ea uerò nomina in Latinum conuersa, qui Iudaicas literas attigerint, quàm primum agnoscent. 37.2

Deum rerum omnium dominatum habere. 37.2

Deum Præpotentem esse naturam quandam. 37.3

Deum

Deum singulis singula sufficere, quem extremum omnia cingentem dixerat Cleantes. 37.3

In Deo treis ἑωσάσεις esse, & si ipse unus sit, quod ex mysterijs Christianis scire licet, quæ nostri maiores augustè, sanctèq; consecrarunt. 4LI9

Deum cælum, terras, maria trāsmittere, & ubique esse, quod in Saturni laudatione legitur ὁς νοεῖς ἢ πάντα μὲν κόσμῳ γενάρχα. 30.8

Cleantes Deum altissimum appellavit. 37.4

Aeternitatem in Deo esse, quam nulla temporum circumscriptio metiatur: id ueteres illi Iudææ sapientes mirificè una uoce significarunt, quæ Qui fuit, Qui est, Qui erit unà comprehendit. 37.7

Deus à sapientissimis Iudeorum uocatus est exercituum Deus, & quare. 37.9. & 37.25

Dauidis Hierosolymarum Regis cum Goliade pugna. 37.II

Epirotici ducis cuiusdam, qui Scandaribethus dictus est, cum Parthis pugna. 38.6

Deum optimum maximum unum esse, nec plures in Deorum numero reponere licere. 39.8

Ex materia rerum omnia exprimi, atque effingi corpora, quæ ὕλη dicta est à philosophis. 42.17

Prima corpora quæ Græci στοιχεῖα, nostri elementa uocant, in concretis corporibus mixta inesse. 42.26

Motum rebus ipsis ex cæli motione, oculorum uerò sen

rò sensum ex luce eiusdem tributum esse animantibus.

43. 4

Animantem partem, quæ in plantis uiget, quæq; in animalibus sentit, ac mouetur, ἐκ τοῦ αἵματος, & cœli motione substitui.

43. 18

Iracundiam, formidinem, libidines, & animorum concitationes, (quas Græci παθήματα uocant, nostri morbos,) corporum temperationes sequi: itaq; eam partem, quæ sensum, quæ appetitum habet, non esse ab actione corporis seingratam.

43. 22. & 45. 3

Eam animi partem, quæ rationis, & intelligentiæ particeps est, tum maximè uigere, cum plurimū absit à corpore, & in cœlū usq; penetrare.

45. 8. & 52. 20

Naturas rerum quatuor sursum, deorsum, ultrò, citroq; commeantes, quæ στοιχεῖα à Græcis appellari diximus, in suis omnino locis conuiuiscere, hanc rationem, atq; ordinem sequi corpora mixta. Animi uerò hominum cum in rebus caducis non conuiuiscant, sed ad diuinas, & æternas sua natura ferantur, in illis locis, ad quæ spretis corporibus euolent, & excurrant, quieturi deniq; uidentur.

45. 16

Animos consilij, & prudentiæ, & rationis compotes à Deo creari, membrorumq; admirabili quadam fabrica xlv. dieb. absoluta, in corpora ipsa infundi.

46. 19.

Alias esse corporis, alias animi partes, easq; inter

b b

se dissi

se dissidere, & pugnare acriter: illas terrena quædam illecebre delectant, quas sequuntur: has rationis, & mentis participes elucere diuinum quasi aliquod lumen, & sese ad ardua, magna, æternaq; capeffenda uegetas, acreisq; præbere. 47.2

QVAE SECVNDO LIBRO

CONTINENTVR.

Τὴν λογικὴν Ψυχὴν quam nos animam rationis participem dicimus, & mentem duo diuersa omnino esse, itaq; aliud mens est, aliud anima. 51.15

Animam λογικὴν, quam & animum iam appellare consueuerunt, neq; corpus esse concretū, neq; aliquod quatuorū principiorum, ex quibus omnia nata esse dicuntur: cum cogitare, prouidere, tā multa inuenire in nullo horum quatuor generum insint. 52.2

Animam consilij participem corpus non esse, neq; corporea natura constare, quod ea quæ corpora non sint, sua natura comprehendat. 52.13

Animam rationis compotem corpus non esse, quod ea ui, qua corpus effertur, exultatq; ipsa deprimatur, & minimè uigeat. 324.4

Animi hominum æterni sunt, quod εἰς κῶλον μεταuertantur, quod est, in eodem reuolui, & in ipsos reflecti. 53.6

Animum in corpore ἡγεμονικόν, quod est principatum

cipatum obtinere.

324. 28

Animam λογικὴν tum maximè uigere cùm plurimum absit à corpore.

53. 14

Quod ἀπλῶς ἐστὶ cùm ad nihilum non possit recidere, anima hominis τῇ ἀπλᾶτάτῳ cum sit, neq; mixtū quicquam, neq; ullum ex quatuor primis corporibus, sed quædam natura quinta, sciuncta ab his usitatis, notisq; naturis interire non potest.

53. 26

Animam rationis participem τὸ εἶδ' & ἀπὸ τοῦ ὕλης (dicerem, si liceret, materialem formam) non esse.

54. 10

Animus humanus immortalis est, quod τὰ μέγιστα καὶ ὅλα προῖνται τοῦ αἰδιότητος, quod est, quod maximè uniuersalia (dicant melius, qui inuenerint) quæ longissimè à sensibus absint comprehen-

54. 16

dat. Animos non posse interire, quod nulla ijs sint contraria, quæ ἐναντία uocant, ea uerò nos animo simul comprehendere posse, quod animo neque contraria sint, neq; pugnantia.

54. 26

Animos nostros aeterno tempore duraturos, quod ipsi aeternitatem, quæ nulla temporū circumscriptio metiatur, cogitatione cōplectuntur, quod in immensam, interminatamq; magnitudinē regionū, quod in infinita numerorum incrementa sese intendant.

55. 8

Humanus animus diuinum quiddam est, cum re-

b b 2

rum

rum omnium formas possit induere, & quiduis cogitatione consequi. 55. 24

Aeternitatis, & immortalitatis desiderio ardere homines. 58. 10

Animantia omnia summo studio ea desiderare, quæ assequi possint, idq; esse in primis à natura tributum animantibus. 57. 17

Immortalitatem omnino nullam, cuius miro desiderio tenemur, homines consequi posse: at triste ipsis desiderium relinquere, si eorum animi intereant. 58. 2

Aetate omnia senescere, exustionibus, atq; elutionibus nihil esse aeternum, nihil diuturnum, novari omnia, & siderum motu, ac vi magnas rerum fieri mutationes. 58. 6

Animi diuinitas ex celeritate motus percipitur, quòd nihil eo sit uelocius, aut celerius. 60. 7

Ridicula sanè esse quæ à Democrito dicuntur, ex atomis quibusdam concurrentibus, dum inter sese cohaerent, fieri animas: nam quod semper certo tempore fit, non est fortuitum: neq; animaduertisse, quid ipse dixerit. Nèpe si illud ita sese haberet, sine corporibus animæ esse possent, quod ipse in primis negat: neq; pugnantia esse locutū Democritum. 60. 18

Animam non esse ignem. 61. 8

Animam non esse harmoniam, aut numerū 61. 17

Tantum donis, suisq; muneribus consecutam esse natu

naturam, ut sat constet, dum ipsa hominem effinxerit, felicem, fortunatumq; animantem uoluisse constituere. 62. 2

Quàm liberaliter natura nobiscum egerit: homines rebus omnibus frui, rerumq; omnium in illis esse dominatum. 62. 5

Calamitosum, maximeq; infelicem, & unum omnium miserrimum animantem esse hominem à Natura constitutum, si cum corpore animus quoq; intereat. 64. 16

Gravissimo, & firmissimo argumento est, animos hominum diuinos, et immortales esse: quòd concitatione quadam soluta, & libera à corpore longè abstracti, futura præsentiant, hoc mortale quidem non est 78. 6

Davidis cantilena.

78. 25

QVAE TERTIO LIBRO CONTINENTVR.

Quòd homines libidinũ cupiditatibus efferrẽtur, intenderentq; sese in eas animi, & inquinarent, constitutas esse certas quasdam pœnarum leges à Deo, quibus illi obligarentur. 82. 7

Facere homines arroganter, qui putent facinorosorum animos Dei mandato nõ posse ad pœnas trudi, qui quæ uelit possit efficere, qui immortalem ani-

*mam cum mortali corpore copularit, qui æquissi-
mus sit.* 43. 20

*Qui boni uiri fuerint, si paululū admodum à præ-
ceptis aberrauerint: item qui maximis in erroribus
uersati sint, si in uiam redierint, eorum animos in lo-
cum deuenire, in quo labem omnem eluant, atq; abij-
ciāt, mox expurgatos in bonorū cœtus aduolare.* 85. 2

*Quæ, de inferis à Christianis dicuntur, non negli-
genda esse, aut neganda, quia ea nunquam uideri-
mus: multa quidē esse istiusmodi, quæ quis fabellas nō
prius desierit appellare, quàm oculis uiderit.* 88. 15

*Fontem qui ad Hammonis fanum est, noctu fer-
uere, ūterdiu huius aquis nullas esse frigidiores* 88. 22

*Magnetem lapidem ferrum ad se allicere, cuius
rei rationem asferre non possumus.* 89. 3

*In calcem aqua coniecta ignem concipi, qui si
oleo aspergatur subitò extinguitur.* 89. 21

*Scire nos multa nunc certò esse, quæ nunquam
fieri posse maiores opinati sunt.* 91. 4

*Fulmen non imitabile appellatum est à ueteribus,
quod nunc fistulis ferreis, et æneis quibusdam homi-
nes imitari certum est.* 91. 6

*Nullam consulari spem eos qui ad inferos sunt
amandati.* 92. 26

*Stultissimum est existimare Talionē, aut legem
quamuis aliā, quæ de reorū supplicijs lata sit, æqua-
bilis*

bilitatem omnem animadversionis in reos habere : ea
in re postquam è vita discesserimus satis à Deo esse
provisum. 93.2

Cùm miseris perditisq; temporibus frequentissimè
bonis male eveniat , improbis optimè, necesse est (ἐχ
ζὸς θεὸς ἐκδιδῶν ὅμματα) rem hanc non semper ita se
habere , sed pro ea æquitate , quæ in Deo summa est
fore aliquando , ut bonis bene perpetuò sit , malis
malè. 93.27

Ridicula esse inuenta eorum , qui dicunt animas
corporibus elapsas , seu in pecudum , seu in hominum
corpora migrare. 423.19

Iudicia certa , seuera , acria constituta esse pu
niendorum malefactorum causa, & ut boni maximis
præmijs afficiantur. 95.15

Antequàm ea iudicia fiant , signis quibusdam
multa necesse esse declarari : itaq; habere signa ho
mines, quæ obseruent. 95.24

Bellum nefarium , horrificum , teterrimum ubiq;
terrarum, & gentium futurum. 95.27

Annona angustia , & rei frumentariæ summa
inopia. 96.20

Pestilentia. 97.20

Pseudomeni multi, qui & mentientes , & Pseu
dochristi aptè dicuntur. 98.6

Terræ motus horribiles. 98.9

bb 4 Solis,

*Solis, & Lunæ, Syderumq; reliquorum excessus
è mundo.* 98. 15

*Pensões, & mare uniuersum uastissimo aestu
efferuescent.* 98. 26

*Crucem auream, regium Dei in signe, ea cœli par-
te, quæ ad orientē solem spectat extollendā esse.* 100. 5

*Mundum omnem necesse est ad extremum igne-
scere.* 100. 14

*Mundi quæ renouatio, quiq; rerum ornatus futu-
rus sit, nullis iam tempestatum mutationibus.* 101. 7

*Deo fore curæ, ut anima suis corporibus restituan-
tur, itaq; omnibus in uitam esse redeundum, quos nul-
la postea mortis fata periment.* 101. 22

*Corpora eadem hominum quæ occiderunt, quæq;
cinis sint, in pulchriorem speciem, & formam re-
digenda.* 102. 12

*Dei optatissimus aduentus, uel potius reditus in
terras.* 103. 23

*Malorum amandatio ad inferos, ad cruciatus,
& supplicia perpetuò perferenda.* 105. 4

Bonorum fatalis, & sempiterna felicitas. 107. 26

A O N I I P A -

LEARII VERV-

LANI

De Animorum immortalitate,

LIBER PRIMVS.



ELICES animæ, cœli omnipo-
tentis alumni,

Astrorum decus, & qui uersi-
coloribus alis

Aethera tranatis liquidum, qui
Sydera, quicq;

Voluitis ingentes magnis anfractibus orbes:

Quâdoquidē genus omne hominū, genus omne ferarū

Per uos exoritur, per uos à luminis oris

Digreditur, magni ad nutum sic omnia Regis

Quæ geritis, Regis quoniam uos maxima cura:

Vos mare substratum uentis, turritaq; tellus

Concelebrat: uos arua sonant, quæq; inuia lustra,

Quæ dumeta tenent, quæ propter rauca fluenta

Dulce canunt uobis magnum per inane uolucres:

Vos mortale genus primi docuistis ad astra

Ire uiam ducentem, humili quò se quoq; posset

Tollere humo, & cœli sanctum internoscere Regem.

bb s Vestra

*Vestra ego fretus ope, ingredior loca nullius ante
Trita pede : & quoniam uestra hæc, æquiq; boniq;
Munera uos facite, & sancto aspirate labori.
Vnde canam, quæ nusquam audita prioribus annis
Quî motum rebus genitalem ipse ordine certo
Dididerit rerum pater, ut creet unus, alatiq;
Omnia, quæ mundo generatim secla propagant.
Mox ego quo tantus cœptus labor, expediam quæ
Signa olim ueteres, quæ sint exempla secuti,
Dum partem nobis diuinæ mentis inesse,
Haustusq; ætherios certa ratione probarunt.
Nec minus ecquæ animas sedes, quæ præmia uitæ
Quenq; bonum tandem mancant, quas pendere pœnas
Conueniat fontes, & fata arcana recludam.
Tuq; adeò decus egregium rex magne Quiritum,
Aurea cui longum se se Capitolia seruant,
Structa bono auspicio se mœnia Romanorum,
Ferdinande inuicte, tuis Germania seu te
Detinet imperijs læta, & tibi maxima regna
Annuit, Oceanus quantum pater alluit undis:
Seu te Pannoniæ Regem Admirantur uiræq;
Magnanimum, ingentem: nostrâ ne despice Musam.
Quin & subueritam, persusamq; ora rubore
Accipe quo uultu, atque animi moderamine fratrem
Regnatorem orbis, florentem laudis honore
Casibus in magnis belli, pacisq; serenas.*

Princ

Principiò stellis molem radiantibus aptam
Certam aliquã regere, et moderari numine mentē,
Quam dixere Deum, nonnulla exempla monebunt.
Quas tamen is sibi sufficiat longo ordine vires,
Et quantus qualisq; incedat, ubi omnibus ornat
Diuitijs sese: non qui caligine ceca
Offusi degunt, sed nec supera alta tenentes,
Nosse queunt: soli quamuis accedere partes
Arcanas ausint, Regisq; inuisere sedes.
Ille quidem sacros aditus, penitusq; repositos
Adseruans, se ipsum tantum (mirabile dictu)
Dum uidet, æternos ignes, & mœnia cœli
Prospicit, et mare nauigerũ, & dura æquora terre,
Et uarias rerum formas, & quicquid ubiq; est:
Dumq; ipsum spectat se, sancto incensus amore
Ipse sui genus, omne hominũ, genus omne ferarum
Ingentemq; ingens arctè complectitur orbem.
Nec mora nudatas hybernæ tempore brumæ
Vere iubet dulci intonsas reuirescere syluas:
Et quæ nuper erat lætis sine frondibus arbor,
Importune sedes non insueta uolucris,
Parturit, & uiridi uestit ramalia fronde.
Ipsi iam dum, & spinis rubus asper acutis
Duritie posita melior, cytisiq; genistæq;
Augent sese anni felicibus ornamentis.
Iam nemus umbrosum, resonât iam cantibus urbes

Alit

*Alituumq; hominumq; feræ per pabula leta
Immemores hyemis, factu auctæ progrediuntur.
Verum ubi Sol terras grauiori accenderit æstu,
Flauescunt segetes, siliquisq; sonantibus agri
Læticia agrestes augent, parat horrea messor,
Aequatamq; graui glebam solidare cylindro,
Dum nemori Phœbus crescenteis inuidet herbas.
Mox uerò ubertas Autumnus iam senis anni
Infert se, ipsa iacent iam strata sub arbore passim
Malaq; castaneæq; nuces, & cerea pruna.
Non tamen exegit sua tempora pomifer annus,
Et tristis subrepsit hyems, & nubila toto
Sparguntur cælo, iamq; est sine frondibus arbor
Descenduntq; niues è uerticibus præruptis,
Et rapido Boreas tellurem turbine perflat.
Hic ordo rerum, & series repetita quotannis
Sollicitis acuit curis mortalia corda.
Vnde parens ctenim tellus tot sufficit herbas!
Vnde solum incultū dudum, et graue pōdus, inersq;
Submittit uarios ullo sine semine flores?
Nempe aiunt qui doctrinæ præstante labore
Suppeditant præcepta, grauis solatia uitæ,
Aëra per tenerum tacitum descendere cælo
Humorem ex alto, quo uno est uberrima tellus.
Non satis id nosse est, peragranti mente sagaci
Maiora explorare animus, quibus humor ab oris*
Ille

Ille ruat, quando tellurem frugiferentem,
Æræq; humectat liquidum, Zephyrosq; reducit,
Effigiemq; aliam mundus capit. illius ergò.
Cum Tauri hospitio excipitur Sol aureus, & iam
Corniger illum Aries aliò prospectat euntem,
Latitia exultat cœlum, totumq; repente
Panditur, & terras diffuso lumine uestit.
Tum decus egregium Veneris pulcherrimus ipse
Lucifer, aureolus mundi stellantis ocellus
Non aliàs quantum, seruando pro orbe laborat:
Tum pater ex alto descendit plurimus æther
In gremium matris terræ, optatoq; receptus
Vt primùm spectat iucundam albescere lucem,
Rore leui aspergit fragrantia floribus arua.
Qui uerò ardentem Solis circumferat orbem,
Candentem ut uisat stellato corpore Taurum,
Hæsitat hic animus: quando est & credere dignū,
Non ex se orbes, uerùm aliquo impellente moueri.
Qui mouet hic etiam, cuiusquam si indiget usu
Fretus ope alterius, non est hic maximus ille
Quem uestigamus: tandem fateare necesse est,
Esse modum rebus, quenquam fateare necesse est
Principium tanquam rerum: qui non tamen ullo
Auxilio indigeat, moueat tamen omnia primus.
Hic Deus, hic opifex rerum est, hic rector Olympi,
Quo sine nil sanctū, firmumq; huc se omnia uertūt,
Omnia

*Omnia contendunt,abeunt,redeuntq; uicissim.
Qualis,quam aspiciamus stellis ardentibus aptam,
Omnia complexa est moles,hæc æquora,terras,
Æraq; atq; ignem capit, & complectitur una.
Excipit omnipotens latè omnia, rebus & unum
Se se ultrò, citroq; uolans mirè omnibus addit:
Quæ tamē haud quicquā capiat, trās æthera, trāsq;
Ardua tecta Deūm caput extulit ipse sua ui,
Exuperatq; omnem sensum: uelut æquoris undæ
Veliuoli angustum labentis fluminis alueum:
Prætereà nil mens hominum scrutatur, & ultrò
Hæc ubi deuenit, tandem ad delubra quiescit:
Hinc egressa alis firmis, & præpete penna
Iam melior Diuūm circumuolat aurea templa,
Miraturq; procul quem propter credidit esse
Rectorem superūm, qui cūm loca compleat omnia
Semper abit, nusquam est, seq; in se continet uno.
Ipse omne est, quodcunq; uides in luminis oras
Exire, & quodcunque ætas fugientibus annis
Abstulit, & seri ualeant spectare nepotes.
Ille nihil rerum est, quas maiorum tulit ætas,
Aut quæ sunt, aut quæ longo pòst tempore fient
Munere Naturæ, uel temporis interuallo.
At quæ contineat cūm se pater ædibus ipsis,
Mirum est, occultans ut gèstiat ante uideri
Regificè incedens turmis instructus Olympi,*
Deneget

Deneget utq; omne os illud spectare uerendum
 Quenquā hominū, quēquā Diuinū, et cōtingere luce.
 In gyro qualis percurrrens aureus alto
 Sol face flammanti, quamuis se se aethere toto
 Spectari uelit, & terris ostendat apertis,
 Non recta est oculis hominum iubar undiq; plenum
 Perspectum, quorum nobis acerrimus omnium
 Est sensus: quod fortē aciem protendere si quis
 Iam uelit, & temerē radijs insistere totis
 Non feret astrorum princeps, perstringit at ipse
 Ipse aciem, sensumq; omnem spectantibus aufert.
 Sat tibi sit Regem tantum nunc nosse Deorum.
 Fas, & iura sinunt quantum: uel non satis hoc est
 Cernere te Natura opus egregium omniparentis?
 Tun̄ pictam aspicias tabulā, atq; extare magistrum
 Certum aliquem haud dubites, scita qui sinxerit arte,
 Pacula tun̄ spectes celata, atq; aspera signis,
 Protinus & clames, diuini opus Alcimendontis:
 Quicquid id est magnum, ah uideas, nec protinus ore
 Adclames toto? mundi ô Pater, Autor, & Altor.
 At uerò hæc olli quē sint mortalia cura,
 Qui ne aciem flectat per tot diuersa, uidendum est:
 Quandoquidem causas rerum, quiq; ardua norunt,
 Astrorum, cœliq; uias malus impulit error:
 Ne ue labor superos aliquis, neu cura quietos
 Sollicitet, procul à uera ratione feruntur:

Huma

Humanosq; animos, donum omnipotentis Olympi,
 Haud ueriti dixisse simul cum corpore obire:
 Tantus amor doctas mentem excoluisse per artes.
 Ergo agite illustres animi, quos uiuida uirtus
 Euehit ex humili liquidum super aethera terra,
 Dicamus, nam scire licet quibus integra mens est,
 Quî pater omnipotens mortales lumine sancto
 Despiciat, spectansq; uacet tamen ille labore.
 Qualis prærupto in Lathmo sub nocte serena
 Aerium gyrum aspectans, coelumq; profundum,
 Vna acie iam mille faces, mille ignea cernit
 Sydera conuexo latè fulgentia coelo:
 Sic decus aeternum, decus admirabile rerum,
 Et longè ex alto seductas aethere terras,
 Et mare uentosum, cæcisq; offusa tenebris
 Tartara despectat, dum se circumspicit unum.
 Qui uerò labor hic? pulchrum qui temperat orbem
 Absq; labore aliquo, & magno se corpore miscet,
 Si uidet impositas lapidosas montibus urbes,
 Humanumq; genus magnis propè Dijs æquale.
 Adde quòd immensas uires non ulla fatigant
 Tempora, non ulli possunt superare labores.
 Illi aeterna quies, nec diuini imminuit quid,
 Præbeat etsi agris faciles mortalibus aures.
 Vt Sol aquoreas radijs cum corripit undas
 Multa Deo similis (componam maxima paruis)

Si lacum

*Si latum Oceanum fulgenti lampade lustrat,
 Non madet, haud salso suscepit in æquore labem,
 Mane nouo surgens iisdem iubar ignibus ardet,
 Purpurei referens radiatum insigne diei.
 An uerum, summumq; bonum dum uoce uocatur
 Ante aras, uarijs latè florentia fertis
 Cùm delubra petit, cumulatq; altaria donis
 Integer, & multa insignis pietate sacerdos
 Non uidet, oblatosq; aris non sentit honores?
 Heu cadit in quæquã scelus hoc? qui id credere dignũ
 Dicere non metuat, siqua est reuerentia ueri.
 Si leges hominum, & sancta aspernare reperta,
 Vltorem ne temne Deum, memoremq; nefandi.
 Hoc est aut silicem duris in montibus illum
 Dicere, uel chalybem: tantum suadere malorum
 Mens sibi caca potest, densisq; sepulta tenebris.
 Inceptum peragamus iter: non scrupula nobis
 Hæc tentanda uia est, qua non impune uiator
 Præterijt, multa uè pedem cum laude reflexit.
 Iam mihi cœlestum numen, sedesq; beata
 Apparent, ubi uera quies, ubi lampade lustrat
 Omnia Sol melior, semperq; innubilus æther:
 Quò mala nõ properat Venus, & sceleratus habendi
 Non amor accedit: sed ubi mens conscia ueri
 Ipsa suum agnoscit dominum, rerumq; magistrum
 Aeternum, omnipotentẽ, Regem hominumq; Deũmq;*

*Hunc tu iam signis liquidò cognosce uolentem,
Qui ueluti cum instructa acie Rex inclytus armis
Egregios animo heroas legit, aduocat usu
Si ueniat, Martis cùm res, & tempora poscunt,
Vt resides turmas, desuetaq; pectora bello
Admoneant, hortentur ad horrida promptius arma.
Erexere animos omnes, atq; ordine facto
Quadratum iam animosa acies consistit in agmen,
Et parat aduersos hostes discludere uallo,
Altaq; disiecta transcendere moenia turri.
Ille loco medius tutam deducere castris
Imperat aut fossam, uel milite moenia cingit:
Ille iubet, parent illi, admirantur & omnes.
Non aliter pater omnipotens, delegit in alto
Aethere felices animas, quæ tempore certo
Auratos orbes, & maxima Sydera uoluant.
Hæc graue Saturni sydus, uehit altera magni
Astra Iouis: flammâ horribilē, & crudele minantē
Duro hominum generi sæui uehit altera Martis:
Hunc penes ignito curru, flagrante pyropo
Ostendit iubar auricomum, qui temperat orbem
Ingens luce sua magni dux maximus astri:
Proximus est heros olli gratissimus ipsis
Cœlicolis, dulcemq; oculis qui spiret amorem,
Te ueniente die producens Phosphore ab Ida,
Teq; abeunte altam compellens Vesper in Oetam:*

Ponè autem longo intervallo, & cursibus iisdem
Procedit iuuenis, cui non sua certa uoluntas,
Ingentem licet egregiè contorqueat axem:
Ultimus aspectat terras, quo nocte silenti
Ostendit sese nobis argentea Phœbe.
Quo uerò tu rem magis admirabere nullam,
Conficiunt certo tantos ex ordine cursus,
Ut tibi non dubium iam sit, supera alta tenere
Coelicolas connixè orbes, atq; astra mouentes.
Hinc Regem nimirum adstare erronibus illis
Nosse potes, quando modus est in rebus agendis.
Nam neq; fortuitum quicquam est, quod semper eodè
Tempore fit, quod ne tantillum ex ordine cedit.
Nec uerò hoc numero contenta est regia Diuùm,
Quando alijs cœlo spatiantur, & agmine factò
Concelebrant Regem superùm, sonat arduus æther,
Et Regem magni referunt penetralia Olympi.
Hi se præcipites per inania nubila mittunt,
Subiectasq; uident urbes, hominumq; uolanteis.
Attollunt humeris mentes ad cœrula cœli.
Hi mare uentosum spectant, fluctuq; laborem
Iactatis demunt, tantum benefacta merentur.
Informes alijs laruas, & tristia terrent
Tartara, uel fontes damnant pallentibus umbris.
Victoresq; alacres repetunt simul aurea tecta:
Quàm multæ circum bis uictæ Pergama Troiæ

Tyndarida ob raptam Graia sedere phalanges:
Quàm multæ Emathia in campis fremuere cohortes,
A socero, & genero Romanis dum acriter armis
Et patrio, externoq; est milite decertatum.
Nec uos præteream, magni quibus atria Regis,
Et secreta patent Diuûm: uos omnia quæ sunt,
Quæq; ætas deleuit edax labentibus annis,
Et seros maneant nostis quæcunq; minores
Per uos uenturis seclis referanda nepotum:
Quos humeros cinctos penna, & fulgentibus alis
Sæpe sacerdotes casti, dum mascula thura
Ante aras adolent, manifesto in lumine cernunt.
Hi quæ contingant, quæ mox uentura trahantur,
Et rerum secreta canunt, humentibus umbris,
Et cùm nox operit terras ex æthere lapsi,
Præpetibus pennis certissima somnia portant.
Hos, genus antiquum Solymorum, maxima rerum
Dum fuit urbs Solyma, ex alto deducere cœlo
Carminibus referunt solitum, & de more uocatos
Aduenisse illos uelatos uestibus albis,
Et crines auro, & uiridanti fronde reuinctos.
Scilicet in sacris tantum sacra nomina possunt.
Nec mirum, sic magna ijs obseruantia Regis,
Nomine ut audito paueant: quo nigra tremiscunt
Tartaraq;, & Tellus, & raucifona Amphirrite.
Nam quamuis illum uox non enuntiet ulla

Mortalis , fecere tamen sacra nomina uates.
Hinc rerum Dominum, tempestatumq; Potentem,
Et mundi Altorem, complexumq; omnia Numen.
Tergeminū, Omniuolū, & magno se corpore miscens
Dixere: hinc nubes qui inter caput extulit altas,
Præpetibus uolucrum pennis, & fortibus alis,
Magnanimum autorem superūm, qui ætatis id, æuo
Sit , fueritq; omni semper florente iuuenta:
Hinc belli Dominum, quod iustis Regibus adsit,
Dum sanctas armis leges, & iura tuentur.
Id puer in Solymorum agro dum pectore uersat,
Pastorale gerens tegmen, peramq; , cothurnosq;
Ausus in experti est tentare pericula belli.
Irruit in fines palmosæ, & diuitis urbis
Monstrū horrendū, ingēs, hominē quo fœmina partu
Tempore non alio magis est enixa tremendum:
Ipse quidem miles, dux ipse ingentia bella
Pugnabat, uictorq; uirūm, spretorq; Deorum,
Arox, terribilis, seu lumina torua uideres,
Seu Libyci pectus squamosum pelle draconis:
Impune haud quisquam (miserūm) fuit obuius illi
Siue pedes, siue iret eques, seu fortiter hasta,
Seu rem falcato gereret iam comminus ense.
At puer egregius iam magni cura Tonantis
Armorū Rege accito , sub numine torquet
Qui fera bella suo , uiresq; irasq; ministrat,

Agresti lapidem funda detorsit in hostem.
 Ille uolat stridens, magnum & per inane uolutus
 Temporibus duris hæsit : cæloq; minantem
 Tollentemq; manus, robustaq; colla mouentem
 Stravit humi, pueriq; simul uictoria parta est.
 Vidit & Epeiros (certa hæc, & cognita res est)
 Dum cornu Parthus Gortynia spicula torquet,
 Ire ducem aduersus florentes ære cætuas,
 Pro clypeoq; hosti nudum ostentare lacertum.
 Vidit & Epeiros sternentem Parthica ferro
 Corpora, & Euboicos spumantes sanguine riuos:
 Mille ducem Parthi magnum petiere sagittis,
 Mille illum telis, nec erant loca peruia ferro,
 Nec tantæ terrere uirum potuere phalanges.
 Inunc, & Regis meritis diffide Deorum.
 Nanq; uelut solido concreta ex marmore rupes,
 Horrifer aut Boreas, aut illam uerberet Auster,
 Dura solo perstat, terræq; immobilis hæret:
 Telorum haud imbres aliter, ualidasq; secures,
 Ingentes equitumq; alas tulit optimus heros,
 Quod superum implorasset opem, quod uoce uocasset
 Cœlicolum Regem.
 Nec me animi fallit, multas non posse Latinis
 Vocibus ostendi uoces, & nomina Regis
 Esse Deum multa; atq; eadem cecinisse priores
 Orpheæ, Mercuriūq; Linū, & Mosen Deo amicum.
 Atq;

Atq; equidem ni alias usus mihi nare per undas
 Nunc foret, & certo religanda in litore funis,
 Forsitan hoc magis incuruarem gurgite remos.
 At quoniam nobis animæ natura uidenda est,
 Esse Deum, atq; animas cœli in penetralibus altis
 Ostendi, illa alijs post me memoranda relinquo.
 Et quia dicendum ut nascentibus insinuetur
 Omnis ab uno anima, ecquis sit Deus omnibus unus
 Acquoribus, terrisq; canam, cœloq; profundo.
 Multa autem tecum repetas, multa ipse uolutes
 Dicta quidem, magnis dum diximus astra moueri
 Quæq; suis ducibus, uires tamen omnibus unum
 Sufficere, atq; illum rebus satis omnibus unum.
 Nunc uerò (siquid dum dia poemata natum
 Oblectant faciles animos, peperere malorum)
 Dicemus uera quicquid ratione receptum est.
 Nimirum exigue uires mortalibus agris:
 Id genus humanum uoluens, & parua labore
 Non sine concedi magno, dum pectore uersat,
 Ipsum se longè potuit deducere uero.
 Vt duro cùm quis morbo iactatur, & æstu,
 Cordaq; & arentes fauces grauis occupat ardor,
 Tristia dum incenso iactat suspiria corde,
 Arentiq; trahit tremulam de pectore uocem,
 Hydrochoi quamuis cinxerunt æthera nimbi
 Aestatem increpitat properam, insensumq; Leonem:

Sic hominum genus inualidū, molem hanc operosam
Adduci haud potuit moderandam ut crederet uni.
Hinc mare nauigerum Neptuno, hinc tartara Diti,
Alta Ioui magni cesserunt mœnia mundi.
Nec dubium cuiquam illud, Naturam omniparentem
In rebus seruare modum certo ordine rerum:
Quæ ratio in causis, quia nam dicetur origo,
Fonte nisi ex uno uelut omnia deducantur?
Quòd si stare uno dubio procul hic queat orbis,
Rex hominum, Diuūmq; unus, Deus omnibus idē est.
Is tamen immensus, nihil hoc felicius usquam.
Is Deus, haud alter, ni omnes supera alta tenentes
Non bene magnorum dignemur uoce Deorum,
Scilicet hoc ueteres ipsi fecere poëtæ,
Nosq; etiam uoces rerum, non sensa secuti,
Ipsa ut uerba cadant numerosa, & dulcia in aures,
Sæpe Deos testes adducimus immortales.
Verū aliter res ipsa, Deus, Deus ille uocandus,
Qui terras, tractusq; maris, qui sydera, cœlum qui
Aeternis regit imperijs, cui sydera fulgent
Aurea, labuntur, surguntq; micantia mundo.
Principiū hoc rebus, nihil hoc prius, æquiparandum,
Quandoquidem nihil est sic omni parte beatum.
Quòd si Dij plures, numerum si augere Deorum
Forte licet (fac esse) pares sunt, numine eodem?
Ergo principium nullum: uel dicere cordi est

Princi

Principium fore principio? quod ineptius esset.
 Maximus at si quis, si quisquam est optimus unus,
 Cui parent reliqui, cœli cui regia seruit,
 Optimus ille Deus, Deus est & maximus ille.
 Non Dii sunt igitur, quos & parère necesse est,
 Qui longè obseruent alium, metuantq; iubentem.
 Nunc ne tu inscite à uero desciscere quicquam
 Me duce iam possis, rerum alta arcana docebo:
 Ne dum fortè meis intendis mentem, animumq;
 Præceptis, anceps ueri te ludat imago:
 Quod Rex auertat superûm, qui hoc omne monebat
 Ipse rudes olim populos, perq; ora parentum
 Et nati, & seri longum acceperè nepotes:
 Omnia quem pariter quondam uidere docentem
 Ipsi oculis sancti heroës felicibus annis.
 His dictis animum informamus, quando ita nobis
 A patribus sunt præclarè monimenta relicta.
 Quæ superest igitur, magna hæc, iam percipe, res est.
 Ille opifex unus rerum, Deus unus ubiq;
 Treis se se in species aperit, treis dicere possim
 In formas, iam uocem aliam si repperit usus.
 Nam dum res omneis uestigat, & abdita lustrat,
 Effigiesq; animo rerum, & secum omnia uoluit,
 Scrutaturq; suas uires, Pater ille Deorum est:
 Mens illi in rebus peragendis optima (quando
 Optimus ipse omnis) quæ mundi temperat orbem

Mens Deus illa Deus, cœli quam in uertice summo
 Cœlicolæ appellant magnum patris incrementum:
 Huic dedit imperium sine fine, hunc Dædala tellus
 Accipit autorem frugum, per quem aurea Solis
 Spicula discutunt tenebras, lucemq; reducunt.
 Hūc mare cœruleū observat, quod hic æquoris undas
 Instituit labi, quod monstra immania ponti
 Protulerit, mutumq; genus creet, auctet, alatq;.
 Dum tamē hic patri obsequitur, dumq; ille gerentem
 Aspicit ingenuē natum omnia, magnus utrumq;
 Tangit amor, niq; ingenti perculsus uterq; est.
 Qui tamen hic animus potuit cœlestibus ardor
 Se insinuare, Deus nisi maximus ipse fuisset?
 Sic se regnator superūm, licet unus ubiq;,
 In formas treis exponit mortalibus ægris,
 Sic se cœlitibus, mira, & certissima res est.
 Is Rex omnipotens, is Rex hominumq;, Deūmq;
 Materiem statuit rebus satis omnibus unam:
 Hac pecudes, hominumq; genus, pictæq; uolucres
 Terrenos capiunt artus, moribundaq; membra:
 Hac nitidi pisces alti sub marmore ponti
 Corpora sunt, sensusq; ipsos impellere possunt.
 Dicimus hanc etiam genitalia semina rerum,
 Si mente accipias uariæ sub imagine formæ,
 Hanc elementa, quibus connexis ordine certo
 Omnia miraris prodire in luminis oras.

Igne

Ignē calere uides, terra durescere corpus,
Diffundi humore, atq; in cana ætate resolui,
Ærēq; augeri, se seq; attollere sentis.
Hæc tamen haud oculis quicquā dant cernere, quando
Imperfecta quidem sunt ipsa, & corpora cæca:
Sydera sed radijs, & cælum insigne coruscis
Dum latè fulgent, cæcis inimica tenebris
Quæ latitant pelago, latebris quæ monstra ferarum
Despiciunt, & luce sua dant lumina habere.
Hinc cœli nobis iucundum lumen, & astra
Vt duo sunt oculi, quibus omnia prospicimus.
Sic ingens etiam dum uoluitur undiq; moles,
Quippe uigent, motuq; suo fas cuncta moueri:
Hoc sine non rapidis uentosum perfluit undis
Æquior, nec bibula uentis iactantur arenæ:
Non spoliata arbor quassat ramalia fronde:
Idem adeò rebus modus, & cœlo irrequieto.
Aucta opibus tantis, tantoq; exercita motu
Materies hinc apta ad res, fœcundaq; uires
Suggerit ipsa sibi, & quos occultauerat alio
Edit maturos longo pòst tempore fœtus.
Vtq; illis permixta insunt elementa uicissim,
Eminet utq; alijs aliud, natura per artus
Serpit, & ingenium toto se corpore miscet.
Porro ignis magis est illis, qui ardoribus iræ
Continuò flagrant, acriq; dolore premuntur,
Flammam

*Flammantes ollis oculi, & feruentia corda:
Hos tu ne in caueas, hos tu ne in uincula coge,
Quos sibi conspicias potius consciscere letum,
Quàm tolerare iugum, & domini fastidia ferre.
Sunt quæ non dulci declinent lumina somno,
Vsq; adeò metuant animantia, & abditus imo
Est in corde leuis, pedibusq; fugacibus ær:
Hinc ouium placidum genus, & male pinguis aselli,
Bucerasq; greges, quibus est & plurimus humor,
Terraïq; nimis, uix ire per arua uidemus
Hortatu, stimulis, & lente uerberare uirga.
Vescum sal alijs, alijs est triste cuminum
Incundum hac ratione, alijs est dulcis amaror.
Iamq; adeò causas animo lastrare latenteis
Te licet his pulchrè instructum, quî fortis equi uis
Ad cursum, ad magnos cur sit procliuis amor:
Sedula quid tantum metuat formica senecta.
Nanq; ubi concrescit corpus, primordia rerum et
Quatuor illa ineunt concordæ fœdera nexu,
Sensifer & motus primum, mox certa per artus
Compages quædam pro corporis augmine repit,
Cui nomen Græci fecere: at dicere auentem
Non atas finit inuidiæ persusa ueneno,
Tempora adhæc tandem peruenimus, atq; ita paucis
Nostrorum auriculæ pueriliter offenduntur.
Nunc redeo ad rem: principijs feliciter illis*

Compactis,

Compactis, porro tenuissima sanguinis aura
Exoritur, tacitusq; hærens in corpore succus.
Hinc uariæ naturæ animantum, utq; est ea rerum
Temperies, sua quæq; trahit, retrahitq; uoluptas.
Non autem hos tu seiunctos à corpore morbos
Affectusq; animi uideas: sed repere passim,
Et uulgò ex ipsis moribundis surgere membris.
Partem aliam nunc spectata animi prudentis, & altæ
Participem rationis, uis quænam illa repente
Tollit se celerem liquidum super æthera? & extra
Procedit longè flammantia moenia mundi?
Ecquibus ad cælum toties se sustulit alis?
Inuisit Diuûmq; domos, atq; ardua tecta?
Cur tantum molitur iter? uel quo duce? si non
Hic suus est olli locus, & cœlestis origo?
Nempe solum patrium cuiq; est, exercita cursu
Flumina habet pontus, quò cum uenêre quiescunt:
Si quid in altum ui iacias, descendet, & ipso
Iam torpens duro consistet in æquore terra:
Si uapor est usquam, facile quem corripit aër,
Solvitur, & tenuis uacuo letatur in orbe:
Flamma uorax etiam cum postibus hæsit adesis,
Velle quidem ostendit supera ad conuexa uolare:
Tantus amor sedis, placida est ea cura quietis.
At uigor ille animi, tenebris, & carcere cæco
Contemptis, uolat ad superos, & simplicis ignis

Aurai

Aurai similis fertur, iuuat ire per astra
Aurea, & extorrem patrio considerare cœlo.
Quòd si mortales artus, moribundaq; membra
Non obstant, iam iam ipse Deum, totumq; recludit
Æthera, magnorumq; procul secreta Deorum.
Quis uigor iste animi? quæ tanta oracula mentis?
Qui uè petit supera, & superum quæ tanta cupido?
Scilicet hæc ueteres, eademq; exempla secuti
Ætherios haustus animis dixere minores
Esse, Deumq; ipsos cœlo demittere ab alto.
Nanq; uelut radijs Sol igneus omnia lustrans
Corporibus primis se miscet luce, paritq;
Omnia quæ mundo generatim secla propagant.
Sic pater ipse animas, dum se admiratur, amatq;
Sponte creat, sanctumq; homini dat pignus amoris.
Ferre sui monumentum ingens, atq; artubus addit
Diuinæ aurai æternis ex ignibus ignem,
Vlla ne eas mortis perimant immania fata.
Hinc ubi materna concrescit corpus in aluo,
Expleuitq; suos numeros, nouiesq; refulsit
Quinta dies, corda ipsa tument, tenerumq; laborat
Corpus, & in totos animæ uis funditur artus.
Illa loco tremit angusto, & caligine cæca
Mersa bibit Lethen, & longa obliuia rerum,
Sicq; diu non certa sui, cum corpore in oras
Luminis egreditur, membrisq; innititur ipsis,

Donec

Donec iam firmæ perfectò tempore uires
Non bene conueniant: animi uigor alta pererrat,
Scrutaturq; arcana, uiamq; affectat Olympo:
Non ullæ Veneres flexerunt turpiter illum,
Nullus honos auri, regnandi nulla cupido,
Omnia, seq; ipsum angustis moderatur habenis.
Corpore.æ uerò pestes contra aurea mentis
Præcepta insurgunt, Venerem, Bacchumq; secuta
Terrenis inhiant rebus, noctiq; sopor.æ,
Et uelut ignaua indulgent animantia uentri.
Quin etiam si dira lues in uiscera repsit
Intima, quàm, quàm animis obstat, iuuat æquora picta
Currere lyntre, & fallaci se credere uento,
Et dulces mutare domos, patriosq; penates,
Ac turpes omnem uitam degisse per artes
Vt mensa argento, & fuluo colluceat auro.
His qui erit adductus, parui rectumq; fidemq;
Parui sancta facit iura, & sine legibus ullis
Vitam agit iniustus patriæq; acerrimus hostis
Florenteis urbes bello, ciuesq; fatigat.

NON

A O N I I P A - LEA R I I V E R V - L A N I

De Animorum immortalitate,

LIBER SECVNDVS.



LVMINA qui Graia gentis decus
aurea fundis
Ore sacro, surgit passim quo pingui-
bus aruis

Et felix Panacea; & suaue rubens Hyacinthus,
Pulcher Aristocles sanctis natalibus orbe,
Te duce non uerear cæcis offusa tenebris
Explorare, labor tuus hic mea præmia laudis:
Te duce non uerear latitantis semina flammæ
Quærare, & accensam tedam de uertice summo
Nocte sub obscura miseris ostendere nautis,
Aequora dum latè abruptis turbata procellis
Vndarum eructant montes, classisq; magister
Hospitibus lacrymans nigram denunciat horam.
Quodq; bonum, & faustū, et felix Fortuna secundet,
Tu mihi quodcunq; hoc curæ, tu mentem, animumq;
Suppeditas, quo tollere humo pernicibus alis
Me possim,

Me possim, & duri fulciri uertice Atlantis.
 Vnde ego despiciam palantis qui studio oci
 Est superos contra mortales tollere uultus
 Ausus, iners, stolidus, tum uoce lacescere Diuos:
 Qui dum adeò inspiceret quæ essent iucunda palato,
 Pinguibus haud potuit cor unquam auellere mensis.
 Quæ passim sequimur, quàm ô quàm diuersus ad illo
 Grauius homo! Grauius quid nō audere putandū est?
 Hinc, hinc Relligio liquido quæ ex æthere lapsa
 Relligio decus omne uirūm, decus omne Deorum,
 Sub pedibus deiecta hominum, externataq; uisa est:
 Improba uox tantum potuit suadere malorum.
 Nam quid Relligio peperit sanctiq; boniq;
 Omnibus usq; adeò compertum, ut res uideatur
 Ipsa loqui, illustri in conspectu sic sita quando est:
 Hæc seruare fidem docuit, sua reddere cuiq;
 Iungere coniugio stabili, miserere laborum,
 Et longum placidam populis laudare quietem.
 Hæc docuit Venerem fugere, et Dijs degere uitam
 Dignam, nec furijs blandi indulgere Lyæi.
 Quod si quis curare Deum mortalia quenquam
 Deneget, ille mihi infortunatusq; laborum,
 Infelixq; animi, qui nequid linquat inausum,
 Omne nefas ausus, scelera omnia pertentaui.
 Quod si idem cura superis nos esse putasset,
 Et fontes meritis post letum pendere pœnas,

Non malum adulteriū, & cæcæ mala gaudia mētis
Esset poſthabita uſque adeò uirtute ſecutus.
Hinc & auarities, luxusq; miniſtra libido
Surrexere, & contempta formidine Diuūm
Humanam ſœdè uitam ſtrauere iacentem.
Quid ni? poſt cineres muta omnia, nec ratio unquam
Reddenda, et nuſquam poſthac Acheruſia templa,
Nil Erebi tenebræ, niſi tantum fabula inanis
Iudicio illorum, mentem quibus abſtulit error.
Quod nos eſſe aliter, tenebrasq; ignesq; manere,
Et meritis aliquos alto ſuccedere Olympo,
Quo ſine nil meditari ſum potis: ipſe pater ſi
Omnipotens magni conceſſerit incola cœli
Dicemus: quoniam quæ ſponte recepimus urgent.
Nunc alio uertamus iter, nunc ad rationem
Ingenij uires omneis adhibere neceſſe eſt.
Hic ego te ſadolete pater ſacra illa docentem
Sancta adſtare uelim, non tam certare paratus,
Quàm te imitari: etenim raucus quid oloribus anſer
Contendat liquida mulcentibus æthera uoce?
Nam magni refert, qui cum ſit ſermo: tuis quæ
Aut teretes magis, aut trita ſunt, Iupiter, aures?
Mitius at nihil eſt, nihil eſt humanius illis.
Nunc me difficili pangentem carmina de re
Inter egeſtatem patrij ſermonis, in æſtus
Proſpicio inuidiæ uiolento turbine ferri,

O mihi quas turbas, quos surgere cerno labores!
 Ni bone me sadolete iuues, & uulgus ineptum
 Parte libri ac magna iubeas absistere uoce.
 Nanque (fatebor enim) multi praeclara reperta
 Doctorum illa hominum, dulcis uera otia uita
 Non nouere: quibus nostra hæc incognita, quid ni?
 Dura uidebuntur, cæca & caligine tecta.
 Hi mea non cupio, at mando ne carmina (possim
 Si impetrare) legant oculis: mihi tu satis unus:
 Ni te operam dare pœniteat sadolete libello.
 Quod si fortè aliquos mauis accire legentes
 Quales nunc habet ingenijs Germania florens,
 Gallia uel tua iam, tua uel Saturnia tellus
 Integrum tibi sit: liber hic ex parte tuorum est.
 Principio mentem, atq; animam diuersa fatemur:
 Quando opus illius mens est, & nuntia quedam.
 Verba sed hæc eadem ueluti iam trinuimus usu:
 Nanq; animam mentem appellamus: nõ ita uerò est:
 Hæc crescit firmata uiros ubi fecerit ætas,
 Decrescit pariter longum fugientibus annis
 Ut pote quæ auxilio, quæ corporis indiget usu.
 At uis illa animæ est eadem pueroq; Seniq;
 Semper & ipsa omnis per totum dedita corpus,
 Non aliquid mixtum, non concretum ex elementis,
 Sed purum, æternum, quodq; omni est tabe solutum.
 Nam qui corpoream dicunt cum corpore obire,

Et nasci: qua est insani uia nulla feruntur.
Nam si corpus erit, terrámue, ignémue necesse est
Esse, uel humorem, teneri siue aëris auram,
Aut ex his quicquam. quod non rationibus ullis
Confieri constat: quando cognoscere cæcos
Euentus rerum, quæ gesta prioribus annis
Sic bene lustrare, & constanti mente tenere,
Non opus hoc terræ, non aëris, aut leuis ignis.
Vis dare quæ leges potuit? quod corpus iniqua
Nosse? & quæ nobis essent sudore paranda,
Sua uiloquis dictis exponere, & aurea nobis
Scribere præcepta, & seros monuisse nepotes?
Porrò quæ corpus non sunt, ea corpora nosse
Nulla queunt.

Ergo aliud, quicquid illa aliud, simplexq; nec hilum
Fecis habens, si corpus enim, uel corporis esset
Pars aliqua, iisdem nutrimentisurgeret aequè:
Quin etiam dapibus grauis, & bacchante Lyao,
Et prudens magis, & multo sapientior esset.
Verum aliter res ipsa quidem: dum corpora leta
Viribus exultant proprijs, decedere uires
Consueuere animi, & puræ vis insita menti
Indubitata iacet, nec sese attollit ad auras:
Quò magis, & luxus membris, alimenta q; desunt,
Illa magis firmis perniciosior euolat alis.
Ergo alitè uestiga animo, remq; altius omnem,

Magno

Magnorumq; uirum praecleara inuenta capeffe:
 Scilicet ipse Deum seculis pater omnibus idem
 Deficere haud unquam poterit: quod dum omnia curat,
 Ipse sibi tantum curae est, se auditq; uidetq;,
 Ipse in se magni in faciem reflectitur orbis.
 Illa itidem sibi nota, suas secum ipsa uolutat
 Immensas uires, sanctaq; cupidine capta
 Rerum aeternarum, liquidi super ardua caeli
 Dum sequitur, sese tollit pernicibus alis,
 Itq;, reditq; uiam, & gyros metatur eosdem:
 Dumq; Deos uidet immortales, illa Deus quis
 In se conuertit uultum, formamq;, coloremq;
 Agnoscit Diuum, & sese admiratur, amatq;.
 Cernimus hanc etiam dominari in corpore toto
 Ionio in magno qualis uolat uncta carina,
 Et mare per rapidum uentis interrita fertur
 Tuta suo nauta, qui contra flabra Aquilonis,
 Contra Austri optatum senuit contingere littus:
 Haud artus terreni aliter moderamine mentis
 Luctantes contra Veneris, fluctusq; Lyaei
 Tuta secant, seq; eripiunt pellacibus undis.
 Nonne uides discreta magis quo a corpore mens est,
 Quae, quanta incedat uictrix? quamq; aethera supra
 Euolet ad superos nullo duce, sed sibi fidens
 Obiicibus ruptis membrorum, & carcere caeco?
 Sinon est igitur corpus, quod semina rerum

*Efficiant, cum iam extremus calor ossa reliquit,
In quid abit? quò uis illa exhalata recedit?
Non aqua, non aër, non tellus, non leuis ignis:
Si natura parens penitus consumere quicquam
Non audet, longa nec res abolere senecta
Ipsa potest natura, parit quæ quicquid ubique est,
In quid abit? quò uis illa exhalata recessit?
Non aqua, non aër, non tellus, non leuis ignis.
At nunc cum cordi non sit rumoribus falsis
Pugnare, egregiè ratione inuenta capeffe.
Nónne uides, ut materiem, & faciem illius omnem
Excipiat singillatim mens omnia lustrans?
Quæ si tale esset quicquam, internoscere posset
Effigies harum nusquam, & discrimina rerum:
Nanque opus est, animam sanè nihil esse, quod ipsa
Excipit, atque acies uarios uisura colores,
Omnibus ijs pariter caret ipsa coloribus omnis.
Nónne uides etiam quæ sit perceptio rerum?
Nam dum sanctum animal, mentisq; capacius alta
Ut sit homo mens comprehendit, non protinus illum
Aut hominè uidet hunc, certo neq; tēpore quenquā:
Et tamen illa hominem uidit, quencunque priorum,
Et quem nostra tulit, quem postera proferet atas.
Adde etiam quæ sunt ipsis pugnantia rebus
Haud obstant animis, dum quis putat esse calorem,
Et frigus putet esse, potest comprehendere utrunque,*

Et

Et pugnent quamuis, animo comprehensa tenemus.
 Aut uerò quodcunque perit, pugnare necesse est
 Quàm pereat prius: at sicui contraria non sint
 Inuidia quedam natura, atque arte parata
 (Quippe nouis semper studeat cùm Dædala rebus,
 Nec quò se uertat iã habeat, quodq; arma ministret)
 Dissolui haud poterit, leti est quod lege solutum.
 Huc illud simul accedit, quod corpora nulla
 Efficere ipsa queunt: secum componere paruis
 Magna solet, certo & nunquàm requiescere fine.
 Mens etenim lapsis quid non meditabitur annis
 Quod fuerit? nullus quamuis sit terminus æui.
 Illa uiam secum, spatiumq; immane uolutat,
 Et longum numeris numeros crescentibus auget.
 Quòd si infinitum quicquam metitur, an illud
 Finitum esse potest? quanam comprehendere uires
 Exigua immensum possent? modò cogit in unum
 Omne hoim genus, et quod nō numerabile certè est,
 Colligit, & secum numerat: rursusq; quod unum est,
 Diuidit in partes, nunc has, nunc accipit illas,
 Alternatq; uices, ullo nec fine quiescit.
 Quin etiam in formas se, & uultus induit omnes
 Utq; pater rerum, rebus sese omnibus addit:
 Nanque adeò pictam uolucrum dum concipit esse
 Vertitur in uolucrum mens, et dum cogitat astrum
 Astrum est illa itidem: quòd si qui sidera uoluit

Aurea concipiat, mens aurea sidera uoluit.
Dumq; opus aggreditur magnū, admirabile factū,
Componit rerum dominum, rerum illa uidetur
Iam domina, & certis moderari legibus orbem.
Deniq; nil adeò est usquam magnumq; bonumq;
Nil prorsus tam difficile, in quod non subito illa
Vertatur: uerū hoc munus liquet esse Deorum:
Dij formas potuere itidem se uertere in omneis,
Exuere & uultus omnes, perq; omnia ferri.
Quin etiam natura homini est innata cupido
Degendi aeternū uitam: dolet antè fuisse
Magnanimos heroes, eodem & tempore nasci
Non potuisse: dolet longū fugientibus annis
Non fore, nec quicquid facient spectare nepotes.
Hinc curæ ingentes, his ut monumenta relinquant
Tuta loci natura ingentibus oppida saxis
Erigere, atq; alto tūres extollere cælo,
Atq; unis septem colles concludere muris:
Flumina uel per saxosus educere ualles,
Et manibus hominum summos euertere montes:
Quæ fuerat periculisq; prius palus, aptaq; remis
Tellurem, aut hydriis, ranisq; loquacibus olim
Reddere seminibus latè Cerealibus aptam:
Hinc ubi uel dumeta prius, uiburna q; lenta,
Sunt olæ uisæ teretes, & munera Bacchi.
Hinc inuenta uirū præclara, atq; artibus omnem

Excolere ingenuis uitam, finesq; bonorum.
 Differere, & clarum è tenebris extollere lumen.
 Nam quid præteream heroas? qui sanguine fuso
 Ciuibus imperium, & placidam peperere quietem?
 Non illos magni possunt terrere labores,
 Non dulcis coniux teneat, non maxima nati
 Cura prece, aut longa confecti ætate parentes:
 Charius est, ollis duri in certamine Martis
 Pro patria obiectare animam: quin sæpe beatos
 Adclamant se se affecti cruciatibus ipsis,
 Vitam aspernantes uitæ melioris amore.
 Gnosia nec Thorio clamanti, & leta bibenti
 Vina rosa, aut usquam cuiquam fuit ulla uoluptas.
 Par isti, dum tela inter, clypeosq; inimicos
 Victores iam animam multo cum sanguine fundūt.
 Omnibus usq; adeò uitam producere dulce est,
 Quaq; licet niti seclis superesse futuris.
 Verùm non homini nequicquam tanta cupido.
 Insita natura est: quando certè optima rerum
 Illa parens, cunctis statuit finemq;, modumq;
 Optandi, sua quisq; tamen quæ possit apisci.
 Natura lupus insidias meditatur, & optat
 Sternere depressa compertam in ualle capellam:
 Auritum leporem sequitur canis ore sagaci.
 Sed captare canis leporem, lupus ipse capellam
 Quippe potest: Natura etenim non insita frustra

Tanta cupido homini, reliquisq; animantibus esset.
 At qui nequicquam hic homini sese obtulit ardor,
 In uolucris tenuesq; auras spes tanta recedit,
 Rex nisi nos superum post condita membra sepulcro
 Esse uelit, duri decurso temporis orbe:
 Si non structa diu pario de marmore templa,
 Florentesq; addurant urbes: quin iuga montis
 Aspera, & aëria uicina cacumina nubi
 Absumit tempus, rerumq; inimica senectus:
 Et iuuat usque adeò insano indulgere labori
 O miseri! queis tantus amor per uulnera: perq;
 Supplicium mortem petere, atq; extendere nomen?
 Obsecrone meditata animis assuescite falsa,
 Neu mentes anceps ueri deludat imago:
 Quando est perpetuum in terris nihil.
 Aspicite, impositæ Romanis collibus arces,
 Et clavis ornata olim monimenta trophæis,
 Vectiq; ingentes extremi ex finibus orbis
 Ut iaceant turpiq; situ, & sine honore colossi.
 Scilicet & tempus ueniet, cum maxima rerum
 Roma parens, & pulcher erit sine nomine Caesar:
 Nec Decios, aut Romani duo fulmina Martis
 Scipiadas quisquam norit: nanq; astra necesse est
 Certis temporibus terris effundere uires
 Ipsa suas, his aucta uirum præclara reperta,
 Et structa, euersaq; urbes suadentibus astris:

Utq;

Utq; iubet rex ipse Deum certo ordine seruant
 Illa uices: peraguntq; suis stationibus orbes:
 Hinc ubi longa dies, effecta incendia terra
 Contingent, sicutis ceu cum fornacibus ignes
 Prorumpant, flammaq; imis tonat Aetna cauernis,
 Candentes crepitant aura, & caligine caeca
 Aëraq; & coelum nigra ferrugine texit,
 Intremittit omne solum, liquefactaq; uiscera montis,
 Attollunt flammæ, & magnum per inane coacta
 Alba cadunt, & strata iacent saxa arida passim:
 Sic ubi terrifici latè exarsere cometa,
 Astrorum appulsu, & uentis mox percitus aër
 Excutiet rapidum, scissis è nubibus ignem,
 Terrasq; tractusq; maris, qua noxia tellus
 Corripiet, quantum prospectant sydera terras.
 Stant etiam nimbi ingentes, & tempore certo
 Ventura eluies, stant & cum flumina montes,
 Et pater Oceanus spumantibus obruet undis:
 Quaq; iuga, et rupes præruptæ, erit æquor arandum
 Felicis terræ: & quæ nunc mare perfluit altum,
 Interdum surgent uicina cacumina cælo.
 Quin etiam extremis discretos partibus orbis
 Desertas habitare plagas, noua querere regna,
 Explorare locos, & cingere mœnibus urbes,
 Et dare uentura leges, & nomina genti
 Sydera suadebunt, ut Rex stellantis Olympi

Iusse

Iusserit: haud etenim pēnitus delere animantū
Omne genus certum est illi, nisi cū omnia tandem
Exitio dabit una dies. ergo illa cupido
Nequicquā innata est homini, quæ maxima certè est,
Aut dicendi animi æterni, & meliora manere
Ossa sepulcretis ubi nostra reponimus imis.
Sunt exempla alia, & queis rationibus id tu
Affirmare queas: nam quæ uis illa animorum?
Ipsi quando aditum prorsus nihil intercludit,
Atq; uias omneis percurrit, & omnia lustrat,
Omnia pertentat uolucris perniciosior aura:
Ardua non illi cœli supera alta uidentur,
Non ipsi manes, ima tellure repositi:
Nunc it ad occiduum spectant quæ littora solem,
Perquirītq; urbes, genteisq; & nomina rerum:
Nunc orientis opes, populosq; inuisit, & omneis
Transcendit terras, tractus maris, æra, cœlum.
Leuibus hinc animas aliqui constare putarunt
Corporibus, fortè illorum ut concurrerit ordo.
At iam explosa diu iacet hæc sententia uulgè:
Nam si fortuitis fierent concursibus, artus
Tempore non certo, moribundaq; membra uigerent,
Verum nunc citius, nunc serius, ut tulerit fors:
Quin & bis septem ferrent fastidia menses
Matribus, aut plures, nec certis legibus ortus
Constaret, si casu aliquo uis illa subiret

Vndiq;

Vndiq; perficiens numeros, uigor omnia complens.
Quin etiam interdum magnum per inane coactis
Forte his seminibus, dum se per mutua nectunt,
Nondum corporibus genitis in luminis oras
Exirent animi. quare fateare necesse est
Quo modò pugnabas, animos sine corpore uitam
Degere, nec semper duo se coniuncta tenere.
Ast alij penetralem ignem, sed corporis usu
Delabi ex superis aiunt, omnesq; per artus
Errare, & tacitas cordi submittere uires.
Quod perdelirum porrò est, cùm semina prima
Quattuor accedant, dum singula commiscuntur,
Adrepantq; solum, humorq; spirabile, & ignis.
sic nihil exanimum esset, sed uigor omnibus idem:
Omnia conciperent animo, exaudireq; posses
Aequè homines, montesq; feros, syluasq; loquentes.
Quod si erat absurdum, Parnassi è uertice sacro
Harmoniam traxere noua sub uoce Pelasgi
Quæ res cunq; foret numeris concordibus apta:
Delirum hoc itidem: nam quæ prudentia frugi
Exoritur graue mentis opus? quæq; optima rerum
Iustitia augustis ornauit legibus urbes?
Non etenim ex numeris sunt hæc, neq; fallere uerbis
Est animus, rectam aut dictis abducere mentem.
Forma anima, & quædam res est certissima, tale
Nil numeri, incolumi re abeunt, redeuntq; uicissim.
Quæ

Quæ potui strictim: nam dicere multa parantem
 Et uerbi nouitis uetat, & me cætera poscunt.
 Nunc cape dicta, quibus tutò iam credere possis
 Præceptis animum, & mercedem ferre laboris.
 Quantis omniparens Natura excellere rebus
 Humanum dederit decus, ut genus omne animantū
 Pareat huic ultrò, uel tandem seruiat uni,
 Concipe nunc agessis animo: nanque ipsa uidebis
 Quæ pelago ducunt uitam, quæ flumine subter,
 Omnia deberi nobis, quæq; æra tranant
 Pernices uolucres, & quæ pede lustra pererrant:
 Retibus insidiæ hinc inuenta, & fallere uisco,
 Hinc laqueo captare feras, catuloq; sagaci,
 Hinc prope pendentes scopulos, & gurgite ab imo
 Iam notum in siccam pisces deducere arenam:
 Ecquæ iam in nostros, quæ non conuertimus usus?
 Quin etiam & tygres homini, & parere leones
 Longa dies docuit, natæq; in montibus ursæ
 Informes errant placidè uacua atria circum:
 Stat bellator equus domini iam latus habenis,
 Iam patiens, iam frena ferox spumantia mandens,
 Et furit, & latos præbet calcaribus armos:
 Stant & oues niuæ lanis, quæ uestibus aptæ
 Murice suauè rubent, uiridi insectaq; colore
 Graminaq; atq; ipsos certent superare smaragdos:
 Ipsæ etiam pasta referunt distenta capellæ.

Vber

Vbera lacte domum:linquens & bucula lucos
 Ad mulctram uenit, & sera ad praeſepia nocte:
 Aspice ut indomiti quondam, nunc ſponte iuueni
 Plauſtrâ ferant, et toruus humû pulſat pede taurus,
 Attamen inflexo mox ſe ſe accinget aratro.
 Vis & naturæ partes, & magna parentis
 Munera, & ingentes terræ meminiffe labores?
 Hæc olus egregium, Betamq; Apiumq; Papauerq;
 Intybaq; & uirides Cauleis producit in annum:
 Hæc tibi Lactucis, herbisq; ſalubribus hortos
 Eſſe iubet latos, longosq; Cucurbita collo,
 Tortilis, & Cucumis ſemper ſua munera apud te:
 Non ego ſerpilli, aut Menta, et bene olentis Anethi
 Delicias taceam, aut Calthæ florentis honorem:
 Non ego pallentes Violas, & mollis Aſchanti,
 Narciſſiue comam ignotâ, indiſtâmue relinquam,
 Quid referâ aut Farris ſegetes? aut Ordea grandia?
 Aut Milium? Lentemq; et amanti culta Faſelum?
 An uos præteream diuini munera ruris
 Arboreos factus? quibus & conuiuia inimus,
 Felicesq; Deûm cœnas: quid cerea pruna,
 Quid nigra cômémorē? neq; enim ſapor omnibus idē
 Non color eſt unus, non idem temporis uſus:
 Vel quid mite Pyrum, aut cana lanugine Malum,
 Illorumq; genus uarium, aut ſilcam Luculle
 Poma tua? aut patrios referentia nomine Perſas?

Non

Non ego Castaneasq; nuces, Oleamq; Minerue
 Inuentum, dulcesq; uuas tua munera Bacche
 Transeam, & aërij Mellis cœlestia dona:
 Non mihi si linguae tot sint, quot dedala tellus
 Submittit flores, & quot poma educat annus,
 Illorum & genera, & percurrere nomina possim.
 An uerò tot muneribus feliciter auctum
 Nequicquam, ad lacrymas tantum Natura tulisset
 Humanum genus? atqui quod præferre uolebat
 Illa operi ingenti, reliquisq; animantibus unum.
 Posthabuit, felixq; animal dum ferre cupido est,
 Protulit infelix, miserumq; ignara futuri.
 Ah scelus, indignumq; nefas, ignara futuri
 Alma parens rerum? certis quæ legibus orbem
 Temperat, in minimis cuiq; est solertia rebus.
 Vel non infelix hominum genus, ultima uite
 Omnia lux secum si aufert? iniusta nouerca,
 Non altrix blanda, aut dulcis, sed suddola, fallax:
 Te'ne ego uel nostri generis Natura parentem
 Dicere, te'ne ausim rerum? nisi præmia uite
 Exacte perstent, solatiaq; ante malorum?
 Ecquisnam ærumnas, ecquisnam incommoda possit
 Enumerare, graues hominumq; referre labores?
 Nascitur infelix homo, ubi fastidia menses
 Longa tulere decem matri, uagitus & ingens
 Primum exauditur, uite monumenta futura:

Nasc

*Nascitur infelix, nec humo se tollere quicquam
 Aut pede, uel dextra potis est, nec repere quoquam,
 Cetera uti fuerunt animantia : sedula nutrix
 Vlnis ni excipiat (miserum, indignumq;) peribit.
 Frigoris ille quidem haud patiens in luminis oras
 Profertur nudus, nec sunt alimenta quibus se
 Recreet, & monitus naturæ deesse uidentur.
 Illa quidem reliqua hortatur mox nata subire
 Pellibus intacta, alterius non indiga curæ,
 Vbera lacte suæ matris distenta per herbam:
 Pars uillos, setas'ue gerit, pars uellere tecta est,
 Horrida pars spinis munita incedit acutis,
 Et uenientem audet petere, & propellere tectis:
 Vulnificas alijs ungues dedit arma, quibus se
 Defendant : alijs in leui cornua fronte
 Addidit, ultricesq; sedent in cordibus iræ:
 Quin uirgulta etiam, & truncos circumdat amaro
 Cortice, & à tristi defendit frigore brumæ.
 Quære genus uitæ illorum : non uinea falce
 Tondenda est, ualido nec humus uersanda bidente,
 Non curæ est curuo proscindere uomere terram,
 Et lappas, sterilesq; agris euellere auenas:
 Non adeò, dum altum cinxerunt æthera nubes,
 Illa timent segeti, & crepitanti grandine pallent.
 Proxima Dijs illis uita est : sunt gramina passim
 Mollia, sunt flores bene olentes, & bona poma,*

Mala, nucesq; genus uarium. quæ Dedala tellus
 Ut ferat, ut seruet multæ est obnoxia curæ.
 Vita hominum dura est, & plena laboribus omnis
 Quam mille inuadant morbi, & tenuissima quæq;
 Funditus euertant: qualis secretus agellis
 Nasçitur in cultis Hyacinthus, quem malus imber
 Nube nigra effusus malè perdidit, & decus illud
 Abstulit, & folijs omnem decussit honorem.
 Corporis heu pestes quot sunt? non maior arenæ
 Est Libycæ numerus: morborum copia mentis
 Est quoq; permagna: & quos non animantia norint
 Cetera: sunt illis optandi deniq; fines,
 Sunt & habendi: non auri male suada cupido
 Abruptum cogit conscendere nauibus æquor,
 Non se, animam, corpusq; unà pellacibus undis
 Credere, uentisq;, & stridorem audire procellæ.
 Sat uirides ollis saltus, intonsaq; lustra:
 Sat liquidi fontes, nigra quos protegit umbra
 Fraxinus, aut abies, uel acutis frondibus ilex,
 Qua super aeriæ sidentes dulce columbæ
 Ardenti sub Sole docent gemere undiq; syluas,
 Ut pote sollicitum quæ detestentur amorem.
 Qui furor, etsi alijs animantibus abditus hæret
 Visceribus, generi ille hominum in præcordia repsit
 Intima, cædiq;, & multorum est causa malorum.
 Vriiur infelix iuuenis miserè, ossaq;, & artus

Incend

*Incendunt tedæ ardentes, urbemq; peragrat,
 Vestigatq; altæ formosæ uirginis ades.
 Illa domi ingenuo assuescit parère pudori,
 Quam casta instituit mater, nec tollere uultus
 Audet humo, iuuenem si fortè inspexerit usquam
 Conniuentem oculis, & pectore suspirantem.
 At miser abrupto iactatus uortice amoris,
 Qualis ab Aetneis spirans fornacibus ignis,
 Huc, illuc rapidè fertur: non frigora noctis,
 Non imbres, Solis non spicula feruida tardant.
 Sponte suis stratis abiit, limenq; puellæ
 Obseruat pernox: non illum dicta parentis
 Abstrahere inde queunt, non multa concitus ira
 Iam frater, charæ pupugit quem fama sororis.
 Ergo armis putat obstandum, nec iam esse ferendum
 Audacem iuuenem, quare prorumpit, & ense
 Rem gerit, & patrios incestat cæde penates.
 Quòd si non alijs miserum, infelixq; uidetur
 Humanum genus, uno hoc accipe: cætera finem
 Non rerum meditantur, non tristi anxia cura
 Norunt, ut uita sit deniq; discedendum:
 Non lacrymas fundunt falsis formidine pœnæ,
 Morte obita Diuam tandem ad subsellia Regis
 Cùm causa in magna nobis dicenda corona est.
 Quare homines uita illustres, & fortiter ausos
 Certare, & sese, atq; alios superare ferendo*

Lata manent loca, quæ ipsa non deprendere mente
 Viuentes clausi tenebris, & carcere quimus.
 Hoc natura viros studio uenerata, labores
 Addidit egregios, pulchrè quibus exanlatis
 Aeternum sedeant alta ad Delubra Deorum.
 Quod superest, alijs rationibus exequar, at tu
 Volue animo, ad uerum tandemq; accedere disce:
 Heroës quorum pietas insignis, & omni
 Laude fuit maior, Diuûmq; simillima uita
 (Non ignota cano) quæ mox uentura minorum
 Temporibus fuerant, cecinere prioribus annis.
 Vis ea mortalis non est, quæ nosse futura
 Sic potuit: neq; enim tabulam uel dius Apelles
 Rerum gestarum media suspendit in urbe
 Fulgentem minio, lateq; Corinthio auro,
 Rem quæ ita mōstrauit. stant nūc quoq; perlege tu quæ
 Sacro ueridici fuderunt pectore uates.
 Hos felix quondam, & Diuûm gratissima Regi
 Sancta Palaestina tellus facta ipsa canentes
 Vidit, & ex illo scripta hæc sunt tempore nobis.
 Excidium patriæ multi, fata aspera flebant,
 Et superum euersum ui lamentabile regnum:
 Quos inter plectro Rex nil mortale sonanti
 Personuit dulcè, aliumq; & noua carmina dixit.
 Nanq; canebat, uti lapsis certo ordine seclis
 Regnator superum sortem miseratus acerbam

Huma

*Humani generis, quod cælo excluderat alto
Vnius ob noxam, mitesceret, & meliori.
Mente preces hominum audiret: quare adfore tēpus,
Ut suus ipse, suus natus, quemq; unice amaret,
Mortalem indueret formam, moribundaq; membra,
Cuius in aduentu pallentes undiq; morbi
Diffugerent, belliq; metus.
Hunc ubi iam edisset mater uirgo omnibus expers,
Venturos Reges quæ Sol caput exerit undis,
Myrrhamq; Aurumq;, & Panchaia thura ferentes.
His addebat, uti fugiens sæui arma tyranni
Cum puero ut primum genetrix uiridantia Nili
Tangeret arua Deos fore nusquam, oracula passim
Casura, arasq;, & laqueata, aurataq; templa.
Nec minus ut puer ad patrias contenderet arces,
Docturus latè populum, sanctumq; Senatum,
Proderet utq; unus quicquid cecinere priores.
His cithara aurata dum personat, adiungebat
Querentem matrem puerum, iam nulla neq; urbis,
Nec loca agri restant, quæ non uirgo optima lustret.
Ah dulcis uirgo iam ter Sol extulit alto
Oceano caput, & ter littore mersit Ibero,
Nec potius fessam, Cereris nec cura tenet te:
Quid tantum telluris obis! quid pectore ab imo?
Quid tot pallenti fundis suspiria uultu?
Ille adem ad patriam in conuentu arcana recludit*

*Rerum æternarum: diuino cuius ab ore
 Pendentes populi dicta aurea depascuntur.
 Quid loquar: ut caneret rerum miracula, uita
 Corpora defuncta, & reditura in luminis oras.
 Inuentus iam qui pedibus superare marinos
 Et possit fluctus, summas nec tingere plantas.
 Effer aquam uirgo, fluuijs caua dolia comple,
 Excipe fœtilibus, iam sunt mollissima uina,
 Ipsa tuis felix hilara conuiuia donis,
 Latitiâq; auge, magnis & honoribus urbem.
 Quid referam: ut fleret uatum de more suorum
 Cœlicolum extinctum crudeli funere Regem,
 Et matrem infelicem in summo uertice montis
 Ah miserè nati delentem ueste cruores:
 Aut ut narrarit triplici circumdata muro
 Moenia, pro uita, pro libertate suorum
 Ardua terribilis tecta expugnanda tyranni,
 Victoremq; Erebum uastantē, & nigra prementem
 Tartara, & exuias referentem Acherontis auari:
 Vix altè in cœli foribus suspenderat arma
 Ignibus è medijs rapta, & crudelibus oris,
 Et pater occurrit, suluaq; ab nube columba
 Vnigenam latè plaudentibus excipit alis.
 Omnia quæ quondam Rex magnus, & optimus ille
 Dum caneret, iussit charos ediscere ciues,
 Atq; hæc ipsa suis monimenta nepotibus esse*

Carmina, dum palmis diues florebit Idume.

A O N I I P A-

LEARII VERV-

LANI

De Animorum immortalitate,

LIBER TERTIVS.



VNC animis quæ sit sedes, quæ præ-
mia uitæ,

Quenq; bonum tandem maneant, quas
pendere pœnas

Conueniat fontes, properante quis undiq; Rege
Tolletur clamor, quæ signa futura, tubæq;
Expeditam diclis: tu nunc adsisce canenti,
Qui cœnatus apud Regem stellantis Olympi
Ipsius in gremio requiesti, & tempore Diuûm
Ex illo interpres fatorum arcana canebas:
Dumq; tibi, & matri solido de marmore templum
Instituunt Verulis Volsci, Marfiq; Latiniq;
Annua dumq; ferunt sacra, & solennia uota,
Huc ades, & me quadriiugo simul excipe curru,
Perq; Erebi uastas sedes, perq; aurea cœli
Me delubra pater ducta, remq; ordine pande

*Venturam, & qui sit fatorum immobilis ordo.
Postquam confectum mortalibus est breue uitæ
Curriculum, tenebris ubi Mors adoperta calorem
Vitæ extinxit, nec quicquam auditq; , uidetq;
Pallidulum, mutum, prorsusq; exangue cadauer,
Nosse potes peragrarè animam loca cognita nondum.
Nam pater omnipotens, æqui cui maxima cura,
Prospectans hominum mentes, scelere undiq; turpi
Tabentis, longè à patrio secedere cælo,
Nec reclamantes animos rationibus unquam
Deduxisse illos uitiorum è uortice turpi,
Supplicium horrendum statuit: quas pendere pœnas
Ah miseros cogit! cruciatibus ah quibus omni
Affectos iubet esse æuo tellure sub ima!
Illic uipereis turba est accincta flagellis.
Nox ibi perpetua, & semper caligine nigra
Est domus attonita, & graue olenti sulfure fumum
Igniuomi eructant montes, atramq; fauillam.
Vnde fluunt undis septem feruentibus amnes,
Qui simul immensum circumfluxere barathrum,
In glaciem montes, ipsi hi uertuntur in ignem.
Huc fontes animæ scelerum grauitate feruntur
Sponte sua: neq; enim superas se tollere ad auras
Concreta uitij possunt, cœlumq; tueri.
Quales nocturnæ uolucres ubi Lucifer alto
Exerit Oceano caput, & radiantia Solis*

Spicula discutunt tenebras, lucemq; reducunt,
 In tenebras sese abijciunt, ultroq; feruntur
 Quà deserta magis, quà sint tenebrosa sepulcra.
 Huc ubi deuentum est, informes undiq; larvæ
 Conueniunt, & supplicia ad crudelia cogunt.
 Pars circum insultans horrendis uocibus instat,
 Pars urgens facibus medios deturbat in ignes,
 Flammaramq; globos, ubi seclis mille peractis
 In glaciem proiecti altam, niuibusq; sepulci
 Plangore, & gemitu nequicquam tartara complent:
 Nanq; ubi quingentis riguerunt frigore seclis,
 Inferni aucti amnes latè feruentibus undis
 Insano magnos contorquent uortice montes:
 Fluctibus his mersi torrentibus, ut mala passi hæc
 Seclis sexcentis, repetunt ex ordine prima
 Supplicia, & nusquam miseris datur hora quietis.
 Nec sum animi dubius, multos ut inania nostra
 Carmina risuros: quoniam quæ corpora non sunt,
 Non flammæ, frigusq; pati, non uerbera rentur.
 Est hominum hæc audacia, quos præscribere cæli
 Non pudeat Regi. quid enim? quod iusserit ille,
 Non fiet? fac uelle, idem qui carcere clusit
 Mortali immortalem animam, quæ corporis expers
 Certè erat, efficiet, ne qui ditissimus æris,
 Diues agri, regi assimilis luxuq; epulisq;
 Omnis cui longum blandita obscæna uoluptas,

Impia quique arma, & crudelia bella secuti,
 Et vitæ leges radicitus euerterunt,
 Præmia sint eadem accepturi, atque optimus ille,
 Quisquis is est, spreto qui regno atque adibus aliis
 Pauperiem, & duros potuit perferre labores.
 Sanctum hominum genus hoc, veræ qui ad comoda vitæ
 Confluxere, illis non cura ut regia vestis
 Velaret leues humeros, nec Iaspide longi
 Ut pellucidula pulchrè digiti ornarentur:
 Non dapibus mensas onerare, ostroque superbo
 Discubuisse super, non tempora fundere uino;
 Non fora composito circum uolitare capillo.
 Dij quanti, qualesque uiri! quàm fortiter ausi!
 In flammæ illi abiecti, & crudelia passi
 Supplicia, iniusti, durique ante ora tyranni
 Haud uinci potuere, aut in contraria ferri.
 O fortunati quorum mens conscia recti:
 Saluete æternum heroës, quos aurea Diuum
 Regna manent, nunquam casura fluentibus annis:
 Nusquam illic curæ, nusquam dolor: omnia læta,
 Omnia tuta, animas tenet omneis una uoluptas.
 At contra tenebris clausos, & carcere cæco
 Luctusque, & curæ tristes, & sedulus angor
 Opprimit æternum, & qui unus dolor altus habetur.
 Iam norunt, solio ut poterant considerare Diuum,
 Ut poterant hominum, & cælestium adfistere Regi,
 Ætern

Aeternumq; frui luce omnipotentis Olympi.
Nec uerò si fortè aliquis bene uixerit, usquam
Deq; uia recti paulum declinet, in oras
Luminis aeternas subito properare fatendum est:
Ipsi etiam labe affecti, uitijq; leuati,
Queis longum obsessi fuerant, rectà ire putandi
Non sunt ad superos. ueluti cui plurimus insit
Visceribus dolor, & pigris uis tabida membris,
Non prius ad rectos potis est accedere sensus,
Ut iam iam amissa redeant in pristina uires,
Ingenuè quisquam nisi doctus Apollinis artem
Adsit, iam suetus curare salubribus herbis
Membra diu uitiosa, modis pallentia miris.
Multos ille quidem succos, multosq; liquores
Miscere instructus, Dictamnium, Absinthia tetra,
Doctorumq; hominum præclara inuenta ministrat.
Sic pater omnipotens, æqui cui maxima cura,
Qui bene de patria meriti, & uirtutis amore
Multa diu passi, si qua admifere pudenter,
Et quos pertæsum est scelerum, pacemq; per aras
Aeternum petiere suas, non destinat Orco:
Vnde haud egressus patet ullus, & ostia claudunt
Sexcentum pondo, & multa rubigine uectes.
Sunt Erebi geminae portæ, quarum altera Solis
Spectat ad occidui terras: hac undiq; tristes
Succedunt animæ uitæ fugiente calore:

Hanc

*Hanc ualua nulla claudunt, sed limina pernox
Ipsa dolor seruat, spinas ægrè inter acutas
Ille iacens squallet macie, & uix ossibus hæret,
Atrox, terribilis, dextram, & læuā implicat angue,
Latè oculis ignem spirans, mirabile dictu,
Letiferum spumis mixtum uomit ore uenenum.
Vestibulo is positus custos, sacra ostia seruat,
Nec renocare gradum quenquam sinit. altera longè
Porta est, purpureus qua Lucifer exerit ante
Phœbeos radios iubar, & noctis fugat umbras:
Hac iter ad superos, si quando hæc ipsa pateret,
Hac iter Elysium, qua Rex stellantis Olympi
Traduxit notos diuino carmine uates:
Post illa clausa, & Regis signata sigillo est.
Sed quia nec digni cœlo, nec carcere claudi
Inferno, statuit Rex æquus, & optimus ille
Delere assumptam labem, decus, atq; uigorem,
Auramq; ætheriam donis felicibus auctam
Reddere Dijs similem, & dignam penetralibus altis.
Ergo quale aurum accensis fornacibus igne
Excoctum multo, tabem felicius omnem
Exiit acceptam, & formam magis induit auri:
Sic animæ, quas ille diu tenet acrior ardor,
Æternùm abijciunt concretam corpore labem:
Nam gyro ærio, qua corruit aureus ignis,
Vicinasq; urit nubes fernore cornusco*

Extremas inter diffusilis aëris oras
Panditur hisce animis sedes uenientibus ultro,
Quaq; magis gravitate carent, se se altius auris
Aetherijs tollunt, donec iam funditus omnis
Torrenti flamma uitiorum exaruit humor,
Atq; exesa omnis circum rubigo fathiscit.
Ast alij sedem latè, longeq; repostam
Extra anni, Solisq; uias dixere, laborum
Immunem hospitiumq; uelut bene dulcis amici:
Quandoquidem Regis non est florentis honore,
Florentis pietate, suos quos legerit ante
Stellarum cursum, & teneri cunabula mundi
Exercere odijs tandem statione peracta:
Quos propter natum, sua lumina, quem sibi fecit
Heredem rerum, cælo demisit ab alto:
Qui formam indutus nostram, moribundaq; membra
Oppressos morbi miserè gravitate leuaret,
Insignemq; notam longum impietatis inuistam
Deleret moriens, ueluti placidissimus agnus
Pro populo tristes animam positurus ad aras:
Non ita quæ spectant orientem littora Solem
Occiduis absunt terris, quas serus Olympo
Procedens tremulo perfundit lumine Vesper,
Ut vitium à nobis, quibus est hac morte pium:
Hinc uera pietate Cilix clarissimus, omni
Aetate absumpta in studijs feliciter istis,

Quæ

Quæ fuerint nostri repetens commissa parentis,
 Quidq; boni attulerit rerum moderator Iesus,
 Sustulit & uocem, & duplices ad Sydera palmas:
 Munera magna pater tua sunt, iam uicimus: ergo,
 Hostis habes: etiam captus non abiicit hastas
 Perfidus: hostis habes, iniecta nouissima plaga est:
 Si mortalis homo tantum nostram imminuit rem,
 Fare age quo cumulo nunc auxerit immortalis?
 Hæc calamo, hæc eadem diuinitus ore serebat
 Nonnullis bonus ille locis, queis credere par est,
 Perbelle ijs animos agere in regionibus æuum
 Securos, mundi uel si trans mœnia, uel si
 Ignibus in medijs degant candente fauilla,
 Dum bona venturi succedant tempora sæcli.
 Sic res ipsa quidem est, sed quam non cernere quimus
 Ipsi oculis rerum haud gnari, incertiq; futuri:
 Sed neq; ob id falsa est, quando quæ dicere possim,
 Sunt sexcenta quidem, quæ qui non uiderit, esse
 Falsa putes, uisa hæc dubio procul autumet esse.
 Quid si ego dixissem, ferres? nisi cognita multis
 Præclare scriptis hominum res tanta fuisset,
 Laserpici feris fontem manare Cyrenis
 Qui noctu latè torrentibus æstuet undis,
 Noctu dum tenebris humentibus omnia frigent,
 Et Phœbe auratis incedit rosida bigis:
 Cum uerò lustrat radijs Sol igneus orbem,

Ardentiq; omnem calfecit lampade terram,
Per Libya perquam gelidus labatur arenas:
Huc illud quoq; nunc spectat, quem nomine Graij
Dixerunt Magneta, lapis miro attrahit usu
Quodcunq; obijciatur ferrum, tactumq; quod illo est,
Ducit, & hoc itidem ueluti Magnesia cautes.
Huc agesis simul accedant adamantina saxa
Non iam concordi studio compacta tenentur,
Inq; odium mutatus amor, conflataq; longè
Inuidia ut soluant cogit uincla illa repente.
Crederet an quisquam? nisi res quæ cognita iam tum
Ipsa fidem faceret: nam quæ rationibus isthuc
Conferri possit, nihil est quod nosse queat quis,
Docta licet summi fuderunt carmina uates:
Fabula nanq; noua est per crebra foramina ferri
Magneta insinuari, est quod leuis abditus aër,
Et caua conueniunt plenis conamine magno:
Non adamas etenim magnetem excluderet omnem
Aëraq; quæ multo caua sunt magis, arida secum
Attraherent, stipulamq; & ligna absumpta senecla.
Ne'ue ego te exemplis externis demorer, addam
Nota domi assidue, quæ quondam incognita, quid ni?
Fallaci hac æquè fieri ratione negasses:
Saxa ubi gypsati effoderunt grandia serui
Aëriam accliuis posaturi in collibus arcem,
Arte laboratis super antra exesa caminis

Congeriem statuunt in formam fornicis alti:
Nec minus agricolæ duri rescindere ferro
Annosam quercum certant, atq; arte magistra
Aridulis nigram lignis explere cauernam:
Inde ubi forma pyra structa est, ex ignibus ignem
Ingentem paruis augent, sonat ardua saxis
Congeries, cæcis fornacibus ignis anhelat.
Illi instaurantes ornosq; , & fissile robur
Subijciunt, fructicesq; leueis, stipulamq; sonantem,
In bibulum cinerem quò saxa immania uertant.
Optimus hic operi cinis est: qui frigidus esse
Principio uisus: quem tu si asperseris unda,
Igne graui exuri circum uicina uidebis,
Et magnam attolli torpenti è puluere flammam.
Quòd si pingue oleum fundas, alimenta uidemus
Quod tamen esse ignis, subito uis deperit omnis,
Flammaq; continuò uictrix persusa repressa est,
Huc agesis animum referas: quì debuit unda
Auxilio esse igni? duo quæ pugnare necesse est,
Et flammam extingui aspergine pinguis oliui?
Quòd si iam nosti rationem reddere dictis,
Ipse quidem nihil obsto: etenim facile esse uidetur,
Quæ quiuis speclet, rerum iam effingere causas.
Omnibus hoc adeò est uitium mortalibus agris,
Notarum ut rerum causas scrutentur, & omnes
Vulgata illustrent dictis. quis semina flammæ

*Nesciat in silicis concreta, atque abdita uenis?
 Quis non in baccis proceram stipite laurum
 Nouit inesse? fuit tamen hoc mirabile quondam.
 Multa quidem nunc esse liquet præclara reperta,
 Quæ fieri nunquam dixere prioribus annis.
 Nam quæ res illa est? & non imitabile fulmen?
 Res aliter cecidit, positis incudibus urbes
 Iam magne ferrum exercent, fit fistula qualem
 Non oculis, non ipsi animo uidere priores,
 Fistula missura haud nequicquam ferrea bombos,
 Aut conflata ære ex cocto, liquidisq; metallis
 Præruptas arces caua deiectura columna:
 Inuentum præclarum, ingens, quod nos quoq; cælo
 Exæquat, loue nec solo iam maxima cæli
 Porta tonat, tantum non iam se iacet alumno
 Ida suo, & Cyclopum opera Vulcania tellus.
 Nanq; ubi perfecta est moles, treis sulfuris addunt,
 Treis falsi partes nitri, treis pulueris atrii
 Exusta ex corylo, aut lignis quorum indiget usus,
 Parte alia informant immuni pondere glandem
 Stridentem duro ex chalybe, plumbone recocto:
 Mox igne admoto misceri murmure cælum
 Incipit, & tonitru horrendo concussa uidentur
 Aequoraq; et terra, et domus omnipotentis Olympi.
 At perterricrepo sonitu picea undiq; nubes
 Attollit se eructans flammam, atramq; fauillam:*

ff

At

At simul irrupit uis eius, & impetus acer,
Procumbunt turres, æquatq; machina cœlo
Corruit, atq; altum dant saxa auulsa fragorem.
Quin & dum aduersis acies concurrere signis
Constituunt, fortesq; uiri prorumpere cornu,
Vidi ego sublato flammis ex aggere nimbo
Sulfureo heroas correptos fulmine centum,
Igniuomo centum transfixaq; pectora plumbo:
Dumq; iterũ, atq; iterũ molis fragor intonat ingens,
Vmbones, ocreas, galeas, ensesq;, uerutaq;
Vno ictu cadere, & coaceruari aggere magno,
Et latos multo respergi sanguine campos,
Altaq; maiori dilabi flumina cursu.
Fare agè, uel falsum est? & non imitabile fulmen?
Ergo multa modis miris fateare necesse est
Esse quidem non nota homini. penetralia Regis
Quis superũ inuĩsu, nisi quos Deus æquus amarit?
Quis'ue Erebi uastas sedes, nigrasq; lacunas
Accessit, uictorq; pedem cum laude reflexit?
O felicem illum uirtute, & munere Diuũ,
Crede olli: nam uera cãnit.
Treis igitur sedes statuit pater optimus ipse,
Quando non eadem nobis est palma parata.
Scilicet hoc sanctum est, nequid sperare precando,
Defuncti uita possint: sua præmia quenque
Certa manent, firmo certa; ex ordine pœna.

Hoc

*Hoc est iustitiam colere, & præstare Deum se.
Non etenim leges, hominum quarum indiget usus
Iustitiam expendunt: est qui uetitos Hymenæos
Contemptor Diuum inuasit, ferroq; parentem
Perdedit, & bello ciueis, fratresq; ueneno,
Ut parta insidijs liber regnaret in urbe,
Omnia fanda, nefanda ausus, quem ferre minores
Cum iam non possent, uictum popularibus armis
Dicere iusserunt causam acclamante corona:
Quare hominē usq; inuisum, iter patria arma tremētē
Pallentemq; modis miris formidine poenæ
Ad fora sublimem rapiunt, ibi poplite utroq;
Submisso caput ense humeris auellitur altum.
Non dedit ille quidem poenas, quas debait, annos
Ut pote qui multos alacris mala gaudia mentis
Posthabita est adeò insanius uirtute secutus,
Molitus cædemq; uirū exitiumq; bonorum.
Ergo aliās poenæ dandæ, nec morte dolores
Finiri sperandum: etenim sunt ultima nunquam
Secula illic, æternū ubi uita labore referta est.
Tū ne diu Baccho indulgens, Veneriq; nefandæ,
Pauperis agricolæ pinguem populatus agellum,
Ora, manusq; tui respersus sanguine fratris,
Non hic? morte obita ast, illic dabis improbe poenas.
Scilicet incolumis sextum iam consul in urbe
Atq; iterum fias, & tot demiseris ense*

Egregios diro ciues pallentibus umbris,
Sanguine sudarit, belloq; exarserit orbis,
Lumina tu patria claudas securus in aula?
Et iam sub terris placide, æternumq; quiescas?
Non ita, mi pœnas scelerata in morte rependes.
Non ibi iudicium corrumpes, nec reus auro
Te redimes grandi, nec cincta altaria circum
Effigies sanctorum hominum funalibus altis
Te te igni eripient, aris impostaq; thura:
Non in iudicium uersis crudeliter armis
Restitues dominum te te: sed tristia tandem
Funera post porro faciet manifesta fidem res,
Et quæ sint pœna, mihi post narraueris ipse.
Disce Deos colere, & dignam Dijs degere uitam,
Quin te animo constans instringis fortiter? & te
Affirmas? dictis sapientum assuesce moneri.
Nec uerò inuentis Gratum nos credere par est
Omnibus: est etenim nimirum Gracia mendax.
Nam quò illud spectat? post tristia funera rursus
Immemores cupiunt in corpora uelle reuerti:
Fabellæ Græcorum hominum: quid corpora linquunt
Prima animæ? quid solui opus est, in corpora rursus
Claudendas, uita quas cogas rursus abire?
Nascendum toties, si sit toties obeundum,
Nulla manet requies hominem, sedesq; beata
Nusquā igitur. quid tu mihi de flauo Rhadamantho?

Quid

Quid mihi de Elysijs tot garris Gracule campis?
 Quid mihi felices fingis: dicisq; beatos
 Aeternum, in mala quos opus est, luctusq; redire?
 Adde illud delirum itidem, quò expendere pœnas
 Commonstrent animas scelerũ, petere horrida fontes
 Corpora seclorum, & pecora inter degere uitam.
 Et, quod ridiculum est, aiunt, ut turpis adulter,
 Flagitium ne impune ferat, muliercula fiet,
 Ipsa uiris quæ se prosternat corpore toto.
 Pœnarum egregiæ laudes, præclara reperta,
 Flagitium scelere ut cumulent, & crimine crimen.
 Ad nos ergo animum refer, & uerissima dicta
 Accipe sis, mentemq; adhibe, quam impellere uerbis
 Veridicis possim, & uersu perfundere dulci.
 Postquàm sat terris actum, molemq; operosam, &
 Longæuam mundi mutari ex sedibus imis
 Cœlicolũ uisum Regi, nec iam amplius ulla est
 Progenies hominum cœli uentura sub axem,
 Iudicium sistet Rex omnipotentis olympi,
 Iudicium firmum, sanctum, ingens, quo genus omne
 Omne hominum in cõuentu aderit, qui in luminis oras
 Aduenere unquam, citius, seu serius illos
 Secla tulere, dies pariter quos abstulit atra.
 Non tamen id clàm, aut obscure contingere par est
 Ius summum, ius acre, manent certissima signa
 Temporibus certis, atq; aliè terminus hæret.

Primum etenim miserè ardebit terra undiq; bello,
 Et populi, Regesq; frement, sub fœdere pacis
 Euertent socij sociorum funditus urbes.
 Vexabunt alij patriam ciuilibus armis,
 Et desyderio, dira q; cupidine cædis
 Vulgò alacres tereti plangent caua tympana uirga,
 Efflabuntq; tubas, & raucis cornua bombis.
 Vastabunt agros pallentes cæde coloni,
 Incendent pagos alij, & splendentia aratra
 Ipse ipse horrendos pastor conflabit in enses,
 Ad bellumq; ultrò dirum armentarius ibit:
 Rura colet nemo, nusquam tellure subacta
 Vomere ducentur posito ad præsepia tauri.
 Frugiferi nusquam campi, rubus asper ubiq;,
 Et densi surgent frutices, lappa q; tenaces.
 Rastrorumq; experts, & adunca uinea falcis
 Incultis dulces committet sentibus uuas,
 Et longo crescent procera palmite uites,
 Et spissis nimium aërie ramalibus ulmi.
 Hinc ubi bella colent arua, & pax candida cessit,
 Undiq; prouenient frumenta angustius agris.
 Quòd si cura hominum accedat, rursusq; per artem
 Quisquam agros moueat, nullam pater ipse colendi
 Tum uolet esse uiam, frustra insectabere raistro
 Assiduus terram, frustra adniteris aratro,
 Nullæ tum segetes, nulla frumenta sequentur.

Nam

Nam talpæ Solis uisuri lumina nunquam,
 Curculioq; uorax, & longo uentre locusta
 Subripiunt quæ quis mandarit semina terræ.
 Adde etiam ingenteis pluuias, & tempore iniquo
 Triticeam in segetem latè Boream insultantem.
 Adde grauem dura concussam grandine aristam,
 Cùm iam flaua Ceres letis rideret in aruis.
 Mox fœda ex Orci tenebris adrepet Egestas,
 Mox & dura fames ruet, & radicibus herbas
 Auulsas glandemq; feret mortalibus ægris.
 O miseri quos dira lues, quos triste manebit
 Exitium! tu'ne ô cœli Rex maxime, & idem
 Optime quid? tu'ne ah tantas spectabis ab alto
 Aerumnas hominum, nec te miserebit, Olympo?
 Ira quousq; tua ô bone Rex?
 Scilicet id firmum est, atq; alta mente repositum,
 Et fatale quidem, nec tum tractabile numen:
 Esto, haud fas seruos Regi præscribere, Regi
 Parendum: fuerint quæcunq; ea fata feremus.
 Ergo pestilientis acris, miserandaq; cœli
 Incumbet populis uitio, sine ciuibus urbes
 Funestæ inuisi poterunt, sine rura colonis.
 Excedent dulci uita, nec ducere puram
 E cœlo quibunt animam, spirabile quando
 Corruptum latè strages dabit, & grauè olentis
 Vulgò fœtorem lacus exhalabit Auernei.

Tum iuuenes olim florentes, cum breue uitæ
Ver agerent, dura iam fessi ætate parentes,
Insatiabiliter flebunt, mœstæq; sorores,
Dum flauo longos soluent à uertice crines,
Pallidule efflabunt super ipsa cadauera uitam.
Nec minus interea falsò præcepta salutis
Inscribent alij, contraq; edicta piorum
Bacchantes edent insana uolumina uatum.
Tum per terricrepos sonitus per uiscera terræ
Iri ex auditum certum est, & motibus orbis
Insolitis, circum & cœli domus alta tremiscet:
Procumbent succussæ urbes, turritaq; tellus
Excutiet magno senior iam pondere nutans
Quod diu onus tulerat, longo pòst tempore collo.
At dum terribiles minitatur terra ruinas,
Et motu ingenti magnas tremefecerit urbes,
Non face Sol rosea ex alto se ostendet Olympo,
Sed caput obscurum densa inter nubila condet
Tristis, egens lucis, concedens is quoque fatis.
Lunai globus ipse etiam tabescet, & astra
Per noctem, ex undis, & cum iam surgere eis
Deberet Phœbus, nonnulla cadentia cernent
Attoniti passim iuuenes, trepidæq; puellæ,
Et tunc æ palmis longæ uæ pectora matres,
Percussiq; senes latè formidine Diuûm:
Interea nigrantem insanâ per æquora nimbum

Fulm

Fulminibus grauidū ferri, et maria omnia arenam
 Euomere, & magno compleri murmure pontum
 Accliuēs portus, iamq; oppida consternantem,
 Et salsos cœli tollentem ad nubila fluctus,
 Horrentes populi rerum nouitate uidebunt.
 Hinc ueriti, pater Oceanus spumantibus undis
 Ne ruat in terras, mediumq; mare omnia fiant,
 Ad iuga confugient prærupta, & rupibus abdent
 Se se conuexis, O æternumq; beati,
 Et uerè, dicent, qui olim melioribus annis
 Occubulistis, erant uobis qui ponere terra
 Vos possent patria, & tumulo concludere auito:
 Quæ nos exercet, quæ nos Diuū ira fatigat?
 Antra graues hominum uos ò miserata labores,
 Quæ nobis restant, ad quæ confugimus antra
 Corruite, integite. & finis uos sunt malorum.
 Has dum sollicito fundent de pectore uoces,
 Et tristi miseras iterabunt ore querelas,
 Audiet omnipotens, & maiestate uerendos
 Diriget ad lacrymas oculos perculsus amore.
 Mox igitur tonitru horribili fulgentia templa
 Concuiert cœli, liquidum flamma æthera lustrans,
 Quo syluæ, montesq; feri, & tremet undiq; tellus,
 Et iactata frement ponti tumida æquora circum:
 Ter solio assurgens, tensa ter pectora dextra
 Contingens leuiter, magni sacraria cœli

Iurabit Diuūm pater immutabile uerbum.
 Ergo purpureum quā Sol caput ostendebat,
 Mane nouo lucem referens mortalibus almam
 Procedet, radijs ardentia signa coruscis
 Signa dierecti superūm Crux aurea Regis:
 Cui quondam (quid nunc totum uulgata per orbem
 Carminibus repetam?) uitam sub imagine degens
 Humana Rex est ultrò suffixus Olympi:
 Ut quas nos scelerum par esset pendere pœnas,
 Ipse daret: pietatis is est cœlestibus ardor.
 Sustulit hæc ubi signa igitur dux maximus, arce
 Ex cœli creber tonitrus, clangorq; tubarum
 Complebunt omnem raucis mugitibus orbem.
 In summum deducta locum, flammescere cœli
 Incipiet moles longè candentibus auris,
 Ansanctiq; graues fauces, & tristis Auerni
 Ignitam efflabunt animam, nec tempore quoquam
 Antra Aetnæa nigram magis euomuere fauillam,
 Flammaramq; globos, uastis nec hiatibus æquè
 Expirare ignem tellus est uisa cauernis.
 Per sæpe interea fumantes æthere ab alto
 Prorumpent acri piceæ caligine nubes
 Fulminibus grauidæ, latè exurentibus omnia.
 Iam mare, non mare, at exusta magis aquor arena.
 Hæc urbes, eadem & montes incendia magnos
 In cinerem, & cœli fulgentia mœnia uertent.

Hæc

*Hæc rerum summa, hic ipsum manet exitus orbem.
Nunc uigor omniparens cœli de uertice summo
Aggredere ô, cantusq; moue, & sanctè ignibus illis
Ignauum flagrans æternis excoque pectus,
Vnde meam uox firma magis mentem ipsa sequatur
Arcanas rerum leges, & fata uidentem:
Quippe nouum terris uideo luceſcere Solcm
Largius, & liquido uestiri lumine mundum,
Ac rerum uarias confestim ſumere formas.
Gramcm habent paſſim, et flores iam mollia prata,
Iam nemora alta nigras altis ſurgentibus umbras
Arboribus, folijsq; ſonant, & fronde uirenti
Prognata lenes zephyris florentibus auræ.
Iam roſa, iam uiolæ, iam purpurei narcifſi
Perbellè rident gemmantes rore per herbas.
Non adèò mixtum magnis Aquilonibus imbrem,
Non Auſtrum metuent nati ſine ſemine flores,
Non glacialis hyems, non intolerabilis æſtas
Aurea ſurgentis uertent bona tempora ſeculi.
Ver erit æternum, atq; eadem clementia cœli
Semper erit.
At rex omnipotens felicia tempora inert
Non torpere diu ſinet, & ſuccumbere ſomno,
Nec ruruſus morti eſſe locum: quare ipſe miniſtros
Auro fulgentes, & uerſicoloribus alis
Ante alta aſtantes donaria uoce uocabit:*

Ite

Ite decus iuuenes cœli, & clangoribus omnem
 Aethera complete, & tenues sine corpore uitas
 Antiquos artus, & corpora delaturas
 Proclamate die hoc eodem me iudice sisti.
 Aridula non tot uentis agitantur arena
 Per Lybia campos, desertaq; littora propter,
 Paruula non uariantis tot sub imagine formæ
 Corpora commonstrant radiati tela diei,
 Quàm multæ suberunt ultrò, citroq; uolantes
 Innocuæ, fontesq; animæ clangore tubarum
 Excitæ, & rauco sonitu: mirabile dictu,
 Ipsa olim deleta undis, absumpta senecta,
 Temporeq; extremo uitæ credita flamma
 Corpora, in effigiem ueterem se, & pristina fingent.
 Vnica in Assyrijs qualis felicibus ales
 Dicitur ex cinere, & redolenti puluere myrrha
 Thureq; Panchaið cunctantem sponte renasci
 Aureolis oculis, & pictis undiq; pennis.
 Nam si non res in nihilum queat ulla reuerti,
 Quando materies æterno semine constat,
 Et superat quiddam ipsis indelebile rebus,
 Par est dissidio collapsa, & funere tristi
 Posse iterum in dulcem reuocari corpora uitam.
 Non ne uides euersam æuo, & superante senecta
 Vlnum arctè complexam olim, nunc pulueris atri.
 Materiem putrem, & glebam telluris inertem,

Cum

Cum Zephyrus graditur pennis, & dulciter orbem
Recreat aduentu expectato, & lenibus auris,
Aut acino, aut ipsa surgentem uligine rursus
Pampineam, & fragili uiridantem stipite uitem?
Quòd si materia adduret non esse uidetur
Permagnum hoc, qualis Cyclops, aut arte magistra
Quicquam opifex alius, statuas hominū armipotētum
Quas ruit ipse, eodem curauerit ære refingi.
Grandia frustra legit, minimis nec parcit, & altæ
Porricit extēplò medios fornacis in ignes:
Hinc ubi pars omnis mistim est confusa metalli,
Aera fluunt liquida, & caulas stridentia complent
Compositas multa arte, uiri præstante labore:
Quippe magis puro hæc spirabunt signa metallo,
Inq; cauis latebris hæserunt mollius æra.
Antiquo pater omnipotens ex puluere fingi
Corpora pulchrè hominum fatorum ex lege iubebit:
Non ibi uel captos oculis, non corpore manco
Tardipedes uideas, nec morbis ægra trahentes
Membra, uel inualidos artus instante senectæ.
Mundus aget uer ipsum, ipsum florente iuuenta
Ver homines, erit & pubes, & idem omnibus æuum.
Ergo ubi clangorē ingenti taratantara raucum
Insonuere tubæ, & magnis mugitibus æther,
Terribiliq; omnis sonitu reboauit Olympus,
Pendentur cœli portæ, & stipante caterua

Innumera Rex egressus, legionibus ire
 Ordine composito, & præferri signa iubebit.
 Mox ubi quadrato fortis stetit agmine quisq;
 Atq; utrinq; acies ardentibus adstitit alis,
 Et passim hac illac se se explicuere cohortes,
 Frontibus æquatis Rex ardua castra mouebit:
 Quem procul ut nubes, cœliq; serena secantem
 Suspicient gentes, palmas ad sydera tendent,
 Ingentemq; vnà clamorem ad sydera tollent,
 Effusæq; ruent. ast illum iam propè factum
 Bisseni excipient procures, quorum aurea canam
 Cæsariem, & leuem cingent diademata frontem,
 Iustus de causis, & iam olim Regis amici.
 Quos penes aspiciens mixtos audere nocentes
 Infantes premere, & primos transmittere cursum,
 Et temere effusos ruere, & iam tollere uultus,
 Terribilis Rex, & furij accensus amare,
 Iamq; oculus flammam spirans, odiuinq; repostum,
 Ecquis erit modus? ecquis iam uos, inquiet, iste
 Audaces furor eludet? uos sistere contra?
 Et scelerum tabe, & perfusi sanguine dextras?
 Ite meæ quondam dulces curæq; laboresq;
 Ast odij nunc causa, & ineluctabilis ira,
 Ite domum in tristem, si quis pudor, ite ruentes
 Inq; picis nimbos, & flumina sulfuris atri
 Aeternum latè uobis torrentia flammis,

Iam

Iam tandem uobis dignas me iudice pœnas.
 At simul intonuit uox hæc, & conscia quenq;
 Vis animi, nec quicquã animo reticente momordit:
 Quisq; reus pallens ad leuam, & tristis abibit,
 Præcipitemq; dabit, se seq; in tartara condet,
 Luctifono in cassum conturbans omnia questu.
 Qualis ubi imprudens miles sub nocte maligna
 Carpit iter malè tutũ (istat timor, atq; animũ aufert)
 Excedens rectã syluis se immiscuit atris,
 Dum uia perplexum cura frustratur euntem,
 Castra inimica uidet latum se propter, & hostes
 Ignem ad nocturnum passim per gramina fusos,
 Suspenditq; pedem, & retro uestigia flectit:
 Mox ubi paulisper furtim concessit, anhelans
 Effugit hostili ex conspectu, atq; ocyor Euro.
 Rex ubi iam fontes secreuit, & expulit ultrò,
 Ceu quondam pastor, cui grex non pascitur unus,
 Ast ysdem in syluis & oues, olidæq; capellæ
 Lanigeros hirtis agnos secernit ab hædis,
 Lasciuos placidis hædos discludit ab agnis,
 Amplexus placidè heroas complexibus arctis
 Hæc, dextræ lacrymis dextras cùm iunget abortis,
 Dulciter, & uultu trepidantia corda serenans:
 Vos ne ulli maneant usquam me iudice luctus?
 Vos thura, atq; animum nequicquam mi dederitis?
 Has uobis sedes, uobis hæc munera seruo

Iam

*Iam pridem, nusquam casura fluentibus annis
 Aurea regna, decent uos hæc, humaniter & me
 Vos excepistis toties, atque agra trahentem
 (Nudus erā memini) membrā, & texistis amictu,
 Et uestro toties illo recreastis amore.*

*An fugit & uos quondam cū rerū omniū egenos
 Egregia inuistis ope, & mœrore leuastis?*

Quippe & erant illi sanguis meus.

*Ergo agitè intertextam auro, uiridiq; smaragdo
 Singlatim chlamydem accipite, et mea sumite dona,
 Quæ pueri quondam dilecti, & sæpe rogantes
 Non tulerunt, ausi nimium se credere formæ.*

Iam nostis, res uel cælo iam notior ulla est?

*Hac etenim indutos magna ad penetralia Diuū
 Indugredi, & nostris par est accumbere mensis.*

*Tum chlamydem cuiq; auratā, quā ferre maniplos
 Iusserat, expediet, donā omnipotentis Olympi,
 Arte laboratam egregiè, manibusq; deorum.*

Vix illa induti liquidum super æthera raptim

*Tollentur. Regiq; cœnent de more cohortes,
 Et tuba terribilē, et repetēt caua tympana bombū.*

Iamq; unā emensi liquidas perniciter oras,

Aurea flammantis cœli delubra subibunt.

*Ecce autem in foribus pater ipse occurret amicis
 Camicie, trabeaq; & maiestate uerendus.*

Agnoscent proceres longo iam tempore uisam

Effigiem: simile haud etenim est (ut dicitur) æquè
 Lac lacti, non unda undæ, non ignibus ignis
 Atq; olli pater, & ni sint iam tempora cana,
 Amorum quisquã haud queat internoſcere uultus.
 O quantam mihi tu, & qualem dulciſſime gentem
 Nate reſers! quàm hilare accipio, quàm pectore toto!
 Hæc ille, atq; omneis intra aurea tecta uocabit
 Aclutum magni læta ad conuiuia Regis.
 Ipſe ſibi ad dextram natum, teq; optima Virgo
 Victtricem, præclare actò Regina triumpho
 Ad læuam pulchra in palla, gemmiſq; nitentem
 Componet, proceresq; alios ex ordine lectos.
 Hinc ubi diuinis epulis, & neclare ſancto
 Explerit, vinum ex adyto, celliſq; repoſtis
 Proferet annosum pater, & cratera coronans
 Libabit prior, & nato dum porriget, ore
 Dum tenuſ attinget natus (mirabile dictu)
 Inter utrunq; latens raptim per pocula ſerpens
 Innocuus, multoq; ignis candore coruſcans
 Miſcebit ſe auro: uelut ſub Sole tepenti,
 Mane iugis canis gelidus cùm liquitur humor.
 Mox cratera altè ſpumantem, atq; undiq; plenum
 Expediet Rex conuiuiſ: illi ordine longo
 Accipient, reddentq; uices, & dulce bibentum
 Præpediet ſenſus laticis diuina uoluptas.
 Ergo ubi ſedatus tandem ſitientibus ardor,

Vnà omnes ad patrem uersi, immota tenebunt
 Lumina, dum natum complexibus implicat arctis,
 Dum treis ante torum cœlestibus excitat aras,
 Flammantemq; animam diuinis naribus efflat.
 Ille ut coniectos oculos mirabitur in se
 Conuiuarum omnes, longo non tempore uisos
 Ornatus, trabea indutus quos integit alta
 Recludet, series quibus est longissima rerum
 Picta peregre regiè, præscriptaq; nomina Diuùm,
 Et quas nūc animo cōprehēdimus haud bene, forma,
 Effigiesq; auro, & tenui sunt stamine ductæ,
 Dives opus, textum non enarrabile, centum
 Ora mihi ex solido, si sint conflata metallo,
 Verba fluant, quales insana per aquora fluctus.
 Dum uerò intere à superūm domus alta silescit,
 Vox ingens, qualis tonitrus, prorumpere cœlo
 Audita, & latè sonitu increbrescere rauco,
 Adspicite, obtutuq; oculos defigite in unum,
 Vnus ego omnipotens, ego Rex hominumq; Deumq;
 Aeternumq; bonum, simplexq; & summa uoluptas.



QVOD

QVOD BONVM FAVSTVM FELIX
FORTVATVMQ. SIT
QVOD SANCTISS. VIRI CHRISTIANI
FIRMVM ESSE DVXERINT
ID IN NOSTRIS LIBELLIS
FIRMVM SANCTVMQ.
ESTO
QVAE A PATRIB. SCRIPTA
DIVINITVS
SACRA SOLENNIA PERPETVA
MANENTO







C. JOS. M.³ LAIS EP. HIPFON.

EX LIBRIS B. M.

